





[Faint, mostly illegible handwritten text in a cursive script, likely Italian or Spanish. The text is written on aged, stained paper.]

[Marginalia on the left side:]

23

[A dark, rectangular object, possibly a binding reinforcement or a piece of tape, is visible at the bottom center of the page.]

INTRODVCTIONIS
IN LOGICAM,
Siue
TOTIVS LOGICAE
Compendij Absolutissimi.
Libr. VI.

*In quibus, non solum quæ ab Aristotele de re Logica scripta
sunt, sed etiam quæ ab alijs addita fuere, brevi
facilique ratione continentur.*

Quibus accessit Catalogus locupletissimus Auctorum,
qui de rebus ad Logicam pertinentibus, vel in libros
Logicos Aristotelis aliquid scripserunt:

AUCTORE LVDOVICO CARBONE

A. COSTACCIARO,

Academico Parthenio, & sacrae Theologiae in aimo Gymnasio
Perusino olim publico Magistro.

CVM PRIVILEGIIS.



VENETIIS, MDXCVII.

Apud Io. Baptistam, & Io. Bernardum Sessam.

INTRODUCTION

IN A LETTER

TO

THE

MEMBERS

OF

THE

ROYAL

ACADEMY

OF SCIENCES

AND

ARTS


OF

THE

FRANCE

Handwritten signature

Handwritten signature



1788

Paris

Printed

D. SERVILIO T R E O

I.V.D. Excellentissimo,

LVDOVICVS CARBO

S. D.



Va omnia in libris nuncupandis spectanda sunt, ea in te praecipue, Excellentissime Treo, inueniri, iam diu plane perspectum habeo. Vnde fit, vt si cui hac mea lucubratio consecranda erat, tibi priuatim consecrari posse, ac debere existimauerim. Primum quidem, quod eius Patronum optimum contra calumniatores, si qui erunt, te fere omnino confido: vt qui in patrociniando tot iam annos, summa cum laude verferis, aliasque meas lucubrationes celebrare apud omnes soleas. Quare, si ullus vnquam meus libellus sub alterius patrocinio tuto foras exiuit, hic sub tuo tutissime exire poterit: cum nemo ita ad calumniam dum sit propensus, quem tua auctoritas a ca-

luminando detertere non queat. Deinde, si ijs
potissime opera dicanda sunt, quibus se pluri-
mum homines debere sentiunt, ex hoc sane ca-
pite ad hos meos labores omni animi studio ti-
bi consecrandos, causis non leuibus impulsus
sum. Nam, ut paullo ante dicebam, cum te a-
pud multos meorum scriptorum eum predica-
torem habuerim, qualem alium fortasse nemi-
nem; profecto non poteris non defendere id,
quod tue priuata fidei commissum fuisse vi-
debis. Optime nanque noui, te non modo meis
scriptis, quæ de arte dicendi in lucem dedi, mi-
rifice delectari; sed etiam ad ea sibi comparan-
da alios sæpe fuisse hortatum. Et, quæ tua fuit
humanitas, ea aliquando apud viros doctos de
me dixisti, quæ ego, ne cogitare quidem, un-
quam ausus fuisssem. Quare, cum nihil homi-
ni in hac vita possit optatius accidere, quam
a laudato laudari viro; tantum me tibi debe-
re sentiebam, quantum hac mea lucubratio-
ne, si rem solam oblatam spectes, me persolue-
re non posse plane intelligo. Huc accessit, quod
post initam inter nos amicitiam nonnullis mi-
neribus me ornaſti, quibus, etsi non nihil red-
didis par tamen pari (etiamsi cum illis eas
laudes connumerem, quibus te celebrare so-
leo) non reddidisse, haud ignoro. Neque enim
tantæ sunt mee, vel animi, vel fortuna opes,

ut

ut tecum utroque bonorum genere locupletis-
simo certare queam. Ne igitur ingrati animi
vitio, quo nullū est maius, abs te accusari pos-
sem; hoc nouum munusculum tibi mittere vo-
lui: & ut apud omnes testatum relinquerem
quantum pro tua in me beneuolentia, me tibi
debere sentiā. Quas duas attuli huiusce mea-
nūcupationis causas, ea sunt quidem graues;
sed quam nunc subyctam, est omnium grauissi-
ma, tua nimirum virtus, egregiaque animi
ornamenta, quæ tibi tu studio atque labore pa-
raisti: ut ea omittam, quæ a benefica in te naty-
ræ tibi tributa sunt, aut aliunde accessere; ge-
neris nobilitas, patriæ splendor, corporis do-
tes; quæ, cum extrinsecus adueniant, mino-
rem merentur laudem. Si itaque, ut omnes vi-
ri docti fatentur, vni soli virtuti verus debe-
tur honos, & qui alterius virtutes norunt, ni-
iniusti videri volunt, eius opinionis quam de
aliquo habent, debitum fructum reddere de-
bent; profecto, cum quantum doctrina mori-
busque excellas ex alijs cognouerim, atque ip-
se viderim, non solum hanc lucubrationem ti-
bi honoris causa consecrare debui, sed etiam
longa oratione tuas virtutes celebrare debe-
rem: faceremque, si vnius, vel alterius pagina
angustijs ea includi possent, quæ iusto vix li-
bro explicare liceret. Ne itaq; de maximo tua

orum laudum cumulo aliquid detrahere velle
videar, cum is non parum detrahat, qui leui-
ter laudat, quæ & quanta sint animi tui orna-
menta alijs proponam; ex quibus qua sis laude
dignus facile intelligent. Tua itaque, optime
Sexuili, in Deum pietas, in patriam caritas, in
pauperes misericordia, in amicos obseruantia,
in clientes fides, in reos clementia, in omnes
affabilitas & munificentia, aliaque virtutes
omnes, quibus ornatus es, te omnium celebra-
tione dignum reddunt. Tu nanque semper re-
ligionem coluisti, iura &que seruasti, & Chri-
stianæ pietatis, ijs qui tuæ honestissimas vita
rationes norunt, claram significationē præbui-
sti: tu patriæ tuæ iura, ac priuilegia, immuni-
tatesque, summo cum labore, prudentiaque sa-
pe defendisti, eiusdemque causâ multas Le-
gationes suscepisti, & susceptas sapienter obi-
uisti: tu tuæ ciuitatis pauperes incolas & agri-
colas a grauib; oneribus liberaſti, eorumque
causas sola pietate commotus egiſti; quod qui
faciunt, quam proxime ad cœlestem Patrem
accedunt: tu tuos ciues in consensione & pace
retinuisti: tu deniq; aliorum rem, famam, ho-
norem, vitamque contra iniquitatem sepiſsi-
me conseruaſti, nec quemquam tuam opem iu-
re implorantem, vnquam repulisti. Sit mihi
non falso adulatori, sed vero laudatori, eorum
quæ

qua dixi testis *Vtinum* patria tua, totusque
Vtinensis ager: sit *Tarvisum*, ubi *Vicarius*
summa cum tua laude, & omnium approba-
tione fuisti: in quo munere gerendo, ita tuae
prudentiae, constantiae, & iustitiae omnem in
partem splendorem diffudisti, ut iure optimo
cives omnes, & speciatim pauperes, quorum
tu iuuandorum mirifico desiderio exarde-
scis, tibi omnem felicitatem sapissime sine
comprecanti, idemque nunc te absente faciant.
Sit *Vicetia*, ubi nunc eandem personam agis,
& ita iustitiam administras, iuraque dicis, ut
doctissimi quique tua responsa, quasi oracula
quadam admirentur, ac celebrent. Hac dum
agis, non adumbratam quandam, sed luculen-
tam, expressamque formam administrandae
iustitiae alijs exhibes: dum, inquam, sagaciter
omnia peruestigas, improbos coerces, innocen-
tes tueris, suum cuique tribuis, aequitatem ser-
uas, nec amore, nec timore, nec ulla alia a-
nimi perturbatione, cum omnibus vacas, ab in-
iusto unquam te dimoueri sinis. His itaque in lo-
cis, sicuti & *Venetijs*, ubi de tuorum civium bo-
no saepe, ut publicus minister egisti, non solum
earum quas dixi virtutum, sed etiam singula-
ris tuae eruditionis, id indicij dedisti, ut te om-
nes Iuris utriusque peritissimum, Oratorem
egregium, & omnium bonarum artium do-

Elrīna ornatum esse plane cognouerint; & id
in te admirati sint, quod in paucis reperitur,
doctrīna cum rerum agendarum ratione con-
iuncta. Quotus enim quisque est, qui cogni-
tione, & actione excellat, ut tu Sernili facis?
Eloquentia vero, tunc priuatum specimen ex-
hibuisti, cum orationem non ieiunam, non nu-
dam, sed rerum genere eruditam, varietate co-
piosam, sententijs illustratam, verborum sele-
ctione cultam, schematibus pictam, atque di-
cendi forma ornatam, apud Illustriss. Palmæ
noæ Urbis aedificandæ Præfectos, ut unus e se-
ptem Designatis, habuisti: quam vir eruditus
& eloquens Augustinus Michaelius, ne tanta
bono bonarum literarum studiosi carerēt, tua
eum laude in lucem dedit. Itaque, tu Iurispru-
dentiam non indotatam, incommutatam, atque
incomptam apud te esse voluisti; sed eam ver-
borum dote locupletasti, cæterisque artibus or-
nasti. Quo fit, ut quæ amplissimæ laudes Iuris-
prudentiæ, & Eloquentiæ tribui solent, tibi
I.V. & Oratoriæ facultatis peritissimæ de-
beantur omnes. Tuis itaque virtutibus, tua do-
ctrina, tuisque rebus gestis, ad eos dignitatis
gradus, qui sunt in tua Ciuitate supremi, &
speciatim ad eum, quem Deputatum vocant,
peruenisti, atque omnium, qui te norunt, be-
neuolentiam conciliasti, quotidieque concilias:

ut

*ut nemo sit, qui de te aliquid audiuerit, qui in
tuam amicitiam sese insinuare non studeat.*

*Quare, gratias habeo immortales Mag. Mar-
co Marcello mihi multis de causis amicissi-
mo, & sacra Baptismi affinitate coniuncto,
cum per eum mihi ad tuam amicitiam aditus
patuerit. Cum ergo praeclara animi tui orna-
menta, ut dicebam, sint omnibus explorata;
quid est, cur ego toga oratione ea celebrare de-
beam? Hic igitur esto meae nuncupationis fi-
nis, quam eo animo excipias cupio, quo a me tibi
offertur; grato nimirum, atque beneuolo: id,
si tu feceris, ego operam dabo, ut alias aliquod
maius meae erga te observantiae extet testimo-
nium. Vale.*

8

Venetijs Non. Iun. 1597.

INDEX

CAPITV M

SINGVLORVM

LIBRORVM.

LIBRI PRIMI CAPITA.

D E nominibus Logicę. Cap.1. pag.1.	
De Logicę natura, siue de eius ma- teria, & forma. Cap.2.	3
De causa efficienti, siueque Logi- cę. Cap.3.	6

Quę sint in rebus cognoscendis impedi-
ta, & qua ratione in rerum cognitione ve-
niatur, vel res ad nostram intelligentiam
veniant. Cap.4. 8

De officio, instrumentis que Logicę. Ca.5. 14

De vtilitate & necessitate Logicę. Cap.6. 15

De Logicę diuisione, partibusque. Cap.7. 16

De methodo, quid, & quotuplex sit, & quę
eius vtilitates. Cap.8. 17

Libri Secundi Capita.

DE huius libri subiecta materia, & ordi-
ne. Cap.1. 20

Quid, & quotuplex sit terminus vniuerse sū-
ptus. Cap.2. 21

De termino vocali significatiuo, & de vniuocō,
ana-

I N D E X

co, analogo, & æqui uocq. Cap.3.	24
Afferuntur aliæ quattuor terminorum diuisiones. Cap.4.	26
Afferuntur aliæ tres terminorū diuisiones ex quātitate significationis sumptę. Ca.5.	29
Afferuntur aliæ terminorum inter se comparatorum diuisiones. Cap.6	30
De terminorum accidentibus, siue affectionibus. Cap.7.	32
Quotuplex sit suppositio, siue de speciebus suppositionis. Cap.8.	34
De suppositionis affectionibus. Cap.9.	39
Qui & quot sint termini p̄dicabiles. Ca.10.	43
Explicantur quinque voces prædicabiles, genus, species, differentia, proprium & accidens. Cap.11.	45
De prædicamentis vniuerse. Cap.12.	49
De substantia, quid & quotuplex sit, & quæ eius proprietates. Cap.13.	51
De quantitate. Cap.14.	53
De qualitate. Cap.15.	54
De relatione. Cap.16.	56
De actione & passione. Cap.17.	58
De cæteris categorijs, Vbi, quando, situ, & habere. Cap.18.	59
De postprædicamentis. Cap.19.	60
Quorundā terminorū explicatio. Ca.20.	62
De definitione. Cap.21.	66

INDEX

Libri Tertij Capita.

Q Vibus de rebus, & quo ordine agendum fit. Cap.1.	72
De nomine & verbo. Cap.2.	73
De oratione. Cap.3.	75
De enunciatione, seu propositione. Ca.4.	77
De propositionis affectionibus, & speciatim de quantitate, & qualitate. Cap.5.	79
De oppositione. Cap.6.	83
De æquipollentia. Cap.7.	86
De conuersione. Cap.8.	88
De propositionibus modalibus. Cap.9.	90
De modalium qualitate & quãtitate. Ca.10.	92
De modalium oppositione. Cap.11.	94
De modalium æquipollentia. Cap.12.	96
De modalium conuersione. Cap.13.	98
De enunciat. cõiuncta, siue Hypothetica quid, quotuplex, & qualis sit. cap.14.	100
De alijs accidentibus enunciationis coniu- ctæ. cap.15.	102
De enunciatione exclusiua. cap.16.	105
De enunciationibus exceptiuis. cap.17.	108
De reduplicatiuis. cap.18.	110
Qua ratione propositiones, quæ comparatio- ne, & superlatione constant, & quædã alia verba exponantur. cap.19.	111
Explicantur distinctiones quædam quarum maior est vsus. cap.20.	112

I N D I E X

De diuisione, quid & quotuplex sit. c. 21. 116

Libri Quarti Capita.

Q Vid & quotuplex sit cōsequētia. c. 1. 121

De regulis cōib. bonę cōsequē. c. 2. 124

Quid & quotuplex sit argumentatio. ca. 3. 126

De syllogismi materia & forma. ca. 4. 130

De syllogismorū figuris modisque. ca. 5. 132

De prima figura, eiusq; modis, & reg. c. 6. 135

De secunda figura, & eius modis, ac regulis.

cap. 7. 138

De tertia figura, & eius mod. ac regul. c. 8. 140

De syllogismorum imperfectorum probatio

ne per reductionem ad perfectos. c. 9. 142

De medij termini inuentione. cap. 10. 145

De quibusdā potestatibus, & defectibus syl-

logismi. cap. 11. 148

De syllogismo ex obliquis. cap. 12. 150

De syllogismo expositorio. cap. 13. 152

De syllogismo modali. cap. 14. 155

De syllogismo hypothetico, siue coniuncto.

cap. 15. 157

De enthym. Inductione, & Exēplo. c. 16. 160

Qua ratione omnes species argumētationis

ad syllogismū reuocari possint. ca. 17. 162

Libri Quinti Capita.

DE syllogismo demonstratiuo. ca. 1. 165

De syllogismo probabili, siue dialecti-

co. cap. 2. 170

De

I N D E X

De medio dialectico, siue de loco, quid, & quotuplex sit locus. cap. 3.	172
Qui, & quot sint loci dñiæ maxime. cap. 4.	175
De loco definitionis, descriptionis, & etymologia. cap. 5.	176
De loco coniugatorum. cap. 6.	179
De loco totius, & partium. cap. 7.	180
De loco cāe materialis, & ei⁹ effectus. c. 8.	184
De loco causse formalis, & ei⁹ effect⁹. c. 9.	185
De loco causse efficientis, generationis, & v- fus. cap. 10.	188
De loco causse finalis, eiusq; effectus. c. 11.	190
De locis antecedentium, & consequentium. cap. 12.	193
De loco adiunctorū, siue circūstātū. c. 13.	195
De loco similiū, & dissimilium. cap. 14.	196
De loco comparatorum. cap. 15.	198
De loco oppositorum. cap. 16.	200
De loco repugnantium, siue diuerforum, ac disparatorum. cap. 17.	203
De loco auctoritatis. cap. 18.	204
De recto locorū, doctrinæq; dialecticę v- su. cap. 19.	206
De syllogismo sophistico, & qui dicantur so- phistæ. cap. 20.	210
Vnde oriatur, & quo tendat omnis sophisti- cus syllogismus, & qui sint loci sophistici. cap. 21.	212

I N D E X

De fallacia æquiocationis. cap. 22.	214
De fallacia Amphiboliæ. cap. 23.	215
De fallacia cōpositionis & diuision. c. 24.	216
De fallacia accentus. cap. 25.	220
De fallacia figuræ dictionis. ca. 26.	221
De fallacia accidentis. cap. 27.	223
De fallacia eius, quod dicitur simpliciter, & secundum quid. cap. 28.	225
De fallacia ignorationis Elenchi. cap. 29.	226
De fallacia petitionis principij. cap. 30.	228
De fallacia consequentis. cap. 31.	229
De fallacia non causæ, vt causæ. ca. 32.	230
De fallacia plurium interrogationū, vt vnius. cap. 33.	231
Tradūtur admonitiones quædam ad omnia sophismata facile dissoluenda. cap. 34.	232
De recta differendi ratione, siue præcepta in disputando seruanda. cap. 35.	234
<i>Libri Sexti Capita.</i>	
Q uibus de rebus, & quo ordine agendū sit. cap. 1.	241
Quæ, & quot sint intellectus humani opera- tiones. cap. 2.	242
Quæ sit trium operationum intellectus natu- ra. cap. 3.	244
Quales sint tres intellectus operationes. c. 4.	247
De nomine intentionis, vnde dicatur, & quas significationes habeat. cap. 5.	251

I N D E X

Quotuplex sit intentio vniuerſe ſumpta.ca.6.	253.
De diuiſione primæ, & ſecundę intentionis.	cap.7. 255.
Explicatur primarum & ſecundarum inten-	tionum natura. cap.8. 257.
Explicantur dubitationes quędam circa ſecu-	das intentiones. cap.9. 259.
Quibus modis ſumatur ens rationis, & quę	ſcientiæ de eo agant. cap.10. 264.
Quid ſit ens rationis & quomodo exiſtat, & a	ſecundis intentionibus differat. cap.11. 267.
An vniuerſalia ſint, & ad quẽ artificem eo-	rum conſideratio pertineat. cap.12. 272.
De cauſa efficiente vniuerſalium. ca.13.	275.
Quid, & quale ſit vniuerſale. cap.14.	282.
Explicantur quędã dubitationes circa natu-	ram & proprietates vniuerſalis. c.15. 284.
Explicantur dubitationes quędam circa ea,	quę dicta ſunt de vniuerſalibus. c.16. 288.
De ſcientiarum artiumq; diuiſione. c.17.	291.

Indicis Capit. Finis.

I N D E X

R E R V M

NOTABILIVM.

A



Abolutum quid.	fol. 28.
Abstractum quid.	28
Accentus fallacia quid.	220
Accentus fallaciæ species quot.	220. & 221
Accidens duplex.	49
Accidens quid.	48. & 49.
Accidens vniuersale, & singulare, an sit in subiecto, & de eo dicatur.	51
Accidens quot accipiatur modis.	63
Accidentis fallacia quot modis fiat.	224
Accidentis nomine quid intelligatur, quando fit accidentis fallacia.	223
Accidentis fallacia quid.	223
Actio & passio sunt re idem.	58
Actiones humane cum recte fiant.	234
Actiõis & passionis diuisiones duæ.	58. & 59.
Actiõis & passionis proprietates.	59
Actio quid.	58
Actio quot habeat in se.	58
Adiunctorum locus in quo discrepet a loco antecedentium.	fol. 195
Adiunctorum modi argumentandi.	195
Adiunctorum quot sint genera.	195
Aequipollentia quid.	86
Aquipollentia, vt conficiatur quæ obseruanda.	86. & 87.
Aquipollentium ex dicto particulari tabellæ.	96
Aquipollentium modalium ex dicto vniuersali.	97
Aequiuocationis fallacia quid.	214
Aequiuocationis fallaciæ species quot.	215
	b
	Acqui-

INDEX

Aequiuocus terminus quid.	25
Affirmatio quot modis præcedat negationem.	247
Alienatio quid.	42
Amphibolię fallacia quot formas habeat.	215. & 216.
Amphibolię fallacia quid.	215
Ampliatio quot modis fiat.	40
Ampliatio suppositionis quid & quotuplex.	40
Analogum cum diuiditur in analogata, quale debeat esse.	
fol. 117	
Analogum quid.	25
Anima ſenſitiua quas habeat potentias.	10
Anima vniuerſe quotuplex.	9
Animę intellectiue potentię.	12
Animę vegetatiue facultates.	9
Antecedentium & conſequentium nomine quid intelligendum.	193
Antecedentium & conſequentium genera quot.	ibidem
Antecedentium & conſequentium argumētandi modi.	194
Antepredicamentum quid.	49
Appellatio quotuplex.	42
Appellatio quid.	41
Appellationis nomine quid intelligendum.	41
Apprehenſionis natura.	245
Arguens cuiuſmodi eſſe debeat.	236. & 237
Arguentis propria verba.	237
Argumenta quędam, quę videntur inſolubilia quomodo ſoluantur.	233. & 234
Argumenta repetendi modus.	239. & 240
Argumentatio quid.	15. 122. & 126. & 127
Argumentationem ad conſciendam quibus ſit opus.	128
Argumentationis ſpecies quot.	122. & 128
Argumentatio, an ſit ſecunda intentio.	263
Argumentum fallax duo includit.	214
Argumentum quomodo logici appellant.	127
Ariſtoteles non fuit inuentor Logicę.	7
Ars communiter quomodo diuidatur.	294
Artes cur inuentę.	14
Aſtologia iudiciaria parui facienda.	293
Auctoritas negans non valet.	105

I N D E X

Auctoritas quotuplex .	204
Auctoritate ab quot modis argumentemur.	205

B

Bona exceptiua, vt fiat quid necessarium.	108
Bonę definitionis condiciones.	70. & 71
Bonę consequentię indicia.	122. & 124

C

Causus obliqui non sunt nomina.	73
Categorema, & categorematicus quid significant.	26
Causę quot & quid vnaquęque.	3
Causalis vera & falsa quę.	102. & 103
Causarum quot genera.	68
Circulus in syllogismo perfectus quando fiat.	148. & 149
Cognitio duplex in homine.	276
Cognitio intellectus vnde habeat ortum.	245
Collectiuus terminus quid.	30
Comparatione à argumentandi modi.	200
Comparatiua quomodo exponantur.	111
Compositionis fallacia quid, & cum contingat.	216
Compositionis & diuisionis fallacię, quot species.	217. & 218. & 219
Conclusio sequitur ignobiliorem partem.	134
Conclusio ex obliquo cum recte fiat.	151
Concretum quid.	28
Conditionalis propositio quid.	300
Conditionalis vera & falsa quę.	102
Confutandi aliquid triplex methodus.	210
Coniugata quid.	179
Coniugatis à quot modis argumentemur.	179.
Coniunctę enunciationes non habent quantitatem.	104
Coniuncta, siue hypothetica enunciatio quid.	100.
Coniunctarum propositionum qualitas.	101
Connotatiuus terminus quid.	28
Consequentię communes regulę.	124. 125. & 126.
Consequens, & consequentia quomodo differant.	239
Consequentia duplex formalis, & materialis.	123
Consequentiarum modi quot.	121. & 122

INDEX

Consequentia quid .	121
Consequentia quotuplex .	122
Consequentis fallaciæ modi argumentandi.	229
Continere aliquid quot modis dicatur .	115
Continere potestate aliquid quid .	287
Contingens triplex.	65. & 66
Contrariæ propositiones, an fiant æquipollentes .	87
Contradictionis veræ conficiendæ quot sint conditiones . fol. 227	
Contradictoriæ propositiones quomodo fiant æquipollentes.	87
Contradicentia quid .	61
Contrarie opposita quid .	60
Conuersione in quæ seruanda .	88
Conuersio modalium non est eadem cum conuersione ab- solutarum .	98
Conuersio quid.	88
Conuersio quotuplex.	88
Copulatiua propositio quid .	100
Copulatiua vera & falsa .	102

D

D efinitio causalis quid .	68
Definitio cur sic dicta.	66
Definitio duobus modis inuestigatur.	71
Definitio essentialis quid, & quas contineat .	67
Definitio nominis quid.	67
Definitio nominis quot nominibus appelletur.	67
Definitio quid.	14. & 66
Definitio quibus de causis pertineat ad dirigendam primā operationem intellectus .	66
Definitio quotuplex.	66. & 67
Definitio rei triplex .	67
Definitio rei quid .	67
Definitionis modi argumentandi .	177
Demonstratio ex quibus constare debeat.	167
Demonstratio perfecta in cuius figuræ modo fiat .	168
Demonstratio quibus modis haberi possit.	166

De-

INDEX

Demonstratio vniuerſe quid.	166
Demonstrationis medium, quod nam ſit.	168
Denominatiuus terminus qui.	29
Deſcenſus quid, & quotuplex in ſuppoſitione.	37
Deſcriptio quid.	68
Deſinit verbum quomodo exponatur in propoſitione.	112
Determinatus terminus quid.	30
Diſiunctiua propoſitio quid.	100
Diſparata quid.	203
Dialectica eſt facultas diuerſa à Logica.	17
Dialecticæ nomen, vnde ductum.	1. & 2
Dialectici, & Demonstratoris differentiæ.	171
Dici de nullo quid.	136
Dici de omni quid.	135. & 136
Differentiæ munera duo.	48
Differentia poteſt prædicari in quale quid.	44
Differentia, vt quoddam prædicabile quid.	47
Differentia quid & quotuplex.	47
Diminutio quid.	41
Diſiunctiua vera & falſa quæ.	102
Diſpoſitio quid.	55
Diſputatio cuiuſmodi eſſe debeat.	235
Diſſerere proprie quid.	2
Diſſimilia quæ dicantur.	197
Diſſimilibus à quot modis argumentamur.	198
Deſinitio duplex.	114
Diuiſionis recte faciendæ præcepta.	119. & 120
Diuiſionis: fallacia quid & cum committatur.	216
Diuiſio quid.	14. & 117.
Diuiſio quotuplex.	117
Diuiſionis ſpecies quot.	117. & 118
Docendi ordines qui ſeruandi.	208

L

E fficientis cauſſæ diuiſiones.	188
Efficienti ab quot modis argumentemur. fol. 188. & 189.	3
Elenchi vniuerſe quattuor genera.	227

INDEX

Elenchus quid significet, & quid sit.	226
Elenchus sophisticus qui sit.	207. & 228
Ens fictum ad nullam pertinet scientiam.	266
Ens quid designet.	62
Ens rationis ad quos artifices pertineat.	266. & 267.
Ens rationis quid,	271
Ens rationis quod nam esse habeat.	270. & 271.
Ens rationis quot modis aliquid dicatur.	265
Ens quomodo dicatur de ente rationis & reali.	269
Ens rationis, an sit nihil.	268
Ens rationis non differt à secunda intentione.	264. & 272
Entia rationis naturaliter sequuntur res.	266
Entia rationis quæ dicantur.	5
Enthymema latine quid.	160
Enthymema quid.	129. & 160
Enthymematis reductio ad syllogismum quibus modis fieri possit.	162. & 163
Enunciatio contingens quæ sit.	82
Enunciatio impossibilis quæ sit.	82
Enunciationis materia quæ.	77
Esse in aliquo quot modis aliquid possit.	115
Esse in intellectu quot modis aliquid dicatur.	270
Ethicæ obiectum quod.	294
Exceptiua enunciatio quæ dicatur.	108
Exceptiuatum formæ quot.	108
Exclusiua quattuor modis efferuntur.	106
Exemplum quomodo reducatur ad syllogismum.	163. & 164.
Exemplum quid.	128. & 161

F

F allacia consequentis, quando fiat.	229
Fallacia plurium interrogationum, vt vnus quando, & quot modis fiat.	231
Fallacia non causæ, vt causæ quando committatur.	230
Falsa tueri, & ver a impugnare interdum licet.	235
Falsitas in illatione, quomodo dicenda.	250
Figura quid.	55
Figure dictionis fallacia quid, & quibus modis possit committi.	221. & 222.

Figura

I N D E X

Figura syllogismorum quæ præstantior.	133
Figuræ syllogismorum quot, & quæ sint.	132. & 133
Fine ex quibus argumentemur modis.	190. & 191
Finis in ratione quot considerentur.	190
Finis quid.	190
Finis quotuplex.	190
Forma est causa compositi, & materiæ.	186
Forma in qualitate quid.	55
Formæ argumentandi modi.	186
Forma quotuplex.	185. & 186
Forma quot significet.	64

G

G Enus quid.	45
Genus quot designet.	45. & 65
Genus quotuplex.	45
Grammaticus agit de ente rationis.	267

H

H Abere quid.	60
Habere quot modis dicatur.	61
Habitus fit ex frequentatis actibus.	14
Habitus quid.	55
Habitus qui sint	170
Hypotheticæ propositionis species quot.	100

I

I Deæ Platonis quid sint, & cur ab eo fictæ.	289
Ignorantia in quibus operationibus intellectus reperitur.	248
Ignorantia quid nam appelletur.	247. & 248
Illatiua vera & falsa quæ.	103
Impertinentes termini qui sint.	30. & 31
Impotentia naturalis quid.	55
Incipit verbum quomodo exponatur in re quæ fiat in instanti, vel successive.	112
Individuum quid.	46
Inductio quid.	128. & 129. vel 160. & 161
Inductio quomodo reducatur ad syllogismum.	163
Infinitus terminus qui.	27

INDEX

Instrumenta Logicæ quæ.	14
Intellectus cum bene agat.	248
Intellectus cur producat tertiam operationem.	246
Intellectus cur secundam operationem exercere possit.	245.
& 246.	
Intellectus diuisio in agentem, & patientem.	12
Intellectus operationes quæ.	4. & 243
Intellectus operationum natura.	245
Intellectus proprium obiectum quod.	274
Intellectus virtutes & vitia.	248
Intentio formalis prima, & secunda quid.	253
Intentio materialis prima, & secunda quid.	253
Intentionum omnium descriptiones.	259
Intentiones primæ & secundæ, quomodo inter se differant.	254.
Intentionum genera quot.	258
Intentionis nomen quot modis vsurpetur.	251. & 252
Intentio vnde dicta.	251
Intentio vniuerse quotuplex.	253

L

L iberales artes quæ dicantur.	294
Linea prædicamentalis in substantia.	46
Loci quot.	175. & 176
Loci sunt replendi rerum doctrina.	207
Locorum diuisio.	175
Locorum ordo qualis esse debeat.	208
Locus argumentandi quotuplex.	174
Locus differentia maximæ quid.	174
Locus quotuplex.	59
Locus seu Topus quid.	174
Logica ad quæ sit utilis.	16
Logica cur appelletur organum.	2
Logica in operationibus intellectus dirigendis est posita.	241
Logica quid.	6. 7. & 8.
Logica vnde dicta.	2
Logicæ finis.	7
Logicæ forma quæ.	6

INDEX

Logicæ nomina præcipua .	1
Logicæ subiecta materia quæ .	5
Logici munus quod .	14. & 250.
Logico est necessaria rudis saltem operationum intellectus cognitio .	242
Logos apud græcos quot significet .	2

M

M Aior extremitas quæ sit .	131
Maiores à quomodo argumentemur .	198
Materia à quot modis argumentemur .	185
Materiæ diuisiones .	184
Materia in arte duplex .	4. & 13
Materia propositionum quotuplex .	78
Materia quot sumatur modis .	64
Materia syllogismi quotuplex .	131
Mathematicæ obiectum quod .	292
Mathematica quomodo diuidatur .	293
Mechanicæ artes quæ dicantur .	294
Medij inueniendi regulæ .	146
Medij inueniendi modus, & regulæ .	147. & 148.
Mediorum genera quot .	146
Medium cur argumentum dicatur .	128
Medium dialecticum quid .	173
Medium in syllogismo quid dicatur .	131
Medium vniuerse cuiusmodi esse debeat .	145
Methodus quid .	15. & 18
Methodus quotuplex .	18. & 19
Methodus quid significet .	17
Minor extremitas quæ .	131
Minoribus à quomodo arguamus .	199
Modalis propositio quid .	90. & 91.
Modalis propositio quotuplex .	91
Modalium quantitas ex quibus spectari possit .	93
Modalium quattuor formæ oppositionis .	94. & 95
Modi concludendi vniuerse in quacunque figura quot .	133
Modus quotuplex, & quid sit .	99
Modus reducendi syllogismos imperfectos ad perfectos .	142
Modus syllogismi duplex .	131

I N D E X

Motus species quot.	67
Musica quid consideret.	293
N	
Naturæ ordo quid, & quotuplex.	208
Naturæ quæ ponantur in prædicamento.	49
Necessarium quid.	91
Necessarium quot modis aliquid dicatur.	113
Nihil duobus modis sumitur.	268
Nomen quid.	73
Nomina rerum prius tractanda.	1
Non ens quot modis aliquid dicatur.	62. & 259. & 260.
& 268.	
Notum dupliciter aliquid dicitur	113. & 114
Numero differre quæ dicantur.	45. & 46
O	
Obedientiæ in intellectu quot modis aliquid possit esse.	
254	
Obliquitatis vitium cum contrahatur.	248
Officium in arte quod.	14
Operationum intellectus virtutes, & vitia ex quot oriuntur capitibus.	247. & 248
Oppositio communiter quid.	83
Oppositio contradictoria quid.	84
Oppositio contraria quid.	83. & 84
Oppositio propositionum quotuplex.	83
Oppositio subalternans quid.	85
Oppositio subcontraria quid.	84
Oppositio, ut fiat quid necessarium.	83
Oppositorum quot genera.	60. & 200
Oratio perfecta diuiditur in enunciatiuam, & non enunciativam, & quid utraque.	76
Oratio quid.	75
Oratio quotuplex.	76
Oratio sub qua specie quantitatis ponatur.	54
Ordo in aliqua re explicanda.	209
Ordo quotuplex.	207
P	
Patribus a quibus modis argumentemur.	199
Passibilis qualitas quid.	55
Passio	

INDEX

Passio quid .	55. & 58
Petendi principij quot modi .	228. & 229
Petitio principij cum committatur .	298
Physica scientia quid, & quod eius obiectum ,	292
Positio seu situs quotuplex .	59. & 60
Possibile aliquid quot dicatur modis ,	65
Post prædicamenta quid, & quot .	60
Potentia naturalis quid ,	55
Præcognoscenda quæ sint ,	168
Prædicabilia quot .	43
Prædicabilium numeri sufficientia ,	43. & 44
Prædicamentum quid .	49
Prædicamentorum cognitio ad quid conferat ,	49. & 50
Prædicamentorum numerus .	51
Prædicatorum regula .	51
Prædicatum quid ,	77
Primarum intentionum genera quot .	255
Primæ operationis intellectus vitia .	20
Primæ syllogismorum figuræ principia quæ .	135. & 136.
Priuatio quid .	61
Priuatue opposita quid .	61
Prius quot modis aliquid dicatur .	61. & 113
Propositio falsa quæ sit .	81
Propositio naturalis quæ dicatur ,	82
Propositio vera quæ dicatur .	81
Proprium duplex .	48
Proprium quid .	48
Propositio quot modis sumatur ,	65
Propositiones probabiles quot modis dicantur ,	170. & 171
Propositionis affectiones quot .	79. & 80
Propositio simplex quid .	79
Propositionem esse necessariam , & constare ex materia necessaria non est idem .	81
Propositio de secundo, & tertio adiacente quid .	77. & 78
Propositio hypothetica quid ,	79
Propositio quid .	15. & 77. & 130

Q

Quæstiones probandæ quot .	168
Quæstionum genera quattuor .	147 & 209
Quæ-	

I N D E X

Qualitas in propositione quid .	80
Qualitas quid .	54
Qualitas terminorum quid .	33
Qualitates primæ quæ sint .	55
Qualitatis species quot .	54. & 55
Qualitatis proprietates .	55. & 56
Quando quid .	59
Quantitas quid .	53
Quantitas propositionis quid .	80
Quantitatis proprietates .	54
Quantitatis species quot .	53
Quantum duplex .	54

R

R atio quot significet .	63
Reductio ad impossibile cum fiat .	142. & 144.
Reductio syllogismorum imperfectorum ad perfectos quomodo fiat .	143
Reduplicatiuæ duobus modis accipiuntur .	110
Reduplicatiuæ particulæ quæ .	110
Regulæ communes omnibus syllogismorum figuris .	133. & 134.
Rei definibilis conditiones .	69
Relata quid .	57
Relatio quid .	57
Relatio quoruplex .	56
Relatio vt constituatur quot necessaria .	57
Relationis proprietates .	57. & 58
Relatiue opposita quid .	60
Relatiuorum quot sint genera .	56. & 57
Repugnantia quæ dicantur .	203
Repugnantibus siue diuersis quomodo arguamus .	203
Res aliqua cum perfecte cognoscatur .	3
Resolutione cum Arist. sit vsus .	209
Restrictionis species quot .	41.
Restrictio, quid & quot modis fiat .	40. & 41

I N D E X

S

S cientia quid .	166. & 169
Scientia vniuerſe quotuplex .	292
Scientię aquirendę conditiones .	169
Scientię cauſſę quę ſint .	169. & 170
Scientię nomine quid intelligatur .	292
Scientię practicę diuiſiones .	294
Scientię ſpeculatiuę varię diuiſiones .	292. & 293
Scire perfecte quid .	167
Secundę intentiones, an poſſint dici non ens .	260
Secundę intentiones, an ſint per ſe cognoscibiles .	262
Secundę intentiones, an ſint quid reale .	261
Senſitiua cognitio quid .	245
Senſus affectiones quę .	12
Senſus & intellectus in quibus differant .	276. & 277:
Sentiendi actus, vt producat quę neceſſaria .	10
Senſus interni quot, & qui ſint .	11
Signa vniuerſalia quę .	80
Significare quid ſit .	24
Signum in terminis quotuplex .	34
Signum quid & quotuplex .	24
Similibus à quot modis arguamus .	196
Similium locus ad quid conferat .	196
Similium nomine quid intelligatur .	196
Simpliciter dictum quid vocetur .	229
Simpliciter & ſecundum quid fallacię .	226
Simpliciter quot ſignificet .	65
Simul quot modis aliquid ſit .	61
Singulare quot modis ſit prius vniuerſali .	286
Singulare quomodo ſit magis ens quam vniuerſale .	287
Situs quid .	59
Sophiſma quomodo fiat .	212
Sophiſtę qui ſint .	212
Sophiſtarum fines .	213
Sophiſtarum loci .	214
Sorites argumentandi modus quomodo latine vocetur, & quid ſit .	126
Species quid .	45
Species quotuplex .	46

INDEX

Status suppositionis quid & quotuplex .	39
Subalternæ propositiones quomodo possint fieri æquipol- lentes.	87
Subalternatæ scientiæ conditiones.	169. & 170
Subiecti conditiones quæ.	169
Subiecto inesse quid dicatur.	50. & 51
Subiectum quid .	77
Subiectum quot modis aliquid dicatur .	64
Substantia cur sic dicta .	52
Substantiæ proprietates.	53
Substantia quid.	52
Substantia quotuplex .	52
Substantia quot designet .	63. & 64.
Superlatiua quomodo exponantur.	111
Suppositio formalis quotuplex .	35
Suppositio materialis quæ .	35
Suppositionis affectiones .	39
Suppositionis variæ diuisiones .	36
Suppositio quid .	33
Suppositio quotuplex.	34. & 35
Syllogismus ex obliquis qui dicatur .	150
Syllogismus expositorius qui sit .	152
Syllogismus hypotheticus qui.	157
Syllogismus latine, quomodo & quid sit.	129
Syllogismus quotuplex .	129
Syllogismi defectus quot .	149. & 150
Syllogismi expositoriij vsus .	154
Syllogismi figura quid .	132
Syllogismi hypothetici species quot.	157
Syllogismi materia triplex.	117. & 165
Syllogismi potestates quæ.	148. & 149
Syllogismi probabilis vsus.	171
Syllogismi sophistici quot genera .	211
Syllogismi sophistici quibus modis soluantur.	232. & 233.
Syllogismi termini quot esse debeant.	130

T

T ermini diuissio .	29
Termini cur sit vocati.	21
Termini variæ diuisiones.	22. & 23
Termini	

INDEX

Terminorum accidentia quæ.	33
Terminus non significatiuus quid.	25
Terminus primæ intentionis quid.	27
Terminus quid.	22. & 130
Terminus secundæ intentionis quid.	27
Terminus significatiuus quid.	24
Totius & partium argumentandi modi.	182. & 183
Totum quot dicatur modis.	65. & 180. & 181
Totum vniuersale quot modis diuidatur per accidens.	119
Transumptionis locus.	178

V

V Agus terminus quid.	30
Vbi seu loci proprietates.	59
Vbi quid.	59
Verbum quid.	74
Verbum quot includat.	74
Veritas quoduplex.	249
Veritas intellectus quid.	249
Vnio obiecti cum potentia, quomodo fiat.	10
Vniuersale ad constituendum quæ requirantur conditiones.	
fol.	282
Vniuersale aliquid esse, aut fieri cum dicatur.	276. & 280
Vniuersale, an sit corporeum, vel incorporeum.	284. & 285.
Vniuersale non cognoscitur, nisi comparative.	279
Vniuersale quid.	44. & 279. & 283
Vniuersale, quomodo contineat inferiora.	287
Vniuersale quomodo consequatur per intellectum.	279. & 280:
Vniuersale quot modis sumatur.	273
Vniuersale quot modis sit prius singulari.	286
Vniuersalia ad quos pertineat artifices.	275
Vniuersalia, an dentur.	274
Vniuersalia, an sint entia.	284
Vniuersalia, an sint sine singularibus.	285
Vniuersalia, an sint principia componendi.	286
Vniuersalia, an sint æterna.	285
Vniuersalia non dicuntur fieri ab intellectu, sed consequuntur eius cognitionem.	277
Vniuersalia non sunt ideæ Platonis.	274

Vni-

INDEX

❖niuersalia non sunt voces.	282
❖niuersalia quot modis prædicentur.	44
❖niuersalia sunt fundamentum entium rationis.	272
❖niuersalia, ubi nam sint.	275
❖niuersalis conditiones.	283
❖niuersalis quattuor causæ quæ.	282
❖niuersalis materiale, & formale quid.	282
❖niuersalium confectio non est quid vanum.	279
❖niocus terminus quid.	25
❖Voces quid sint.	243

FINIS.

CATALOGVS

SCRIPTORVM

In libros Logicos Aristotelis, & in
Porphyrij Isagogen.

A



Academia Veneta in libros Topicos.

Aegidius Romanus in lib. priores, & posteriores.

Albertus de Saxonia in lib. Logic.

Albertus Magnus in omnes libros Logicos.

Alexander in lib. priores, Posteriores, Topicos, & Elenchos.

Alfonsi Barocij Ferrariensis in lib. Perihermen.

Ammonius in prædicab. prædicam. & Perihermen.

Angelus Senensis in Logicam Arist.

Angelus Thius in Logicam, & prædic.

Antonij Andreæ in artem veterem cum quæst. & in lib.

Boet. de diuisionib.

Antonius Demochares in lib. Topicos.

Apollinaris in lib. 1. Poster.

Auenroes in omnes libros Logicos: Expositio media in lib.

Poster. Epitome Logicæ, Varia quæst.

Augustinus Niphus in omnes lib. Logicos Arist.

B

Bartholomæi Spinolæ in Perihermen. & lib. Posteriores.

Bernardini Petrellæ Commentaria in lib. Posteriores.

Eiusdem de potissima demonstratione.

Bernardini Tomitani in lib. Elenchos.

Boetius in Porphyrium a Victorino translatum in eundem
a se Latinum factum, in lib. Perihermen. Commentaria
maiora, & minora: Introductio ad Syllogismos Catego-
ricos,

Catalogus scriptorum

ricos, de Syllogismo Categorico, & Hypothetico; de diuisione, definitione, & differentijs Topicis.

Buridanus in artem veterem.

Burleus in prædicab. & prædicamenta.

F. **C**æsar Lanza in Porphyrium.

Collegij Coimbricnsis Commentaria in Logicam Aristotelis.

Daniel Barbarus in Porphyr.

Dexippus in prædicamenta.

Doctores Louanienses in Logicam Aristot. Priores. Topic.

Doctores Parisiens. in Logic. Aristot.

F. Dominici a Soto in Porphyr. prædicament. & poster.

Dominici de Flandria quæst. in lib. Posteriores, super doctrina D. Thom. & in Opusculum de Fallacijs.

Eustratij Episcopi Niceni in librum 2. Posteriorum.

Fabij Gliscntij in Porphyrium, in prædicament. lib. sex principiorum, Perihermen. Priores, & Poster.

Francisci Mayronis in prædicab. & prædicam.

Francisci Toleti in Porph. prædicam. Periherm. & lib. Posteriores.

Franciscus Ferrariensis in lib. Posteriores.

Gaspar Villepandeus in lib. Logic.

Gratia Dei in artem Veterem, idest in Porph. prædic. Periherm.

Gulielmi Ocami in artem Veterem.

Hieronymi Balduini in lib. Periherm. Poster. Commentaria. & alia Opuscula, seu quæsitæ Logica. de medio demonstrat. de regressu, de proposit. necessaria, de demonstratione, an definitio sit nobilior demonstrat.

Hieronymi Gauaterij commentaria in Porphyrium.

Honoratus de Robertis in prædicab. & Prædicamenta.

Iacobi

In Lib. Logicos Arist.

I

Iacobi Fabri Stapulen. in omnes lib. Logicos paraphrases.
Iacobi Zabarellæ, in lib. Posteriores, & in alios Tabulæ,
de methodis, de ordine doctrinæ, prolegom. in Logic. &
Apologia.

Innominati auctoris expositiones compendiarie in libr. 2.
Posteriorum.

Ioan. Baptistæ Rubci in Porphy. prædicam. Periherm. Poster.
& introductio in Logicam.

Ioan. Duns Scotus in vniuersam Logicam qq. exactissimæ,
Ioan. de Magistris in vniuersam Logicam.

Ioan. Frâncisci Buranæ in lib. Priores a se traductos, cum Ad-
notationibus Io. Baptistæ Bagolini.

Ioan. Grammaticus in lib. Priores & Posterior.

Ioan. Ludouici Cartarij conciliationes in libros posteriorū.

L

Loui Gersonides in Porph. prædicam. & Periherm.
Linconiensis in lib. Poster.

M

Magentinus in lib. Periherm. & lib. Priores.

Marsilij quæstiones in lib. Priores.

Michael Psellius in lib. Periherm.

P

Pauli Veneti Commentaria in lib. Posteriores.

M. Petri Tartareti in summulas Petri Hispan. & quæst.
in omnes lib. Logicos.

Philippus Zaffinus in posterior.

Philoponus in libros priores & Posteriores.

Porphyrij libellus in prædicamenta.

S

Simplicius in Prædicamenta.

Stephani Caruifij Catena aurea in totam Logicam cum
expositione.

Eiusdem parua logicalia, de terminis, suppositionibus, &c.

T

Themistij paraphrases in Poster.

Thomas a Vio Caietanus in Porph. & prædic. poster.

Thomæ de Suetonia Angli in prædicamenta.

Vincentij Iustiniani in vniuersam Logicam commentaria.

Catalogus scriptorum

Catalogus Auctorum qui de rebus ad Logicam pertinentibus aliquid scripserunt.

A

- A** Emilij Acerbi quaest. in Logicam libr. 4.
A Alexandri Pomellij methodus Syllogistica.
Algazelis Logica.
Angeli Hidruntini qq. Logicae.
Antonij Bernardi Mirandul. Institutio in vniuersam Logicam, & Apologia.
Antonij Coronel Rosarium de paruis Logicalibus.
Arabum quorundam variae Epistolae ad Logicam pertinentes, quae habentur apud Auēn. in lib. Logicis.
Ascanij Persij Logicarum exercitationum.
Auicennae Logica.
Audomari Talei dialectica.
D. Augustini Categoriae, siue praedicamenta.
Augustini Hunnei de dialectica, seu generalia Logicae praecpta.
F. Aurelij a Linario de Logica Tractatus.
Bartholomaei Manceni de Logica Tractatus.
Bartholomeus Vlorrus de demonstrat.
Benedicti Victorij in Tisberum de sensu composito, & diuiso, & collectanea in suppositiones Pauli Ven.
Bernardini Carmelitae opusculum de sensu composito.
Bernardini Manceni Tractatus de Logica.
Bernardini Petrellae Tractatus de potissima demonstratione, & q. Logicae.
Bonromeus Basacomatrius in Logic.
Chrysostomi Iauelli Commentaria in Logic. siue Logicae compend. i. r. Tractatibus comprehensum.
Claudij Alberij organum, duobus Tomis.
Claudij Beti Mutinensis institutio de recta discurrendi ratione.
F. Constantij a Sarnano de secundis intentionibus secundum doctrinam Scoti, Tractatio.
Dominici a Soto summulae Logicae.
Flaminij Nobilij quaest. Logicae.

Rerum Logicarum .

- Fracantiani in consequut.& de sensu composito , & diuiso ,
Francisci Beati discursus in prædicamenta .
Francisci Storellæ Logica .
Francisci Terilli de Methodo scientiarum .
Francisci Titelmani de consideratione dialectica lib. 6.
Francisci Toleti, Introductionis in Logicam Arist. lib. 5. cū
præludijs, & Tabulis Ludouici Carbonis.
Franciscus Pratenfis de ente rationis , & terminis Logicali-
bus .
Federici Beurheusij M. T. Ciceronis Dialecticæ lib. 2.
Gabrielis a Guillart Tractatus de terminis .
Georgij Henischij Institutionum Dialecticarum libri 7.
M. Georgij Salzhueberus Logica contra Ramosophistas .
Georgij Vallæ Placentini de expedita ratione argumen-
tandi ,
Georgius Bruxellensis in Logicam ,
Georgij Trapezuntij Dialectica .
Guilhelmi Adolphi Triumphus Logicæ in P. Rarum ,
Gulielmi Lapidauri Methodus Dialecticæ Aristotelis ,
Gulielmi Ocamii summa totius Logicæ .
Henferici opusculum de sensu composito ,
F. Hieronymi Sauonarolæ Logica .
Iacobi Iacobellij Romani aduersus Mirandulanum de præ-
dicamentis Aristot. lib. 1.
Ioachimi Perionij Dialecticæ lib. 3.
Ioan. Anglici quæst. in Logicam .
Ioan. Antonij Delphini Dialectica .
Ioan. Antonij Scotij de potissima demonstratione q. vnica ,
Ioan. Arborei in Logicam, varia .
Ioan. Bernardini Longi in Prolog. Auenrois in lib. Poster.
Ioan. Cæsarij Dialecticæ .
Ioan. Iacobi Pausij Calabri in Prologum Auenr. in Poster.
Ioan. Ludouici Cartarij q. siue de primis principijs in vni-
uersam Logicam .
Ioan. Nicolai Rogerij disputatio de medio demonstratio-
nis, & Apologia .
Ioan. Sanderi Angli Institutionum Dialecticarum lib. 4.
F. Ioannis Vallonis lectura in formalitates Scoti, cū alijs tra-
ctatibus ,

Catalogus scriptorum

- Iodoci Cliftouci introductio in terminos Logicos.
 Irenæi Braſiuoli de primis, & ſecundis intentionibus.
 Iulij Feltrij dilucidarium Logicæ.
 Laurentij Vallæ Dialecticæ lib. 3.
 Ludouici Carbonis Introduct. in Logica lib. 6. Eiuſdem ad-
 ditamenta in Toletum.
 Marci Meliorati a Lahreto Præſationes in Logicam.
 Martiani Capellæ Dialectica.
 Matthæi Domienſis totius Logicæ compendium.
 Melchioris Zoppij ſermones analytici, & alia opera.
 Nicephori philoſophi inſignis Logica.
 Nicolai Maſſæ de Logica libri 7. Italice.
 Opus quod liber Iſagogicus inſcribitur introductorius ad do-
 ctrinam Scoti, & Ariſtot. Tractatus 7. in ſingulos libros
 Logicos.
 Pamphili de Monte de miſta generatione ſyllogiſmi quæ-
 ſtiunculæ.
 Panetius in Prologum Magnum Auenrois.
 Pauli Veneti Logica, cum expoſitione Mengi.
 M. Pauli Perguleniſis Logica.
 Petri Caxenæ in locos Mathematicos Poſteriorum.
 Petri Fonſecæ Dialecticatum inſtitutionum lib. 6.
 Petri Hiſpani Tractatus quinque Summularum cum expo-
 ſitione Verſorij, & Ferdinandi Enzinas.
 M. Petri Mantuani Logica.
 Petrus de Alyaco de terminis.
 Remigij Florentini de medio termino.
 Remigius melioratus de propoſitione de ineſſe, & de medio
 demonſtr.
 F. Roberti Kamuil Angli quæſtiones Logicales.
 Rodolphi Agricolæ Dialecticæ lib. 3.
 Rodolphi Goclerij problematum Logicorum lib.
 M. Santij Tarranta de Miranda progymnaſmata Logica.
 Scandianenſis Dialectica, Italice.
 Simonis Miniſenij primæ operatio intellectus libellus, in quo
 breuiter declarat prædicab. & prædicamenta.
 Socinatis Introductio.
 Silueſtri de Pietriſo Pedemontani Introductio in Logicam.
 Eiuſdem Apologia de ſecundis intentionibus,

Theodo-

Rerum Logicarum.

Theodorici de Vlimbergo origo prædicabilium.

D. Thomæ opuscula varia ad Logicā pertinentia, opus. 30.
de demonstrat. 39. de fallacijs 40. de modalibus 41. de natura accidentis 42. de natura generis 47. de natura syllogismi 48. summa totius Logicæ 50. de inuentione medij, 55. & 56. de vniuersalibus.

Tisberus de sensu composito, & diuiso in quem Alexander Sermoneta, Bernardinus Petrus de Landucijs, Paulus Pergulensis, & Baptista de Fabriano.

M. Tullij Topica, cum Commentarijs Boetij, Georgij Val-
læ, Ioan. Visorij, Bartholomæi Latonij. Vincentij a Quin-
tiano Brixienf. fragmenta.

F I N I S.

Maiora menda sic emendato.

Pag. 27. vers. 28. &, vacat.

pag. 83. vers. 1. hanc aliam.

pag. 88. vers. 14. extrema enunciationis.

pag. 92. vers. 31. vt

pag. 112. ver. 4. Leo non est.

pag. 146. ver. 28. E subiectum & v. 29. 8. vacat.

pag. 165. ver. 25. necessaria.

pag. 181. ver. 30. communior.

pag. 183. ver. 25. respectu.

pag. 187. ver. 30. huc. pag. 205. ver. 5. multis.

pag. 211. ver. 7. duæ. pag. 218. ver. 30. &

pag. 235. ver. 6. licet & ver. 35. quod dum sit

pag. 236. ver. 22. id quod.

pag. 248. ver. 30. tertium.

pag. 250. vers. 30. queat.

pag. 265. ver. 11. entia.

pag. 272. ver. vlt. Logicis.

pag. 278. ver. 7. sine.

AD LIBRI AVCTOREM
Franc. Giannettani Carmen.

S Vnt longe à nōstra gentes regione remota,
Qua, cum mortales videant inhiare metallo,
Quod pretio cūctis praeſtans, natura recondit
Terra, inquirentes tenebroſa ad tartara tendunt:
Ac vbi peruentum, effodiunt è viscere montis
Illud, quod studio vena rimantur in omni.
Noctes atque dies in tetro carcere ſudant;
Effoſſum exportant donec ſub luminis auras:
Omnes quo tandem pretioſo munere gaudent.
Non ſecus ipſe ariis Logices, Ludouice, ſepultam
Quaeſiſti veram methodum, herculeoque labore
Eruis è tenebris, & qua caligine teſta
Iam fuerant, eius vulgo myſteria pandis.
Te duce nunc, tanquam in ſpeculo, cognoscere cunctis
Certa quærent, procul amoto velamine falſi.
Atque, vbi cūctarum ſedem regina locauit
Virtutum, duce te facile hūc euadere iuro.
Hinc plaudit ſtudioſa cohors: hinc gaudia paſſim.
Effundit: laudes pleno tibi concinit ore.
Index letitia ſonus aurea fertur ad aſtra.

Eiuſdem ad Lectorem.

D Ogmata maandris Logices ſinuosa ſophorum
Turba prius docuit, lege tamen dubia.
Qua iuuenes multo quondam didicere labore,
Tempore nunc poſſunt rite tenere breui:
Perſpicue hic totam ſic artem tradit, apertis
Vt Phebus Cælo ſulgeat ipſe minus.
Pluribus ac vni quid congruo ordine certo,
Quid demonſtretur, perdocet arte noua.
Quoque modo poſſit certo fallacia tolli,
Pendeat ex alio, quidque ſequatur item.
Eruta nunc tenebris doctæ, tam lucida fecit,
Quilibet, vt Logices abditæ noſſe queat.

INTRODVCTIONIS IN LOGICAM,

Siue totius Logicæ Compendij
absolutissimi,

LIBER PRIMVS.

In quo Logicæ natura, causæ quæ, & at-
tributa explicantur.

De nominibus Logicæ. Cap. I.



N omni arte & disciplina,
cum ratione tradēda, a no-
minis subiectæ rei cogni-
tione auspicandum esse, &
ratio manifeste demonstrat;
& communis omnium sa-
pientium confirmat aucto-
ritas. Cum ergo Institutio
nem quandā in eam artem

quæ ad omnes disciplinas recte cognoscēdas viā
rationemq; cōmmōstrat, scripturi simus, de eius
nominibus breviter; vt Institutionis ratio postu-
lat, ptiore loco agemus. Ea igitur facultas quæ
quasi ianuam ad omnes alias se præbet, tres potis-
simū appellationes apud Græcos est sortita, quæ
sunt istæ, Dialectica, Logica, & Organum, qui-
bus, quasi suis, iandiu vtuntur Latini.

Primi ergo huius artis cultores apud Græcos,
eam appellarūt, Dialecticā, a verbo dialegeſtice,

A quod

Cic. lib. i.
offic.
Aristot.
I. Poster.
cap. i.
Socrat.

Mart. ca.

Marf. Fic. quod est, sermone uti, sermonem inter se habere, disceptare, disputare, non ratiocinari, ut aliqui existimarunt, atque differere. Differere autem proprie, est, semina in varias partes ferere, & per translationem, verba facere. unde, a Latinis, differrix, disputatrix, disceptatrix, & ut aliqui voluerunt, disertura, & disputatura, ad eum modum quo dicimus agricultura, & literatura, nuncupatur.

Bud in com.

Senec.

Logica, siue Logice, dicta est, apud tu logu, Logos autem apud Græcos, hæc fere significat, rationem, mentem, orationem, sermonem, definitionem, modum, seu proportionem, supputationem, librum, famam, & opinionem. Hoc loco sumitur, in prima significatione, ut Logica Latine, designet facultatem rationalem, vel quia rationem dirigit, doctrinamque recte ratiocinandi docet, vel quia entia rationis, hoc est, res quasdam rationem ipsam consequentes tractat, ut planius infra dicetur. Nō dicitur itaque Logica precipue a sermone, vel ab oratione, quasi sermocinalis, & orationalis facultas; cum ex se nō tractet sermonem.

Diog. Laër.

2. Meta. t. 15.

Organum, Latine instrumentum, ideo appellatur, quia est veluti instrumentum ad scientias acquirendas, & tanquam ars instrumentaria, quæ sciendi instrumenta tradit in alijs scientijs necessaria: Quam ob causam, ut quidam scribunt, suos de hac arte libros Aristoteles Organū, inscripsit. Unde patet, cur etiam sciendi modus vocari soleat: quia modum sciendi docet.

Atque ex dictis colligeres, quam inepte aliqui dixerint, dictam esse Dialecticā, a dya, & logos, quasi duorum sermo, cum non versetur in sermone: ut omittam, quod ista etymologia pugnat cum orthographia, cum dialectica nō scribatur per y.

sed

sed de nomine hæc sint satis: sequitur vt de re ipsa, hoc est de Logicæ natura agamus.

*De Logicæ natura, siue de eius materia,
& forma. Cap. 11.*



Quoniam, vt Aristoteles varijs in locis scriptum reliquit, tunc alicuius rei natura a nobis perfecte cognoscitur, cum eius causas perspectas habemus; ideo, vt Logicæ naturam breuiter ob oculos ponam, quæ sint eius causæ paucis explanabo: Vt autem id plane efficiamus, nonnulla prænotanda sunt.

Primum, rerum causæ quattuor numerantur, materia, forma, efficiens, & finis. Materia dicitur ea ex qua aliquid fit, vt ex lapidibus domus, ex ligno tabula: quare lapides sunt materia domus, & lignum tabulæ. Forma est illa, quæ vna cum materia totam rem absoluit, remq; in certa specie constituit, & ab alijs distinguit; vt anima rationalis hominem & albedo, album. Est autem forma duplex: altera interna, quæ essentialis dicitur; vt anima sensitiva, quæ est forma animalis: altera accidentalis, quæ est extra rei naturam, ut cædor in niue, caliditas in aqua. Efficiens est id, quod rem efficit, id vnde incipit operatio, quo modo sol est causa diei, magister causa lectionis, & ignis causa ustionis. Finis est id cuius gratia res fit; vt bellus, pax: lectionis, scientia: & hominis, beata vita. Dux priores causæ dicuntur intrinsecæ, quia sunt intra rem, ex quibus intrinsece res constat, ac proinde naturam conficiunt: posteriores vero extrinsecæ, quia sunt extra rem effectæ.

Materia in aliqua arte est ea, in qua ars versat,

quam explicat, & tractat, quam sibi cognoscendam proponit: quæ subiectum, & obiectum dici solet; vt Grammaticæ cōgrua oratio. Est autem artis materia duplex: altera remota, quam ars p̄supponit, vt ars tignaria ligna in siluis; altera p̄xima, & est ea, quam proxime ars tractat, & in quam inducit formam; vt lignum, quod ab artifice dolatur.

Aristot.

Præterea ad explicandum quænam sit Logicæ subiecta materia, notandum est, intellectum humanum, qui est facultas qua cognoscimus, tres habere operationes; vnā, qua apprehendit aliquid simplex, vt cum concipit, & intelligit hominem: alterā, qua vnā rem cum alia coniūgit, affirmando vel negando; vt, cum homini attribuit animal; de eodem negat lapidem: tertiam, cum ex vna recognita, aliam ratiocinando colligit; vt, homo est animal; ergo est sentiens. Et quoniam hæc tres operationes imperfecte a nobis exercentur, opus fuit quadam arte, quæ eas dirigeret & perfectas redderet; ipsa nimirum Logica, quæ doctrinam tradit, qua recte apprehendamus, componamus, & ratiocinemur: & ideo dici solet recte cognoscendi facultas. Et quoniam nihil potest dirigi, nisi per aliquam regulam, in Logica quædam res explicantur, quæ sunt veluti regulæ ad dictas operationes dirigendas: quæ sciendi instrumenta, vel entia rationis vocantur; de quibus postea fusius, hic breuiter aliquid dicemus.

Ens; participium a verbo substantiuo, sum, significat id, quod est; sicut currēs, id quod currit. Est autem aliquid, vel extra intellectū in rebus ipsis; vt homo, cælum, ignis, & id genus alia; & hæc vocantur entia realia, hoc est, in rebus extra suas causas actu p̄ducta, & existentia. Alia sunt, quæ ideo esse dicuntur, quia sunt per intellectū,

vel

vel non sine intellectu esse dicuntur; ut ea quæ ab intellectu finguntur, ut mons aureus, chimæra, & similia: & ea quæ rebus non attribuuntur, nisi prout concipiuntur, & esse dicuntur in intellectu, sicuti res visa dicitur esse in oculo videte. Rebus igitur in intellectu existentibus adueniunt quædam extrinsecæ affectiones, & denominationes, relationesve, a quibus extrinsece nominantur; ut homo seorsim a singularibus per intellectum consideratus, dicitur vniuersalis propter respectum ad inferiora, in quibus est, & a quibus abstrahitur: dicitur, prædicabile, ut de illis prædicatur, illisque attribuitur: dicitur species, ut refertur ad individua. Similiter, animal dicitur genus, propter respectum ad speciem, quæ dicitur subiectum, prout de ea genus, ut quid superius prædicatur. Hæc igitur & aliæ similes denominationes & relationes, quæ adueniunt rebus, ut cognoscuntur ab intellectu, dicuntur entia rationis, quod per rationem rebus extrinsecus adueniant. Sienti paries qui ab oculo percipitur, denominatur, visus, & per relationem quam habet ad dexteram, denominatur dexter. Atque hæc sunt illa entia rationis, quæ dicuntur considerari a Logico, qui dum considerat affectiones illas, quæ adueniunt rebus, ut apprehenduntur, componitur, atque ex alijs colliguntur, ipsas intellectus operationes dicitur dirigere. Ex quibus crassa quadam ratione intelligere licet, quod sit Logicæ subiectum, & quæ materia,

Si de materia proxima loquamur, aliqui dicunt esse tres intellectus operationes, quæ ab ipsa diriguntur: alij affirmant esse entia illa rationis, vel ens rationis, ut est instrumentum dirigendi eadem operationes, vel aliquod instrumenti genus, ut est argumentatio, & syllogismus: Si vero de

remota loquamur, materia remota sunt res ipse,
 quas Logica supponit, in quibus entia rationis,
 quas secundas intentiones hoc est res secūdo lo
 co intellectas vocant, fundantur. Sed de obiecto
 hactenus: nunc de forma dicamus.

Cum Logica sit habitus quidam in ratione exi
 stens, quo aliquid cognoscimus, & omnes huius
 ordinis habitus, sint, vel ars, quæ est recta ratio
 aliquid efficiendi, vel scientia quæ est certa veri
 tatis notitia, vel practicus, qui ad agendum refer
 tur, vel speculatiuus, qui in sola cognitione con
 sistit; nunc breuiter dicimus, Logicam potius ef
 se scientiam, quam artem, & potius speculatiuā,
 quam practicam: quippe quæ nullum opus pro
 prie efficit, nec ad effectiōem, siue actionem
 refertur.

Atque ex duabus Logicæ causis, & ex ijs quæ
 diximus, quid ipsa sit colligere licet, quam hunc
 in modum describeres. Logica est habitus dire
 ctius operationum intellectus: vel, scientia de
 ente rationis, vt est directiū operationum in
 tellectus. Vel facultas, quæ methodū tradit, quæ
 obscura definiendo manifestantur, confusa diui
 dendo discernuntur, & veritates confirmantur,
 erroresque argumentando refelluntur.

Tolet.

De causā efficiēti, sineque Logica.

Cap. III.



Quod attinet ad causā efficiēte,
 si loquamur de Logica naturali,
 hoc est de illa uique hominū men
 tibus est idita a natura, quæ aliquo
 pacto tres operationes intellectus
 sine doctrina exercemus; certū est huius aucto
 rem

Arist. lib.
 1. Rhetor.
 cap. 1.

rem esse Deum opt. max. a quo, vt proxime mentem habemus, ita illas primas notiones, & initia quædam huius artis, quæ excolendo ad perfectionem homines traduxerunt. Qui vero extiterit, præceptorū artisve obseruator, aut scriptor primus non constat. Hoc tamē exploratum est; Aristotelem non fuisse primum inuentorem, cum ante ipsum nonnulli de re Logica scripserint, ac præcepta tradiderint, vt ex ipsomet Aristotele discimus.

Cice. lib. de leg.

Lib. 2. Elenc. Bessar.

Cæterum, illud de Aristotele affirmare licet, si ex ijs, quæ nunc extant Logicę monumentis, iudicium fiat, ipsum hanc artem ad methodum rede gisse, & magis absolutā posteris tradidisse; si ijs de rebus loquamur, quæ ad huius artis substantiam pertinent. Quædam tamen, quæ ab ipso prætermissa fuere, ab alijs postea accepimus, vt a Porphyrio quinque vocum explicationem; a Boetio doctrinā de definitione, diuisione, & syllogismis hypotheticis; a Giliberto, absolutā sex prædicamentorum tractationem, & ab alijs quibusdam alia quædam, quæ iam inuentis addere haud difficile fuit. Licet ergo Aristoteles nō fuerit inuentor; tamen quia eam, quod attinet ad substantiam, perfecit, merito perfector dici potest; iureque eius libri leguntur, & ipse pro magistro habetur; quamuis quæ scripsit multo facilius, & clarius docere potuisset.

De huius facultatis fine, breuiter dixerim, eius finem esse notitiam modi sciendi, per quam diriguntur operationes intellectus, vt postea rerum cognitionem sine errore, & cum facilitate comparare liceat. Est itaque Logica, facultas, quædā, qua intellectus in seipsum reflectendo seipsum docet & dirigit, vt postea sic informatus ad alias sciētiās accedat. Arque ex allatis Logicę causis,

quandam eius definitionem magis absolutam cōficere licet.

Est itaque Logica scientia rationalis, lumine naturalistudioque acquisita, intellectus operationes ad recte cognoscendum idoneas reddens. Dicitur, scientia, quia est habitus quidam certus & euidens, qua particula eius indicatur categoria, & genus, & forma. Dicitur, rationalis, vt demonstretur eius obiectum, siue materia, scilicet ens rationis, vel intellectus operationes, & subiectum, in quo inest, nimirum ratio. Dicitur, lumine naturali, &c. vt eius effectrix causa manifestetur. Aliis denique verbis eius effectus, causae finalis indicatur. Atq; de Logicæ natura hactenus, quæ ex iis quæ deinceps dicemus, manifestior fiet.

Qua sint in rebus cognoscendis impedimenta, & qua ratione in rerum cognitionem veniatur, vel res ad nostram intelligentiam veniant. Cap. IIII.



Vt quæ de natura Logicæ, & quæ in ea ac etiam in tota philosophia docentur, longe melius intelligi possint; meo quidem iudicio, necessaria est aliqua saltem iudis eorum q̄ hoc capite explicanda proposui notitia. Qui ergo rerum naturas per se ipsos primum inuestigare cœperunt Philosophi, nonnulla habuere impedimenta; quibus præpediti, & tarde discebant, & sæpe in graues errores incidebant. Inter alia autem fuerunt ista; primum quod nescirēt qua ratione res extra nos posite ad nostrā venirent intelligentiam, & quo pacto, & quibus viribus,

viribus, quoque cognitionis genere, cū inter sensum & intellectum non distinguerēt, a nobis cognoscerentur; Alterum multitudo & confusio rerum, earumque obscure & rectæ naturæ. Postremum, defectus modi cognoscēdi, & methodi qua facile in rerum intimas naturas intratur. Quæ impedimenta habent omnes, qui primum ad rerum notitiā acquirendam accedunt; ac p̄inde ea in hac nostra Institutione, suis in locis, remouere conabimur; & primum quidem hoc loco, dū quæ & quot sint operationes intellectus, in quibus dirigēdis Logica est occupata, vt supra de fine agentes diximus, explicabimus; quod dū fiet, docebitur etiam, quo modo intellectus in rerum cognitionem veniat, aut res in nostram intelligentiam intrent.

Vt ergo quæ diximus, facile præstemus, animaduertendum est, hominem conflatum esse ex animo & corpore, habereque aliquas potentias, siue facultates ex parte corporis, alias ex parte animæ, quibus omnes suas operationes exercet. Est autem anima vniuerse sumpta triplex; vna quæ dicitur uegetatiua, qua res nascuntur & adoleſcunt; vt est illa quæ reperitur in herbis & arboribus; alia sensitiua quæ animato tribuit aliquem sensum, ut tactum & gustū, quæ reperitur in brutis; alia intellectiua, quæ in solo est homine, quæ sapit, & intelligit.

Anima uegetatiua tres præcipue facultates habet, generatiuam, qua simile producitur; augmentatiuam, qua res crescunt; & nutritiuā, qua nutriuntur. quarum facultatum operationes non conferunt proxime ad aliquid cognoscendū, sed ad rem producendam, & conseruandam, ac proinde omittantur. Quæ hoc animæ genere utuntur, uiuentia appellantur.

Aristo. 2.
de Ani.

Animæ sensitiuæ potentia, siue sensus; alii sunt externi, alii interni; Externi sunt quinque, aspectus, cuius uis est in oculo, qui est organum uidendi: obiectum uero quod percipit, sunt res colorata, seu lucide: Auditus, cuius organum est auris, obiectum omnes soni: Olfactus, cuius organum sunt nares, obiectum, odores; Gustatus, cuius organum est lingua, & obiectum saporis; Tactus, cuius organum est caro, vel neruus; obiectum res affectæ calore, frigiditate, humiditate, & siccitate. His itaque potentiis percipit animal sentiendo ea, quæ sunt extra se, & per hos sensus, quasi per portas, res ad animum ingrediuntur, ut nunc planius explicabo.

Ad producendum aliquem sentiendi actum, uerbi gratia uisionem, tria sunt necessaria, potentia uidendi in suo organo; ut in oculo uidendi uis; obiectum quod percipiendum est, res colore affecta, & unio obiecti cum potentia, cum nulla fiat actio, nisi agens, & patiens sint coniuncta.

Libr. 3. &
7. Phys.
Arist. lib.
2. de An.

Sed peteres, qui fieri potest, ut obiectum quod est ab oculo remotum, cum oculo uniatur? Hæc unio fit per quasdam species, siue similitudines rerum, quæ diffuse per aerem ueniunt ad oculum, sicuti radii solares manando a sole se per omnes partes diffundunt. Oculus his similitudinibus acceptis, & ab eis affectus, uidet. Quod autem istæ rerum species, & similitudines quæ in nostros sensus irrupunt, admittendæ sint, certissima experientia constat. Nam cum quis suam faciem uidere uult, speculum sibi proponit, in quo ut in re transparente, recipitur species, quæ cum non possit ultra ob impedimentum progredi, reflit, non secus ac lumen facit, & in oculos reflectitur, qua recepta, homo seipsum uidet. Ad uidendum igitur opus est organo bene affecto, obiecto, & eius specie,

cie, qua excepta, actus producitur uidendi. Et quod de oculo diximus, idem de auditu qui sonos, & de olfactu, qui odores percipit, deq; alijs sensibus intelligendum est. Hi itaque externi sensus, quasi ianux quædam, siue ianitores intromittunt rerum externarum species ad alios sensus internos; de quibus mox dicemus. Dicuntur illæ rerû similitudines, & quasi imagines, species sensibiles, quia res sensibus subiectas referunt, & a sensibus percipiuntur.

Sensus interni tres communiter numerantur: Arist. lib. 2. de An. sensus communis, phantasia, memoria: quarum facultatum sedes sunt in tribus cerebri partibus, quod tres quasi cellulas habet, vnâ in parte anteriore, aliam in media, tertiam in posteriore. Sensus ergo communis est vis quædam animalis in prima cerebri parte situs, qui recipit, & percipit species omnium sensuum; ac proinde dicitur communis; & perceptas species ad phantasiam transfert. Phantasia, siue imaginatiua per species a communi sensu acceptas format idola rerum etiam absentium, apprehenditque res sub ratione boni, ac mali, earumque notiones format. Hæc itaque vis res apprehendit, & iudicat: & notitias speciesque rerum apprehensarum memoriæ commendat. Memoria est animalis sensus in tertia cerebri parte situs; quæ vim habet conseruandæ cas notiones speciesque rerum sibi a phantasia commendatas, ac proinde thesaurus vocatur. Arist. lib. de Mem.

Præter hos internos sensus in animali datur vis appetitiua, quæ diuiditur in concupiscētem, quæ versatur circa bonum sensibile sine difficultate propositum, & in irascentem, quæ bonum arduum spectat. Ex quibus varix oriuntur sensus affectiones, amor, odiū, spes, desperatio, & alix. Est etiam vis motiua, qua animal ab vno ad aliū locum

locum se confert. Atque de potentijs animæ sensitivæ, quæ ad res cognoscendas sunt adiumento, hæc pro instituto satis: nunc de viribus animæ intelligentis dicamus.

Aristo. 2.
de Ani.

Hominis igitur propria forma est anima rationalis a Deo creata, & corpori infusa; quæ cū non sit ex semine producta, est immaterialis, & incorruptibilis, cum non pēdeat a corpore, & cum sit forma perfectissima continet in se omniū aliarum animarum vires; & ita homini tribuit vim vegetandi, & sentiendi, & intelligendi. Cuius potentix numerantur tres; voluntas, qua omne bonum appetit, & ita eius obiectum sunt omnes res vt bonæ: intellectus, quo cognoscit & sapit, cuius obiectum est omne ens, vt verum: & memoria, qua rerum præteritarum recordatur. sed alijs potentijs omiſſis, de intellectu dicamus, cuius operationes diriguntur a Logica.

Aristo. 3.
de Ani.

Intellectus, vt cōmuniter docetur, duplex est: agens, & patiens: Intellectus agens, dicitur vis intellectiva, quæ suo quodā naturali lumine ex phantasmatibus formatis a phantasia, novas producit rerum species immateriales quæ repræsentant res vniuersas, sine conditionibus singularibus: quæ species recipiuntur in eadem intelligendi vi, quæ ob id quod recipit, dicitur intellectus patiens, & possibilis, prout potest species recipere, resque ipsas intelligere, & intelligendo fieri quodammodo omnia. Et hic est alter intellectus qui dicitur patiens, & possibilis, quia potest recipere species intelligibiles, & eas recipiendo actū intelligendi producere. Nec debes existimare duos esse intellectus distinctos, est enim unus & idem, qui ob duas diuersas operationes duas sortitus est appellationes. Cur autem ponatur intellectus agēs, qui novas species producat, hæc red-
ditur

3. de Ani.

ditur causa, quia phantasma, & idolum representatum intellectui a phantasia est materiale, & ita non potest mouere intellectum, qui est immaterialis, ac proinde nouis speciebus immaterialibus, quas intelligibiles vocant, opus est: quibus res vniuersæ, & sine materia represententur.

Intellectus possibilis, siue passiuus, si vnam recipiat rei simplicem speciem, vñā producit operationem, quæ dicitur simplex apprehensio, simpliciumve cognitio: nō quod solum simplicia apprehendat, cum etiam composita, & plura simul concipiat, sed quia vnum cum alio non componit. Si duas species, siue duas res inter se componat, & per assensum, vnam alteri tribuat; vt, si cū homine coniungat animal, producit secundam operationem, quæ dicitur cōpositio, si affirmet: diuisio, si neget; vt homo est animal, homo non est lapis. Si vero ex vna notitia iam habita per secundam operationem, aliquid aliud colligat, tertiam producit operationē, quæ dicitur discursus, siue deductio vnius ex alio; vt homo est animal: igitur est sentiens. Tres igitur sunt intellectus operationes, apprehensio, compositio, discursus: quas Logica dirigit, dum modum recte apprehendēdi, cōponendī, & discurrendī docet: quarum operationum naturā planius alio loco explicabo.

Atque ex dictis colligere licet, quānam ratione res quæ sunt extra nos ad nostram intelligentiam veniant, aut quo modo intellectus rerum cognitionem acquirat. Primo itaque res ipsæ emittunt sui similitudines ad sensus externos, vt res colorata suam speciem ad oculum: oculus transmittit ad sensum communem: hic ad phantasia, quæ format earum etiam absentium idola & phantasmata: intellectus agens ex phantasmate species intelligibiles producit: hæ recipiuntur in

Lib. 6.

tur in intellectu possibili, sicut species sensibiles in oculo; recipiendo apprehendit, postea apprehensa componit, & vnū de alio affirmat, aut negat: ex affirmatis aliquid discurrendo de nouo cōcludit, vnde nouæ gignuntur notitiæ per varios actus, quibus frequentatis variis acquiruntur diuersarum rerum habitus, & scientiæ.

De officio, instrumentis que Logica.

Cap.

V.

Aristo. in
polit.



Rtes quæ nihil aliud sunt, quam habitus recte cognoscendi, aut efficiendi aliquid, in eum finem excogitate fuere, vt operationes quæ a natura imperfecte exercemus perfecte exerceamus, suos habent fines, suam materiam, officium suum, & instrumenta, quibus finem cōsequuntur. quæ sit Logicæ materia, qui finis, iam explicuimus; sequitur, vt de officio instrumentis que dicamus.

Lib. 1. de
inu.

Officium in quacūque arte, vt ex Tullio colligimus, est quod artifex ad finem consequendū præstare debet, & quoniam Logici finis est dirigere operationes intellectus, ideo eius officium erit tradere præcepta, siue instrumenta quibus intellectus operationes recte dirigantur.

1. Meta.
tex. 48.
2. Poster.
tex. 5.
Plat. in
Phed.
Cic. 1. de
fin.

Sunt autem ista instrumenta numero quinque, Definitio, Diuisio, Propositio, Argumentatio, & Methodus. Definitio est oratio, qua alicuius rei clare manifestatur natura, vt animal rationale, quæ oratio hominis naturam manifestat: quod instrumento primā dirigitur intellectus operatio. Diuisio est oratio qua totum in suas partes scinditur, vt, animal, aliud rationale, aliud irrationale: homi-

hominis alia pars corpus, alia animus: quæ priuatim secundæ inferuit operationi, cum etiam alias iuuare possit. Propositio est oratio in qua vnum affirmatur, aut negatur de alio, vt homo est risuus, quæ secunda dirigitur operatio. Argumentatio, est oratio in qua vnum ex alio consequi denotatur, vt sol ortus est, ergo dies est, quæ tertiam dirigit operationem. Methodus est alicuius rei tractandæ congrua dispositio, quæ in omnibus operationibus dirigendis est necessaria; ac proinde, antequam ad ipsas operationes dirigendas accedamus, quod sequentibus libris nobis faciendum est, de ea, tanquam de communi instrumento, aliquid dicemus, si prius de Logicæ utilitate, necessitate, diuisioneque breuiter egerimus.

Porph. in
Progm.

De utilitate, & necessitate Logicæ.

Cap. VI.



AD demonstrandam utilitatem necessitatemque Logicæ, ea tantum sufficere posset ratio, qua aliquando Epictetus philosophus grauissimus usus est. Is igitur cum a suis discipulis rogaretur, vt Logicæ utilitatem necessitatemque eis demonstraret, vultis, inquit, vt rationibus ostendam? rationibus responderunt: Rursus ille, rationibus veris, an falsis? probabilibusve, an euentibus? Et veris & euentibus, inquiunt: tunc magister qua nam ratione cognoscere poteritis, an rationes quas afferam, sint veræ & euidentibus, ni prius Logicam didiceritis? cum eius munus sit docere, quo pacto, verum a falso liceat discernere, cui responsioni illi acquieuerunt. En igitur, vt sine Logica cognosci non potest, an Logica sit necessaria.

Arian.

Plat. 7. de
rep.
Augus. 3.
cont. Acad.

Quod

Roman. i
Top. Ari
Ror.
Arist. lib.
i. Top. c.
1:

Gal. libr.
10. c. 8.

Quod vero ad utilitatem attinet, Logica mirum in modum sopita ingenia excitat, obtusa exacuit; & quasi rubigine det. acta, perpolit & illustrat; scientiarum viam facilem, breuem, expeditamque reddit, in quibus obscura manifestat, confusa distinguit; & quæ dubia sunt, aut ut uera confirmat, aut ut falsa refellit, denique valet in sermonibus, prodest in negociis, dominatur in disputationibus, in foro, in senatu, in scholis. Quæ utilitates etiam necessitatem ostendunt. Nam, cum nihil prorsus scire possimus, nisi per rectum certumque usum trium operationum intellectus, profecto, si alia scientiæ sunt nobis necessaria, ea quoque necessaria erit, quæ ad recte sciendum instrumenta tradit necessaria; Deinde, ut ad habendam scientiam requiritur res ipsa, cognoscenda, ita & modus quo cognoscenda est, quem qui tenet, is tandem solus scire putatur, atque hic modus tradit in Logica, necessaria igitur. Ita tamē utilis & necessaria existimanda est, ut in ea perdiscenda non nimium ponendum sit temporis, ut aliquādo ad ea deueniatur, quorum causa Logica expetitur.

De Logica diuisione partibusque.

Cap. I.

VII.



Vaniis Logica multis modis diuidi solet, nos tamen hoc loco una, vel altera diuisione erimus contenti. Primum igitur, Logica iuxta operationes quas dirigit, commode in tres diuiditur partes, in quarum primā, prima dirigitur operatio, quæ apud Aristot. in libro categoriarum continetur. In secunda, secunda, in libris de Interpretatione. In tertia, tertia in cæte-

ris libris. Et quoniam in syllogismo de quo agitur in tertia parte, duo considerantur, forma & materia, quæ est triplex, necessaria, probabilis, & sophistica: de forma agitur in duobus primis analyticis libris: de Syllogismo necessario, in duobus reliquis analyticis: de probabili in libris octo Topicis: de sophistico, in duobus Elenchorum. Ex qua diuisione apparet numerus, & ordo librorum Logicæ Aristot. quamuis libri Topici potius Dialectici, quam Logici sint. Est enim Dialectica, si proprie loqui velimus, alia facultas longe diuersa a Logica: quam noua, sed satis impropria diuisione, quidam in docentem, & utentem diuidunt: Docens est illa quæ præcepta tradit, operationesque intellectus docendo dirigit: vtēs est eadem ad vsum in alijs sciētijs applicata. sed hæc de diuisione satis.

De methodo, quid & quotuplex sit, & quæ eius utilitates. Cap. V III.



Quoniam igitur, vt supra diximus, Methodus est quoddam sciendi instrumentum, cuius vsus ad omnes intellectus operationes dirigendas confert, ideo de ea hoc loco antequam ad alia instrumenta explicanda in sequentibus libris accedo, aliquid scribendum putauī.

Methodus est vox Græca, Latine idem valet, quod breuis, & compendiaria via: translate, significat rationem, modumque facilem, quo aliqua ordinate traditur scientia: quamuis interdū pro ipsis artibus, & scientijs sumatur. Via autem qua in aliqua re inuestiganda vtī possumus, du-

x. Physic.
tex. i.

plex est: altera, quæ ipsa natura in rebus efficiendis utitur; dum a principiis ad ea progreditur quæ ex principiis constant, a partibus ad totum, & a causis ad effectus; & hæc via appellatur ordo naturæ. Altera, quam nos in rebus cognoscendis adhibemus, dum a nobis notis ad ea quæ nobis sunt ignota progredimur; ut a causis ad effectus, & a toto ad partes, & principia, & a sensibilibus ad ea quæ sola intelligentia percipiuntur: & hæc via appellatur ordo doctrinæ, quem in docendo seruare solemus: quam etiam seruamus, dum ea prius docemus, quorum notitia ad posteriora est necessaria. Ex quibus quid sit methodus facile intelligi potest.

Est ergo methodus, eorum quæ in aliqua disciplina tractantur dispositio, secundum prius & posterius, prout conuenit naturæ rerum, vel capiti, & affectui audientium. Dicitur, dispositio, quia in quodam ordine & collocatione consistit: secundum quam aliquid prius posteriusve ponitur, aut dicitur: & quia iste ordo attenditur penes res ipsas quæ tractantur, vel penes eos qui docentur, aut audiunt; ideo dicitur, Pro ut conuenit capiti, vel affectui, audientium.

Est autem methodus triplex; prima quæ dicitur compositiua, quæ fere artes utuntur, cum a minimis partibus, & primis principiis ad maiores partes, & ad totum fit progressus; ut, cum Grammaticus a literis ad syllabas, ad dictiones, & orationem progreditur. Secunda quæ dicitur diuisiua, cum prius totum ruditer explicatur, & deinde per partes maiores, ad minores usque ad prima principia venit; ut si quis agendo de animali, illud prius vniuersè exponeret, & postea eius partes, & principia tractaret: quam methodum appellares etiam resolutiuam. Huic affinis est me-

est methodus definitiua, cum aliquid prius definitur, & postea singulæ definitionis partes explicantur; in quarum explicatione, tota rei de qua agitur natura exponitur. Tertia, resolutiua, cum proposito fine rei de qua agimus, primum ipsum finem explicamus, postea de ijs rebus agimus, quæ ad ipsum consequendum sunt necessaria, vt in Ethicis fecit Aristoteles.

Quando itaque aliquis cum methodo, idest ordinate scribere volet, videat quæ methodus sit ad rem, & personas magis accommodata: & ni-

1. Physic.
tex. 2.

quid obstat, semper a notioribus, & communioribus incipiat: diuisione vtatur, quæ maxime methodum illustrat, modo non sit nimis longa atq; perplexa: dicenda proponat, & per epilogum colligat, & colligendo quæ restant indicet. Methodus facile, breuiterque docet, memoriam iuuat; obscuraque illustrat. Sed de methodo, & de hoc libro satis: in quo breuiter ea de natura Logicæ diximus, quæ fusius accuratiusque alibi disputanda sunt: quæ is facile intelliget, qui hæc pauca intellexerit.

Libri Primi Finis.

INTRODVCTIONIS IN LOGICAM,

LIBER SECVNDVS.

In quo ijs de rebus agitur, quæ ad primam
intellectus operationem dirigen-
dam pertinent.

De huius libri subiecta materia & ordine.

Cap. 1.



Logicæ natura causâque exposi-
tis, sequitur vt ad eius materiã
in qua versatur tractandum trã-
situm faciamus. Est autem eius
subiecta materia omne id, quod
ad tres operationes intellectus
recte dirigendas facit: quare tri-
bus distinctis libris ea explicabo, quæ ad recte ap-
prehendendum, componendum, arguendumq;
cognitu sunt necessaria.

Et, vt a prima operatione qua, vt dixi, res sim-
plices concipimus, apprehēdimusve, aggrediar,
illud primo loco adnotauerim, duo esse huius
operationis vitia, confusionem & obscuritatem,
quæ per Logicam corrigendâ sunt: illud tollitur
per rectam rerum apprehensionem, hoc vero p
definitionem: atque in his duobus vitiis tollen-
dis, hic secūds versabitur liber. Et quamuis Lo-
gica per se versetur circa operationes intellectus
eas dirigendo: tamen, quia hoc per sermonem
effice-

efficere debet; ideo, Logici solent priore loco ea explicare nomina, quibus res Logicæ significantur; cum hæc facultas multas habeat peculiare voces; siue terminos obscuros communi vsu nō usurpatos.

Priore itaque loco quasdam nominum, siue, vt Logici loquuntur, terminorum diuisiones magis utiles afferam: Deinde de terminorū affectionibus, siue accidentibus agam: postea de quinque vocibus prædicabilibus; præterea de decem categoriis, siue prædicamentis: postremo de definitione, quæ est primæ operationis dirigendæ instrumentum. Ex quarum rerum explicatione ea cognoscantur, quæ ad apprehensionē recte exercendam cognoscere est necesse.

Quid & quotuplex sit terminus vniuersæ sumptus. Cap. 11.



Terminorum explicatio, ideo primū est in Logica necessaria, vt eorum intellecta significatione, res ipsæ recte percipiantur, & prima dirigatur mentis operatio: deinde, vt ex eorum notitia secundæ operationi præparetur materia; cum ex conceptuum siue terminorum simpliciū coniunctione secunda exerceatur operatio. Quo fit, vt sicuti prima intellectus operatio in se considerata, dicitur apprehensio, cōceptio, notioque rei, ita ad secundam ordinata vocatur terminus; quia propositionem duobus cōceptionibus comprehensam terminat. Dictiones ergo, siue notitiæ simplices per metaphoram termini vocantur, translatione ab agrorū limitibus sumpta, quod terminent contineantq; propositionē.

Aristo. in
Elenc.

Arist. lib.
I. poster.
cap. I.

Ideo Logici terminum definiendodiciunt, esse extremum in quod resoluitur propositio, tâquâ in subiectum & prædicatum; vt in hac propositione, Homo est animal, quæ est quoddam totû, siue compositum, cuius partes, & extrema sunt, Homo, animal. Dicitur itaque terminus extremum ob allatam rationem, quia rei alicuius terminos, extremitates vocamus. Dicitur, in quæ resoluitur, quia si quis propositionem quæ est quid compositû resolueret vellet, resolveret in terminos: non in quoscunque, sed in illos, quorum vnus est subiectum, id nimirum de quo aliquid dicitur, alter vero prædicatum, id videlicet, quod dicitur, siue prædicatur: nam aliæ dictiones, quæ in propositione ponuntur, nō sunt termini; vt si dicas, omnis homo est animal, est, & omnis, non sunt termini. Quod nos terminum appellatione valde vsitata vocamus, alii nomen, alii vocem, alii aliter vocant; sed hæc appellatio, cum sit clarior retinenda est. Explicata itaque termini notatione, definitione quæ, ad diuisionem accedamus.

Prima termini diuisio sit hæc, Terminus est duplex, vnus simplex, siue incomplexus, & est ille cuius partes per se nihil significant; vt homo, animal: dixi, Per se, quia accidit quod aliquando aliquid significant; vt in hoc termino, Armamentum, arma, & mentum: quia non idē significant istæ partes coniunctæ, quod separatæ: Alter complexus, cuius partes per se aliquid significant; vt, animal album, vir bonus.

Ex Arist.
li. I. Prio.
cap. I.

Secunda diuisio, sumpta ex subiecto in quo reperitur terminus, ex triplici nimirum propositionum statu: nam alia propositio est mentalis, alia vocalis, alia scripta, vnde terminorum alius mentalis, vt ille in quem resoluitur propositio mentalis, alius vocalis, alius scriptus.

Tertia,

Tertia, quoniam cum vox auditur, aut in scriptura legitur, necessario in mente aliquis gignitur conceptus, hinc oritur alia diuisio, siue subdiuisio termini mentalis: nam alius dicitur, nō Ultimatus, aprius Medius diceretur, cum solam vocem aut scripturam percipimus re significata nō intellecta; quem terminum habēt ignari linguarum; vt si quis audiret hanc vocem hebraicam, Gadol, vel hanc grēcā, Megas, & hebraice, græceq; ignoraret: Alius Ultimatus, siue Ultimus, cum non solum vox, sed etiam res significata percipitur: in hunc enim finem nomina rebus imponuntur.

Quarta, Mētalis rursus duplex; alius directus, conceptus videlicet, & notitia prima qua percipitur aliquid: alius reflexus, quo cognoscimus nos aliquid cognoscere, vel quo intelligimus, aliquid alicui attribuire; vt, cum cognosco me cognoscere quid homo significet, vel me aliqd homini affirmando attribuisse. Atque hæ posteriores diuisiones pertinent ad terminum mētalem, de quo etsi præcipue Logicus agere debeat, cum terminus vocalis vim habeat a mentali, & oratio demonstratiua, quæ est potissimum Logicæ instrumentum, non in oratione externa, sed in mente consistat: tamē, quia termini vocales sunt notiores, & ad tradendam Logicæ doctrinam necessarij, ideo hos priuatim Logici explicare solent; id quod nos deinceps faciemus. Relicto itaque termino mentali, & scripto, vocalis subdividitur in significatiuum, & non significatiuum: quid autem vterque sit, sequenti capite explicabitur.

r. Poster.
cap. 8.

*De termino vocali significatino, & de vni-
uoco, analogo, & equiuoco.*

Cap. . . III.



Antequam terminum vocalem diui-
do, primum quid sit significare ex-
plicandum est: vt autem id intelli-
gatur, prius dicendum est quid sit
signum.

Aug. libr.
1. de prin.
dialect.

Signum est id, quod se, & aliquid aliud sensui
animæ ostendit; ut fumus, qui se, & ignē ostē-
dit, & suspiria, quæ se & mentis affectum patefa-
ciunt. Est autem signum duplex, alterum natu-
rale, quod suapte natura aliquid significat; vt fu-
mus, & risus: alterum ex instituto, quod ex uolū-
tate significat; ut sonus campanæ: uel etiam ex
consuetudine, ut rerum uenialium signa. Vtrun-
que reperitur, in rebus & in uocibus: naturale in
rebus; fumus; in uocibus, suspiria: uoluntarium
in rebus, sonus tubæ; in uocibus, uoces quibus
loquimur. Rursus, signum aliud formale, qualis
est species rei in potentiis consignata, quibus res
significata percipitur: quo fit, ut conceptus men-
tis rerū similitudines uocentur: aliud instrumen-
tale, cuiusmodi sunt uoces, & ea quæ potētis co-
gnoscentibus aliquid repræsentant. Significare
autem nihil aliud est, quam potētiæ cognoscē-
ti aliquid repræsentare: quo fit, ut quidquid re-
præsentat, aliquid significet, sitque eius signum.
His ita positis ad terminorum uocalium diuisionē
uenio.

Lib. 1. Pe-
riher. c. 1.

Prima, terminus uocalis duplex est, significa-
rius, & non significarius. Significarius hunc
in modum describi solet, est uox significatiua ad
placitum ex qua simplex cōponitur propositio.

Dici-

Dicitur vox significatiua, ad excludendos terminos vocales non significatiuos; & quia est signū quoddam, vt patet ex dictis. Dicitur ad placitū, vt excludantur voces quæ naturaliter aliquid significant. Dicitur, ex qua simplex, &c. vt ostendatur terminorum vsus, & finis; qui est vt in propositione adhibeantur; vt ex eorum definitione constat. Non significatiuus est ille, qui nihil significat, vt Bliētri; Bas. qui tamen in propositione adhiberi possunt, in qua non stant pro aliqua re significata, sed pro seipsis; vt si dicas, Bliētri est sonus, est vox, est disyllabum; sed subintelligitur, Hæc vox, hic sonus; non secus ac si diceres (ostēso Aristotele) hic homo est philosophus: vbi, nō Arist. sed hic homo esset dictæ enunciationis subiectum.

Secunda diuisio, terminus vocalis significatiuus, alius vniuocus, alius æquiuocus, alius analogus. Vniuocus est vox, quæ significat vñū, vel multa, quæ in eadem ratione, siue natura conueniunt; vt homo respectu singulorum hominum: equus, respectu omnium equorum; & animal respectu animalium: quæ omnia significantur vno nomine, vt in vna natura conueniunt. Acquiuocus, est vox, quæ significat plura, vt habent plures naturas diuersas, sine vllō ordine ad vñum; vt canis, de terrestri, de aquatili, hoc est de pisce quoddam, qui canis nominatur, & de celesti, idest de astro, quod canis nuncupatur: Taurus, de animali, mōte, astro, radice quadam, & de quodam philosopho. Analogus est vox quæ significat multa sub diuersa ratione, cum aliquo tamē ordine vñius ad aliud; vt sanum, de animali, de potionē, & vrina, sanum, primo significat animal sanum, & quia potio est causa sanitatis, & vrina signum, ideo per ordinem quem habet ad sanitatem animalis,

Arist. c. 1.
p̄dicam.

malis, potio & vrina sana dicuntur. Id, quod primo tali voce significatur, dicitur primum analogatum; reliqua secunda analogata. Analoga interdum vocantur æquiuoca a consilio; vt homo de viuo & picto, ob differentiam terminorum pure æquiuocorum, qui uocantur æquiuoca a casu & fortuna; ut Petrus de pluribus Petris.

Circa hos terminos hæc animaduertenda sunt: Primum vnum & eundem terminum posse esse vniuocum, analogum, & æquiuocum respectu diuersorum; vt, gallus, de gallinaceo vniuoce; de eodem, & de picto, analogice; de his, & de homine in Gallia nato, æquiuoce: Deinde, æquiuocū & analogum posse fieri vniuoca, si ad unum significatū referant, aut restringantur; ut canis ad animal latrabile. Præterea, analogum simpliciter prolatum, stat pro suo primo significato; ut, sanum, pro animali, Pater, pro Deo: ens, pro substantia. Postremo, plura sunt nomina analoga, quam vniuoca, cum iam ex usu omnia fere facta sint analoga, respectu omnium suorum significatorum.

Afferuntur alie quattuor terminorum diuisiones. Cap. IIII.



Vrsus terminus vocalis a principio varijs modis diuidi potest. Primo, terminorum, alius categorematicus, alius syncategorematicus, alius mistus. Vbi nota, hæc vox; categorema, a Græcis philosophis usurpata, latine, idē ualēt, quod significatio, & categorematicus, idē quod significatiuus, & syncategorematicus, cō, uel simul significatiuus.

Cicer.

Termi-

Terminus ergo categorematicus est uox quæ per se aliquid significat; ut, animal, bos, cœlum. Syncategorematicus, siue consignificatiuus, est Cic. Tul. uox quæ per se nihil significat, sed alteri addita 4. facit aliter significare; ut, omnis, nullus, quidā, non. Mistus, est uox quæ non rem, sed rei modū significat; ut sunt aduerbia, fortiter, iuste, prudenter, ubique, nullibi; qui aliquid aliquo modo significant; ut nullibi, idest nullo loco, docte, idest cum doctrina. Sed quoniam propositio in hos terminos, sicuti nec in syncategorematicos non resoluitur, tanquam in subiectum & prædicatū; ideo non sunt proprie termini.

Secundo, terminus, alius primæ intentionis, siue impositionis, alius secundæ intentionis. Primæ intentionis terminus, est uox siue nomen, quod primo impositum fuit ad significandas res ipsas, quæ dicuntur primæ intentiones, quia intellectus primo in eas tendit; ut, homo, Deus, animal, quasi nomina rebus primo imposita, quæ illis conueniunt, ut sunt a parte rei, seclusa omni operatione intellectus. Terminus secundæ intentionis, est nomen impositum ad significanda nomina rebus primo imposita, quasi secundæ impositionis uoces, uel quia imponuntur rebus, nō ut sunt in se, sed ut circa illas operatur, & in eas secundario tendit intellectus, hoc pacto, homo & grammatice dicitur substantiuum, & appellatiuum; amare dicitur uerbum, & homo nomen: &, ut circa illum uersamur per intellectum, logice dicitur species, subiectum, prædicatum, & uniuersale.

Tertio, rursus terminus, alius finitus, uox uidelicet ea, quæ determinatam habet significationem; ut animal, substantia: alius infinitus, vox nimirum quæ nihil determinate significat, sed om-

Arist. lib.
i. perihet.

nia indeterminate; negat tamen aliquid deter-
minare; vt non homo; non pater; non videns:
qui termini; & negatiui dicuntur: verum negati-
ui, si dicant priuationē in subiecto apto, nō erunt
negati, seu infiniti, sed priuarii; vt cecum, tene-
brosum: si vero in quocūque subiecto, tunc erūt
negatiui, vt non videns, de lapide: quod nominū
genus dicitur & de ijs quæ sunt, & de ijs que non
sunt; vt non homo, de lapide, & chimæra. Nomi-
na vero, quæ nec priuationem, nec negationem
dicunt, positiua, quod aliquid ponant dicuntur.
Vnde aliam colligeres terminorū diuisionem,
quod alii sint negatiui; vt cecum, non vidēs, alii
positiui, ut homo, animal.

D. Tho.
opusc. 48.
c. 2.

Quarto, terminorū, alius abstractus, alius con-
cretus, alius absolutus, alius connotatiuus, & a-
lius denominatiuus. Abstractus est vox quæ rem
simplici modo significat, rem nimirum seorsum
consideratam a subiecto; vt caliditas, sanctitas: hu-
manitas. Concretus, qui rem modo composito
significat, coniunctam cum re, in qua est; vt cali-
dum, sanctum. Absolutus, qui significat rē quasi
per se existentem, quamuis in se non existat; vt
nigredo, color, iustitia: Connotatiuus, qui signi-
ficat rem alteri inherētem, vel adiacentem, vel
qui significat rem connotando, id est simul signifi-
cando subiectum cui inest: qui duplex est, alter q-
significat rē, siue formam, & quasi formam, quæ
vere adiacet; ut candidum, vestitum, cecum nō
videns; alter qui significat rem per modum adia-
centis, quæ vere non adiacet; vt corporeus, ho-
mo; illa nomina extrinseca, hæc intrinseca vo-
cantur, ac ideo hæc non sunt proprie connotati-
ua: sunt tamen concreta: ac proinde latius patet
concretum, quam connotatiuum: cōtra vero la-
tius patet absolutum, quam abstractus. Vnde cō-
nota-

notatiua aliud significant, nimirum formam, & de alio dicuntur, nimirum de subiecto: exempli gratia, candidum significat candorem, dicitur tamen de cygno, vt de re cādda. Denominatiuus, est terminus connotatiuus, ab aliquo priore, voce ac significatione deductus, vel qui a primitiua seu principali voce deflexus eandem rem significat: vt sanētum a sanētitate, prudens a prudētia. Quare illi termini qui ab alio non deducuntur, vt pugil, cursor, & similes non sunt denominatiui, cum non detur vox abstracta a qua denominentur.

Arist. c. r.

p̄dicam.

2. Top. 2.

Afferuntur tres alie terminorum diuisiones, ex quantitate significationis sumpta. Cap. V.



I terminorum significationem maiorem, aut minorem spectemus, alia suboriuntur eorum diuisiones.

Prima, terminorum, alius cōmunis, siue vniuersalis, alius singularis: vniuersalis est vox quę plura seorsim & vniuoce significat: dicitur seorsim, siue diuissim, vt distinguatur a vocibus quę plura collectivē significant; vt, turba, gens: dicitur vniuoce, vt excludantur analogæ, quę non sunt proprie vniuersalia. Singularis cuius significatio nō potest a pluribus vniuoce participari, vt Petrus, Roma.

Secunda terminorum, alius transcendens, & alius non transcendens: Terminus transcendens est vox communis quę omnibus rebus veris, & existentibus applicari potest; vt sunt isti, res, ens, verum, bonum, aliquid, vnum; designati literis huius fictæ vocis, Reubau: Non transcendens est

vox

vox quæ aliquod ens determinati generis significat, ut animal, virtus. Assignatur a quibusdam aliæ voces transcendentes, quæ etiam rebus non existentibus tribuuntur, vt opinabile, cogitabile, apprehensibile.

Tertia, quæ est subdivisio singularis, qui dividitur in determinatum, collectivum, vagum, & ex suppositione. Determinatus est vox, quæ rem aliquam determinate significat; vt, Socrates, Plato, hic homo. Collectivus est vox, quæ plura in vnum collecta significat; vt Populus, ciuitas, gens. Vagus est vox, quæ vnum indeterminate significat; vt quidam homo, quoddam animal, aliqua virtus. Ex suppositione, est vox quæ vnum tantum significat; cum tamen ex se plura significare possit; quæ, suppositione facta, vnum significat; vt Petri filius, posito Petrum vnicum habere filium. Atque has terminorum per se consideratorum diuisiones attulisse sufficiat: neq; enim omnes quæ fieri possent, afferre est necesse; quia id sine vtilitate, non tamen sine confusione fieret. Alij igitur termini huius facultatis proprij, vel a Philosophis vsurpati suis explicabuntur in locis.

Afferuntur alia terminorum inter se comparatorum diuisiones. Cap. VI.



Voniam vero termini non solum p se, sed etiam comparate cōsiderari possunt; ideo sub hac consideratione nōnullæ eorum fieri diuisiones solent.

Primum igitur termini inter se cōsiderati, vel sunt pertinentes, vel impertinentes: Impertinentes

res illi dicuntur quorum nulla est vtilitas, siue
vſus; vt ſunt illi quorum vnus non inferſt alium,
nec alteri repugnat; vt fortis, & pictor, agricola,
& tibicen: orator, & Gallus. Pertinentes vero,
qui inter ſe inferunt, vt homo & animal: vel in-
ter ſe repugnant; vt album & nigrum: nam quod
eſt album, non eſt nigrum. Vnde pertinētes ſub-
diuiduntur in pertinentes ſequela, & pertinen-
tes repugnantia.

Pertinentes ſequela ſunt illi, qui in bona con-
ſequentia ſe inferūt: quorum tres ſunt ordines.
Primus eorum qui ſe habent, vt inferior & ſupe-
rior, vt homo & animal, iuſtitia & virtus, vbi va-
let argumentum ab inferiori ad ſuperiorem, nō
contra; vt eſt homo, ergo eſt animal: eſt iuſtitia,
igitur virtus: ualeat tamen negatiue, non eſt ani-
mal; igitur nec homo. Vnde quidquid affirma-
tur uel negatur uniuerſe de ſuperiori, ut de ani-
mali, affirmabitur etiam de homine: & quidquid
dicitur uel negatur de homine, ſiue de inferiori,
dicetur etiam, vel negabitur de ſuperiori, parti-
culariter tamen ſumpto, vt ſi de homine dicitur
eſſe riſium, & non eſſe brutum, dicetur etiam
de animali; & ſi de animali dicitur viuens, & ne-
gatur lapis, itidem de homine. Secundus conuer-
ſibilium, vt ſunt illi qui ita ſe habēt, vt ab vno ad
alterum argumentari liceat, affirmando, & ne-
gando; vt homo, & riſiuus: canis, & latrabilis.

Tertius eorum, qui dicuntur ſynonymi, vt ſunt
illi qui idem prorsus ſignificant; vt veſtis, indu-
mentum: facies vultus. In his duobus generibus
duo ſunt argumentandi modi. Primus, de quo af-
firmatur, vel negatur vnus terminus, item & al-
ter; vt ſi de Petro dicitur homo, dicetur etiam ri-
ſiuus: ſi de ligno negatur homo, etiam riſium,
& contra. Secundus, quod dicitur vel negatur de

Vno, dicitur vel negatur de alio; vt de homine dicitur animal, etiam de risiuo: de homine negatur lapis, etiam de risiuo; & contra, si de risiuo negetur, etiam de homine.

Pertinentes repugnantia sunt illi qui inter se opponuntur, vel significant res inter se oppositas, quarum una non potest esse cum alia: quorum hi sunt ordines. Primus eorum qui dicuntur contrarij, qui significant res contrarias, quæ se ab eodem expellunt subiecto; vt calidum & frigidum, candidum & atrum. Secundus priuantium, quorum unus dicit habitum siue formam, alter eiusdem absentiam, in subiecto apto; ut lux, & tenebræ: uidens & cæcum. Tertius relatiuorum; ut pater filius, uxor maritus, maius minus. Quartus contradicentium, quorum unus dicit negationem alterius; ut homo, non homo, amat non amat. Postremus disparatorum; qui significant res diuersas; ut sal, aqua: lapis lignum. In his argumentamur ab affirmatione unius ad negationem alterius, non autem a negatione; ut est cæcus, ergo non est uidens: sed non diceres, non est album, ergo est nigrum.

Denique termini inter se collati, diuiduntur in subiicibiles & prædicabiles: subiicibiles dicuntur illi, qui semper fere in propositione subiiciuntur, ut singulares, & inferiores respectu superiorum: prædicabiles uero qui in propositione semper fere prædicantur; ut sunt termini uniuersales: qui maxime inferuiunt scientiæ, ac proinde diligenter cognoscendi sunt.

De terminorum accidentibus, siue affectionibus. Cap. VII.

Post allatas terminorum diuisiones, ut eorum uis, & significatio longe melius teneatur, de non-

nonnullis eorum accidentibus agendum est: inter cætera autem terminorū accidentia hæc tria sunt præcipua, quantitas, qualitas, & significatio nis variatio, siue suppositio; de quibus breuiter pro nostro instituto nunc dicturi sumus.

Quantitas nihil aliud est, quam extensio termini ad plura vel pauciora significanda. Exempli gratia, hic terminus, homo ex se indeterminate significat homines, qui potest extēdi ad omnes significandos, si addatur terminus syncategorematicus, omnis: potest etiam significare vnum tantum, si addatur, aliquis. Quantitas itaque terminorum ex signorum syncategorematicorum appositione innotescit: vt sunt signa vniuersalia, omnis, nullus: particularia, aliquis, aliquis non: & singularia, vt hic homo, vnde alij termini sūt vniuersales, vt omnis homo; alij particulares, vt aliquis homo: alij singulares, vt hic homo: alij indefiniti, vt homo.

Qualitas terminorum nihil aliud est, quam affectio quædam, quæ ex signorum affirmatiuorū, vel negatiuorum appositione oritur: vnde alij sunt affirmatiui, vt illi, quibus apponuntur signa affirmatiua; omnis, aliquis: alij negatiui, vt illi quibus adduntur signa negatiua, nullus, aliquis non; vt omnis homo, nullus homo, aliquis homo, aliquis homo non.

Suppositio vero est acceptio, siue vsus nominis generaliter accepti pro re quam quocunque modo significat; vt cum dico Philosophus, pro Arist. cælum, pro natura cælesti. Vnde nomina supponi nihil aliud est, quam suffici, & substitui loco rei significatæ. Ex quibus colligeres, nos nō debere dicere, nomina supponere, sed supponi, cum in disputatione pro rebus ipsis ponantur: posset tamen dici, Nomen hoc supponit rem, id-

Libr. I.
Elen. c. I.

est substituit. Rursus colligeres, non esse verum, terminos solum supponere in propositione, seu enunciatione; cum vbicunque pro re significata supponantur, etiam in oratione non enunciatiua, modo aliqua exprimatursententia; vt in optatiua, interrogatiua, & alijs. Denique colligeres, errare eos qui dicunt, terminum qui supponit in propositione debere verificari de re significata mediante copula suæ propositionis, vnde colligunt subiecta in his propositionibus, Adamus est, Antichristus est, Chimera est, non supponere, quod est falsum: quia istæ propositiones non ob aliam causam sunt falsæ, nisi quia supponunt. Et quoniam suppositio mutatur pro signorum varietate, antequam ad species suppositionis explicandas accedo, quasdam signorum diuisiones attingam.

Signorum alia sunt nomina, vt omnis, nullus; alia aduerbia, vt semper, nullibi: item alia syncategorematica, vt, omnis, & nō: alia mista, vt nemo, semper: item, alia affirmatiua, vt omnis, alia negatiua, vt nullus: item, alia vniuersalia, vt omnis semper, alia particularia, vt quidam, aliquando, vel. Inter mista vniuersalia ponuntur aduerbia numeralia bis, ter, & nomina, duo, tria. Rursus sunt quædam signa quæ dicuntur media, quæ partim vniuersalia, partim singularia sunt; vt alter, neuter, vterque, & omne, pro speciebus singularium, quæ resoluntur, per &, quæ vniuersalitas dicitur, & per Vel, quæ particularitas nominatur, vt alio dicitur loco.

*Quotuplex sit suppositio, siue de speciebus
suppositionis. Cap. VIII.*

Suppositio, quam diximus esse termini vsum, duplex est: una formalis, vt est illa, in qua terminus

minus supponitur pro re significata; ut cum homo sumitur pro natura humana; altera materialis, quæ est usus uocis pro se ipsa.

Est ergo suppositio materialis illa qua terminus significat seipsum, seu uocem; ut, homo est uox, homo, dicitur supponere materialiter, quia seipsum, seu uocem ipsam significat: quæ suppositio reperitur in uocibus etiã non significatiuis.

Relicta materiali, formalis duplex est: altera propria quæ est usus, siue acceptio termini propriè significatis; ut homo est animal; ubi, homo, sumitur propriè: quia significat rem ad quam significandam primo est impositus: Altera impropria, quæ est usus termini pro re quã improprie significat; ut, homo est bene pictus: homo hic sumitur improprie, pro imagine: cuius uaria sunt genera pro uarietate significationis, improprie, de quibus Grammatici uideant.

Nos libr.
I. de Elo-
quut.

Suppositio formalis propria duplex; altera cõmunis, quæ est acceptio termini communis pro suo, vel suis significatis; ut, homo est species nobilissima animalium: omnis homo est mendax: altera singularis, siue discreta; acceptio nimirum termini pro una re tantum singulari; ut, Socrates fuit hominum sapientissimus: hic homo currit; filius Ioannis studet, posito, unicum habere filium. Communis rursus triplex, simplex, personalis, absoluta. Simplex, quæ est acceptio termini communis pro suo immediato significato; ut homo est species. Personalis quæ est usus termini pro suis mediatis significatis; ut aliquis leo rugit, aliquod animal currit: quoddam animal est species infima, & indiuiduum, in quibus propositionibus termini sumuntur pro mediatis significatis. Absoluta, quæ est acceptio termini pro suo immediato significato, non præcisa

tamen; ut homo est animal, quæ est uel uti media inter simplicem & personalem, quæ sunt inter se contrariæ.

Rursus, suppositio duplex, una naturalis, quæ est acceptio termini cõmunis pro omnibus suis significatis, inferioribus; ut omnis homo est animal, ubi homo supponit pro omnibus qui fuerunt, sunt, & erunt: altera accidentaria, quæ est acceptio termini communis non pro omnibus suis significatis, ut omnis homo disputat; ubi, homo supponitur pro ijs qui sunt: omnis homo literatus studet.

Rursus suppositio est quadruplex: prima determinata, in qua terminus significat unum sine distinctione: uel q̄ resoluitur, descensu disiunctiuo, cum particula uel disiunctiue accepta: ut aliquis homo currit, idest, hic homo currit, uel ille currit, uel alius currit, & sic de cæteris. Secunda distributiva, quæ est usus termini pro omnibus inferioribus simul, & seorsim sumptis, uel quæ resoluitur descensu distributiuo cum particula Et, copulatiue accepta, ut omnis homo currit, idest, & hic homo currit, & iste currit, & sic de alijs.

Tertia copulata, quæ est usus termini pro pluribus collectim sumptis, uel quæ resoluitur descensu per particulam Et, collectim sumptam, ut discipuli sunt duodecim, id est, isti, & isti, & reliqui simul sunt duodecim. Quarta confusa, q̄ est usus termini aliquid vnum indistincte significantis, uel quæ resoluitur descensu per particulam, Vel, disiunctim acceptam: ut ad equitandũ requiritur equus: Venetijs venditur piper; idest, aut hoc piper, aut illud, aut aliud venditur: unde non fit resolutio disiunctiue, ut prædicatum determinate cadat in vnum, cum omnes particulares sint falsæ.

Sed peteres, in quo confusa; & determinata suppositio differant: Respondeo differre in hoc, quod licet vtraque significet vnum; tamen determinata ita significat vnum, vt multis possit applicari, sed non omnibus; vt cum dicitur, aliquis homo currit, quia vnus currit, non omnes: at confusa ita de omnibus dicitur, vt de omnibus confuse possit dici, cum vnum confuse significet. Explicantur itaque istæ suppositiones per descensus diuersos, vt innuimus.

Descensus autem nihil aliud est, quam explicatio suppositionis alicuius termini pro multis rebus acceptis per ea omnia pro quibus actu supponit; vt patet in exemplis allatis: qui quadruplex est, pro quattuor suppositionum allatarum varietate: Copulatiuus, qui fit per particulam Et, copulatiue acceptam, quæ propositiones iungit: Copulatus qui fit per eandem particulam copulatiue acceptam, quæ non propositiones, sed partes vnius propositionis iungit, idest prædicatum cum subiecto; vt duodecim cum omnibus discipulis simul. disiunctiuus, qui fit per particulam, Vel, disiunctiue acceptam, nec tentem propositiones: disiunctus, qui fit eadem particula disiunctiue accepta, quæ non propositiones, sed partes propositionis nec tit.

Rursus distributiua duplex: altera quæ dicitur distributiua pro singulis generum, idest pro indiuiduis singularum specierum, quæ resoluitur descensu copulatiuo, vt omne animal moritur, idest omnium specierum, hoc indiuiduum moritur; & hoc, & hoc, & sic de alijs: altera pro generibus singulorum, idest pro omnibus speciebus indiuiduorum; vt, omne animal fuit in arca Noe, idest ex omnibus speciebus hoc, vel illud indiuiduum: in prima enūmerantur omnia indiuidua, descen-

su copulatio: in hac vero descensu disunctio.

Rursus distributiva duplex; altera simpliciter distribuit, & nullam patitur exceptionem; vt; omnis homo est risuus, omne animal est mortale: altera exceptiua, in qua aliquid excipitur: quam aliqui Accommodam vocant; vt omne animal fuit in arca Noe, excipiēda sunt quæ in aqua viuunt, & quæ non ex sua procreantur specie, quia ista non fuerunt in arca. Quod tegit omnia cælum, idest quæ tegi possunt: omnia subiecit sub pedibus eius, idest præter eum qui subiecit omnia. Vt autem quæ de suppositione diximus melius intelligantur, sunt hic nonnullæ regulæ animaduertendæ.

Prima, nomen quod mediate attingitur a virtute alicuius signi, supponit confuse; quod vero immediate, stat distributue; vt, omnis homo est animal, omnis distribuit homo, cōfundit animal, vt sit sensus, hic, & hic, & iste homo, est hoc, vel illud animal. At signum negatiuum distribuit, & subiectum, & prædicatum; vt nullus homo est lapis, idest nec iste, nec iste homo, est hic, nec ille, nec alius lapis. Verum signum positū in vna simplici propositione, non attingit terminos alterius, si una fiat hypothetica; vt, omnis homo est propensus ad malum, & tamen aliquis homo est probus: signum, Omnis, non attingit, subiectum posterioris enunciationis. Similiter quādo signū est pars vnius extremi, non attingit, alterum extremum; vt, quidam homo habens omnem sciētiā, est malus; vbi signum, Omnem, non afficit subiectum, vel prædicatum, cū sit pars vnius extremi, idest subiecti.

Ex his colligeres, prædicata in his propositionibus, Petrus & Paulus est Apostolus, Patavij & Bononiæ instituitur iuuentus, accipi confuse, si,

Et,

Et, sit vice signi vniuersalis, vt ponat pro, vterq; .
 Similiter dictiones quę reguntur ex verbis deter-
 minatis, per aduerbia numeralia, solum confuse
 accipiuntur; vt in hac bis cantauī missam: ter p-
 nūciaui verbum, quę explicantur per descensum
 disiunctim. hoc modo, Bis cantauī hanc missam,
 aut illam, aut illam missam.

Secunda regula, omne verbum personaliter ac-
 ceptum, quod sequitur verba, necessitatem signi-
 ficantia, vt Requiritur, necesse est, debeo, uel a-
 ctum animi, vt polliceor, desidero & similia, fa-
 ciunt supponere confuse id cui applicantur; vt
 Promitto tibi librū: debeo tibi pecuniam, ad scri-
 bendum requiritur calamus.

De suppositionis affectionibus.

Cap. IX.



Suppositionis affectiones numeran-
 tur tres, Status, Ampliatio, Restri-
 ctio. Status est cum terminus ea si-
 gnificat quę existūt tempore signi-
 ficato per verbum, siue copulam,
 principalem, quę cum termino iungitur; vt se-
 dens est disputans, vel qui sedit disputat, vel se-
 dens, qui stetit, disputat; vbi termini supponunt
 pro præsentibus solis, iuxta tempus designatum
 in copula principali.

Est autem status triplex iuxta tres temporum
 differentias, præsens, præteriti, & futuri. Sta-
 tus præsens est, cum terminus significat res exi-
 stentes tempore præsenti; vt qui studet, sedet. Sta-
 tus præteritus est cum terminus significat res q̄
 exstiterunt tempore præterito; vt, qui mortuus
 est, vixit. Status futurus est, cum terminus signi-

ficat res quæ existēt tempore futuro; vt qui post nos viuent, multa videbunt noua. Si itaque verbum non restringatur, nec ampliatur, nec distrahat̃ur, habet suum statum principalis copulæ.

Ampliatio est, cum terminus non solum significat res existētes tempore designato per verbū; sed etiam aliquo alio tempore; vt, sedens surrexit, vbi sedens, designat eum qui tempore præterito sedebat, & eum qui nūc sedet: Est enim sensus illius propositionis, qui sedet, aut sedebat surrexit. Ampliatio quadruplex est: vel ad præsentia & præterita, vt patet in allato exemplo: vel ad p̃sens, & futurum; vt in hac, viuens morietur, id est qui viuit, aut viuet: vel ad tria tempora; vt in hac, Natus morietur, id est qui natus est, aut nascitur, aut nascetur, mortem obibit; vel etiam ad tempus possibile; addunt aliqui etiam, ad tempus imaginariū, sed nihil fuit necesse, vt alij adnotarunt; vt in hac, Homo est risiuus, id est qui fuit, est, erit, vel esse potest, est risiuus.

Tonf.

Vnde ampliatio duobus modis fit, primo respectu temporum tantum, in terminis singularibus; vt Petrus negauit Christum, id est, Petrus qui est, vel fuit: altero respectu temporum, & subiectorum, quomodo ampliantur termini communes; vt homines morietur, quæ propositio est vera de omnibus qui sunt, & erunt: addunt alij respectu temporum & formarum, vt album fuit nigrum. hoc est, quod habet, vel habuit albedinem fuit nigrum.

Restrictio est, cum terminus qui potest multa significare, ex additione alicuius vocis, pauciora significat; vt, homines iusti Deum timent; terminus, homines, restringitur per adiectiuum Iusti, Fit autem restrictio quinque modis: primo adiectione nominis adiectiui, vt in allato patet exemplo;

plo: secundo per additionem nominis substantiui in recto; vt, animal homo: tertio per additionem eiusdem nominis substantiui in obliquo; vt liber Aristotelis, docte scriptus: quarto per additionem eiusdem nominis cum præpositione; vt stans in cubiculo legit: postremo per additionem alicuius propositionis; vt qui bene viuunt, bene moriuntur: qui sequitur Christum non ambulat in tenebris.

Sunt autem restrictionis species tres: Alienatio, Diminutio, Appellatio: Alienatio est, cum terminus non significat quod proprie solet significare, sed per additionem alicuius vocis significationem habet impropriam; vt equus æneus est in platea; vbi, dictio, æneus, traducit dictionem, equus, ad significationem impropriam.

Diminutio fit, cum ex additione alicuius vocis terminus non habet totam suam significationem; vt Aethyops est albus secundum dentes; particula, secundum dentes, minuit, & facit dictum, vt loquuntur, secundum quid, sine qua, dictum est simplex, vt homo albus.

Appellatio est qua vnus terminus alterum denominat: vel est denominatio qua vna dictio aliam denominat; vt, Christus est bonus pastor; vbi bonus, dicitur appellare terminum. Pastor: Bonus, dicitur appellans, vel denominans, Pastor appellatus. Nomine itaq; appellationis meliores Dialectici intelligunt denominationem que fit ab aliquo nomine adiectiuo, vel a termino qui se habet, vt adiectiuus, sicut terminus appellatus est terminus substantiuus, vel quasi substantiuus; vt in hoc patet exēplo, Franciscus est egregie doctus; vbi aduerbium, Egregie, est veluti adiectiuum, & doctus, quasi substantiuum. Vnde patet primum discrimen inter terminum appellantem, & appellatum;

latum: quia appellans est adiectiuum, appellatus substantiuum. Rursus appellans semper sumitur formaliter, at appellatus interdum etiam materialiter; vt, iste monachus est albus, albus appellat hominem, non monachum: hic philosophus est bonus, Bonus, hominem materialiter appellat; non hominem, vt est philosophia præditus. Quare duplex est appellatio: vna materialis, altera formalis. Rursus, alia est qua appellatur ens reale, quæ dicitur appellatio realis; vt homo est animal sagax: alia qua appellatur ens rationis, cū dictio appellans significat ens rationis; vt homo est species; vbi, Species, licet sit nomen substantiuum; tamen vt denominat, est connotatiuum. Circa appellationem notandæ sunt hæ regulæ.

Prima, nomen adiectiuum, vel quasi adiectiuum, quod dicitur de termino habente materiale significatum, illud appellat; vt hic logicus est bon⁹: at si significaret ens rationis, appellaret formale modo nihil obsteret; vt homo est species, homo prædicatur de pluribus: vbi nota, pro materiali significato sumi etiam mediata significata. Dixi, modo nihil obsteret, quia ista appellatio potest impediri; vt si dicas, hic homo est species: omne animal est genus, in quibus appellatur mediatum significatum.

Secunda, nomen adiectiuum, aut quasi adiectiuum additum ante substantiuum in eodem extremo, appellat formale significatum illi⁹; vt, homo est doctus philosophus: at si substantiuum post adiectiuum ponatur, sepe adiectiuum appellabit, materiale. Vnde nō est idem dicere, Christus est factus homo, & Christus est homo factus.

Tertia regula, termini significantes actum animæ, appetendi, & cognoscendi appellant formale rerum in quas feruntur; vt cognosco venientem,

tem, id est hominem ut venientem, non ut talis homo est: Desidero dulce, id est, ut tale est, non materiale in quo dulcedo est. Idem dicas de quibusdam verbis applicantibus suam significationem terminis connotatiuis; ut facio calceum, id est induco formam calcei in corium.

Qui & quot sint termini predicabiles.

Cap. X.

Hos terminos hactenus explicuimus qui sunt apud Logicos valde in usu, quorum notitia tyronibus est maxime necessaria: variasque eorundem affectiones, ex quibus eorum significatio dependet. Nunc ulterius progredientes eos terminos resque explanabimus, ex quarum cognitione proxime prima intellectus operatio dirigitur, dum qua ratione quaecunque res apprehendenda sit docetur; ut est notitia quinque vocum predicabilium, ac decem naturarum, quae praedicamenta vocantur: ex qua doctrina intelligitur, qui nam sint termini predicabiles, & subijcibiles, quorum cognitio ad secundam intellectus operationem recte dirigendam refertur.

Praedicabilia igitur, siue voces vniuersales sunt numero quinque, Genus, Species, Differentia, Proprium, & Accidens: quibus continentur omnia ea quae in aliqua natura perfecta reperiri possunt. Nam quidquid praedicatur, vel est quid essentiale, vel accidentale: si primum, vel est tota rei natura, & haec dicitur species. ut homo: vel est pars essentiae communis cum alijs, & hoc est genus; ut in homine, animal, viuens: vel est pars essentialis, qua intrinsece differt ab alijs, & haec est

diffic-

differentia; vt rationale: Si accidentale, vel est accidens, quod fuit ab essentia rei, & cū re ipsa conuertitur, & hoc est proprium, vt in homine risiū, vel non fuit a natura, & sic est accidens cōmane, vt in homine esse album. Quinque igitur sunt vniuersalia, siue prædicabilia.

Aristot.

Lib. 7. Periherm.

Est autem vniuersale id quod est, aptum esse ī multis, vel prædicari de multis, vt, homo qui est in multis, & de multis dicitur indiuiduis; animal in multis, & de multis speciebus. Vniuersali opponitur singulare, quod non potest esse in pluribus; nec dici de pluribus; vt Petrus, & hic homo.

Vniuersalia seu prædicabilia multis modis prædicantur: Vel in quæstione quid est, vt omnia illa per quæ respondemus ad quæstionem petentem quid aliquid sit: quo modo prædicantur genera & species; vt quid est Petrus? est homo: quid est homo? est animal: quid est iustitia? est virtus. Vel in quæstione, Quale est, vt sunt ea per quæ respondemus ad quæstionem, quale aliquid sit, quo modo alia tria prædicabilia prædicantur; vt quale animal est homo? rationale: qualis est homo? risiū, albus. Rursus, aliqua prædicantur essentialiter, vt illa quæ sunt de essentia subiecti; quo modo genus, & differentia prædicantur de specie; vt animal, & rationale de homine, & species de indiuiduo. Quo fit vt differentia prædicari possit in quale quid: in quale ratione generis, quod qualificat: in quid ratione speciei quam constituit. Aliqua accidentaliter; vt illa quæ nō pertinent ad essentiam; vt, de homine esse rectū, de cygno esse candidum. Denique, alia necessario, vt illa, quæ ita affirmantur de subiecto, vt de eo negari non possint: alia contingenter, vt quæ affirmari & negari possunt, vt candidum de homine, & de cygno.

*Explicantur quinque voces predicabiles, ge-
nus, species, differentia, proprium, &
accidens. Cap. XI.*



Enus, quæ vox aliquando designat Porph. c.
genealogiam alicuius familiæ, aut de gener.
gentis, aliquando principium fami-
liæ, vel gentis, aliquando id sub quo
collocatur species, quo modo nūc
sumitur, sic describi solet.

Genus est id quod de pluribus specie differen-
tibus in quid vniuoce prædicatur. Dicitur prædi-
cari de pluribus, quia est quoddam vniuersale:
vnde distinguitur ab individuo: dicitur, de pluri-
bus specie, ut distinguatur a specie, quæ de pluri-
bus numero differentibus proxime prædicatur:
dicitur, in quid, ut distinguatur ab alijs tribus præ-
dicabilibus, quæ dicuntur in quale, & vt indice-
tur esse prædicatum essentialē: dicitur, vniuoce,
ad excludenda analogā, quæ nō sunt proprie ge-
nera: genus enim aliquando sumitur pro quacū-
que re vniuersali, & communi. Est au. em genus
duplex, summū supra quod nullum aliud est ge-
nus, & subalternum, quod est sub aliō genere, &
cum sit genus potest esse species: addūt aliqui, in-
fīmū, & est illud, quod sub se ultimam speciem
continet.

Species est id quod prædicatur de pluribus nu-
mero differentibus in quid: vniuersale nimirum
quoddam, quod tantum de ijs quæ solo numero
differunt, in quæstione quid est, prædicatur. Cur
dicatur prædicari de pluribus in quid, patet ex ijs
quæ diximus in declaratione definitionis gene-
ris: dicitur numero differentibus, ut distinguatur
a genere. Ea autem dicūtur numero differre, quæ
nume-

Porph. c.
de spec.

numerando ut distincta sumuntur; ut Petrus, & Paulus, homo, & equus: nō autem homo & animal; quia qui dicit hominem dicit animal. Ea uero solo numero differunt, quę & indiuidua sunt, & sub suo genere nullo vniuersali discrimine differunt, vt Petrus & Paulus sub animali: sub alio tamen genere differre possunt; vt quod vnus sit candidus, alter niger.

Aristo. in Indiuiduum vero de quo facta est mentio, est
antepr. c. id quod in alia diuidi non potest; & ideo non dici
2. tur de alio, sed de se ipso solo; cuius omnes notę seu proprietates simul sumptę non reperiuntur in alio.

Species duplex est, una quę media & subalterna, hoc est, alteri subiecta dicitur; vt est illa quę respectu superioris dicitur quidem species, sed respectu inferioris est genus: altera infima, seu vltima, quę solum est species, & proxime respicit indiuidua, quam specialissimam vocant. Vt autem generis & speciei diuisiones innotescant, subijcio diuisionem vnus summę naturę, quę dicitur substantia.

Substantia.	
Corporea.	Incorporea.
Corpus	
Viuens.	Non viuens.
Viuens	
Sentiens.	Non sentiens.
Animal	
Rationale.	Irrationale.
Homo	
Petrus.	

In hac serie, Substantia, est genus generalissimum, quia est summum, & supra se nullum habet

bet genus: reliqua omnia vsque ad hominē, dicuntur genera subalterna. i. subiecta, respectu inferiorum: sed animal dicitur etiam genus infimum, quia sub se habet tantum speciem. Homo est species infima, quia non habet sub se aliā speciem: corpus, viuens; & animal, species subalterne, respectu superiorum, quę sunt genera. Petrus est indiuiduum: quia, cum nihil habeat sub se, diuidi non potest.

Differētia est ea forma, seu id qua res vna differt ab alia, aut a seipsa. Vnde alia est communis quę separari potest a re, vt sedere, in homine: alia propria, quę est inseparabilis, non tamen est de essentia rei, vt esse simum in naso, risuum in homine: alia maxime propria, quę & specifica dicitur, cum per eam species intrinsece differant, vt rationale in homine. Quare differentia vltimo modo sumpta, est id quo species inter se intime differunt; quibus verbis nominis vis exprimitur. Quę duplex est, altera infima, seu vltima, & specialis, qua differunt species vltimę, vt rationale in homine: altera media, siue generalis, qua differunt species medię, vt sensibile respectu viuētis. Vltima, vt est quoddam prædicabile sic definitur, Differentia est quę prædicatur de pluribus differentibus numero in quale quid, vel hoc modo, quę prædicatur de vna tantum specie in quale, essentiale. Media hoc pacto, est quę prædicatur de pluribus differentibus specie in quale quid. Dicitur in vtraque definitione, in quale quid, vt distinguatur a genere, & specie, quę solū prædicantur in, Quid. Nec tamen me præterit, in differentię definitione posse omitti particulā illam, Quid, si quis Græcorum phrasim animaduertat, qua in definienda differentia vtuntur.

Ex quibus colligeres, differentiam prædicari
de

de omni eo de quo prædicatur id, cuius est differentia, vt rationale de homine, & de indiuiduis hominis. Præter generalem, & specialem differentiam, assignant aliqui etiam indiuidualē; quæ nihil aliud est, quam priuata nota, hæcceitatem vocant, qua vnum indiuiduū differt ab alio. Differentiæ duo tribuuntur munera, diuidere genus; constituere speciem; addunt alij tertium, distinguere vnam speciem ab alia.

Proprium, quattuor modis sumitur: primo pro eo quod conuenit alicui soli rei, sed non omni; vt homini esse grammaticum: secundo, quod omni, sed non soli; vt homini esse bipedem: tertio quod omni, soli, sed non semper, vt homini canescere: quarto, quod omni, soli, & semper conuenit; vt homini esse risium: & hoc vere dicitur proprium, & cum eo cuius est proprium conuertitur; alia vero non ita: quod sic describitur, Proprium est id quod prædicatur de pluribus in questione quale est accidentaliter, & necessario: vt, aptum esse ad sentiendum, de animali, & ad ridendum de homine: vel hoc modo, est vniuersale quoddam quod accidentaliter & cōuersim de suo subiecto prædicatur.

Est autem proprium duplex: alterum generale, quod recipitur cum re, quæ est genus; vt esse aptum ad sentiendum cum animali: alterum speciale, quod cum specie, conuertitur; vt posse ridere cum homine. Vnde non est admittendum proprium, quod singulis rebus conueniat: nisi nomine proprietatis intelligatur singularis nota, siue differentia indiuiduans, aut communium accidentium collectio.

Accidens est id quod potest adesse & abesse, subiecto non corrupto; vt sedere & non sedere, & esse bonum, & malum in hoīe: vel est id quod prædi-

prædicatur de pluribus in quæstione, quale est, contingenter, seu non conuertibiliter. Est autem duplex, alterum inseparabile re, vt albedo a niue: alterum separabile, vt esse iustum ab homine; ac cogitatione omnia huius generis accidentia a subiecto separari possunt.

De prædicamentis vniuerse.

Cap. XII.



I genera & species de quibus superiori capite egimus, recto ordine, vt patet in exemplo supra allato collocetur; fient categoriæ, siue prædicamenta, quorum cognitio maxime confert ad primam intellectus operationem dirigendam, cum ex hac doctrina intelligamus quo pacto vnaquæque natura apprehendenda sit.

Hæc autem tractatio in tres diuiditur partes, in anteprædicamenta, in prædicamēta, & in post prædicamenta. Anteprædicamētum est id cuius intelligentia proxime ad prædicamentorum cognitionem est necessaria, ac proinde ante ipsa prædicamenta est tradenda. Prædicamentum vero est ordinata quædam series generum, & specierum sub vno communi genere contentarum; vt in eodem exemplo patet: seu est alicuius summi generis realis, & eorum quæ sub ipso sunt, naturalis dispositio: Ex quibus colligeres quæ nā sint ea quæ ponuntur in prædicamento.

Reponuntur ergo naturæ vniuersæ, reales, completæque in suo genere: hæ enim per se, & directe ponuntur in prædicamentis: quædam vero alia ponuntur reductiue, tanquam partes naturalium, vt materia & forma, vel tanquam differē-

Ioā. Mur. tie, & principia, modique rerum. Dixi naturas vniuocas; quia analoga excluduntur a serie prædicamentali, sicuti entia rationis. Ea quæ a prædicamento reijciuntur his versiculis quidā complexus est.

Complexum, consignificans, fictum, polysemum,

Vox Logicæ, Deus, excedens, priuatio, parsq;. Hoc est complexa, concreta seu connotatiua, entia ficta, multiuoca, entia rationis Logica, nomina quæ infinitum transcendunt, quæ priuationem; & quæ partem significant. quid autē sit post prædicamentum postea dicetur.

Sed peteret quispiam cur excogitata fuerit doctrina, siue tractatio prædicamentorum? Respondeo, vt remouerentur impedimenta quædam quæ habemus in rerum cognitione, vt est rerum multitudo, confusio, & obicuritas: quæ omnia per hanc doctrinam sublata fuere, dum tanta rerum varietas ad decem capita reuocata fuit: dum res confusæ, & permixtæ, certo ordine collocatæ fuerunt; vnde etiam earum obductæ & opertæ naturæ innotescere possunt. Affert itaque hæc doctrina has utilitates; confert ad definiendum, dum per eam cognoscimus genera & differentias: valet ad diuidendum, atque ad componendum, ad argumentandum, & denique ad omnia cum methodo tradenda: vt multas alias utilitates missas faciam.

In antepædicamentis primū explicantur tres termini, analoga, vniuoca, denominatiua; & diuisio terminorum complexorum, & incomplexorum, de quibus iam nos egimus.

Deinde quæ dicantur, vel non dicantur, sint, vel non sint in subiecto. Illud dicunt esse in subiecto, quod est in alio, non tanquam pars, & si-

ne eo esse non potest, vt sunt accidentia. Substantia singularis, & indiuidua nō est in subiecto, nec dicitur de subiecto; vt Petrus: accidens singulare, est in subiecto, sed non dicitur de subiecto; vt hæc albedo: substantia vniuersalis, dicitur de subiecto, sed non est in subiecto; vt equus: accidens vniuersale est in subiecto & dicitur de subiecto, vt albedo, color.

Postea datur hæc regula de ijs quæ prædicantur, quando aliqua prædicantur de aliquo subiecto, quæcunque de prædicato dicuntur, etiam de subiecto affirmantur; vt si viuens dicitur de animali, etiam dicetur de homine, de quo dicitur animal.

Præterea ponitur hæc alia regula, diuersa genera quæ non sunt inter se subalternata, habent diuersas differentias; vt animal, & scientia, nam aliæ sunt animalis, aliæ scientiæ differentiæ: Qñ vero genera sunt subalterna easdem possunt habere differentias; quia superiora de inferioribus dicuntur.

Denique numerantur decem naturæ complexæ, substantia, quantitas, relatio, qualitas, actio, passio, vbi, quando, situs, & habere: quas naturas, quidam hoc disticho complexus est,

Arbor sex seruos, seruire, refrigerat vstos:

Duri cras stabo, nec tunicatus ero.

Ioñ. Mur.
mellij.

De quibus totidem quæstia, siue quæstiones fieri possunt; vt, quid res sit, quanta, sit, & sic de aliis.

*De substantia quid, & quotuplex sit, &
quæ eius proprietates. Cap. XIII.*

Quamuis de hac categoria, sicuti & de aliis multis a multis, nō tam Logice, quam Me-

taphysice disputentur: tamen nos, pro nostro instituto, de omnibus breuiter ruditerq; agemus; vt crassa quedam de eis habeatur notitia, tyronibus necessaria.

Substantia, sic dicta est a substando, quod substat accidentibus, vel a subsistendo, quod per se subsistat: quam hunc in modum describunt, substantia est ens reale per se existens; vt homo, & Angelus. Dicitur ens reale; vt excludantur entia non realia: quæ duæ voces in definitionibus aliorum prædicamentorum, subintelligendæ sunt: dicitur, per se existens, quia hæc sola natura in nullo alio est, tanquam in subiecto, per quod ab aliis omnibus differt.

Aristot. c.
de subst.

Est autem substantia duplex; vna quæ dicitur prima, altera secunda: Substantia prima est illa quæ non est in subiecto, nec dicitur de subiecto; vt Petrus, hic homo. Dicitur non esse in subiecto, quia nulla substantia est in subiecto; cum id sit accidentis proprium: dicitur, nec prædicatur de subiecto, quia est singularis; singulare autem non prædicatur. Substantia secunda est illa quæ non est in subiecto, sed dicitur de subiecto; cuiusmodi sunt omnes species, & omnia genera substantiæ; vt homo, & animal: quæ cum sint substantiæ non sunt in subiecto, sed cum sint vniuersalia dicuntur de subiecto: in quibus dicuntur esse primæ substantiæ, ut inferiora in suis superioribus, & partes in toto vniuersali. Quo fit, vt prima substantia sit omnium aliorum fundamentum, quo sublato, omnia tolluntur. Ex secundis vero substantiis magis species, quam genus dicitur substantia, cum pluribus substat, & sit primæ proximior: ex speciebus autem generibus, & indiuiduis, vnū non est magis substantia, quam aliud.

Hæc natura his proprietatibus dignoscitur:

Prima,

Prima, non esse in subiecto, quæ patet ex dictis: secunda, vniuoce prædicari de suis inferioribus: tertia, significare hoc aliquid, idest vnum numero singulare per se subsistens: quarta, non habere contrarium, quia cum contraria sint in subiecto, substantiæ, quæ est subiectum, nihil debet esse contrarium: quinta, non suscipere magis & minus, idest non intendi, nec remitti; cum rerum naturæ sint semper eedem: postrema, quæ est maxime propria, quod vna numero substantia possit contraria suscipere; vt lignum, calorem, & frigus. Quæ sit huius prædicamenti series patet, ex capite de quinque vocibus.

De quantitate. Cap. XIII.



Quantitas est ens reale in alio existens, a quo res denominantur quantæ: vel est accidens per quod subiectum habet partes, siue extensionem: vt est superficies per quam tabula dicitur habere partes: neque enim eius substantia est per se extensa, vel partes habet, nisi per superficiem; nec tres homines, nisi per numerum ternarium, qui in ipsis cernitur.

Sunt autem quantitatis species subalternæ duæ: *Aristo. c. de quant.*
 Continua, quæ habet partes unitas, & communi termino copulatas; vt partes lineæ, communi puncto: partes superficiei, lineæ, & partes corporis superficiei: & Discreta, cuius partes sunt diuisæ, & communi termino non copulantur; vt binarius, cuius partes nullo termino iunguntur. Sub continua hæc ponuntur species: lineæ, quæ habet longitudinem sine latitudine: superficies quæ est latitudinē, & corpus, quod etiam profunditatem habet.

habet, tempus, & locus. Sub discreta vero hæc, numerus, & oratio: quoniam numerus componitur ex diuersis vnitatibus, & oratio ex diuersis dictionibus. An autem omnia dicta sint veræ species quantitatis, dubitari solet.

Rursus, quantum duplex, aliud cuius partes sunt permanentes, vt linea: aliud cuius partes non consistunt, vt tempus, & oratio. Denique, alia est quantitas propria, vt illa quæ per se, & in se habet extensionem: alia impropria, per quam aliquid dicitur quantum per aliud, vt album, quod dicitur quantum ob subiectum quantum in quo est. Similiter, alia est quantitas molis, alia virtutis, secundum quam dicimus magnam esse vim Angeli.

Quantitati tres assignantur proprietates: prima, non habere contrarium: secunda, non suscipere magis & minus: non enim est magis quantitas illa quæ multorum est palmorum, quam quæ vnius palmi: tertia, quæ est ei maxime propria, vt per eam res dicantur æquales, vel inæquales.

5. Metaph.
tex. 20.

De qualitate.

Cap. XV.



Qualitas est accidens a quo accidentaliter denominamur quales; vt a sanctitate sancti, a candore candidi. Dicitur accidens, ad differentiam substantiæ, dicitur accidentaliter denominare, vt distinguatur a differentia, a qua denominamur essentialiter: dicitur quales, vt ab aliis distinguatur accidentibus, a quibus aliter nominamur.

Huius categoriæ quattuor assignantur proximæ species. Prima in qua ponitur habitus & dispositio;

positio; vt omnes scientiæ & virtutes, & earum initia. Habitus est firma quædam qualitas, quæ rei naturæ bene, vel male in se afficitur: dispositio, est eadem qualitas inchoata, quæ facile abici potest; vt leuis ægrotudo. Aristo. c. de qualitat.

Secunda, naturalis potentia & impotentia. Naturalis potentia est uis a natura insita, quæ res potest agere, vel alteri resistere; vt in homine vis motiua, vis ad currendum, & in adamante durities ad resistendum. Naturalis vero impotentia est qualitas quæ res aliqua ægre agit, aut resistit; vt infirma valetudo in homine, in butyro mollitudo, & in intellectu imbecillitas.

Tercia, passibilis qualitas & passio: passibilis, siue patibilis qualitas est diu permanens qualitas, quæ aut sensum mouet, aut ex motu aliquo nascitur; vt quattuor primæ qualitates, caliditas, frigiditas, siccitas, & humiditas: & quæ ex istarum actione producuntur, vt omnes colores, & saporres. Passibilis ergo qualitas est quæ aliquem sensum afficit, aut ex aliqua mutatione fit. Passio, vero est patibilis qualitas quæ ita est in subiecto, vt facile trãseat; vt pallor ex metu natus, rubor ex verecundia; a qua subiectum non denominatur, nisi obcallescat; similiter ira, gaudium, & aliæ huiusmodi permotiones.

Quarta, continet formam & figuram: Forma vt hic sumitur, est qualitas quæ oritur ex terminatione quantitatis in re aliqua naturali spectatæ, quæ ex lineamentis corporis nascitur; vnde alia forma hominis, alia bouis, alia serpentis. Figura vero est eadem qualitas, siue dispositio partium quantitatis in se consideratæ, non applicatæ ad rem aliquam naturalem; vt triangularis, quadrangularis, & alia.

Huic categoriæ tres assignantur proprietates:

5. Metap.
tex. 20.

prima, habere contrarium; nam virtuti vitium, caliditati frigiditas est contraria: secunda, suscipere magis & minus; ut esse magis & minus doctum: & una albedo est magis intensa, quam alia: Tertia, quæ est maxime propria, ut secundum eas res dicantur similes, & dissimiles; res similes sunt illæ quarum qualitas est eadem, dissimiles quæ dissimili qualitate sunt affectæ.

De relatione. Cap. XVI.



Relatio designat naturam quæ tota est ad aliud, & ita nihil aliud est, quam respectus unius rei ad aliam; ut paternitas, qua pater refertur ad filium: & similitudo, qua duo similia inter se refertuntur.

Est autem relatio duplex; altera rationis, qua aliquid refertur ad aliud per solam rationem: quo modo, genus refertur ad speciem, & species ad genus, & prædicatum ad subiectum: altera realis, qua aliquid refertur ad aliud nemine cogitante; ut maius ad minus, æquale ad æquale. Sed quoniam hæc natura melius explicatur per concretum, quam per abstractum, ideo in concreto definiiri solet, ut statim dicetur.

Omissis relatiuis secundum rationem, quæ non veniunt in prædicamentum, Relata, seu ad aliqd realia, alia sunt quæ dicuntur ad aliud, quia explicantur per aliud, sed primo & per se dicunt aliqd absolutum connotando relationem; ut habitus, & scientia: nam scientia est qualitas, quæ tamen dicit ordinem ad rem scitam; & hæc vocatur relata secundum dici, id est quoad naturæ explanationem, non quoad naturam ipsam: Alia sunt quæ
tota

tota sunt ad aliud; & ideo sunt, quia ad aliud sūt; & hæc proprie pertinent ad hanc categoriam; ut sunt ista maius, simile, pater, vendere, & similia, quæ sic definiuntur.

Relata sunt ea quorum hoc est esse, ut tota sunt ad aliud; ut pater, & filius; dominus, & seruus: Arist. ca. de rel. pater enim ut pater, totus est ad filium. Siue in abstracto, Relatio est natura qua aliquid, hoc ipso quod est, ad aliud se habet; ut æqualitas, dominatus, seruitus. Nam æquale, quatenus æquale, æqualitate refertur, & sic de alijs. Ut autem adhuc melius obscura relatiuorum explicetur natura, notandum est, ad relationem constituendam quatuor esse necessaria; subiectum quod refertur, ut paries in relatione similitudinis ad aliud parietem: fundamentum, id nimirum propter quod aliquid refertur, ut albedo in pariete: terminum ad quem refertur, siue correlatiuum; ut alius paries albus: & ipsum ordinem, siue ipsum referri: qui ordo, in allato exemplo, est ipsa similitudo.

Relatorum duo sunt genera: alia æqualis comparisonis, siue appellationis; æquiparantiæ vocant; ut æquale, simile, inæquale, dissimile: nam simile & simile æquali ratione referuntur: alia inæqualis comparisonis, siue appellationis, dissimilitudinis nominant; ut dominus & seruus. Quorum duo sunt genera: alia maioris comparisonis, quæ superpositionis vocantur, ut pater, dominus, præceptor, & quæ sunt digniora ijs ad quæ referuntur: alia minoris comparisonis, quæ maioribus respondent; ut, filius, seruus, discipulus, & reliqua minus digna.

Relationi tres assignantur proprietates: prima omnia relata dicuntur ad ea quæ conuertuntur, ut pater, ad filium, qui vicissim dicitur ad patrem: secunda relata sunt simul natura cum eo, ad quod
rele-

referuntur: ac proinde, vno ablato, aliud tollitur; unde posito domino, ponitur seruus, & contra: tertia, vno relato cognito determinate, cognoscitur & aliud ad quod refertur, & contra; vt cognito maiore, necesse est, vt cognoscatur minus respectu cuius dicitur maius.

De actione & passione. Cap. XVII.



Ac duæ categoriæ, vt magnam affinitatem habent, reque idem sunt, ita conuenienter simul explicantur: & vt facilius eorum natura intelligatur, notandum est, in actione quatuor considerari posse; agens cum sua vi ad agendum: patiens cum aptitudine ad perpetiendum: motum, siue operationem quæ est ab agente in passum; & si est motus quo acquiritur aliqua forma, formam ipsam; vt in calefactione, est ignis cum sua caliditate qui agit; aqua quæ calcfit; actio ignis in aquam, siue motus calefactionis: & caliditas quæ acquiritur introducit in aquam.

Actio ergo est operatio seu perfectio prout perficitur ab agente; vt in exemplo allato, calefactio, & ab igne emanat.

Passio vero est operatio motusve, vt a patiente suscipitur; vt calefactio, ab aqua suscepta; non ipsa caliditas quæ acquiritur, sed calefactionis susceptio. Sunt itaque actio & passio re idem motus, & eadem operatio; quæ, vt exit ab agente dicitur, actio, ut suscipitur a patiente vocatur passio.

Actionis & passionis duo sunt genera: nam alie sunt a corpore, vt calefacere, & caleferi; alie ab animo; vt intelligere, tristiari: Item, alie necessarie, vt nutrire & nutriri; alie liberæ; vt eli-

gere,

gere, & similes.

Actiōi & passiōi duæ assignantur proprietates: prima suscipere magis & minus: vna enim actiō potest esse magis intensā, quam alia, vt calefactiō ab igne, & ab halitu proueniens: idem de passiōe dicas. Secunda, habere contraria; calefactiōi contraria est frige factiō, & calefieri, frige fieri.

Cap. de
act.

De ceteris categoriis, vbi, quando, situ, & habere. Cap. XVIII.



Vbi est in loco, seu contineri loco, siue modus existēdi in loco. Nā querenti, vbi nam sit Princeps, respondemus, in ciuitate, in palatio. Est autem aliquid in loco, vel communi, vt Petrus in platea; vel proprio, vt aqua in vase. Huius categoriæ species sunt, supra, infra, ante, retro; ad dextram, ad sinistram. Cui duæ tribuuntur proprietates, non intendi & remitti, nec habere contrarium.

Quando, seu esse in tempore, est tempore contineri, seu modus existēdi in tempore; vt fuisse anno superiori, esse in præsentī, in hora. Huius categoriæ species, vel differentiæ sunt illæ quas appellamus tempus, hodie, cras, præteritum, & aliæ proprietates, non habere contrarium, & nō suscipere magis & minus, & denominare ea quę sub ipso sunt.

Situs est ordo partiū locati ad partes loci; seu, est habere partes corporis certo modo affectas ad partes loci, vt stare, sedere, cubare; quæ appellantur positiones. Est autem positio duplex, altera naturalis; ut hominis habere caput superius, &

pedes

pedes inferius: altera non naturalis, vt si homo manibus nixus, ad cælum vestigia verteret. Proprietates sunt non habere contrarium, non suscipere magis & minus.

Habere, est indumento aliquo indutum aut ornatum esse: siue, est adiacentia & denominatio quæ oritur ex eo, quod vñum corpus adiacet alteri; vt, esse galeatum, penulatum, hastatū, & ocreatum. Proprietates sunt eadem cum superiori categoria. Atque hæ sunt decem categoriæ quibus continentur omnia, quæ in hac rerum vniuersitate, vel in re reperiuntur: in quibus, tanquam in quodam penu res omnes suis in locis collocantur, ac proinde facile inueniuntur.

De postprædicamentis. Cap. XI.



Postprædicamentum est id cuius notitiarequiritur ad prædicamentorū cognitionem; & post prædicamenta collocatur. Itaque in postprædicamentis ponuntur ea de quibus facta est mentio in prædicamentis, modi nimirum quidam rerum, & quasi categoriarum appendices; sunt autem ista. Opposita, Prius, Simul, Motus, & habere.

Aristot. c.
de oppos.

Oppositorum quattuor sunt genera, Relata, Contraria, Priuantia, & Contradicentia. Relata sunt ea quæ oppositorum esse dicuntur; vt pater dicitur ad filium, & scientia ad scibile. Contraria sunt ea quæ inter se pugnant, & quæ in eodem subiecto vicissim sunt, nisi alterum insit a natura; vt candor & nigror in aliquo corpore, vitium & virtus in animo. Quorum alia habent medium; vt candidum & atrum, inter quæ dantur alij colores

lores intermedij: alia non habent medium, vt sanitas & egritudo. Priuantia sunt ea, quorum vnū dicit habitum, alterum destitutionem; vt videns & cæcum, lux & tenebræ. Est ergo priuatio negatio formæ in subiecto, apto eam habere suo tempore; vnde catulus ante nonum diem nō dicitur cæcus, nec lignum, quia hoc non habet aptitudinem ad videndum: dicitur tamen cæcum negatiue, quia caret aspectu: Contradientia sunt ea, quorum vnum affirmat, alterum negat; vt, currit, non currit, est homo, nō est homo: in quibus non datur medium. Prius dicitur aliquid his modis: Primo, tempore; vt dies præterita prior præsentis: Secundo, cum non conuertitur subsistendi consequentia, quo modo genus prius est, quam species, vt animal, quam homo: nam si quid est homo, est animal, sed non contra. Tertio ordine, quo modo literæ sunt priores syllabis: Quarto dignitate; vt id quod est honorabilius, eo quod est minus honorabile. Quinto natura, cum vnum est aliquo modo causa alterius; quo pacto res sunt priores orationis veritate, cuius sunt causa. Simul dicitur aliquid, vel tempore, vel natura, cum conuertitur subsistendi consequentia, vt duplum & dimidium, & species quæ sub eodem genere inter se diuiduntur.

Motus, sex habet species, quæ sunt, Generatio & corruptio, quæ sunt circa substantiam: augmentatio & diminutio, circa quantitatem; alteratio, quæ fit in qualitatibus, vt calefactio & refrigeratio: atque motus localis, qui est ad vbi.

Habere dicitur aliquid octo modis; habere qualitatem, quantitatem, habitum, partem, aliquid in parte, vt in vase, possidere, & habere uxorem.

Aristo. c.
de priore.

de A
de I

Aristo. c.
de simul.

Cap. de
hab.

Quorundam terminorum explicatio.

Cap. XX.



Xplicatis communibus omnium naturarum, ac modorū terminis; Antequam ulterius in suscepto opere progredior, placet hoc loco quosdam alios terminos exponere, quorum recta intelligentia est omnino utilis, sicuti eorundem maxime est usus.

Aristo. I.
Phyfic.

Primo, ens, tanquam participium a verbo substantiuo sum, significat id quod est; sicuti amans, significat id quod amat; aliquando designat entitatem, & ut ita dicam, realitatem, & idem valet, quod res. Cui contrarium est, non ens, quod tribus modis sumitur. Primo, dicitur non ens, id quod vere nihil est. Secundo, id quod dicit privationē habitus, siue formæ, quæ in aliquo esse debet; ut cæcum, siue cæcitas, quæ dicit negationē aspectus. Tertio nō ens, dicitur ens imperfectū, quo modo accidens dicitur non ens, quia imperfecte existit. Rursus ens, vel dicitur id quod est in re, ut homo, & animal; & hoc dicitur ens reale; vel id quod solum existit per rationem; quod designat aliquam relationē & affectionem quæ adveniunt rebus, ut cognoscuntur & sunt in intellectu; ut homini esse speciem, esse inferius; & animali esse genus & superius; & hoc dicitur ens rationis. Rursus ens aliud quod dicitur substantia, & est id quod per se subsistit, quod dicitur Quid; aliud quod dicitur accidens, quod appellatur, quale. Ex his vocibus manarunt aliæ multū frequentes, esse, essentia, & quiditas, quæ designant rei naturam: unde esse hominis, græce τὸ εἶναι, pro natura hominis, & sic essentia, & quiditas.

ditas. Quare cum dicitur aliquid esse de essentia, & de quiditate, alicuius, idem est, ac si diceretur de natura. Hinc etiam essentiale, & quiditativum, id est, quod est intimum, & intrinsecum alicui rei, ut est genus, & differentia alicuius rei, & materia ac forma. Ac etiam essentialiter, & quiditative, id est intime, & intrinsece, & secundum rei naturam.

Secundo, ista vox ratio, varie usurpatur. Primo pro ipso intellectu, & potentia rationali, ut si dicatur, ratio hoc non capit. Secundo, pro ratiocinatione, siue discursu; ut, si dicas, hæc ratio non concludit, id est hæc argumentatio. Tertio, pro modo, methodoque tractandi, ut si dicas, in docendo hanc rationem, id est hunc modum, viamque servabo. Quarto pro definitione; ut, cum dicitur, hæc est hominis ratio, id est definitio. Quinto, pro rei natura; ut, hoc est de ratione animalis, id est de essentia, & natura.

Libr. 1.
Post. c. 1.

Aristo. 2.
Phyf.

Tertio, accidens varijs modis accipitur. Primo pro illa re, quæ ita alicui convenit, ut sine illius interitu, possit adesse, vel abesse, ut homini esse album: aquæ esse calidam. Secundo, pro eo quod est alicui rei proprium, quod est cum re coniunctum, sed non est ei intrinsecum, ut canis latrare, boui mugire. Tertio, pro eo quod non est de essentia alicuius, quamvis non sit vere accidens, ut esse rationale, animali; quia non est de ratione animalis, ut sit ratione præditum, sed hoc potius dicitur accidere, quam esse accidens, & ideo vocatur accidens verbale, quia explicatur per verbum accidit.

Porph. c.
de accid.

Quarto, substantia, primo sumitur pro natura cuiuscunque rei, siue sit vere substantia, siue accidens, siue nihil: ut, animal rationale est substantia hominis: substantia lineæ, quod terminetur

tur punctis: nihili substantia est, vt non possit intelligi. Secundo, dicitur substantia id quod non est in subiecto; vnde accidens nō poterit dici substantia; sicuti differētia, & genus. Tertia, id quod per se existit, & sic sola individua dicuntur substantia non genera, vel species; quę solēt dici non substantia id est, non existere per se, sicuti indiuiduum, quod & suppositum, & persona dici solet. Hinc substantialia, id est rei intrinseca; & substantialiter, id est intime, & intrinsece.

Libr. 1.
Phyfic.

Quinto, materia primo sumitur p altera parte substantiæ, quæ recipit formam, cum qua facit compositum. Secundo pro eo ex quo aliquid fit, vt panis ex farina. Tertio pro eo in quod artifex introducit formam, vt lignum materia artis tignariæ. Postremo, pro eo in quo aliqua ars versatur, & tractat, quomodo materia Grammaticæ est oratio.

Lib. 2. de
Anim.

Sexto, forma, primo sumitur pro altera parte substantiæ quæ dicit perfectionem. Secundo, pro quocunque reali accidente, quæ dicitur forma accidentalis; vt candor, respectu corporis candidi. Tertio, pro quacunque denominatione, etiā sumatur ab eo quod non est; quo modo priuatio dicitur forma rei priuatę. Quarto, pro figura; vnde quadrata figura dicitur forma tabulæ. Quinto, interdum sumitur pro definitione, & rei natura essentiave. Hinc formalia dicuntur quę sunt de natura rei, & formaliter, hoc est secundum propriam rationem.

Libr. 7.
Phyfic.

Septimo, subiectum, primo dicitur id de quo aliquid prædicatur, vt de homine, animal. Secundo id in quo accidentia inhaerent, vt est substantia. Tertio, id quod tractatur, & consideratur in aliqua scientia; quod dicitur subiectum considerationis, sicuti secundum, inhaesionis.

Octauo,

Octauo, genus primo sumitur pro eo cui substant species. Secundo pro aliquo superiore, & communiore, siue sit vere genus, siue nō; vt ens. Tertio, pro eo quod in aliqua scientia tractatur, sed solet addi, scibile. Quarto pro principio generationis, & genealogia.

Nono, totum, primo dicitur quodcunque superius respectu inferiorum, quod dicitur totum vniuersale. Secundo compositum ex materia, & forma, vel ex genere, & differentia, quod dicitur totum essentiale. Tertio compositum ex partibus quantis, quod dicitur totum integrale. Quarto, compositum ex subiecto, & accidente, quod dicitur, totum accidentale, vt homo albus.

Decimo, propositio, primo sumitur more rhetorico, pro ea orationis parte qua dicenda proponuntur. Secundo, pro quauis enunciatione. Tertio pro premissis in syllogismo; vnde, duę premis-

Aristot.
li. 1. Prior.
cap. 1.

sæ, idest duę propositiones. Vndecimo, simpliciter, primo idem valet quod absolute, & vniuersaliter, vt simpliciter dicam, idest vniuerse. Secundo sumitur pro totaliter, vt Italus est simpliciter albus, Aethyops vero non simpliciter. Tertio, pro eo quod est actu, & ita materia dicitur simpliciter ens; priuatio non ens.

1. Physic.

Quarto, pro vniuoce, & vno modo; vnde vox quę plura significat, dicitur non simpliciter dici, vt genus, quod multis modis sumitur. Quinto, pro tantum; vt cum dicitur, animal est simpliciter sensitiuum, & ita designat quandam imperfectionem.

Porph. c.
de gen.
Porphyr.
c. de diff.

Duodecimo, possibile, primo dicitur id quod potest esse, siue necessario, siue contingenter, & ita omnia creata dicuntur possibilis. Secundo quod est cōtingens, & opponitur necessario, & hoc est triplex: vel vt plurimum, vt hominem esse albū:

E vel

vel raro, vt eundem esse bicipitem, vel indifferēter, & ad vtrumlibet, vt eundem stare, vel sedere.

De definitione.

Cap. XXI.



De finitio duplici de causa ad primā operationem intellectus dirigendam pertinere videtur. Primū quidem, quia est terminus quidam complexus, vt, Animal rationale; nam si cum subiecto, per verbum iungatur, nō est definitio, sed propositio quædam; vt si dicatur, Homo est animal rationale. Deinde quia per eā patefiunt rerum naturæ, quæ simplici intellectus operatione, cum ipse sint simplices, apprehenduntur: & cum perfectissimo modo & proxime hanc operationem dirigat, merito hoc loco de ea scribitur: de qua hæc breuiter per modum introductionis nobis dicenda sunt: De nomine, de natura, de diuisione definitionis, quid definiri possit, quæ recte definiendi præcepta, & qua ratione definitio inuestiganda sit.

Definitio, quæ & finitio latine dicitur, est oratio alicuius rei naturam obscuram clare manifestans: vnde, quod nomen definiri obscure, & confuse dicit, definitio clare & distincte explicat; vt, hæc oratio, animal rationale, quæ hominis naturam patefacit. Vnde vna simplex vox non potest esse definitio, hoc est, alicuius naturæ per plures voces determinatio. Nec quæcunque oratio est definitio, sed solū ea, qua alicuius rei natura manifestatur: qualis non est ista, Animal bipes. Talis oratio dicta est definitio, quod rerum naturas certis verbis claudat, non secus ac fines circumscribunt agros.

Est autem definitio duplex; vna nominis, si nomen

Cic.

Quin. lib.
7. cap. 4.

2. Poster.
7. & 10.

men sumatur, vt distinguitur contra rem; altera rei, qua res ipsa definitur. Definitio nominis, quæ potius interpretatio dicenda esset; est oratio quæ alicuius nominis vim significationemve manifestat: significatio enim est, veluti forma nominis: vnde nominis naturam explicare, est eius significationem patefacere; vt, Philosophus, idē significat quod amator sapientiæ: cura, dicta est, quod cor vrat: sol, dictus est, quod inter astra solus luceat: abstemius, quasi a temeto abstinens: Hanc Græci, etymologiam vocant, latine veriloquium, quod veram vocis explicationē retineat: Cicero notationem, Aristoteles symbolum, id est notam vocauit.

Definitio rei, est oratio qua rei natura explicatur; vt, Rhetorica est ars bene dicendi: virtus est habitus bonus. Est autē triplex, essentialis, causalis, accidentaria seu descriptiua. Essentialis definitio, est oratio quod quid erat esse rei significans, hoc est oratio quæ rei essentiam significat; vel quæ rem per partes essentielles manifestat. Sunt autem partes essentielles, vel metaphysicæ, vt genus & differentia; vel physicæ, vt materia & forma. Definitio essentialis quæ datur per genus & differentiam, dicitur essentialis metaphysica; vt homo est animal rationale: quæ vero per materiam & formam, essentialis physica, vt homo constat ex corpore organico, & anima rationali. Huc reuocantur definitiones essentielles quæ dantur per genus remotum, & differentiam propriam; vt homo est substantia rationis particeps: quæ genere & materia, formave sola constant, vt homo est animal recto corpore, vel animo rationis particeps: quæ dantur per enumerationem partium integrantium; vt rhetorica est ars qua inuentione, dispositione, elocutione, memoria, & actio-

Aristot.

ne conficitur: & ille sine quibus definiti essentia intelligi non potest, licet contineat aliquid quod non est de rei essentia; ut relatiuorum definitiones. Carterum, definitiones essentielles quæ dantur per genus & differentiam, rarissime sunt, præsertim in genere substantiæ.

Definitio causalis est oratio, quæ rem per genus & causas explicat; quarum quattuor sunt genera, materia, forma, finis, & efficiens; quibus adderes exemplar, formam nimirum externam ad cuius imitationem efficitur quippiam: quarum duæ primæ sunt intrinsecæ, aliæ extrinsecæ. Ex causa efficiente. sumitur hæc, vox est sonus editus ab anima icu aeris respiratione attracti: Ex fine hæc, Anima est forma quæ primo viuimus, sentimus, & intelligimus. Ex causa exemplari ista, Homo est animal factum ad imaginem & similitudinem Dei. Interdum per omnes causas definimus, & longe melius per plures quam per vnā; quia per vnā non facile definitio conuertitur cum definito. Ad definitionem datam per formam reuocantur definitiones quibus concreta definiuntur per suum abstractum: ut lumen est actus diaphani, id est forma, accidentaria rei perspicuæ, ut aeris: album est id quod albedine afficitur.

Definitio descriptiua, siue descriptio est oratio quæ rem per accidentia explicat: quæ non significat quod quid erat esse rei. Datur autem, vel per accidens proprium, operationem ve propriam; ut homo est animal disciplinæ capax, animal quod loqui potest: vnde satis est una proprietas, si velis facere definitionem ex pluribus conglobatā. Hanc Aristoteles proprium, & orationem coniunctione unam vocat. Huc reuocantur descriptiones, quæ dantur per communia accidentia;

quæ

Lib. 2. de
Ani. 8. &
2.

5. Top.
c. 2.

quæ simul iuncta non reperiuntur, nisi in re definita; vt homo est animal bipes, implume. Reuocatur etiam definitiones, quibus genus definitur per differentias; vt, animal est corpus, animatum rationale, aut irrationale: quia differentia accidunt generi. Similiter illæ quæ non constant vero genere, vt definitiones summorum generum, & analogorum. Et denique, descriptiones oratoricæ & poeticæ, quæ per communia dantur: sed hæ sæpe non reperiuntur, cum eo quod describitur rerum singularium descriptiones, explicationesque metaphoricæ; vt somnus est mortis imago: Homo bulla; occasio flos temporis. Hoc genus definitionis dicitur descriptio, quia non omnino rem exprimit, sed quasi per lineamenta adûbrat: dicitur proprium, quia hoc solum habet commune cum vera definitione, quod cum re conuertatur: dicitur oratio coniunctione vna, quia non significat vnâ tantum naturam, sed multas coniunctas in eadem re.

Ex his quæ de speciebus definitionis diximus colligere licet, non eodem modo omnia definiiri posse, sed quædam describi, quædam explicari per causas, quædam per genus, & differentiam: substantia per se, accidens per subiectum: potentia, & habitus, per actus, & obiecta, & relata per suos terminos definiuntur.

Similiter, nec quacunque res est definibilis, sed quod definitur, primum debet esse quid simplex, & vnum per se, non aggregatum per accidens, vt homo albus: Deinde vniuersale, quia singularia mutantur; quamuis singulare possit dici definitum remotum, sicuti vniuersale definitum proximum. Postea quod proprie definitur debet esse species alicui generi subiecta: vnde genera summa, & differentia non definiuntur, sed describuntur.

7. Met. 4.

tur. Postremo debet esse aliquid reale, & ita figmenta, vt chimæra non habent nisi definitionem nominis, quæ tamen aliquo modo explicat quid rei, cum ficta aliquo pacto sint res, nimirum fictæ.

Ad bonam vero definitionem conficiendâ hæc præcepta obseruanda sunt. Primum; vt definiamus per notiora, ita vt definitio sit clarior definito: contra faciunt qui per Metaphoras præsertim remotas, definiunt: qui idem per idem, aut verbis parum mutatis: qui verbis ambiguus vtuntur, ni addant particulam, quæ ambiguitatem tollat: qui contrariū per suum contrariū, cū illa in scientia sint æque nota: vnum tamen relatiuum potest defini per aliud.

6. Top. I.

Secundum, definitio debet esse propria, ita vt cum re definita reciprocetur, hoc est, vt cui conuenit vnum conueniat, & aliud. Contra faciunt, qui definiunt per communia: qui assignant definitiones non conuenientes omnibus quæ continentur sub definito, vnde definitiones per Etymologiam sepe peccant, cum, vel latius pateant, vel sint nimis contractæ, vt Theologus est qui de Deo loquitur: Geometria est ratio metiendi terram: illa latius paret, hæc deficit, quia Geometria plura cōplectitur, quam quod illa definitione exprimitur: In quo Oratorum, & Poetarum descriptiones peccare solent.

Tertium, nihil in definitione desit, nihil abundet. Solet autem deesse, cum sumitur genus rei remotum, & omittuntur genera intermedia; vt si quis definiens hominem diceret, esse substantiam rationalem. Similiter, si res composita ex materia, & forma definat, & altera causa omitatur, vt si dicas, homo est animal cōstans ex animo rationis capace. Solent interdum graues auctores aliquid definiendo omittere, quod tamen facile

facile subintelligi potest. Illud autem superest, quo remoto, ad huc definitio conuertitur. Nec id censetur superfluum, quod aliquo modo planius rem declarat.

Quartum, definitio sit brevis, ita tamē, ut breuitas perspicuitatem non tollat. Quare, non est necesse tot addere particulas, quot sunt dubitationes circa rem definitam: Quamuis illa probeatur definitio, quæ difficultates tollit. Ea igitur in definitione solum ponantur, ex quibus obiecta facile sit soluere: præsertim, si ad id faciendū sophistarum cogeret importunitas. 4. Physic. tex. 4.

Definitio inuestigatur duobus modis, diuisione, & collectione: diuisione hoc modo. Reuocatur res definienda ad suam categoriam, & sumitur supremum genus, quod per suas differentias diuiditur, donec deuenitur ad differentiam propriam, seu proprietatem rei definitæ, quæ vna cū genere proximo quandam faciet orationem, quæ perfectæ definitionis formam habebit; erit enim oratio quæ cōstabit ex genere, & differentia. Collectione, seu similium cōsideratione, hoc pacto. Si velles definire vltimam speciem, inuenias in eius indiuiduis rationem aliquam, ob quam nomine talis speciei vocātur, & ea erit talis speciei definitio; ut ecce, indiuidua speciei humanæ, habent hanc communē appellationē, ut dicātur rationis capacia: igitur hæc erit eorum ratio. Similiter, si aliqui dicuntur fortes, quia maxima ad eū pericula, idque virtuti ascribitur: erit igitur fortitudo virtus quæ circa maxima versatur pericula. Pari quoque ratione ex similitudine quæ cernitur in multis speciebus conficitur generis definitio. Et hæc de definitione pro nostri instituti ratione dicta sufficiant. 1. Elench. 4.

Libri Secundi Finis.

INTRODVCTIONIS IN LOGICAM

LIBER TERTIVS.

In quo ea traduntur quæ ad secundam intellectus operationem dirigendam pertinent.

Quibus de rebus, & quo ordine agendum sit. Cap. I.



Explicata prima Logicæ, parte, qua prima intellectus dirigitur operatio, sequitur, ut de ijs agamus, quæ ad dirigendam secundam pertinet. In secunda itaque operatione hæc animaduerti possunt, in quibus hic tertius versabitur liber: id de quo aliquid affirmamus, quod subiectum vocatur: id quod affirmamus, aut negamus, nimirum prædicatum: & iudicium quo indicamus attributum convenire, aut non convenire subiecto. Quæ, etsi in secunda intellectus operatione reperiantur: tamen, quia multo melius explicantur, & intelliguntur prout in oratione, & propositione vocali continentur; ideo de secunda operatione agentes, ea considerabimus, ut voce & oratione exponuntur. In hoc itaque libro, cuius subiecta materia est propositio, siue enunciatio, primo agemus de partibus simplicibus orationis, & de oratione ipsa: deinde de enunciatione absoluta & simplici, deq; eius affectione-

fectionibus; postea de enunciatione modali, & de eius accidentibus; præterea de enunciatione coniuncta, siue hypothetica: ad hæc, de quibusdā enunciationibus expositione indigentibus: ac postremo de diuisione, quæ est præcipuum secundæ operationis dirigendæ instrumentum,

De nomine, & verbo.

Cap. 11.



Vm subiecti in hoc libro propositi, primæ partes, sint nomen, & verbum, ideo de eis priore loco nobis agendum est.

Nomen, vt a Logico consideratur est vox significatiua ex instituto, sine tempore, finita, & recta, cuius partes separatè per se nihil significât. Dicitur vox, quia hic definitur nomen vt est terminus vocalis. Significatiua, vt excludantur voces quæ non significant, mentis nimirum notiones. Ex instituto, vt excludantur voces quæ naturaliter significant, vt gemitus, & interiectiones: Sine tempore, vt distinguatur a verbo & participio, quæ significant cum tempore. Nomina enim significant quidem tempus, partemve temporis, vt æuum, dies, hora, atque aliquid, quod determinato tempore sit, vt cœna, prandium; sed non significant cum tempore. Finita, vt excludatur nomē infinitum, quod nihil determinate significat; vt non homo, non leo, quæ voces nihil determinate significant, & affirmari possunt de ijs quæ sunt, & de ijs quæ non sunt; vt non homo de ligno & chimæra. Recta, ad excludendos casus obliquos, qui apud Logicum non sunt nomina; vt Petri, Petro; quæ, etiam cum ver-

1. Periherm. c. 2.

2. Periherm. c. 3.

bo est, non dicūt verum vel falsum; sicuti nec nomina adiectiua, adiectiue posita: similiter nec pronomina, nisi vt sunt loco nominis. Dicit, cuius partes, &c. ad excludēdos terminos complexos, & orationē, cuius partes aliquid significant: Addunt aliqui huic definitioni, Quæ cum verbo, est, significat aliquid veri, vel falsi.

Verbum, est vox significatiua ex instituto cū tempore, finita, & recta, cuius nulla pars separata per se significat, & est semper quæ de alio prædicantur nota. Huius definitionis priores partes intelliguntur ex dictis: Dicitur cum tempore, ad excludendum nomen: Finita, ad excludendum verbum infinitum; vt non legit, non amat. Recta ad excludendos casus verbi, vt sunt omnes verbi voces, præter voces præsentis indicatiui, & eius participium: Cuius partes &c. additur hæc particula ob eandem causam, ob quam allata fuit in definitione nominis: Et est semper, &c. ponitur hæc particula ad excludenda ea verba & participia, quæ non semper prædicantur: vt si dicatur, disputare est loqui, & disputans loquitur: quoniam verbum semper habet annexum prædicatum, in enunciatione; vt Petrus legit; vbi verbum legit, stat loco rei, id est loco lectionis, quam significat. Quare verbum tria includit: primo dicit rem aliquam: secundo designat tempus: postremo illam rem vnit cum aliquo subiecto, cuius dicitur nota id est prædicatum; vt, legit, dicit lectionem, in tempore, in aliqua persona, siue subiecto legente.

Præter nomen & verbum, alię etiā partes orationis ponuntur in enūciatione: quarum aliquę non reuocantur ad illas, vt multe propositiones & coniunctiones, a, abs, si, vel, & aduerbiū, Non verbum, est, vt est copula, & signa uniuersalia & particularia, quę dilatant, aut contrahunt subiectum.

Etum. Sunt etiam quedā voces quę uidentur simplices partes orationis, quę tamen in mente ingenerant conceptum complexum; ut Nihil, id est nulla res: semper, nunquam, & multa aduerbia, & interiectiones, Pape, Apage. Alię vero sunt simplices orationis partes, quę ad Nomen & Verbum reuocantur. Quę tēpus non significant, reuocantur ad nomen; ut nomina infinita, adiectiua, adiectiue accepta, pronomina, & casus obliqui nominum & pronominum, & quędam aduerbia quę more casuum a nominibus ducuntur; ut docte, sapienter. At vero ad verbum reuocantur ea quę tempus significant; ut verba infinita, tempora præteriti & futuri indicatiui, & infinitiui modi, ac participia, eorumque casus.

*De oratione.**Cap. III.*

Rationis partibus expositis; sequitur ut de tota oratione dicamus, quam hunc in modum definiunt.

Oratio est vox ex instituto significans, cuius aliqua pars separata significat; ut, Deus est iustus; omne bonum, liber Platonis, & alię voces aliquo grammatico nexu coniunctę. Nam multę dictiones nullo grammatico vinculo copulatę, ut istę, terra, aqua, aer, ignis, cælum, non sunt vna vox, nec oratio. Alletę definitionis priores particulę patēt ex dictis: vltima vero additur ad distinguendam orationem a nomine, & verbo. Neque necesse est, ut omnes orationis partes separatę significant, sed satis est, si vna significet. Potest autem oratio componi ex dictionibus per se in ipsa significantibus duobus modis: vno modo explicite; ut nullus ho-

mo,

1. Perih.
ca. 4.

mo, nullares, in omni loco; altero implicite, vt si dicatur, Nemo, Nihil, vbique: posteriores voces, quia idem significant quod superiores, & totidem conceptus in animo gignunt, p^o testate iisdem partibus constare dicuntur. Vnde, licet nō sint orationes voce, significatione amen sunt; ac proinde orationes simpliciter censentur: Nam apud Logicos, non tam vocum, quam significationis habetur ratio.

Oratio duplex est: altera perfecta, quæ perfectam cōtinet sententiā, vt Deus est pāstor meus: imperfecta, quæ integram sententiā nō habet: quæ rursus duplex est, vna quæ mutilam continet sententiā; vt, si veneris: libros legere; in quibus aliquid desideratur: altera, quæ nullam sententiā nec truncatā cōtinet; vt, animal rationis capax: quantitas discreta: disputatio de Logica, & id genus alia, quæ non videntur aliquid vltius significare, & more nominum significant. Perfectarum orationum, alia sunt interrogatiuæ, alia deprecatiuæ, alia imperatiuæ, alia enunciativæ; ex quibus solum vltimas considerat Logicus. Vnde oratio perfecta diuiditur in enunciativā, & non enunciativā. Non enunciativa est: quæ licet gignat sensum perfectum, nihil tamen veri, vel falsi dicit: Enunciativa vero, est oratio perfecta quæ verum, aut falsum significat; vt Deus est verax: homo est lapis: si leue est, ascendit. Hæc communiter appellari solet propositio, quam appellationem retinentes, deinceps de propositione agemus, eius naturam, affectiones, speciesque explicando.

r. Perihē.
c. 4.

*De Enunciatione, seu propositione.**Cap. IIII.*

Propositio est, quid compositum per intellectum; quod suo modo constat materia, forma, quantitate, & qualitate.

Propositionis materia sūt illi termini in quos resoluitur tanquam in subiectum, & prædicatum: subiectum est id, de quo aliquid dicitur, prædicatum, quod de alio dicitur. Forma est ipsum verbum, quod copula nominatur; quia vult prædicatum cum subiecto; vt in hac propositione, Deus est misericors; Deus & misericors sunt materia, verbum, est, forma: sicuti in propositione mentali res quæ apprehenduntur sunt materia, & iudicium illud quo iudicamus vnam prædicati de alia, est veluti forma, quæ in propositione vocali per verbum exprimitur, sicuti res conceptæ per prædicatum & subiectum. Prædicatum interdum est simplex terminus, vt in hac propositione, Christus est recuperator: aliquando integra propositio; vt, qui recte vinit, feliciter moritur: qui est iustus, saluabitur: vbi secundum verbum dicitur copula principalis, primum verò minus principalis: hoc se tenet ex parte subiecti, illud ex parte prædicati; quia, ver est prædicatum, vel ipsum coniungit cum subiecto. Prædicatum ergo interdum est expressum, & a verbo distinctum, vt in hac propositione, Christus est Deus; & huiusmodi propositiones dicuntur de tertio adiacente: aliquando non est expressum, sed continetur in ipso verbo; vt in hac Deus gubernat, Deus est; & hæc dicuntur de secundo adiacente. Vnde omnis propositio, vel est de secundo adiacente,

i. Prior. c.
i.

cente, vt est illa quæ vnica uoce continet prædicatum, & copulam, vt homo currit: vel de tertio adiacente, vt ea quæ habet prædicatū expressum. Ceterum, si ea quæ est de secundo resoluiatur, fiet de tertio, vt si dicatur, homo legit, resoluetur in hanc, Homo est legens.

Rursus propositionis materia sumitur ex rebus ipsis per terminos significatis; quæ, si sint necessario connexæ, materia dicitur naturalis, in qua prædicatum habet connexionem necessariā cum subiecto, vt cum definitio, vel pars definitionis, aut propria passio de suo dicitur subiecto; vt, homo est animal rationale, viuens, corpus, & risuius. Si vero nullo modo prædicatū possit conuenire subiecto, materia dicitur remota; vt homo est lapis. Si vero aliquando possit conuenire, aliquando non, dicitur contingens; vt homo est albus, homo studet. Vnde alia consurgit propositionum diuisio, sumpta a materia; quæ nihil aliud est, quam habitudo prædicati ad subiectum, quod alia sit ex materia naturali, siue necessaria, alia ex remota, alia ex contingenti. Vbi nota, negatiuas in hac materia reduci ad suas affirmatiuas, quæ eiusdem materiæ esse dicuntur; vt ista, homo est risuius, homo non est risuius.

Rursus, prædicatum, vel proxime est coniunctum cum subiecto, vt accidit, cum nihil inter vtrunque intercedit, vt in hac propositione, homo est rationalis, vel non proxime conuenit, sed medium quid inter vtrunque intercedit, vt homo est substantia, inter quæ intercedit, viuens, corpus, vnde duo alia oriuntur propositionū genera, quod alia sint immediatæ, alia mediatæ.

Item prædicatum, vel est idem omnino cum subiecto, vt in hac, Petrus est Petrus, homo est homo, & hæc dicitur propositio identica, vel est
disting.

distinctum aliquo modo, & tunc dicitur nō idē-
tica, vt homo est risuius.

Præterea, aut prædicatū inest per se subiecto,
vt cum prædicatur vnū ex quattuor primis præ-
dicabilibus, aut per accidens, vt quando prædi-
catur vltimum prædicabile de suo subiecto: vnde
alia oritur diuisio, quod alia propositio sit per se,
alia per accidens.

Ad hæc; propositionum, alia est simplex, alia
coniuncta: simplex, quæ & categorica dicitur, est
ea in qua vnum de vno dicitur, siue illud sit sim-
plex, vt homo est iustus; siue compositum, vt ho-
mo iustus est prudens: homo probus est iustus, &
prudens: illa dicitur propositio de simplici extre-
mo, hæc de coniuncto, qualis non est ista, Petrus
est simplex, prudens; cum ex his duobus termi-
nis non efficiatur vnum prædicatum per coniū-
ctionem. Cōiuncta, quam hypotheticam vocāt,
est illa quæ ex simplicibus coniūctione aliqua ne-
ctitur, vt si sol ortus est, dies est; Deus est verax,
& homo mendax.

1. Periher
me. c. 4.

Denique, propositionum alia absoluta quæ di-
citur, De inesse; vt cū prædicatum simpliciter si-
ne vilo modo dicitur conuenire subiecto; ut ho-
mo est viuens: alia modalis, qua quo modo ali-
quid alicui conueniat enunciatur; vt homo ne-
cessario est animal. Nonnullæ aliæ diuisiones se-
quenti capite explicabuntur.

1. Priorū.
2. Periher.

*De propositionis affectionibus, & speciatim
de quantitate, & qualitate.*

Cap. V.

Propositionis affectiones, hæc numerantur:
quantitas, qualitas, oppositio, æquipollētia,
conuer-

conuersio. Enunciationis quantitas, est extensio, aut vnitas numeralis eorum rerum, pro quibus subiectum sub prædicato accipitur.

1. Perihe.

c. 5.

Ex quantitate hæc oriuntur propositionis diuisiones. Enunciationum, alia vniuersalis, alia particularis, alia indefinita, alia singularis. Vniuersalis propositio est illa cuius subiectum est terminus communis cū signo vniuersali; vt hæc, Omnis homo est animal; signa vniuersalia sunt, omnis, nullus, quilibet, vterque. Particularis est illa, cuius subiectum notatur signo particulari; vt, quidam, vel aliquis homo est Logicus; alter oculus est dexter. Indefinita, cuius subiectum est terminus communis nullo notatus signo; vt, homo legit, animal currit. Quæ æquiualeat vniuersali in materia naturali; vt homo est animal. At ex modo significandi, & in materia contingenti idem valet, ac particularis, vt homo est iustus. Singularis est ea, cuius subiectum est terminus singularis, vel accipitur pro vna re tantum singulari; vt, Plato est sapiens; hic homo studet. Huc reuocantur illæ quarum subiecta accipiuntur pro rebus communibus præcisæ; vt homo est species. Nam cū subiecta non accipiuntur pro multis, fieri nō potest, ut sint vniuersales, aut particulares, aut indefinite.

1. Perihe.

cap. 4.

Qualitas est propositionis affectio, qua denominatur qualis, & præsertim, affirmata, vel negata. Propositio affirmata est illa, cuius verbū, seu principalis copula est affirmata; vt, omnis homo currit; qui studet, est diligens. Dixi principalē copulam debere esse affirmatam, quia si minus principalis negetur, propositio censetur affirmata, vt ista, qui non studet, euadet ignarus; vbi copula principalis est secundum verbum, ut patet ex dictis, quod est affirmatum, cum ei non sit annexa nega-

Cap. 4.

negatio. Est autem affirmatio, oratio in qua aliquid alicui tribuitur. Negatiua est illa cuius principalis copula est negata, vel cuius subiectum habet signum negatiuum; vt homo non currit: nullus homo est lapis: Qui studet, non erit ignorans. Negatio vero, est oratio quæ remouetur aliquid ab aliquo; quæ solet dici diuisione, sicuti affirmatio compositio. Vbi nota discrimen inter signum affirmans, & negans: nam, si affirmans præponatur subiecto, & copula negetur, erit propositio negatiua; vt omnis homo non est lapis: at vero si præponatur signum negatiuum etiam si copula non negetur, erit negatiua; vt nullus homo est lapis. Rursus, signum affirmatiuum distribuit subiectum, confundit prædicatum, vt omnis homo est animal, Homo stat distributiuè, animal confuse: at signum negatiuum, vtrunque distribuit, vt in hac nullus canis est lapis: nulli homini latrat: Et hæc qualitas secundum affirmationem, & negationem solet vocari essentialis.

r. Perihet
nec. 4.

Rursus, propositio dicitur qualis, a veritate, & falsitate. Illa dicitur vera quæ significat id quod est, esse, id quod non est, non esse, ea nimirum quæ est cum re quam enunciat conformis; vt, cælum mouetur: lapis non est homo. Illa falsa, quæ significat id quod non est, esse, & quod est, non esse, & proinde non est consona cum re ipsa, vt homo non est viuens, homo latrat.

r. Perihet.
s. 6.

Item fit alia diuisione secundum qualitatem, quæ ex aptitudine ad veritatem, & falsitatem, & ex materia sumitur. Alia itaque enunciatio dicitur necessaria, alia impossibilis, alia contingens: nec tamen idem est propositionem constare ex materia necessaria, aut impossibili, & esse necessariam, aut impossibilem, nam hæc est necessaria, homo non est lapis, sed non constat ex materia necessaria.

5. Metaph.
ecx. 6.

Necessaria ergo ita est vera, vt non possit esse falsa: in quo genere ponuntur omnes affirmatiuæ ex materia naturali, vt homo est viuens, & omnes negatiuæ ex materia remota; homo nō est lapis. Quod diximus de enūciationibus ex materia naturali, intelligendum est, cum prædicatū nō minus late patet, quam subiectum: vnde ista, non est vera, omne animal est homo, cum sit ex materia necessaria: nam cum inferius prædicatur de suo superiori materia est necessaria, licet propositio non sit naturalis. Tunc autem propositio dicitur naturalis, seu directā, cum prædicatur id quod debet prædicari, nimirum superius de inferiori, æquale de æquali, & accidēs de subiecto, & ea quæ sunt quasi forma, & constitutiuā subiecti: non naturalis, seu indirectā est ea, in qua non prædicatur quod prædicari debet; vt animal est homo; vbi inferius dicitur de superiori, & albū est corpus, vbi subiectū de accidente prædicatur. Enunciatio impossibilis est, quæ ita est falsa, vt nō possit esse vera, vt Leo est lapis: cygnus nō est albus: cuiusmodi sunt omnes affirmatiuæ in materia remota, & omnes negatiuæ in materia naturali; cū tamen prædicatum non minus patet quam subiectum, quia tunc possunt esse necessarie; vt, quoddam animal non est homo. Contingens quæ ita est vera, vt possit esse falsa, vt sunt illæ quæ fiunt ex materia contingenti.

3. Prior.
32.

2. Perihe.
3.

Ad hanc affectionem a qualitate sumptam reuocares quasdam alias enunciationis species proximo capite numeratas: sicuti & hanc, quod alia sit finita, vt illā cuius termini seu categoremata sunt finita; vt homo est iustus: alia infinita, cuius categoremata, seu termini sunt infiniti; vt, non homo est lapis: homo est non bonus.



Vod attiner ad hanc secundam enū-
ciationis affectionem, primo dice-
mus quid sit, deinde quotuplex sit,
postremo quomodo in oppositis re-
periatur veritas, & falsitas. Quod
igitur ad primum attinet, Oppositio communi-
ter hunc in modum definiri solet.

Oppositio est differentia duarum propositionū
habentium idem subiectum, & prædicatum, se-
cundum quantitatem, vel qualitatem, vel utrū-
que, vt omnis canis est animal; aliquis canis est
animal, vbi est oppositio, siue diuersitas secundū
quantitatem, quia in vna subiectum est vniuer-
sale, in altera particulare. At vero alij sic defi-
niunt; Oppositio est duarum propositionum re-
pugnantia secundum affirmationem, & negatio-
nem; vt aliquis homo currit: aliquis homo non
currit. Ex qua descriptione colligeres, vniuersa-
lem, & particularem non esse oppositas, nisi in-
tercedat oppositio secundum affirmationem, &
negationem, vt sunt istæ, omnis homo currit: ali-
quis homo currit; quæ nec etiam secundum ve-
ritatem opponuntur: ex qua parte, nec particula-
res quarū vna sit negata, alia affirmata opponun-
tur, vt aliquis homo currit: aliquis homo nō cur-
rit, quia ambæ possunt esse veræ. Vt autem vera
fiat oppositio, in vtraq; propositione termini de-
bent esse iidem, & eodem modo sumi. Vnde istæ,
non sunt oppositæ, Cicero docet, Tullius nō do-
cet; quia non habent idem subiectum omnino.
Est autem, vt cōmuniter docetur, oppositio qua-
druplex, contraria, contradictoria, subcontraria,
& subalterna.

Libr. 1.

Prior. c. 5.

& 6.

Oppositio contraria est ea qua due propositiō-

nes vniuersales opponuntur secundum qualitatem affirmatiuam & negatiuam; vt omnis homo currit, nullus homo currit: Earum hæc est natura quantum ad veritatem, & falsitatem, vt in materia necessaria, & remota nō possint esse ambæ veræ, & falsæ; sed necessario vna est vera, altera falsa: vnde ex vnius veritate, necessario colligitur alterius falsitas. Ad cognoscendum quæ nam ex contrarijs sit vera, quæ falsa, hæc est regula, In materia necessaria, omnes affirmatiuæ sunt veræ, negatiuæ falsæ; in remota vero, contra: in cōtingenti possunt esse ambæ falsæ, nunquam tamen ambæ veræ; vt, omnis homo currit, nullus homo currit: quia potest esse, ut aliqui currant, & aliqui non currant.

Oppositio contradictoria est repugnantia duarum propositionum secundum quantitatem & qualitatem; quarum vna est vniuersalis affirmata, altera particularis negata; vt omnis homo currit, aliquis homo nō currit: nullus homo est iustus, aliquis homo est iustus. Istarum regula quoad veritatem, & falsitatem hæc est; in omni materia vna est necessario vera, altera falsa; & ita nō possunt esse ambæ veræ, vel falsæ. Et quoniam propositiones singulares non possunt mutare quantitatem, neque secundum illam opponi, si differant secundum qualitatem, censentur contradictoriæ, vt Plato disputat, Plato non disputat.

Oppositio subcontraria est repugnantia duarum propositionum particularium secundum qualitatem; vt aliquis homo studet; aliquis homo non studet. Quod attinet ad earum veritatem & falsitatem, subcontrariæ in materia necessaria, & remota non possunt ambæ esse veræ, vel falsæ, sed vna necessario est vera, altera falsa: in materia necessaria affirmatiua est vera, negatiua falsa; in remota,

remota, contra. At in materia contingenti, vtraque potest esse vera: nunquam tamen possunt ambæ esse falsæ: & ideo ex vnius veritate, non potest alterius falsitas colligi; quia possunt esse ambæ veræ; vt aliquis homo est bonus, aliquis homo non est bonus. Quò fit, vt supra admonuimus, vt non sint proprie oppositæ; quia vna non vere negat, quod altera affirmat: c proinde Aristoteles sola voce oppositas esse dixit.

Aristot.

Oppositio s. balternans est quæ duæ propositiones differunt secundum quantitatem; vt omnis homo est risuius: aliquis homo est risuius: nullus homo currit, aliquis homo non currit. Ex his vniuersalis dicitur subalternans, particularis subalternata. Quod attinet ad veritatem, in materia necessaria & remota vtraque est vera, vel falsa: in materia necessaria vtraque affirmatiua est vera, falsa vtraq; negatiua: in materia remota, vtraque negatiua vera, falsa vtraque affirmatiua; vt in exemplis, quæ facile quisque fingeret, cognoscere licet. Allatæ oppositionis species in rubricata cernuntur figura.

li. 2. Prior.
ca. 15.*Subalternans.**Subalternans.*

Ois homo est iustus. Contrariæ. Nullus hō est iustus.

Subalternans.

Contra

Contra

Subalternans.

dictoria.

dictoria.

Aliqs hō est iustus. Subcontrariæ. Aliqs hō non est iustus.

Subalternata.

Subalternata.

Atque de oppositione hæc dixisse sufficiat.



Equipollentiā idem valet, quod æqualis potestas; & æquipollere, est idem posse, & valere. Est autē æquipollentia duarum propositionum ante oppositarum vis eadem, ex varia signorū appositione proueniens; Vel duarum propositionum iisdem extremis eodem ordine participantium vis eadem, ex varijs signis proueniens: quo fit vt inter se inferant, hoc est ab vna ad aliā argumentari liceat; vt, omnis leo currit, nullus leo non currit: quæ duæ propositiones vim habent eandem ob particulam, non, qua remota, erunt contrariæ, & nō idem valebunt. Tota itaque æquipollentiæ vis nascitur ex signis negatiuis, ad quam conficiendam hæc sunt obseruanda.

Primo, si negatio præponatur alicui signo, mutat quantitatem & qualitatem signi; & ita si signum erat vniuersale affirmatiuum, præposita negatione, fiet particulare negatiuum; vt omnis homo, non omnis homo, quod valet, aliquis homo nō. Si signum est vniuersale negatiuum, negatio præposita, faciet particulare affirmatiuum; vt nonnullus, idem est, quod aliquis. Si erit particulare affirmatiuum, fiet vniuersale negatiuum; vt aliquis homo, nō aliquis, idest nullus. si sit particulare negatiuum, fiet vniuersale affirmatiuum; vt non aliquis non, idest omnis. Secundo, si negatio postponatur, mutabitur qualitas, non quantitas, hoc est, affirmatiua fiet negatiua, & contra; vnde vniuersalis, remanet vniuersalis; & particularis, particularis; vt, omnis homo est animal, si postponatur negatio, fiet vniuersalis negatiua; vt, omnis homo non est animal, quæ est eadem

rum hac, nullus homo est animal. Tunc autem dicitur postponi negatio, quando ponitur post subiectum ante copulam, vt omnis homo nō est animal. Terrio, si negatio præponatur signo negatiuo, tunc signum dicitur affirmare: quia duplex negatio affirmat; vt nonnullus homo currit. Ex quibus intelligitur, negationem, vel tātum præponi, vel postponi tantum, vel præponi & postponi: iuxta quos tres modos, tres conficiuntur regulæ quibus omnes propositiones oppositæ fieri possunt æquipollentes.

Prima, propositiones contradictoriæ fiunt æquipollentes, si cuiuslibet illarum præponatur negatio; vt, omnis homo est animal, aliquis homo non est animal, sient æquipollentes, si alterutri præponatur negatio.

Secunda contrariæ fiunt æquipollentes, si cuiuslibet illarum postponatur negatio; vt, omnis homo est animal; nullus homo est animal: omnis homo non est animal, & nullus homo non est animal.

Tertia, subalternæ fiunt æquipollentes, si alterutri præponatur, vel postponatur negatio; vt, Omnis homo est iustus; aliquis homo est iustus; si dicatur, non omnis homo: vel, non aliquis homo non: & nullus homo est albus, aliquis homo non est albus, fiet æquipollentia dicendo, Non nullus homo non est; idem valet, ac aliquis homo non est albus. Has tres regulas hoc carmine expresserunt Logici.

D. Tho.
Opus. 4.
cap. 9.

Præcontradic, postcontra, præpostque subalter.

Hoc est, præposita negatio efficit, vt contradictoriæ, & contrariæ, præposita & postposita, vt subalternæ idem valeant. Pro subcontrarijs valet eadem regula quæ in contrarijs.

Addunt aliqui hic duas alias regulas: prima, vniuersalis enūciatio æquipollet aggregationi omnium singularium; vt, omnis homo est iustus, huic orationi, hic homo est iustus, & hic est iustus, & reliqui. Secunda, particularis enūciatio æquipollet disiunctioni omnium suarum singularium; vt aliquis homo est doctus, huic orationi, hic homo est doctus, vel hic homo est doctus, & cæter.

De Conuersione.

Cap. VIII.

x. Priorū.
2. & 3.



Ter tia enunciationis affectio est Cōuersio, siue reciprocatio: Quæ est commutatio extremorum propositionis seruata qualitate & veritate: hæc enim duo in conuersione seruanda sunt: Vel, est necessaria consequentia, siue reciprocatio duarum propositionum ex terminorum transpositione proueniens; cum scilicet ex subiecto fit prædicatum, & ex prædicato subiectum; vt, nullus iustus est imprudens: nullus imprudens est iustus. Illa enūciatio cuius termini commutantur dicitur *Conuersa*: illa vero quæ ex commutatione fit, dicitur *Conuertēs*.

Est autem conuersio triplex, simplex, per accidens, & per contrapositionem. Simplex, quam etiam, In terminis, appellant, est conuersio quæ eadem seruatur quantitas & qualitas, nulla alia adiecta particula: quæ ratione conuertuntur, vniuersales negatiuæ, & particulares affirmatiuæ, vt nullus canis est leo, nullus leo est canis; aliquis canis currit, aliquod currens est canis.

Conuersio per accidens, est terminorum commutatio, in qua seruata qualitate, mutatur quantitas;

titas: qua ratione conuertuntur vniuersales negatiuæ & affirmatiuæ; vt nullum animal est immobile, aliquid immobile non est animal: omnis leo rugit, aliquid rugiens est leo.

Conuersio per transpositionem fit cum termini ita trāspōnuntur, vt seruata quantitate & qualitate, termini finiti fiant infiniti, addita negatione; quo modo conuertuntur vniuersales affirmatiuæ, & particulares negatiuæ; vt, omnis leo est viuens, aliquid non viuens est non leo: aliquis calamus non est lignum: aliquid non lignū est non calamus. Hæ conuersionis regulæ, hoc disticho continentur.

Feci simpliciter, Conuertitur Eua per acci:

Asto per contra, sic fit conuersio tota:

Quorum explicatio his duobus alijs carminibus continetur.

Afferit A, negat E, sunt vniuersaliter ambæ:

Afferit I, negat O, sunt particulariter ambæ.

In primis carminibus ponunt tres dictiones, Feci. Eua, Asto: in quibus notantur duæ vocales, quæ quid valeant, explicātur, in duobus alijs carminibus. Prima dictio inseruit primæ speciei, secunda secundæ, & tertia tertiæ, quæ designant quæ propositiones singulis conuertantur.

In his regulis non est facta mentio conuersionis propositionum singularium, quia comprehenduntur sub simplici conuersione, si constet utroque extremo singulari; vt, Petrus est hic homo; hic homo est Petrus: Petrus non est hic homo; hic homo non est Petrus. Si vero cōstent ex prædicato communi, conuertuntur per accidens; affirmatiuæ in particulares; vt Petrus est homo; aliquis homo est Petrus: negatiuæ vero in particulares, & vniuersales; vt Petrus nō est lignum; aliquid lignum, vel nullum lignum est Petrus,

At si

At si subiectum sit commune, & prædicatum singulare, affirmatiuæ & negatiuæ vniuersales conuertuntur per accidens in singulares, vt omnis, aut aliquis grammaticus est Petrus, ergo Petrus est grammaticus: at negatiuæ particulares non conuertuntur, quia darentur conuersæ veræ, & conuertentes falsæ; vt, aliquis grammaticus non est Petrus: ergo Petrus non est grammaticus.

De propositionibus modalibus.

Cap. IX.



TRACTATIO de propositionibus modalibus, vt est difficilis, ita esset necessaria, de ea accuratius, vt aliqui vsque ad fastidium faciunt, sane scriberem, sed quoniam minus est necessaria, quam vtilis, leuiter eam attingam, cum huius doctrinæ nullo modo Logicus debeat esse omnino ignarus.

Propositio igitur duplex est: altera simplex, in qua prædicatum simpliciter dicitur esse in subiecto, sine vlla limitatione, & modo, vt homo est albus, homo currit: quæ dicitur propositio de inesse: altera quæ modalis vocatur, a modo superaddito. Est autem modus duplex; alter qui afficit, limita, ve al quam partem propositionis, nomen, vel verbum; vt casus obliqui, nomina adiectiua, & aduerbia: vt homo iustus currit: alter qui totam propositionis compositionem, & materiã afficit; vt homo cõtingenter currit; & de hoc modalium genere hic acturi sumus.

Est ergo modus vox enunciationis compositionem ratione materiæ determinans: & Enunciatio modalis, ea quæ, quo modo aliquid alicui inest,

1. Prior. 3.
& 12.

insit, vel non insit, enunciat.

Modalis propositio quadruplex est, ex modo necessario, ex contingenti, ex possibili, & ex impossibili. Necessarium est id quod non potest non esse: contingens quod potest esse, & non esse: possibile, quod est necessario, & contingenti commune, quod potest esse, siue non possit non esse, siue possit: Impossibile, quod esse non potest.

Potest autem hic modus dupliciter addi, primo aduerbialiter, vt, necessario, contingenter, possibiliter: altero nominaliter; vt, necessarium, contingens, possibile, & impossibile est; vt si dicas, necessario homo est animal: hominem esse animal est necessarium. In prima forma modus non prædicatur, sed propositionis copulam afficit, in secunda vero prædicatur: in prima est vnũ tantum prædicatum, & vnum subiectum, in secunda vtrunque duplex: & quidem hæc secunda forma est magis vsitata.

In modali enunciatione duo considerantur, ipsa simplex enunciatio, & modificatio: illa dicitur dictum, hæc vero modus; vt, homo necessario est animal, dictũ, est hoc, Homo est animal, vel hominem esse animal: modus est illud aduerbiũ, quod duobus locis poni potest, vel intra extrema propositionis; vt homo possibiliter disputat: vel extra, aut ante, aut post; vt homo disputat possibiliter. Quando intus ponitur, videt facere sensum Tol. diuisum, vt aliqui adnotarũt; quãdo extra, vtrũque: ceterum vtro loco ponatur vtrũque admittit sensum. Quid sit sensus diuisus, & compositus, cum de fallacijs agetur, exponam. Cum ergo dicta enunciationis forma duo conueinat subiecta, & duo prædicata, alterum in dicto, alterum in modo erit: nam dictũ, seu eius copula, est principale subiectum, & modus principale prædicatum;

rum; quod autem est in dicto subiectum, & predicatum; est minus principale, ut in allato exemplo, homo est animal, quod est dictum. Hinc fit, ut qualitas, quantitas, & materia modalium attendi possint, vel ex parte dicti, vel modi, ut statim patebit.

De modalium qualitate, & quantitate.

Cap. X.



Explicata modalium natura, sequitur ut de earum accidentibus dicamus, & primum de affirmatione, & negatione, tum veritate, & falsitate, postea de quantitate.

Quod attinet ad affirmationem, & negationem, affirmatio, vel negatio potest attendi, vel ex parte modi, vel dicti, sed magis in modo spectatur, quam in dicto. Quare, vel utrumque est affirmatum, vel utrumque negatum, vel dictum erit negatum, & modus affirmatus, vel contra, ut hominem non esse doctum est possibile; hominem esse doctum non est impossibile: hominem non esse animal non est contingens: hominem esse animal est necessarium: sed, ut dixi, affirmatio & negatio ex modo precipue spectantur.

De veritate modalis, vel est vera, vel falsa, ut omnes enunciationes; ita tamen, ut vera non possit esse falsa, nec falsa vera: ac proinde omnes modales, aut sunt necessariae, aut omnes verae: aut impossibiles, ut omnes falsae: ut patet discurrenti per quattuor modos. Ex quibus colligeres, propriam modalium materiam esse duplicem, necessariam, & impossibilem, quamvis simplices enunciationes triplicem habeant materiam, ut supra diximus;

ximus; quæ non est modalium propria, Modalis ergo de necessario est vera, cuius de inesse est necessaria: falsa, cuius dictum reducitur ad impossibile, vel contingentem. De impossibili vera, Supra ca. 3. cuius de inesse est impossibilis: falsa, cuius de inesse est necessaria, vel cōtingens. De possibili vera, cuius de inesse non est impossibilis, siue sit cōtingens, siue possibilis, possit illa esse sumpto: falsa, cuius de inesse, non est necessaria, nec cōtingens, sed impossib. Idē dicas de contingenti. Atque hæc de qualitate: nūc de quātitate dicamus.

Modalium quantitas spectari potest, primo ex parte subiecti ipsius dicti; & tunc oritur quadruplex quantitas, vt in absolutarum explicatione Supr. c. 5. dixi: secundo ex parte subiecti principalis, hoc est copulæ dicti, siue ex parte modi, & hæc quātitas p̄cipue attendit̃ in modalibus. In dicto attenditur quātitas respectu contētorū sub subiecto, in modo vero quātitas ip̄is: quæ duplex est; altera vniuersalis q̄ distribuit copulā dicti in omne tēpus, q̄ designat̃ his duobus modis, Necessē, Impossibile: altera particularis, q̄ eandē copulā distribuit in aliquod t̄ps: q̄ designat̃ per Contingens, quod significat̃ iē posse esse, & non esse, & per possibile quod ita rē esse posse significat, vt significet posse etiā non esse, nec non posse non esse. Vnde hi modi, necessē, Impossibile, cōtingēs, & possibile in modalibus se habēt, vt signa syncategoremat̄ica, omnis, nullus, & quidam, quidam non, in propositionibus absolutis; sed hæc, quantitatem numeralem, illa vero temporis quantitatem designant. Et vt signa syncategoremat̄ica vniuersalia, addita negatione, fiunt particularia, & particularia vniuersalia, ita accidit in modis: vnde, non necessarium, est particulare, non contingens, vniuersale. Cum ergo quantitas

in mo-

in modalibus cernatur in modo, qui gerit vicem signi syncategorematici & prædicati; ideo Aristoteles ista signa, vt melius cernatur quantitas, in principio enunciationis ponere consuevit, non vt ex modo faciat subiectum. Vnde idem est dicere, Necesse est hominem esse animal, & hominem esse animal est necesse.

De modalium oppositione.

Cap. XI.



N propositionibus modalibus quatuor sunt oppositionis formæ, vt in absolutis; contraria, subcontraria, contradictoria, subalterna: & quæ de illis traduntur regulæ quoad veritatem, & falsitatem attinet, hic etiam locum habent. Vnde nec contrariæ possunt esse simul veræ, nec subcontrariæ simul falsæ, nec contradicentes, aut simul veræ, aut falsæ: nec subalternante existente veræ, subalternata erit falsa.

Potest autem oppositio spectari, vel in propositionibus eiusdem modi; vt, necesse est hominem esse animal: non necesse est hominem esse animal, vel diuersi modi; vt, possibile est hominem esse doctum: impossibile est hominem esse doctum: atqui nos agemus solum de oppositione modalium eiusdem appellationis, siue modi: Ex quibus intelligetur, quomodo quæ sunt diuersæ appellationis opponantur, & primo de illis quæ constant ex dicto cuius subiectum est particulare.

Contrariæ sunt quæ constant modo vniuersali, & dictis contradicentibus; vt necesse est Petrum sedere, necesse non sedere; non possibile est Petrum

Petrum sedere, non possibile non sedere: non contingens est Petrum sedere, non contingens non sedere: impossibile est Petrum sedere, impossibile non sedere.

Subcontrariæ, quæ constant ex eodem modo particulari, & dictis contradicentibus, ut possibile est Pet. sedere, possibile non sedere: contingens est Pet. sedere, contingens non sedere: non necesse est Pet. sedere, non necesse non sedere: non impossibile sedere, non impossibile non sedere.

Contradicentes, quæ constant eodem dicto, & modis contradicentibus: necesse est Pet. sedere, non necesse est sedere: possibile est Pet. non sedere, non possibile non sedere, & sic in alijs.

Subalternæ quæ constant ex modis, & dictis contradicentibus: necesse est Pet. esse hominem, non necesse est, non esse hominem: non possibile est Pet. sedere: possibile non sedere: non contingens est Pet. sedere, contingens non sedere: impossibile est Pet. esse hominem, non impossib. non esse.

Atque ex his facile quisque in singulis modis quattuor assignaret oppositionis species. In primo modo, necesse est Pet. sedere, necesse est non sedere, quæ sunt contrariæ: non necesse est Pet. non sedere, non necesse est sedere, quæ sunt subcontrariæ: unde colliguntur aliæ duæ oppositionis species. In secundo de possibili, Non possibile est Pet. sedere, non possibile non sedere: Possibile est Pet. non sedere: Possibile est sedere. In modo contingenti, Non contingens est Pet. sedere, non contingens est non sedere: contingens est non sedere, contingens est sedere. In modo impossibili, Impossib. est Pet. sedere, Impossib. est non sedere: non impossibile non sedere, non impossib. sedere. At vero si subiectum dicti fuerit commune, ut

necesse

neceſſe eſt omnem hominem eſſe animal, contrariæ debent conſtare modo eodem vniuerſali: ſubcontrarię eodem particulari: contradicentes, & ſubalternæ modis contradicentibus. Quod attinet ad dicta, contrariæ, ſubcontrariæ, & ſubalternæ, ſi ſint ex neceſſario, conſtare debent dictis contradicentibus, aut contrarijs: Si vero ex poſſibili, vel contingenti, impoſſibilique ex contradicentibus, aut ſubcontrarijs: at verò contradicentes, idem dictum habere debent; vt facile quiſque exempla fingendo videret.

De modalium æquipollentia.

Cap. XII.



Ad æquipollentiam inueniendam in modalibus, primum neceſſe eſt, vt modi omnium ſint eiſdem quantitatis, id eſt omnes vniuerſales, vel particulares: deinde, dicta enūciationum ex poſſibili, & impoſſibili ſint eadem inter ſe, & vt contradicant dictis enūciationum ex neceſſario. Quę duo monita qui tenebit, iſ cuiuſcunq; modalis æquipollentes facile inueniet.

Æquipollentes ex dicto particulari.

Ar Neceſſe eſt Pet. eſſe **Ve** Neceſſe eſt P. non eſſe hominem.
gu Nō poſſib. P. nō eſſe ho. **Ri** Non poſſib. P. eſſe hom.
tu Nō cōting. P. nō eſſe ho. **di** Non conting. P. eſſe hom.
le. Impoſſib. P. nō eſſe ho. **ca** Impoſſib. P. eſſe hom.

Sūt Nō neceſſe P. nō eſſe ho. **Qui** Nō neceſſe eſt P. eſſe ho.
a Poſſib. Pet. eſſe homin. **re** Poſſib. Pet. non eſſe hom.
ta Contin. Pet. eſſe hom. **ſe** Contin. Pet. non eſſe hom.
vi. Nō impoſ. P. eſſe ho. **rūt** Nō impoſ. P. non eſſe ho.

Aequipollen. ex dicto communi.

Tabella 1.

Ar. Necesse est hom. esse aīal. Ve Necesse est nullum hom.
esse anim.

gu. Nō possib. aliq. ho. esse ani. ri. Nō possib. aliq. ho. esse an.
tu. Nō conting. aliq. ho. non di. Non conting. aliq. ho. esse
esse anim. anim.

le. Impossib. aliq. ho. non es- ca. Impossib. aliq. ho. esse an.
se anim.

Tabella 2.

Tabella 3.

Tabella 4.

Sūt Non necesse est nullum hom. esse anim. Qui Non necesse omnem ho.
esse anim.

a. Possib. aliquē ho. esse ani. re. Possib. aliq. ho. nō esse an.
ta. Cōting. aliq. ho. esse ani. fe. Cōting. ali. ho. nō esse an.
ui. Nō imposs. est aliq. hom. rūt. Non imposs. aliq. hom.
esse ani. non esse ani.

Iuxta duo tradita documenta omnes quæ sunt
in quavis tabella sunt æquipollentes.

Atque ex his quæ dicta sunt de opposizione &
subalternatione modalium eiusdem generis, fa-
cile percipi potest oppositio, & subalternatio ea-
rum, quæ sunt diuersi generis. Nam enunciatio-
nes ex necessario, ī prima & secūda tabella sunt
cōtrariæ; in tertia & quarta subcōtrariæ: vn-
de prima contradicet quartæ, & secunda tertiæ:
& ita prima erit subalternans tertiæ, & secunda
quartæ & cum omnes quæ sunt in eadem tabel-
la sint æquipollentes, quæ sunt in prima erunt
cōtrariæ ijs quæ sunt in secūda: quæ sunt in ter-
tia subcōtrariæ ijs quæ in quarta: & vt tota pri-
ma contradicet toti quartæ, ita tota secunda ter-
tiæ: & tota tertia subalternata primæ, & quarta
secundæ.

Vt facile quisque aliqua posita modali eius æquipollentem inuenire possit; excogitatæ sunt dictiones singulis tabulis affixæ: quarum quattuor vocales significant modales suo ordine positas. A, significat affirmatam ex modo & dicto: E, affirmantem modi & negantem dicti, I negantem modi, & affirmantem dicti. V, negantem vtriusque, vnde versus,

E dictum negat, Ique modum, nihil A, sed V, totum.

Sed de modalium oppositione hucusque.

De modalium conuersione.

Cap. XIII.

Aristo. li.
1. Prior. c.
3.



Modalium conuersio non est eadem quæ absolutarum: vnde non est cōmutatio principalium extremorū, ita vt modus qui prædicatur de dicto fiat subiectum, & dictum fiat prædicatum: modus enim in modalibus explicatis p infinitum esse, nō potest fieri subiectum, etiam in principio ponatur; sed extremorum quæ in dicto continentur, seruata dicti qualitate, & totius modalis veritate: vt, necesse est Petrum esse hominem: igitur necesse est hominem esse Petrum. Ad hanc conuersionem intelligendam tria animaduertenda sunt.

Primum hic omittitur conuersio per cōtrapositionem: quia licet sit possibilis, cum dicta sunt vniuersalia affirmantia, vel particularia negantia; tamen vt parum vtilis consulto relinquitur.

Secundum, modales ex necessario & possibili affirmatis, conuertuntur, vt enunciationes absolutæ conuersione simplici, & per accidens. Vni-

uersalis

uersalis negatiua, & particularis affirmatiua conuertuntur simpliciter: Ambæ vniuersales, idest affirmata & negata, conuertuntur per accidens: at particularis negatiua nullo modo cōuertitur; quia daretur conuersa vera, & conuertens falsa; vt, necesse est aliquod animal non esse hominē: ergo necesse est aliquem hominem non esse animal: idem contingeret, si loco necesse, ponerēs, possibile. Aliarum vero conuersiones facile ex dictis cognosci possunt, nimirum cōuersiones modalium ex necessario, & possibili negatis, & ex impossibili negato, vel affirmato: quia, cum in tabellis equipollentium supra positīs reperiatur aliqua enunciatio ex necessario, aut possibili affirmato, qui harum conuersionem cognouerit, facile percipiet in quos reliquæ commutentur. Quod autem dictū est de modali ex possibili, intelligendum est de modalibus de contingenti improprie sumptō, quod idem est, ac possibile.

Tertium propositiones ex cōtingenti proprie sumptō affirmantes conuertuntur, sicuti & absolute; vt contingēs est omnem hominem, vel aliquem hominem vigilare, ergo contingens est aliquod vigilans esse hominem: at vero cū sunt negatiuę particularis conuertitur simpliciter, vniuersalis vero non item: vnde hæc est bona conuersio, contingens est aliquem hominem esse album: ergo contingens est aliquod album esse hominem: hæc vero non ita, contingēs est nullum hominem esse album; ergo contingens est nullū album esse hominē: quia conuertens est falsa, cū necesse sit aliquod album, vt niuem, non esse hominem.

Habent autem contingentes hanc propriā cōuersionem, vt affirmans possit mutari in negantē, nulla facta extremorum, aut quantitatīs mu-



tatione, vt cōtingens est omnem hominem currere, ergo contingens est nullum hominem currere, & contra: sic in particularibus.

De enuntiatione coniuncta, siue hypothetica, quid, quotuplex, & qualis sit.

Cap. XIII.



Xplicatis simplicium enuntiationū formis, sequitur vt de compositis dicamus.

Est autem enuntiatio composita siue coniuncta, ea quæ ex pluribus simplicibus constat, aliqua coniunctione connexis: cuius varię numerantur species.

Aliqui tres tantum species faciunt, copulatiuam, disiunctiuam, conditionalem. Copulatiua est ea, cuius partes particula copulatiua nectuntur; vt, homo est animal, & animal est viuens. disiunctiua, cuius partes iunguntur particula disiunctiua, vel, siue, aut; vt, homo, vel currit, vel non currit: conditionalis, est ea quæ particula conditionalis cōficitur; vt, si sol ortus est, dies est. Ad copulatiuam reuocatur aduersatiua; vt, etsi est bonus, non tamen omnino, & alię similes; similiter rationales, & causales ad eundem reuocari possunt. Alij addunt, causalem, in qua coniunctio est causalis, quia, qm̄, & alię generis eiusdē; vt, quia ignis est, fumus est. Alij denique addunt rationalem, siue illatiuam, in qua partes iunguntur nota illatiua, ergo, igitur; vt, ignis est leuis, igitur ascendit. Qui tres faciunt species, reuocant duas posteriores ad conditionalem, ac etiam enuntiationes temporales, vt est hæc, quando sol lucet, dies est, & locales; vt, vbi sol lucet, dies est, & harū similes:

Quibus

Quibus cum vixeris, eorum mores imiaberis: Quo semel est imbuta recens, seruabit odorem testa diu. Qui vero non ponūt rationalem, eam ad copulatiuam reuocant, quia quantum ad veritatem, & falsitatem non differunt: ad quæ etiam reuocant oēs eas in quibus est aliquod aduerbiū loci, temporis, coniunctiones aduersatiuæ, relatiuæ, & aliæ. Quod vero attinet ad horum qualitatem essentialem, quam diximus affirmatione, & negatione contineri, affirmatio & negatio in his spectantur in coniunctione, & ita illa erit affirmata, cuius coniunctio est affirmata, siue prædicata simplicium quas continent affirmantur, siue negentur, vt est ista; si sol non lucet, nō est dies: illa negata cuius coniunctio erit negata; vt, nō si sol nō lucet, nox non est: non si sol lucet, nox est. Idē de alijs dicas; quæ omnes fiunt negatiuæ præposita negatione initio enunciationis. Quare, conexa enuntiatio dicitur negata, vel affirmata ex ipsa coniunctione, siue nota. Ceterum, negatio in causali, & conditionali, non negat ipsas propositiones, sed earum vñionem: at in copulatiua, & disiunctiua negat vtrūque; vt homo currit, & non homo mouetur: non homo currit, vel mouetur.

Quo loco animaduertendum est, conditionale posse constare ex duabus simplicibus, vel pluribus; vt, si sol lucet, & in nostro hemisphærio lucet, dies est, & apud nos est; verum semper duæ sunt præcipuæ partes, quarum vna antecedens, altera consequens dicitur. Quæ constat ex duabus, aut vtrāque habet affirmantem, aut vtrāque negantem, aut vnam affirmantem, alteram negantem; vt si sol lucet, dies est: si sol nō lucet, non est dies; si dies est, non est nox: Quæ varias in alijs etiam notari potest.

De alijs accidentibus enunciationis coniuncta. Cap. XV.

Explicata essentiali enūciationis cōiunctæ qualitate, restat vt de alijs qualitatibus dicam⁹: de quibus breuiter agemus, ea solum attingendo, quæ aliquid vtilitatis habent.

Quod igitur ad veritatem attinet, copulatiua vera est ea, cuius ambæ partes simplices sunt veræ; falsa cuius ambæ partes, vel vna tantum falsa est: exemplis superfedeo, quia quisque ea facile fingeret. Disiunctiua vera, cuius omnes partes ita se habent, vt vna sit necessario vera, altera falsa; vt Petrus stat, vel nō stat. Falsa cuius omnes partes falsæ; vt, vel homo est lapis, vel est insensibilis, aut vtraque potest esse vera; vt, vel homo est animal, vel sensiuens. At vero Logici recentiores dicunt disiunctiuam esse veram, si, vel vna, vel plures vna, aut etiam omnes partes sint veræ; falsam vero nunquam, nisi omnes sint falsæ. Quod admitti potest, si loquendi modum attendamus: dicere enim solemus, aut Demosthenes fuit perfectus orator, aut Tullius, aut certe nullus.

Conditionalis vera, cuius partes habent bonā illationem, & inter illas est necessaria consequentia; vt, si homo est animal, est viuens, si homo volat, habet alas; conditionalis enim non requirit propositionum veritatem, quia nihil ponit, sed bonam illationem: falsa, cum vna pars non bene inferitur ex alia; vt, si homo est animal, habet quinque digitos.

Causalis vera, cuius ambæ partes veræ, & vna necessario inferitur ex alia, estque vna causa alterius: falsa erit ea, cui vna ex tribus conditionibus

bus deerit: vnde ista erit vera, quia homo est rationalis, est risius: & ista, quia ignis est levis, ascendit: hæc vero falsæ, quia homo est animal, est etiam lapis, quia ignis est calidus tendit fursum, quia ignis tendit fursum, est levis, nam tendere fursum, non est causa leuitatis, sed contra.

Illatiua vera, cuius partes sunt veræ, & vna sequitur ex alia; vt, homo est animal, ergo est sentiens: falsa cuius partes falsæ, vel vna non inferitur ex alia. Quod autem aliqui de conditionalibus dicunt; omnes conditionales veras, esse necessarias, & omnes falsas impossibiles, quibusdā non placet: quia non modo conditionales ex futuris contingentibus, sunt probabiles, ut si studebis, sapiens fies, sed etiam ex præsentibus; vt, si mater est, filium diligit; quæ putatur vera, sed potest esse falsa.

Quod attinet ad alia accidentia ex parte materię sumpta, copulatiua, & rationalis est necessaria, cuius omnes partes sunt necessariae: cōtingens, cuius ambæ partes contingentes, quæ tamen simul esse possunt, aut vna tantum contingens: impossibilis, cuius, omnes, vel vna pars impossibilis, vel si vtraque, est contingens, non tamen composibilis, vt homo stat, & sedet. Disiunctiua necessaria, cuius partes sunt impossibiles, siue sint necessariae, siue nō; vt vel homo quiescit, vel mouetur: aut illa, cuius omnes partes, aut vna est necessaria, vt Petrus est homo, aut nō est lignum. Contingens, cuius vtraque contingens, & composibilis, vel cuius vna contingens: impossibilis cuius vtraque; impossibilis; vt, vel Leo non est animal, vel non rugit; vel etiam vtraque necessaria, sed illæ in quibus vtraque est necessaria sunt ridiculæ, ac proinde formandæ nō sunt; quāuis sint veræ. Causalis necessaria, cuius par-

tes necessariae, & vna necessario sequitur ex alia; vt quia ignis est levis, sursum mouetur: contingens, cuius partes sunt contingentes, vel vna ex alia contingenter sequitur; vt quia homo audit lectiones, euadet doctus: impossibilis, cum partes sunt impossibiles, vel vna ex alia sequi non potest; vt quia lapis est, sentit. Conditionalis necessaria, quæ illationem necessariam, contingens, quæ contingentem, impossibilis, quæ impossibilem habet.

Quo loco animaduertendum est, de negatiuis quantum ad veritatem, necessitatem, contingentiam, & possibilitatem iudicandum esse ex affirmatiuis: nã, si affirmatiua est vera, negatiua erit falsa: si affirmatiua est necessaria, negatiua erit impossibilis.

Quod attinet ad quantitatem, enunciationes coniunctæ eam non habent, cum non enuncient aliquid de aliquo, aut de aliquibus, sed solû enunciationes coniungunt.

Boet.

De alijs vero accidentibus, vt de oppositione, & æquipollentia, quæ aliquo modo in illis reperiuntur, quæ a quibusdam, potius subtiliter quã vtiliter dicuntur, nos missa facimus, ne tyronû, sine vtilitate, ingenia fatigemus: Illud tamen dixerim, in hoc enunciationum genere solam oppositionem contradictoriam formaliter reperiri: quia enunciationes formaliter contrariæ debent esse vniuersales, & subcontrariæ particulares: at enunciationes coniunctæ, vt diximus, non sunt formaliter vniuersales, vel particulares; at vero oppositio contradictoria solam præpositam negationem requirit. Aliæ vero oppositiones, non nisi potestate; in coniunctis reperiuntur, quatenus ex coniuncta, colligi potest propositio vniuersalis; vt ex hac copulatiua, Petrus est homo,

&

& Franciscus est homo; colligitur ista, vterque est homo: & ex hac conditionali, si homo currit, mouetur, hæc, omne currens mouetur. Et quia præposita negatione vniuersales fiunt particulares, & contra, ideo inueniri possunt aliquo modo aliæ oppositionis species, quas nos misas facimus: vnum tamen subiiciemus exemplum in enunciatione conditionali ex simplicibus singularibus.

Si Petrus est homo, Si Petrus est homo,
Petrus est animal, Petrus non est animal,

Non si Petrus est homo Non si Petrus est homo
Petrus non est animal, Petrus est animal,

Quod vero attinet ad æquipollentiam, sola copulatiua æquipollet disiunctiua, vt in hoc patet exemplo, & Petrus est albus, & Franciscus est albus, æquipollet huic disiunctiua negata, Nō aut Petrus non est albus, aut Franciscus nō est albus; vbi copulata omnino affirmatiua, æquipollet disiunctiua omnino negata. Sed his omittis, ad alias enunciationes explicandas stylum cōuertamus.

De enunciatione exclusiua,

Cap. XVI.



Voniam vero enunciationes interdum quibusdam particulis formantur, vt sensum habeant obscurum; propterea, qui Aristotelem consequuti sunt Logici, multas obseruauerunt enūciationes dubias, quæ aliqua expositio

ne indigent, ac proinde exponibiles vocantur. Ex quibus nos quasdam magis dubias explicabimus, & primum eas quæ continent particulas exclusivas, ut sunt, *Tantum, solum, dumtaxat, & similes.*

Hæ igitur particulae, si addantur ex parte prædicati, excludunt alia prædicata; vt *digiti manus sunt tantum quinque*: si ex parte subiecti, excludunt alia subiecta; vt *tantum digiti manus sunt quinque*. Vtriusque generis exclusivæ quattuor modis efferuntur: aut signum, & verbum sunt affirmata, vt *solus Deus est bonus, aut solū signū*; vt *solus homo non est mendax*; aut vtrūque immediate negatur, vt *digiti non sunt non tantum quinque*: aut *solum signum immediate negatur*; vt *digiti sunt non tantum duo*. Sed quia duo posteriores modi non sunt in communi usu loquendi, ideo omittendi sunt. iisdem formis variatur enunciatio, cum exceptio ponitur ex parte subiecti, qui omnes sunt in usu.

Prima propositio prioris modi, nimirum affirmatiua ex utroque, sic explicatur, *Digiti sunt tantum quinque*, id est *sunt quinque, & non plures quam quinque*: secunda, cum verbum immediate negatur, hoc modo exponitur; *digiti non sunt tantum quattuor*, id est *non sunt quattuor, vel sunt plures, quam quattuor*: *Homo non est tantū animal*, id est *homo nō est animal, vel est aliquid aliud ultra animal*. Vbi nota, in exponendis negatiuis, non est satis dicere, est aliquid aliud, sed oportet, vt præcedat exponēs negatiua; alias posset esse expositio falsa: vt in hoc patet exemplo, *Hic liber non est tantum animal, non dices, est aliquid ultra animal, sed dicendum est, non est animal, vel est aliquid aliud ultra animal*. Posterioris generis exclusivæ sic explicantur. Prima hoc

hoc modo, Tantum homo est rationalis; id est homo est rationalis; & nihil præter hominem est rationale. Secunda hoc pacto, Tantum substantia non est in subiecto, id est substantia non est in subiecto, & quidquid non est substantia est in subiecto. Tertia hunc in modum, Non solum animal non est sensus capax, id est omne animal est sensus capax, vel aliquod quod non est animal, non est sensus capax. Quarta hac ratione Non solum homo est viuens, id est nullus homo est viuens, vel aliquid non homo est viuens. Quo loco illud adnotauerim, singulas exclusiuas exponi per duas enunciationes hypotheticas, quarum duæ priores sunt copulatiuæ, posteriores disiunctiuæ: quæ cuiusmodi sint, quisque in allatis exemplis facile animaduerneret, vt vltima disiunctiuæ per vniuersalem negatiuam, & particularem affirmatiuam.

Rursus illud adnotauerim, exclusiuas ex parte subiecti, non excludere ea quæ subiectum exclusiue necessario consequuntur; vt cum dicitur, Tantum canis latrare potest, non excludo animal, & cetera prædicata quæ de cane necessario dicuntur, quasi illa latrare non possint, sed excluditur quidquid non est canis; nam animal, & viuens latrare potest. In hoc exclusiuarum genere potest esse oppositio, vt in hac descriptione pater.

Tantum animal est viuens hoc est,	Tantum animal non est viuens, hoc est,
Animal est viuens, & nihil quod non est animal est viuens.	Animal non est viuens, & Omne quod non est animal est viuens.

Non tantum animal. Non tantum animal
non est viuēs; hoc idem est viuens; hoc est,
est,

Ma Omne animal est. Nullū animal est vi-
luēs, vel Aliquid ^{dic.} viuens, vel Aliquid
quod non est ani- quod non est ani-
mal non est viuēs. mal est viuens.

Vbi nota, dictiones illas, Ignē, tonans, malos, p-
dit, habere uocales designantes quantitatem &
qualitatem exponentium.

De enunciationibus exceptiuis.

Cap. XVII.



Exceptio, exceptiua dicitur ea quæ
particula cōstat exceptiua; vt sunt
Præter, præterquam, & quæ iam
habent similem. Hoc signum fere
semper excipit subiectum a partici-
patione prædicati; vt omne animal
præter hominem est rationis expers: omnia sunt
facienda, præter mala.

Vt autem bona fiat exceptiua, oportet, vt id a
quo fit exceptio, vere affirmetur de re excepta.
Rursus, licet id a quo fit exceptio possit notari si-
gno particulari: tamen, exceptionis natura postu-
lat, vt notetur signo vniuersali, ita vt res exce-
pta sit inferior.

Exceptiuarum quattuor sunt formę iuxta af-
firmationem & negationem. Prima in qua signū
& verbum affirmantur: secunda, in qua solum
signum negatur: tertia in qua vtrunque negatur:
quarta, in qua solum signum negatur, vt in se-
quen. i

quenti patebit descriptione, ubi etiam earum oppositio, & expositio cernitur.

Subalternans.

Subalternans.

Omne animal præter hominem est irrationale; hoc est,

Omne animal præter hominē nō est irrationale; hoc est,

^{Ca} ^{ute} Oē animal, qđ nō est homo est irrat. & Null⁹ homo est irrat.

^{Ce} ^{das} Nullum animal quod non est homo est irrat. & Omnis homo est irrat.

Contraria.

Contra
Contra
dictoria.
dictoria.

Subcontraria.

Non omne animal præter hominē nō est irration. hoc est,
^{Pri} ^{fco.} Aliquod animal, quod nō est homo est irration. vel
Aliquis homo non est irrat.

Non omne animal præter hominem est irration. hoc est,
^{Mo} ^{ri.} Aliquod animal, qđ non est homo non est irrat. vel
Aliquis homo est irration.

In qua descriptione facile cerneretur, quo propositionum genere singulæ exponantur.



Inueniuntur enunciationes quædã in quibus est aliqua particula, quæ vim habet geminandi, vel superponendi aliquid supra terminum præcedentem, quas Reduplicatiuas vocant; vt homo, quatenus homo est risuius. Particula autem illa, cuius vi fit geminatio, vel superpositio dicitur Reduplicatiua; cuiusmodi sunt istæ, Quatenus, Qua, qua ratione, vt, & similes. Quæ dictiones duobus accipiuntur modis: primo specificatiue, cum designant in subiectis rationem aliquam secundum quam, vel cum qua eis conueniunt prædicata; vt si dicas, Sapor, vt sapor est obiectum gustatus. Ad quod genus reuocantur illæ reduplicatiuæ, in quibus significatur conditio sine qua nõ; vt, ignis, vt prope est, calefacit. Secundo modo reduplicatiue, cum designat causam, cur aliquid insit subiecto; vt, homo, vt rationalis est risuius; ignis, vt leuis ascendit, idest causã cur homo sit risuius est, quia rationalis, & cur ignis ascendat hæc est, quia est leuis. Et quidem hic secundus modus est magis proprius, sub quo quattuor continentur formæ iuxta negationem, & affirmationem; quæ perspicuè exponuntur, si loco particulæ reduplicatiuæ ponatur particula causalis, Quia.

Prima forma, in qua particula, & verbum affirmantur; vt homo, vt rationalis est risuius, idest homo, quia est rationalis, est risuius: secunda, cum sola particula affirmatur; vt, homo, vt rationalis non est risuius, idest, non quia rationalis est risuius. Tertiã cum vtrunque negatur; vt, homo non vt rationalis non est risuius, idest, non quia homo est rationalis, risuius nõ est. Quarta, cum
sola

folareduplicatio negatur; vt homo non vt rationalis est rifiuus, idest non, quia homo est rationalis, est rifiuus. Reduplicatiua quæ stat specificatiue resoluitur aliquo vocabulo clariori; vt, homo, vt homo est species, idest homo vniuerse sumptus: ens, ut ens, est obiectum Metaphysicæ, idest ens communiter acceptum, sine vlla limitatione.

Qua ratione propositiones quæ comparatione, & superlatione constant, & quedam alia verba exponantur.

Cap. XIX.



Propositio quæ comparationem continet, si comparatio sit bona & affirmatiua, sic exponitur; Homo est prudentior formica, idest homo est prudens, & formica est prudens, & homo est magis prudens: at negatiua hoc modo, Formica non est prudētior homine, idest uel formica non est prudens, & homo est prudens: vel si est prudens, non est magis prudens, quam homo. At uero si comparatio sit abusiua, ut cum minus malum dicitur melius, positium adhiberi non potest, quia minus malum non est bonum. Propositio superlatiua, si superlatiuum stet positue, sic exponitur, Tullius fuit eloquentissimus Latinorum, idest fuit Latinus, & quocunque Latino eloquentior: si uero stet negatiue, hoc modo, Tullius fuit Latinus, & nullus Latinus fuit eo eloquentior.

Propositiones quæ constant his terminis categorematicis, Differt, Aliud, & diuersum, si sint affirm-

affirmata, sic exponuntur. Equus differt, vel est alius a leone, idest equus est, & leo est, & equus non est leo: si negata hoc modo, equus non differt a leone, idest homo non est, vel equus non est, vel equus est leo.

Verbum Incipit, si iungatur cum termino significanti substantiam, & rem cuius esse in unico mōtari acquiritur, vt canis incipit esse, sic exponitur; canis nunc est, & immediate ante non fuit. Quando vero iungitur cum termino significanti rem cuius esse consistit in successione, vel successiue acquiritur, vt calor incipit esse, sic exponitur; calor non est, sed immediate post erit. Si vero erit propositio negata, sic exponetur, calor non incipit esse, idest, nunc non est, vel immediate post non erit.

At verbum Desinit, iunctum cum terminis prioris ordinis, vt equus desinit esse, sic exponitur; equus est, & immediate post non erit. At vero cum iungitur cum terminis posterioris ordinis hoc modo, calor desinit, idest, non est, & immediate ante fuit. Negatiua disiunctiue contrario modo exponenda est, vt in alijs. Verum veritas istarum propositionum, & earum causæ pendet ex ijs quæ disputantur in Physicis.

Explicantur distinctiones quædam, quarum maior est vsus. Cap. XX.



T tyronibus multorum terminorū, quibus Logici passim vtuntur, ac ēt obscurarum propositionum necessaria est intelligentia; ita etiam nōnullarum distinctionum, quæ sæpissime vsurpātur, & ad multas dubitationes explican-

plicandas conferunt; ut inter alias sunt hæ, quas nunc recensebo, & explanabo.

Prima, necessarium dicitur aliquid dupliciter: primo absolute, ut Deum esse, hominem esse animal rationale, duo & tria efficere quinque: altero, ex suppositione, hoc est, supposito aliquo, aliud necessario dandum est; ut supposito igne, necesse est calorem esse; supposito peccato, necessaria est pœnitentia: quod dicitur necessarium ex causa; & si causa sit finalis, subdiuiditur in necessarium simpliciter; ut posito homine debere salutem consequi, necessaria est mandatorum observatio: supposito hominem ægrotum velle sanari, necessaria est medicina: & in necessarium secundum quid, quod utile, & ad bene esse vocatur; ut volenti Romam ire, necessarius, siue utilis est equus.

Secunda, prius dicitur aliquid quinque modis. Primo generatione, & ita pater est prior filio. Secundo dignitate, vel perfectione; quo modo substantia est prior accidente. Tertio natura, cum aliqua ita se habent, ut licet sint simul; vnum tamen pendet ab alio; quo modo causa est prior effectui, ut prior est Sol, quam illuminatio, & hominem esse rationalem, quam esse risuum. Quarto, tempore, ut vna lectio, quam alia, & ædificator, quam ædificium. Quinto, intentione; ut, finis, quam media, & totum, quam partes. Sexto, executione, & sic priora sunt media, quam finis, & pars quam totum.

Tertia notum, vel ignotum, prius & posterius dicitur aliquid dupliciter, secundum nos, & secundum naturam. Notum secundum nos est id, quod patet sensibus, quod prius a nobis cognoscitur; & ita notius est totum, quam eius principia; & effectus, quam causa, & actus, quam sub-

1. Poster.
c. 2.
1. Physic.
t. 2. & 3.

H stantia;

x. Physic.
tex. 49.

stantia; quæ dicuntur notiora secundum naturā, cum sint priora, & independentia ab alio: Quare principia, causæ, & substantia dicuntur nota secundum naturam. Rursus alia dicuntur nota secundum sensum, vt singularia, alia secundum intellectum, vt vniuersalia. Hinc duplex ordo, doctrinæ, quo incipimus a notioribus & facilioribus; & naturæ, cum incipimus ab ijs quæ re sunt priora.

x. Physic.
tex. 60.

Quarta, aliquid consideratur dupliciter, materialiter, & formaliter; verbi gratia, album materialiter dicit corpus, formaliter dicit albedinē: peccatum materialiter dicit actum & operationem, formaliter dicit irrectitudinem, vel recessum a ratione: cæcum, materialiter, dicit animal carens aspectu, formaliter dicit priuationem facultatis videndi. Similiter priuatio formaliter dicit negationem formæ, materialiter subiectum aptum ad illam recipiendam; vt immusicum absentiam musicæ, ipse hōie apto ad habēdā musicā.

Quintā, aliqua distinguuntur dupliciter, re & ratione; illa distinguuntur re, quæ a parte rei non sunt idem, & inter se separantur, vt Petrus & Paulus, & quæcunque indiuidua, quæ supposito distinguuntur; vel certe separari possunt, tanquam duæ entitates; vt substantia & quantitas, qualitas & quantitas: illa ratione, quæ a parte rei sunt vnum & idē, sed habent rationes, hoc est definitiones & naturas diuersas; vt lignum & eius figura; quantum, & relatio maioris & minoris: homo sedens, & homo stans, qui ratione inter se differunt. Quæ distinctio solet etiam vocari materialis, & formalis: & ita illa materialiter sunt, vel non sunt idem, quæ re sunt, vel nō sunt idem: illa formaliter, quæ ratione, idem vel nō idem sunt.

Sexta,

Sexa, aliquid continet, vel est aliquid tripliciter: primo formaliter, quia habet aliquam formam actu secundum quam est, vel agit; quo modo ignis dicitur formaliter calidus: secundo virtualiter; qua ratione piper dicitur calidum, quia in se habet vim, qua possit calefacere: tertio eminenter, quo modo anima sensitiva continet vegetatiuam, & aurum continet argentum.

Septima, quæ in Logica sæpe est vsui, aliquid consideratur dupliciter, vno modo primo intentionaliter, hoc est, vt res quædam est, & vt ei attribuantur proprietates reales; vt si consideretur animal, vt est substantia sensitua, & vt nominatur nominibus primæ impositionis: altero modo secundo intentionaliter, vt ei conueniunt attributiones rationis, & secundæ intentiones; vt si idem animal consideretur, vt est genus, vt est vniuersale, prædicabile, & quid superius, vel inferius, & vt nominatur nominibus secundæ impositionis.

Octaua, aliquid dicitur esse in aliquo, vel subiectiue, hoc est tanquam in subiecto; vt accidens in substantia, & potentia in anima: vel obiectiue, tanquam res cognita in cognoscente, & obiectum in potentia; vt res intellecta in intellectu, & res perspecta in oculo; & vniuersæ quæcunque res, quæ terminat actum potentia: vel etiam vtroque modo; vt si intellectus, intelligeret se, vel habitum quo intelligit, qui obiectiue, vt intelligitur, & subiectiue, prout inhæret, diceretur esse in intellectu.

Nona, aliquid dicitur considerari, vel per se, vel per accidens: illud per se consideratur, vel tractatur, quod ex propria intentione, & sui causa cognoscitur; vt in Logica instrumenta sciendi: id vero per accidens, quod gratia alterius tantum,

sicuti voces & termini vocales in Logica, qui nō per se, sed vt per eos diriguntur operationes intellectus, tractantur.

Decima, aliquid est causa, vel principium alterius, vt quo, & vt quod. Principium, vt quod aliquis effectus, est ipsum agens, & suppositum: vt quo est forma, seu instrumentum per quod agit: verbi gratia, ignis vt quod, comburit; calor vt quo: vtrunque enim dicitur comburere, sed diuersa ratione; vnum vt quod, alterum vt quo. Similiter homo scribit, vt quod, calamus, vel manus, vt quo.

Vndecima, aliquid est causa alicuius effectus; vel per se, vel per accidens: illud est causa per se quod quatenus tale agit; vt medicus per se sanat; per accidens, vt non tale; quo modo medicus edificat, & sanatur, quia nō sanatur vt medicus, sed vt agrotus.

Duodecima, aliquid dicitur simpliciter tale, vt est illud, quod secundum totum est tale: aliud secundum quid tale, hoc est secundum partem; quo modo Ethyops dicitur albus secundum dentes. Atque has paucas & magis vsitatas distinctiones nunc explicasse sufficiat; alia quotidiani vsu cognoscendae erunt.

De diuisione, quid & quoniam sit.

Cap.

XXI.



Diuisio quae est quoddam instrumentum sciendi, confert ad dirigendam secundam intellectus operationem; ac proinde de ea in hoc libro, in quo de secunda operatione dirigenda doctrinam tradimus, agendum fuit.

Est

Est autem Diuisio, Oratio in qua totum in suas partes distribuitur; vt, scientia, alia cognitionis, alia actionis. In qua oratione duo spectantur; id quod diuiditur, & hoc dicitur diuisum: & partes in quas diuiditur, & hæc membra diuidentia vocantur.

Boet. libr.
de diu.

Diuisio duplex est, vna nominis, qua nomen in varias significationes distribuit, quæ proprie Distinctio nominatur; ad quam reuocatur diuisio orationis ambigua in suos sensus; vt, litus aras, id est, vel terram prociendis, vel operam perdis: Te fratrem amare Lector, vel quod tu Fratrem, vel frater te amet: Altera rei, quæ est oratio quam in suas partes distribuimus, cuius variæ sunt species, quæ a varijs variè numerari solent.

Prima, est diuisio totius vniuersalis in partes quas vocat subiectiuas, de quib⁹ dicitur: quo modo genus diuiditur in species; vt animalium, aliud rationis capax, aliud rationis expers. Huc reuocantur diuisiones specierum in indiuidua, differentiarum in species, & analogi in analogata, qualis est hæc, Accidentium, aliud quantitas, aliud qualitas, aliud relatio: & hæc, Principium, aliud vis, aliud motus, aliud temporis. Illud analogum quod diuiditur, debet esse huiusmodi, vt eius nomen simpliciter pro omnibus membris usurpetur, vt patet in allatis exemplis. Nam si esset tale analogum, vt ei s nomen absolute positum pro præcipuo analogato præcise sumeretur, vt homo respektu viui, & pîcti, diuidi non poterit in membra analogica: Nec enim diuideres Hominem, in verum, & pîctum.

s. Metaph.

Secunda, est diuisio totius in partes essentielles: quæ duplex est, vna physica, qua totum essentielle diuiditur in materiam & formam; vt homo in corpus & animam; ad quæ reuocantur diuisio-

7. Met. 10.
& libr. 1.
tex. 33.

nem compositi accidentalis in subiectum, & accidens, vt statuæ, alia pars æs, alia figura, & diuisionem quanti continui in partes diuisibiles, & indiuisibiles; quia illæ sunt veluti materiæ, hæc quasi formæ; vt si linea in palmos & in puncta, quibus palmi vniuntur, diuideretur: Altera metaphysica, in genus & differentiam, quæ diuisio secundum rationem dici solet; quia nō fit in partes re, sed sola ratione distinctas; quo modo homo diuiditur in animal, & in rationale. Ad hanc reuocares diuisionem indiuidui, quod Aristotel. vocat totum; in speciem & differentiam indiuiduantem; vt si Plato diuidatur in hominem, & in eam differentiam, siue notam, qua ab alijs distinguebatur; vt quod haberet latera dilatata.

Lib. 3. de
Ani. t. r.

Tertia diuisio, totius integralis, seu quanti in suas partes integrales, quibus aliqua magnitudo, aut multitudo est extēsa; vt humani corporis alia pars caput, alia pectus, alia pedes. Partium autē alię sunt eiusedē rationis, vt partes aque, & quantitatis cōtinuæ: aliæ diuersę rationis, vt animalis partes, ossa, nerui, caput, pedes. Hanc diuisionis speciem, aliqui Partitionem vocant. Ad hanc reuocatur diuisio totius potestate, seu virtute, in suas vires, & potentias, quæ ab Aristotele partes vocari solent; vt, animi, alia pars qua intelligit, alia qua cupit.

- Aliqui distinguentes totum Physicum a Metaphysico, quinque faciūt diuisionis species, quarum hæc redditur ratio. Nam quod diuiditur, aut est vpx quæ multas habet significationes, & sensus; aut res, quæ vel habet partes cōstitutiuas reales, vel rationales, vel integrantes, vel subiectas. His diuisionibus addunt aliqui diuisionem causę in suos effectus; vt nautarum, alij temonem regunt, alij malos scandunt, alij remos vrgent: Et diui-

diuisionem effectus in causas; vt animalium causa, alia est sol, alia generans.

Illis quinque speciebus diuisionis per se, respondent quinque modi diuisionis accidentalis; qui fiunt, cum membra diuidentia sunt accidentia; vt si animal diuideretur in album, & nigrum; vt, animalis alia pars calida, alia frigida: Totum autem vniuersale tribus modis diuiditur per accidens: aut enim diuiditur subiectum in accidentia; vt cum membra diuidentia accidunt partibus subiectis diuisi; vt hominum, alius doctus, alius indoctus; animalium, aliud garrit, aliud crocit, aliud coaxat: Aut accidens in subiecta; vt, alborum, aliud cygnus, aliud nix, aliud lac: eorumque mouentur, aliud cælum, aliud elementum, aliud mistum. Aut accidens in accidentia; vt alborum aliud dulce, aliud flauum, aliud nigrum; vbi, album, quod est accidens, in alia diuiditur accidentia. Diuisio generis in differentias vniuersales, reuocari potest ad diuisionem totius essentialis in partes subiectas, quæ per differentias constituuntur. Quot etiam reuocares diuisionem communium differentiarum in minus communes. Et quod dictum est de diuisione generis in differentias, & differentiarum communis in minus communes, intellige etiam de diuisione differentiarum communis, in differentias indiuiduas. Est autem diuisio generis in differentias valde utilis, tum ad species cognoscendas, tum ad definitiones conficiendas: sed cum differentiarum essentialium rarius occurrant, ad diuisiones accidentales confugimus; vt cum dicimus, animalium aliud volat, aliud serpit, aliud graditur. Sed iam quæ ad bene diuidendum necessaria sunt præcepta ea ostendamus.

Diuisionis recte faciendæ hæc potissimum traduntur præcepta. Primum, vt membra singula mi-

2. Poster.

5.

nus contineant, quam diuisum, & vt simul sumpta sint diuiso æqualia; vnde, ratione primæ partis huius præcepti hæc diuisio non est bona; animalium aliud est sensu præditum, aliud ratione: quia primum membrum, idem continet ac animal: ratione secundæ hæc alia; animalium, aliud bestia, aliud homo, aliud Angelus, cum membra simul sumpta sint diuiso maiora. Secundum, diuisio faciendæ est in membra proxima, nõ in remota: vnde hæc non est bona; viuens, aliud homo, aliud bestia, aliud planta, quia datur alia membra viciniora, animal, & planta: quæ sub viuente immediate ponuntur, quæ postea subdividenda sunt in alia; vt animal in hominem, & bestiam, & plantam, in herbam, fruticem, & arborem; verũ, cum proxima membra latent, remota sumimus, Tertium, quantum fieri potest, membra sint positiua, non negatiua, quia membrum negans, siue negatio, non est differentia, siue pars diuisi, vt irrationale animalis. Dixi, quantum fieri potest, quia interdum per negationem diuidere necesse est; vt cum partes, siue membra sunt multa, quæ non sine obscuritate, & confusione numerarentur: tunc enim vna pars nomine positiuo, aliæ omnes negatiuo explicandæ sunt; vt animalium, aliud rationale, aliud irrationale; postea membra subdividenda erunt. Poterunt etiam nonnulla membra numerari, & cetera communi nomine comprehendere; vt figurarum rectilinearum, alia triũ, alia quattuor, alia quinque, alia plurium laterũ. Quartum, vt vnum membrum non contineatur sub alio; vnde hæc diuisio non est bona, animalium aliud bipes, aliud rationale, quia hoc sub illo continetur membro.

6. Top.
ca. 3.

INTRODVCTIONIS IN LOGICAM,

LIBER QVARTVS.

In quo de ijs rebus agitur, quæ ad tertiam
intellectus operationem dirigen-
dam pertinent,

Quid & quotuplex sit consequentia.

Cap. I.



Voniam igitur ex tribus operationibus intellectus hæcenus duas explicuimus; atque quo modo dirigendæ sint docuimus; consequens est, vt ad tertiam, quæ nomine argumentationis potissimum designatur, accedamus. Et quoniam argumentatio, vt statim docebo, constat ex materia & forma, hoc libro de forma eiusque speciebus quas habet ratione formæ; consequenti vero de materia agam. Verum, cum argumentatio includat in se consequentiam, quæ latius patet, ideo ab ea auspicandum est.

Consequentia igitur, nihil aliud est, quàm oratio in qua ex aliquo aliquid colligitur; vt omnis canis latrat; ergo aliquis canis latrat. Id ex quo colligitur, dicitur Antecedens; quod colligitur, Consequens; particula vero qua colligitur, Nota illationis.

Sunt autem consequentiæ modi quattuor; primus, cū vnâ enuntiatio ex seipsa, vel sua equi-
uivalente

ualente colligitur; vt, homo est animal, ergo homo est animal: & omnis homo est animal, ergo non quidam homo est animal. Secundus, cum ex vniuersali colligitur particularis, vt omnis homo currit, ergo aliquis homo currit. Tertius, cum ex conuertente infertur conuersa; vt, nullus homo est Leo, ergo nullus Leo est homo. Quartus, cū antecedens, & consequens non iisdem præcise verbis constant, vt, in superioribus modis, sed in antecedente continetur argumentum aliquod, quod non est in consequente, & hic modus proprie dicitur argumentatio, Quæ est oratio, in qua ex argumēto, siue medio termino explicato, aliquid cōcluditur; cuius quattuor sunt species, Syllogismus, Enthymema, Inductio, & Exemplum, vt postea planius dicetur. Hi igitur sunt cōsequētiæ modi, ad quos siqui sunt alij facile reuocantur.

Richar.
Perabric.
Redolph.
Sardol.
Paul. a
Perg.

Consequentia duplex est; altera bona, vt est ea in qua vnum ex alio bene colligitur; vt, currit, ergo mouetur: altera vitiosa, in qua vnum ex alio non bene colligitur, vt colligi videtur; vt, mouetur; ergo currit. Indiciū bonæ consequentiæ illud est, si ex veritate antecedentis, saltem ex hypothēsi data, cōsequens verum reperitur; vt, homo est auis, igitur volare potest; vbi bona est cōsequentia: hic autem mala, Petrus est homo, ergo est Logicus. Vnde colligeres, bonitatem consequentiæ non pendere ex veritate antecedentis & consequentis, sed ex ipsa illatione: cū ex vtroque vero, possit esse consequentia vitiosa: & ex vtroque falso, bona. Cognoscitur etiā bona cōsequentia, si contradictorium consequētis repugnet antecedenti, vt in hac repugnat; est homo, ergo est animal: nō est animal, igitur nec homo: hæc pugnant inter se, quia non sunt ambę verę. In hac vero non ita; est homo, ergo est Logicus: non est

est Logicus, ergo non est homo, quia potest esse homo, & non Logicus.

Rursus, consequentia est duplex; vna formalis que vi forme aliquid concludit in quacunque materia, etiam impossibili; vt, omne animal est sentiens, homo est animal, ergo est sentiens. Hęc eadem figura concludit in materia impossibili; vt omnis homo est lapis: leo est homo, ergo leo est lapis; vbi recte concluditur ex hypothesi. Vt autem retineatur eadem forma, necesse est, vt seruetur idem verborum ordo: eadem eorūdem acceptio: eadem essentialis qualitas: eadem coniunctiones, & nexus principalium partium consequutionis. Altera materialis, quę vi solius materię concludit, quia nimirum res sunt inter se cōnexę; vt homo est animal; ergo est sensitiuus; vbi hac sola de causā recte cōcluditur, quia res sunt connexę, nimirum esse sensitiuum cum animali; vnde si ista forma in dissimili vsurpetur materia, male concludetur; vt homo est animal, ergo est latrabilis: at si materia esset similis, vtique cōcluderet; vt, marmor est lapis, igitur sensus expers.

Ex quattuor consequentiarum modis supra allati; primus continet consequentiam formalem. Secundus etiam, cum ex subalternante subalternata, aut ex indefinita, particularis colligitur: at cum ex subalternata colligitur subalternans, aliquando est materialis, cum genus, aut differentia, aut proprietas prædicatur de specie; vt homo est animal: igitur oīs homo est animal. Tertius habet conuersiones quę sunt formales cōsequentię: at reciprocationes inter terminos cōuertibiles, vt sunt subiectum, & passio, definitum & definitio, sunt materiales. Quartus modus habet omnes consequentias formales in syllogismo, in alijs speciebus argumentationis materiales,

1. Prior.
cap. 1.

exceptis

exceptis quibusdam inductionibus.

Item consequentia, alia necessaria, cuius consequens necessario inferitur, ex antecedente: alia probabilis, cum consequens non necessario, sed magna ex parte, & ut plurimum inferitur ex antecedente; ut, est mater, igitur filium amat: multum seminauit, igitur multum colliget. Omnes consequentiæ formales sunt necessariae: ex materialibus alia necessaria, alia probabiles: ut omnis qui diligenter studet, fit doctus; igitur omnis qui fit doctus, diligenter studet.

De regulis communibus bonæ consequentiæ.

Cap. II.



Vt bonæ consequentiæ cōmunes regulæ melius intelligantur, memoria tenenda sunt duo principia, quibus omnis bona cognoscitur consequentia, quorum primum est, Non potest esse antecedens verum, & consequens falsum in bona consequentiā: alterum, si cōtradictorium consequentis repugnat antecedenti; consequentia bona est. His positis hæc traduntur bonæ consequentiæ regulæ.

2. Prior.
c. 2. & 1.
Post. 6.

Prima ex vero solū verum; verū ex vero, & falso inferitur. Huius regulæ prima pars primo nititur principio: posterior his declarat exemplis: est animal, ergo est sensitivum: homo est lapis, ergo est corpus.

Lib. 8. To
pic. c. 4. &
1.

Secunda, ex falso falsum, & verum sequitur, falsum vero non nisi ex falso concluditur. Prior pars his exemplis demonstratur, Homo est lapis, igitur sensu caret: homo est brutum, est igitur animal. Posterior pars, primo nititur principio.

2. Poster.
6.

Tertia, ex necessario non inferitur, nisi necessarium; necessarium autem ex quolibet, idest ex
neces-

necessario, contingenti, & impossibili. Prior pars nititur primo principio: posterior his exemplis demonstratur; Homo est animal, igitur sentiens: omnis ambulans loco mouetur: Logicus est ambulans: ergo Logicus loco mouetur: homo est lapis, igitur per se subsistit.

Quarta, ex contingenti nunquam colligitur impossibile, sed, vel necessarium, vel contingens: contingens autem nunquam ex necessario, sed vel ex contingenti, vel ex impossibili. Prima pars fundatur primo principio, quia contingens potest esse verum, & impossibile semper est falsum: secunda patet ex superiori regula: tertia, quod ex cōtingenti, patet hoc exemplo, oīs grammaticus est albus: omnis homo & grammaticus: ergo omnis homo est albus: Quod ex impossibili, sic demonstratur: lignum loquitur, homo est lignum, ergo homo loquitur.

1. Prior.

12.

8. Phys. 5.

Quinta, ex impossibili inferre quodlibet, sed impossibile non nisi ex impossibili: Quod inferatur necessarium, & contingens patet ex tertia & quarta regula: Quod inferatur impossibile, ex hac consequentia constat; lapis est sensitiuus, marmor est lapis, sentiens igitur: posterior pars regulæ, nititur primo principio.

Sexta, quidquid stat cum antecedente, etiā cū consequente; vt hoc est homo, ergo est animal: quidquid conuenit homini, etiam animali conueniet; & ideo quia homo est bipes, animal est bipes; hæc pars nititur primo principio: non tamē quidquid conuenit consequenti, conuenit antecedenti: animali conuenit esse expers rationis, non tamen homini.

Lib. 1. de

Cæl. 12. &

9. Met. 4.

Septima, quod repugnat consequenti, repugnat antecedenti, non tamen contra: prior pars nititur primo principio, quia posset dari antecedens

1. Prior.

18.

1. Priorū. dens verum, & consequens falsum. Vnde ex
 42. & 2. opposito cōsequentis inferitur oppositum; ante-
 Prior.2. cedentis; vt est leo, ergo est animal: non est ani-
 & 4. mal, ergo nec leo: non tamen valet, non est leo,
 ergo non est animal.

2. Prior. Octaua, ex quocunque sequitur antecedens,
 28. & 33. sequitur etiam consequens: & quidquid ex con-
 sequente inferitur, inferitur etiam ex anteceden-
 te. Sit antecedens Animal, & consequens viuēs:
 Si animal sequitur ex homine, etiam viuens se-
 quetur. Si vero ex viuente, inferitur corpus, idem
 inferetur ex animali, quod est antecedēs. Ex hac
 regula pendet modus ille argumentandi, qui vul-
 go a primo ad vltimū vocatur, græce Sorites, La-
 Cic.lib. 2. tine, Coacerualis, quia multæ coacervantur ar-
 de diu. & gumētationes, hoc modo, si est homo est animal,
 lib. 2. A- si est animal est viuens, si est viuēs est corpus: igitur,
 cad. q. si est homo, est corpus.

Quid, & quotuplex sit argumentatio.

Cap. III.



Argumentatio duobus modis sumi potest: primo vniuerse, vt complectitur etiam consequētiam, & tres primos consequentiæ modos; quo pacto accipitur ab illis qui eam sic describunt.

1. Perihet
 me. c. 4.

Argumentatio est oratio in qua vnum ex alio consequi denotatur. Dicitur oratio, quia definitur argumentatio vocalis, cui cōuenit orationis definitio; quæ particula ponitur loco generis: dicitur, consequi denotatur, quia in hoc sita est tota vis argumentationis, nimirum in nota illa illationis, qua remota, omnino euertitur argumētatio: in qua sunt tria, antecedens, consequens,

&

& consequutionis nota. Vt ergo in secunda intellectus operatione, positis duobus terminis per primam apprehensis, dicimus vnum conuenire alteri, ideoque hoc affirmamus; ita in tertia, factis duabus propositionibus per secundam operationem, intellectus iudicat ex vna alteram inferri, dummodo inter antecedens & consequens sit connexio: quæ, vel est in rebus ipsis; vt, est homo, ergo & risuius: vel est per intellectum, quæ sit ex varia terminorum dispositione, licet non sit in rebus.

Ex quibus colligitur, cur sit vera regula illa, Ex vero non sequitur nisi verum; quia verum non habet connexionem cum falso. Colligitur etiã, cur argumentatio vniuerse sumpta diuidatur in materialem, & formalem: illa enim oritur ex cõnexionem rerum: hæc vero non solum ex rerum complexu, sed etiam ex modo colligendi, & ex varia terminorum dispositione, quæ in quacunque materia bene infert consequens.

At vero argumentatio proprie & presse sumpta, vt est consequentia quædam, quæ ex argumento aliquo, hoc est ex aliquo medio termino conficitur, sic definitur. Argumẽtatio est oratio in qua, ex argumento cum terminis quæstionis explicato, altera pars quæstionis colligitur. Argumentum autem, quod Logici medium vocant, est inuentum ad aliquid probandum; vt, si ad probandam vnã partem huius quæstionis, sint diuitiæ expetendæ, nec ne, sumeretur hoc argumẽtum, Bonum, quod vna cū dictæ quæstionis extremis artificiose commiscendo, argumentando explicares, hoc modo, Omne bonum est expetẽdũ: diuitiæ bonæ, expetendę igitur. quod si alterã partem velles concludere, sume hoc argumentum, Noxium, & illud explicando dic, Nullum

Cic. in
part.

noxium

noxium est expetendum diuitiæ noxiæ; non igitur expetendæ. Ex quibus intelligeres, cur aliqui argumentationem definiendo dixerint, esse argumēti explicationem, idest artificiosam tractationem vna cum terminis quæstionis. Est autem dicta argumentatio, ab argumentō, quod est mētis ratio. Ideo autem medium, quod in argumētatione pōnitur, dicitur argumentū, quia arguit, hoc est demonstrat, & quia in eo est totum argumentationis robur: quo quæ carent consequentiæ, argumentationes dici non debent, sicut nec illæ quæ constant ex medio falso, vel quæ sunt falsæ, sed tantum illæ quæ habent antecedēs probabile, aut necessariū. Ex quibus intelligi licet, ad argumentationem conficiendam duo esse necessaria, Inuentionem, & Iudiciū; illa inuenit argumentum, hoc applicat ad quæstionem. Nec propterea in Logica prius agendum est de inuentione, quam de iudicio: cum argumentatio quæ consistit in forma, sine doctrina de medio tradi possit, sitque communis omni materiæ, pro cuius varietate varia inuenienda sunt media, præsertim topica. Sed iam de speciebus argumentationis agamus.

2. Prior.

23.

1. 102. 10

Argumentatio, ab Aristotele interdū in quatuor species diuiditur, quæ sunt, Exemplum, Inductio, Enthymema, & Syllogismus. Exemplum est oratio in qua ex vno, vel pluribus singularibus ob similitudinē aliud singulare infertur. Vt Deus pepercit Petro pœnitentiam agenti: ergo etiam mihi peccatori parceret, si pœnitentiam egero. Dixi, vno vel pluribus, quia non est necesse, vt in exemplo plura singularia numerentur. Dixi, ob similitudinem, quia in ea tota vis exempli posita est. Inductio est oratio in qua ex inferioribus sufficienter numeratis, superius, & vniuer-

sale

sale colligitur; ut, terra est elementum simplex,
 aqua etiam, & aer, & ignis: igitur omne elemen-
 tum est simplex. Dixi sufficienter enumeratis;
 quia si enumeratio non sit sufficiens, falsum fieret
 argumentum; ut si diceres, terra est frigida, item
 & aqua; ergo omne elementum frigidum. eruā
 da est igitur hæc regula in inductione, ut omnia
 inferiora numerent. Enthymema est oratio, in
 qua nō omnibus propositionibus positis, festina-
 ta deducitur conclusio. Est enim enthymema
 truncatus quidam syllogismus, cui si vna addat
 propositio, integer fieret; ut, omnis virtus est ex-
 petenda: igitur iustitia est expetenda: fiet perfe-
 ctus, si addas, iustitia est virtus. Syllogismus, La-
 tine ratiocinatio, est oratio in qua quibusdam po-
 sitis aliud necessario sequitur per ea quæ posita
 sunt. Dicitur oratio, quia est species argumen-
 tationis, quæ oratio quædam est: dicitur, quibus-
 dam, idest aliquibus propositionibus, & saltem
 duabus: dicitur, positis, idest dispositis, siue con-
 cessis: dicitur necessario, quia conclusio in syllo-
 gismo necessario sequitur ex premissis dispositis:
 dicitur, aliud, quia conclusio est distincta a præ-
 missis: dicitur, per ea, &c. ut excludantur argu-
 mentationes materiales, in quibus conclusio nō
 sequitur ex vi præmissarum, sed ex connexionem
 materiæ: ut, oīs virtus est laudāda: fortitudo est
 virtus: laudanda igitur. Solet etiam Aristoteles
 interdum argumentationem diuidere in syllo-
 gismum, & inductionē, quia enthymema est im-
 perfectus syllogismus, & exemplum imperfecta
 quædam inductio.

Est autem syllogismus duplex, simplex & con-
 iunctus, siue hypotheticus: simplex, item duplex,
 absolutus, & modalis: de quibus singulis speciebus.
 deinceps agem⁹, & primo de simplici & absoluto.

Boet.

r. Prior.
c. 1.Libr. 1.
Rhet. c. 2.



Cum syllogismus sit quid compositum, habet aliquid loco materiae, quid loco formae: quæ duæ partes ad eius naturam intelligendam, & ad syllogismos recte conficiendos nobis explicandæ sunt.

- Syllogismi ergo materia sunt termini simplices & propositiones: illi sunt veluti materia remota, hæ veluti proxima. Propositio, est oratio quæ aliquid de aliquo affirmat, aut negat: Terminus est id in quod resolvitur propositio, ut in subiectum & prædicatum: neque enim res resolvitur nisi in partes materiales, ut domus in lapides, non in formam. Quo fit, ut aliæ partes, etiam ipsum verbum, non censeantur termini. Quod si interdum & subiectum, & prædicatum plures habent terminos, ut patet in his propositionibus, Homo iustus orat; cælum supremum est corpus magnū, non propterea censeantur plura prædicata, vel subiecta, quia ex illis una fit, propositio, in qua unū de alio dicitur. Syllogismi termini sunt tantum tres; quorum duos suppeditat quæstio probanda; tertium assumitur tanquam argumentū, seu mēsurā ad demonstrandum, an prædicatum quæstionis conveniat subiecto: ac proinde his ponendum est, & cum prædicato, & cum subiecto; & ita ex utraque connexionē duæ fiunt propositiones. Quare ad syllogismi structuram tres sufficiunt termini, & duæ propositiones, in quibus consistit tota syllogismi natura: Ex quibus, ut quidam effectus, sequitur conclusio. Quod si in aliqua argumentatione plures inveniātur propositiones, non

2. Poster.
c. 1.

1. Perihet.
mc. c. 3.

1. Prior.
34.

1. Prior.
25. & 26.

non vnus, sed plures erunt syllogismi, vt in Sorite contingit.

Ex tribus terminis, qui extrinsecus assumitur Alex. 1.
ad quæstionem probandam, & bis ponitur, dici- Prior. 4.
tur, Medium; ille qui cū medio ponitur in ma-
iori, dicitur Maius extremum, vel maior extre-
mitas: qui in minore, dicitur Minus extremum;
Vt, omne bonum est appetendum: omnis virtus
est bona; ergo omnis virtus est appetenda: Bo-
num, est medium: appetendum, maius extre-
mum: Virtus, minus. Ex tribus enunciationi-
bus, prima dicitur Maior: secunda Minor: tertia
Conclusio, in qua maior & minor extremitas cō-
iunguntur. Duæ priores dicuntur, Propositiones,
quia proponuntur ad inferendam cōclusionem:
dicuntur etiam, præmissæ & sumptiones: aliqui,
primam vocant propositionem, & secundam
sumptionem.

Rursus materia syllogismi, si spectemus res ip-
sas ex quibus conficitur, triplex est, necessaria,
probabilis, & falsa: ex necessaria fit syllogismus
necessarius, siue demonstratio: ex probabili, syl-
logismus probabilis, siue topicus: ex falsa falsus,
siue captiosus.

Syllogismi forma est quædam terminorum &
propositionum dispositio, quæ figuram & modū
continet; non secus ac hominis pulchritudo,
quandam membrorum symmetriam, cum colo-
rum suauitate, vt Cicero loquitur. Et quō-
niam termini & propositiones variis modis
disponi possunt, hinc est, vt variæ sint
syllogismorum formæ, siue figu-
ræ, de quibus sequenti capite
agemus.

De Syllogismorum figuris modisque.

Cap.

V.



Syllogismi figura est apta extremorum cum medio dispositio, secundum subiectionem & prædicationem. Modus vero, est bona præmissarum dispositio secundum quantitatem & qualitatem, collocatio nimirum præmissarum; secundum quam vna est vniuersalis, vel particularis, affirmatiua vel negatiua.

1. Priorū. 7. Modus syllogismi duplex est, alter directus, cū in conclusione maius extremum prædicatur de minori; vt, omnis scientia est utilis: Logica est sciētia: igitur Logica est utilis: vbi utile, quod est maius extremum, dicitur de Logica, quæ est minus. Alter indirectus, cum in conclusione minus extremum dicitur de maiore; vt, omne animal sentit: omnis homo est animal: ergo aliquod sentiens est homo: vbi, homo, dicitur de sentiente. Rursus ex modo concludendi, aliqui syllogismi dicuntur perfecti; vt illi qui necessario, & perspicue concludunt, ita vt nulla sit opus arte ad eorum perfectionem ostendendam: alij imperfecti, qui aliqua re egent, vt eorum necessitas plana fiat: vt postea planius dicetur.

1. Prior.

2.

Figura vero triplex est, quia tribus modis vtiliter medium cum extremis complicari potest. Prima figura est illa, in qua mediū in maiore propositione subiicitur, in minore prædicatur; vt, Omne viuens augetur: omne animal est viuēs; ergo omne animal augetur. In qua figura sunt varij modi concludendi, tum directi, tum indirecti, de quibus postea. Secūda figura est ea in qua mediū in vtraque præmissa prædicatur; vt, Om-

nis

nis lapis est inanimatus: nullus homo est inanimatus: igitur nullus homo est lapis. In hac etiam sunt varij modi. Tertia figura, in qua ita mediū complicatur cum extremis, vt in vtraque subiiciatur; vt, Omnis homo est animal; omnis homo est rationalis: igitur aliquod rationale est animal: quæ etiam suos habet modos. Et quoniam nobilius est prædicatum quam subiectū, & in secunda, & tertia figura maius, & minus sunt paria, id eo censebitur præstantius, quod in conclusione prædicatur, vt aliqui volunt. Alex.

Modi concludendi vniuerse sumpti, prout directos, & indirectos, bonos & malos modos secundum quantitatem, atque qualitatem continent, in quacunque figura sunt numero sexdecim: tot enim modis sumptiones variari possunt secundum qualitatem & quantitatem; si varientur secundum quantitatem tantum, secundum qualitatem tantum; aut secundum vtranque simul. Cæterum ex tota multitudine solum decem & nouem sunt boni ac recte inferunt. In prima quattuor directi, quinque indirecti: in secunda quattuor, in tertia sex directi, cum duæ posteriores figuræ indirectos non admittant: qui omnes respectu quattuor primæ figuræ, dicuntur imperfecti, cum non ita plane, licet bene, concludant.

Præstat prima figura cæteris, quia omnes admittit modos, directos & indirectos: & quattuor directi, omnia quæstionum genera probant. Secunda admittit vniuersales & particulares, sed solum negativos: tertia affirmantes & negantes, sed solum particulares. Habent autem omnes figuræ quattuor communes regulas. 1. Prior. 4.

Prima ex duabus particularibus, vi formæ, nihil sequitur; vt, aliquis homo est animal: aliquis 1. Prior. 24. & 1. Pri. 7.

leo est animal: ergo aliquis leo est homo. quoddam animal est bipes: quidam equus est animal: igitur quidam equus est bipes: Et ratio, est quia ad bonam formam syllogismi requiritur, ut medium saltem in altera præmissa complete distribuat, quod non fit, cum ex puris particularibus conficitur syllogismus. Emendaretur iste syllogismus, si vna ex præmissis distribueretur. Similiter hic syllogismus male concludit, Omne animal fuit in arca Noe: quidam equus Regis est animal: ergo fuit in arca Noe. Medium in maiori incomplete distribuit. In secunda vero figura, licet medium non distribuat, cum sit prædicatum cui non apponitur vniuersale signū; tamen censetur distributum ob signum negatiuū quod copulam negat. At vi materiæ ex particularibus sequitur aliquid; ut, aliquod animal est substantia: aliquis leo est substantia: ergo aliquis leo est animal.

Secunda regula, ex duabus negatiuis vi formæ nihil sequitur; ut, nullum rationale est insensibile: nullus homo est insensibilis: ergo nullus homo est rationalis. Huius regulæ ratio ea est, quia medius terminus saltem cum altera extremitate conuenire debet, quod non accidit, in pure negatiuis, vi formæ: At vi materiæ aliquid ex negatiuis infertur; ut, nullus homo est insensibilis: nullus equus est insensibilis: ergo nullus equus est homo.

Tertia, in omni figura cōclusio sequitur ignobiliorē partem; vnde, si vna præmissa erit particularis, vel negatiua, etiam conclusio erit talis: affirmatiua enim, & vniuersalis sunt nobiliores.

Quarta, in cōclusionē nō ponitur medius terminus, sed maius, & minus extremum. Addunt
alij

alij hanc, in consequente, non esse distribuendū
vllum terminū, qui non fuerit distributus in an-
tecedenti; vnde hic syllogismus non concludit,
Omne animal est viuens: omne animal est cor-
pus: ergo omne corpus est viuens; sed inferen-
dum erat in tertia figura, ergo aliquod corpus.

Omnes figurarum modi sunt numero decem,
& nouem, vt dicebamus, qui his carminibus con-
tinentur.

Barbara, Celarent, Darij, Ferio, Baralip-ton,
Celantes, Dabitis, Fapellmo, Frisefomorum;
Cesare, Camestres, Festino, Baroco, Darapti,
Felapton, Disamis, Datisi, Bocardo, Ferison.

In his vocibus artificiose confectis, primū no-
tandæ sunt tres syllabæ, quæ designant tres syllo-
gismi propositiones, maiorem, minorem, & con-
clusionem; quod si in aliquibus inuenies plures
syllabas, carminis causa id factum fuit. Deinde,
in tribus syllabis considerantur tres vocales, quæ
quantitatem, & qualitatem designant proposi-
tionis. A, vniuersalem affirmantem: E, vniuersa-
lem negantem: I, particularem affirmatiuam: O,
particularem negatiuam.

De prima figura, eiusque modis, & regulis.

Cap. VI.

Prima figura, in qua medium in maiori subij-
citur, & in minori prædicatur, habet duo pri-
ma principia ex quibus eius modi vim ad cōclu-
dendum sumūt; quæ priori loco explicanda sunt.
Primum, quod Logici appellāt de omni, Aristot-
eles, etiam in toto: est autem tale, quidquid vni-

I. Prior. 2.

niuersaliter prædicatur de aliquo subiecto, prædicatur etiam vniuersaliter de omni eo, de quo tale subiectum vniuersaliter affirmatur; vt, si viuēs vniuersaliter dicitur de animali; & animal vniuersaliter de homine, viuens dicetur etiam vniuersaliter de homine. Ex quo principio deducitur aliud, Quidquid vniuersaliter dicitur de subiecto, dicetur etiam particulariter de omni eo; de quo tale subiectum particulariter dicitur; vt, si rationale dicitur de omni homine, & homo particulariter de animali, rationale particulariter de animali dicetur: particulares propositiones fiūt, cum inferius prædicatur de superiori.

• Secundum, quod vocatur De nullo, Quando aliquid vniuersaliter negatur de aliquo, negabitur etiam vniuersaliter de omni eo, de quo illud vniuersaliter affirmatur; vt, si lapis negatur de oī animali, & animal vniuersaliter dicitur de homine, lapis vniuersaliter negabitur de homine. Hic oritur aliud, Quod vniuersaliter negatur de aliquo, negabitur particulariter de eo, de quo illud particulariter affirmatur; vt si vniuersaliter negatur de insensibili, & esse rationale insensibile particulariter affirmatur de corpore, rationale negabitur particulariter de corpore; vt, nullum insensibile est rationale: aliquod corpus est insensibile: ergo aliquod corpus nō est rationale. Quibus quattuor principijs per se manifestis nituntur quattuor modi directi primæ figuræ: primo primus, secundo tertius, tertio secundus, & quarto quartus, qui his vocibus designantur, Barbara, Celarēt, Dārij, Ferio. Exempla sunt huiusmodi.

Alex. 1.
Prior. 4.

Bar Omne bonum est expetendum,
ba Omnis virtus est bona,
ra Igitur omnis virtus est expetenda.

Nulla

Ce Nulla violentia est perpetua,
 la Omnis tyrannis est violentia,
 rēt. Nulla igitur tyrannis est perpetua.

Da Omne viuens sentit,
 ri Aliquod corpus est viuens,
 j. Aliquod igitur corpus sentit.

Fe Nullum animal est lapis,
 ri Aliquod corpus est animal,
 o. Aliquod igitur corpus non est lapis.

In eadem figura sunt quinque modi indirecte
 concludentes, his vocibus designati, Baralipton,
 Celantes, Dabitis, Fapesmo, Frisefomorum.

Ba Omne animal est substantia,
 ra Omnis homo est animal,
 li: Aliqua igitur substantia est homo.

Ce Nullum animal est lignum,
 lan Omnis equus est animal,
 tes. Nullum igitur lignum est equus.

Da Omne bonum est expetendum,
 bi Quidam labor est bonus,
 tis. Quare quoddam expetendum est labor.

Fa Omnis lux est qualitas,
 pes Nullum opacum est lux,
 mo. Ergo quædam qualitas non est opaca.

Fri Aliquod bipes est animal,
 fe Nullus equus est bipes,
 so. Ergo quoddam animal non est equus.

1. Prior.
4.

Habet hæc figura duas priuatas regulas: prima, maiori existente particulari, vi formæ, in modis directis, nihil sequitur; dixi, vi formæ, quia ex parte materiæ aliquid sequi potest; dixi, in modis directis, quia in Frisefomorum, qui modus est indirectus, sequitur. Huius regulæ prætermiſſione, hic ſyllogiſmus eſt vitioſus, Aliquod animal eſt rationale: omnis equus eſt animal: ergo omnis equus eſt rationalis. Ratio huius regulæ ea eſt, quia medium in neutra præmiſſa vniuerſaliter ſumitur: nam in minori, animal ſtat conſuſe, non diſtributiue.

Secunda regula, minori exiſtente negatiua, nihil directe inferitur vi formæ: dixi directe, quia indirecte in Fapeſmio, & Frisefomorum aliquid concluditur: dixi, vi formæ, quia ex parte materiæ aliquid concludi poteſt. Huius regulæ defectu, hic ſyllogiſmus nō eſt bonus, Omne album eſt coloratum: nullus coruus eſt albus: ergo nullus coruus eſt coloratus: Ratio, quia argumentum a non diſtributo ad diſtributum ex parte maioris extremitatis: cuius rei ſignum eſt, quia ſi diſtribueretur, dicendo, omne album eſt omne coloratum, recte concluderetur.

Ex his regulis cum alijs communibus ſupra alatis, colligere licet, cur e ſexdecim modis quos diximus fieri poſſe, in prima figura, ſolū quatuor perfecte concludant; in qua re explicanda nihil eſt neceſſe, vt ſine vtilitate, multum laboremus.

De ſecunda figura & eius modis, ac regulis.

Cap. VII.

Secunda figura, vt diximus, eſt ea in qua medium in vtraque præmiſſa prædicatur: quæ
quat-

quattuor habet vtilis modos, & omnes directos 1. Prio. 5.
his dictionibus designatos Cesare, Camestres, Festino, Baroco. Quorum hæc sunt exempla,

Ce Nullus diues est pauper,
sa Omnes auari sunt pauperes,
re. Igitur nullus avarus est diues.

Ca Omne bonum facit meliorem,
me Nullæ opes faciunt meliorem,
stres. Nullæ igitur opes sunt bonæ,

Fe Nullum animal est insensibile,
sti Quoddam corpus est insensibile,
no. Igitur quoddam corpus non est animal.

Ba Omnis sapiens prospicit futura,
ro. Quidam iuuenis non prospicit futura,
co. Aliquis igitur iuuenis non est sapiens.

Hæc figura tres habet regulas, quarum prima 1. Prio. 5.
est, Vt maior sit semper vniuersalis, alias nihil sequitur vi formæ; vnde hic syllogismus est vitiosus, aliquod viuens non est animal: omnis equus est animal: ergo aliquis equus non est viuens. Similiter iste: aliquod animal est rationale: nullus equus est rationalis: ergo nullus equus est animal. Ratio huius regulæ, quia ex parte maioris extremitatis argumentamur a non distributo ad distributum: vnde, si fieret distributio, recte concluderetur.

Secunda, ex vtraque præmissa affirmatiua in hac figura nihil sequitur; vnde hic syllogismus est vitiosus, Omnis lapis est corpus; omnis homo est corpus: ergo omnis homo est lapis. Ratio huius regulæ est hæc, quia mediū in neutra vni-

uersa-

uersaliter sumitur: vnde si in maiore distribuere
tur, bene concluderetur.

Tertia, in tēcunda figura conclusio semper est
negatiua propter regulam supra allatam. Ex sex
decim modis qui fingi possunt in hac figura, solū
quattuor sunt boni: in alijs duodecim, posset esse
antecedens verum, & consequens falsum.

De tertia figura & eius modis, ac regulis.

Cap. VIII.



Tertia figura est ea, in qua medium in
utraque præmissa subiicitur: in qua
sunt sex modi, his dictionibus desi-
gnati, Darapti, Felapton, Disamis,
Datifi, Bocardo, Ferison. Quorum
hæc sunt exempla.

Da Omnis virtus est bona,
Rap Omnis virtus est qualitas,
Ti. Aliqua igitur qualitas bona.

Fe Nullus lapis nutritur,
Lap Omnis lapis est substantia,
ton. Ego aliqua substantia non nutritur.

Di Quoddam animal respirat,
Sa Omne animal est viuens,
mis. Igitur quoddam viuens respirat.

Da Omnis peccator est miser,
ti. Quidam peccator est Christianus,
fi. Quidam igitur Christianus est miser.

Bo Aliquod animal non habet memoriam,
 car Omne animal est sentiens,
 do. Ergo aliquid sentiens nō habet memoriā.

Fe Nullus amicus Dei est ei inuisus,
 ri. Quidam amicus Dei est sacerdos,
 son. Ergo aliquis sacerdos nō est Deo inuisus.

Pro hac figura hæ tradūtur regulæ. Prima, cō-
 clusio semper debet esse particularis, vt patet in
 singulis modis: vnde præmissæ ambæ possunt esse
 vniuersales, cū ex vniuersalibus inferatur par-
 ticularis: non autem ambæ particulares, cum ex
 particularibus, vt diximus, nihil vi formæ infe-
 ratur: vna tamē potest esse vniuersalis, altera par-
 ticularis: Quare hic syllogismus male cōcludit,
 Omnis homo est risiuus: oīs homo est animal:
 ergo omne animal est risiuum. Ratio huius re-
 gulæ est, quia arguitur a non distributo ad distri-
 butum ex parte minoris extremitatis; vnde si fie-
 ret distributio, dicendo, Omnis homo omne ani-
 mal est, valeret.

1. Prior. 6.

Secunda regula, minore existente negatiua in
 tertia figura nihil sequitur; vnde non valet, om-
 ne animal est corpus: aliquod animal non est li-
 gnum: ergo lignum non est corpus. Ratio, quia
 argumentamur a non distributo ad distributum
 ex parte maioris extremitatis. Vnde, si in cōclu-
 sione non distribuatur maior extremitas, vale-
 bit; vt si dicatur, lignum non omne corpus est.

Quod hoc loco, & supra non semel diximus,
 ex puris particularibus nihil sequi, intelligendū
 est, de syllogismis qui constant ex terminis cō-
 munitibus: nam expositivus syllogismus fieri po-
 test etiam ex terminis singularibus, de quo po-
 stea dicetur. Cur autem alij decem modi in hac
 figura

figura nihil cōcludant ex eo fit; quia daretur antecedens verum, consequens falsum.

De syllogismorum imperfectorum probatione per reductionem ad perfectos.

Cap. IX.

1. Prior. 1.



X omnibus syllogismorū modis solū quattuor primi primę figurę censentur perfecti, cum plane clareque concludant; reliqui vero ideo dicuntur imperfecti, quia non tanta cum claritate conclusionem inferunt, vt primi, ob quam causam alij omnes ad hos quattuor reuocantur.

1. Prior.
30. & 40.
& 1. Pri.
24.

Est autem reducendi modus duplex: vnus qui dicitur ostensiuus, alter qui vocatur ad impossibile. Tunc fit reductio ad impossibile, cum sumpto contradictorio consequentis, siue conclusionis negatę, & vna ex pręmissis concessis, inferitur contradictoria alterius pręmissę concessę: vnde cogimus aduersarium concedere contradictorias esse veras; ob quā causam hic modus dicitur ad impossibile; cū cōtradiatorias esse veras sit impossibile. Reductio ad ostensionem fit, cum iisdem propositionibus conuersis, aut transpositis, eadem inferitur conclusio in modis perfectis primę figurę. Reductione ad ostensionem vtimur ad ostendendam bonitatem consequentię; ac reductio ad impossibile adhibetur contra proteruos negantes veritatem, concessis pręmissis. Ad ostensionem reuocantur omnes modi secundę, & tercię figurę, excepto Baroco, & Bocardo, & omnes indirecti primę. Ad impossibile reducuntur omnes.

2. Pri. 3.
& 6.

Ad reductionem faciendam considerāde sunt consonantes aliquot, quæ continentur in illis fictis dictionibus. Prima consonans indicat ad quæ modum primæ figuræ modus imperfectus reuocari debeat; vt Celare, & Camestres ad Celarēt; cum incipiant, a C. Festino, ad Ferio, Darapti, ad Darij, & sic de alijs. Litera S, indicat præcedentē præmissam conuertendam esse simpliciter, idest prædicatum mutandum esse in subiectum. Si ergo esset syllogismus in Cesare, nullus lapis est animal: omnis leo est animal: ergo nullus leo est lapis, reuocaretur ad Celarent, per conuersionē simplicem maioris propositionis, quæ indicatur per literam S, dicendo. Nullum animal est lapis: omnis leo est animal, igitur nullus leo est lapis. Litera P, indicat conuersionem præmissæ secundum partem, hoc est, vt ex vniuersali fiat particularis: vnde hic syllogismus in Darapti, omnis homo est animal: omnis homo est rationalis: ergo aliquod rationale est animal, reduceretur ad Darij hoc modo, Omnis homo est animal: aliqd rationale est homo: ergo aliquod rationale est animal. Vbi nota S, & P, cum designant conuersionem conclusionis, non indicant conuersionē imperfecti, sed perfecti, qui fit ex imperfecto, vt in Fapesmo, & Frisefom. Litera M, designat transpositionem præmissarū; ita vt ex maiore fiat minor; vt si fiat syllogismus in Camestres, omnis homo est animal: nullus lapis est animal: ergo nullus lapis est homo; reduceretur ad Celarēt hoc modo: Maior fiet minor, quod designatur litera M, & Minor conuertetur simpliciter, quod designatur, litera S, Nullum animal est lapis: omnis homo est animal: igitur nullus homo est lapis. Denique, litera C, indicat reductionem ad impossibile, quo modo reducuntur Baroco, & Bocardo.

C^ocardo. Sit ergo syllogismus in Baroco, omnis leo
 est animal : aliquod corpus non est animal : ergo
 a^{li}quod corpus non est leo. Si quis proteruus hanc
 veram conclusionem mihi negaret; reducam eū
 ad contradictionem hoc pacto. Sumo igitur con-
 tradictoriam, siue contrariam illius conclusio-
 nis, quam vt veram concedere debet, si opposita
 non est vera; & cum eadem maiore facio talem
 syllogismum in Barbara, Omnis leo est animal :
 omne corpus est leo : ergo omne corpus est aⁿimal ;
 hanc non potest negare, qua concessa, sibi cōtra-
 dicit, quia in superiori syllogismo cōcesserat, ali-
 quod corpus non esse animal; cui cōtradicit hęc,
 Omne corpus est animal. Rursus facio syllogis-
 mum in Bocardo, Aliquod animal nō est ratio-
 nale: omne animal est viuens : ergo aliquod vi-
 uens non est rationale. Si proteruus neget hanc
 conclusionem, sumo contradictoriam, & cū ea-
 dem minori in Barbara concludo contradictoriā
 maioris, hoc modo; Omne viuens est rationale;
 omne animal est viuens; ergo omne animal est
 rationale, quod contradicit, maiori primi syllo-
 gismi concessæ. Atque hoc pacto facile reduce-
 res oēs alios modos ad quattuor primos ad im-
 possibile: ad quod faciendum facilitatis gratia,
 excogitatę sunt hęc dictiones. Pro modis indire-
 ctis primę figurę est hęc dictio, Nesciebatis: Pro
 modis secundę hęc, Odiebam: Pro modis tercię,
 Letare Romanis. In quibus dictionibus singulę
 syllabę respondent singulis modis; vt quinque
 syllabę, Nesciebatis, quinque modis indirectis,
 & sic de alijs. Considerantur præterea vocales, A
 designat reductionem ad Barbara: E, ad Celarēt:
 I, ad Darij: O, ad Ferio. Vnde si vellem reducere
 Cesare ad impossibile, sumo O, ex odiebā, & re-
 ducam ad Ferio; vt hoc patet exēplo, Nullus leo
 est

est lapis: omne marmor est lapis: ergo nullū marmor est leo: si negetur conclusio, sumo contradietoriam, & cum eadem maiori infero contradietorium minoris, hoc modo, Nullus leo est lapis: aliquod marmor est leo: ergo aliquod marmor non est lapis. Atq; eodem modo facile alios reduceres.

Denique, duo modi posteriores primæ figuræ Darij, & Ferio possunt reuocari ad vnum ex primis: non tamen immediate: Nam primo reducuntur ad secundam reductione ad impossibile, Darij ad Camestres, eodem modo quo syllogismi secundæ, Ferio ad Cesare, & postea vterque per ostensionem ad Celarent.

De medij termini inuentione.

Cap. X.



Vm medius terminus in syllogismo sit veluti mensura quædā, quam metimur, an prædicatū conueniat cum subiecto; propterea necesse est, vt cum vtroque, aut saltem cum altero conueniat. Non secus ac si quis vellet metiri duas quantitates, an essent inter se æquales, cui opus esset tertia quantitas, quæ esset veluti illarum mensura; quæ tunc esset ad mentiendum idonea, si vtrique, aut vni saltem esset æqualis. Medium igitur, vniuerse loquendo, tale esse debet, vt sit consentaneum cum extremis; si vtrique conueniet, inferet conclusionem affirmantem, si vni tantum, negantem: si neutri, erit ineptum. Tota itaque ratio medij consistit in respectu, quæ habet ad maiorem, & minorem extremitatem, prout vel eas antecedit, aut consequitur, aut est

Rodulp.
Agric.

illis extraneum. Id si spectemus tria mediolorum genera distinguenda erunt: primum quod dicitur antecedens, & est illud ex quo aliquid tanquam superius, vel æquale infertur; vt est homo, ad animal & risium: alterum consequens, & est illud quod ex alio infertur, vt animal, & risium ad hominem: tertium, extraneum, & est illud, quod de alio dici non potest; vt lapis de homine.

Ad faciliorem mediij inuentionem assignantur a scriptoribus sex regulæ, quæ sequentibus dictionibus continentur, Fecana, Cageti, Dafenes, Hebare, Gedago, Gebali. Prima dictio est utilis pro Barbara ad concludendam vniuersalem affirmatiuam: secunda pro tertia figura, vel pro prima per conuersionem particularis affirmatiuæ: Tertia, pro vniuersali negatiua in Cesare, & Celarent, per conuersionem maioris. Quarta pro vniuersali negatiua in Camestres, vel Celantes indirecte: Quinta pro particulari negatiua in tertia figura, aut indirecte in prima, aut directe per conuersionem affirmatiuæ: Sexta, pro particulari affirmatiua indirecte in Baralipron, & Dabitis.

In quibus dictionibus considerantur tres vocales, Prima designat conclusionem probandam, vt in Fecana A, vniuersalem affirmatiuam: Mediæ, quarum A, designat prædicatum, subiectum: Consonantes designant medium 8. consequens, C antecedens D, extraneum ad prædicatum F, consequens, G antecedens H, extraneum ad subiectum. Exempli gratia, si velles probare in barbara hanc vniuersalem affirmantem, Omnis homo est sentiens, in voce Fecana, habes C. quod significat medium antecedens ad sentiens, & F. medium consequens ad homo. Sume ergo animal,

mal, quod antecedit sentiens, ut suum conuertibile, & consequitur hominem, ut superius. Si velles probare hanc particularem negatiuam in tertia, Aliquod animal non est insensibile, in dictione Gedago, sume medium extraneum ad prædicatum designatum per D, & antecedens ad subiectum, designatum per G, & sit Homo. & sic argue, in Felapton; Nullus homo est insensibilis: omnis homo est animal: ergo aliquod animal non est insensibile, & per conuersionem minoris in Ferio.

Cur autem sex assignentur regulæ pro inuentione medij, ea est ratio, quia nouem modis medium potest se habere ad extrema, ex quibus sex apti reperiuntur, tres inepti, quos his tribus dictionibus designant, Febas, Edas, Hecas. in quibus non ponitur tertia vocalis, quia per illas designatur medium inutile ad concludendum.

Rursus eandem artem inueniendi medij sic explicares. Primum, ponenda est ob oculos questio, siue propositio probanda: cuius duo extrema spectanda sunt: Quorum considerandæ sunt definitiones, proprietates, quæ ea consequuntur, antecedunt, aut eis repugnant. Consequentia sunt ea quæ de ijs quorum sunt consequentia vniuersæ, necessario, vel probabiliter affirmantur. Antecedentia sunt ea de quibus affirmantur vniuersæ illa quorum dicuntur antecedentia. Repugnantia quæ affirmari nullo modo possunt, aut raro: ut hominem esse brutum, patres non amare filios. Et quoniam quattuor sunt questionum genera, quæstiones vniuersæ affirmantes, particulariter affirmantes; vniuersæ negantes, & particulariter negantes, quattuor dantur ad inuenienda media regulæ.

1. Prior.

28.

1. Prior.

29.

Prima, ad probandam vniuersalem affirman-

tem medium sit antecedens prædicati, & consequens subiecti. Secunda, ad probandam particularem affirmantem, medium sit antecedens prædicati, & subiecti: aut consequens prædicati, & antecedens subiecti: in tertia figura, vel in prima indirecte, vel per conuersionem directe. Tertia, ad probandam vniuersalem negantem, medium sit consequens subiecti, repugnans prædicato, aut contra in Celarent Cesare, & in Celantes, & Camestres. Quarta, ad probandam particularem negantem, medium sit antecedens subiecti, & repugnans prædicato, in omni figura.

*De quibusdam potestatibus, & defectibus
syllogismi. Cap. XI.*



Syllogismus sit veluti quoddam compositum, seu res quædam artificio confecta; vt res quas natura procreat quasdam habent facultates potestatesque, & imperfectiones, ita etiam syllogismus. Facultates siue potestates simplicium syllogismorum numerantur sex.

2. Prior. a Prima, plura concludendi; hoc est, syllogis-
c. 1. ad 17. mus qui infert vniuersalem seu subalternantem, potest inferre etiam subalternatam: & qui colligit conuersam, colligit etiam conuertentem, & id quod sequitur ex tali conclusione.

Secunda vera ex falsis colligendi: eadẽ enim forma syllogismi aliquando verum, ex vero, aliquando ex falso, & aliquando ex falso falsum.

Tertia, circulariter syllogizandi: cum ex eadem conclusione, & conuertente alterius præmissæ, altera infertur præmissa: quod solum sit in terminis conuertibilibus ratione materiæ in Barbara. Est aut circulus perfectus, cū vtraq; sum-

prio

prio concluditur per circulum: vt, omne rationale est risuum: omnis homo est rationalis: ergo omnis homo est risuius: conuerte maiorem, & conclusionē sume pro minori, concludes minorem. Quod si conuertas minorem, inferes maiorem.

Quarta, conuersiue ratiocinandi; cum ex cō- Cap. 3. & seq.
tradictorio conclusionis, cum altera præmissa, colligitur contradictorium alterius.

Quinta, ratiocinandi per impossibile, cum ex contradictorio alicuius propositionis vtriusque negatæ cum altera propositione plane verâ inferitur propositio falsa, vt fiat regressus ad negandū oppositū propositionis negatæ. Vt ecce, negat quis, spongiam esse sensientem: contra quem sumēdo contradictoriū, sic argumentator: omne aīal est sensibile: Nulla spongia est sensibilis: ergo nulla spongia est aīal: conclusio est falsa: ergo aliqua ex præmissis: nō maior, quæ est certissima: minor igitur: ergo eius contradictoria negata est vera. Vbi animaduerte, sumendū esse contradictoriū: nā in contrarijs ex falsitate vnius, non sequitur veritas alterius, quia vtrūque potest esse falsum. Hęc potestas differt a superiore, quod ibi supponitur syllogismus factus, hic vero non item.

Sexta, ratiocinandi ex oppositis, cū ex duabus cōtrarijs, siue cōtradictorijs, concluditur enūtiatio in qua idē de se ipso negatur, idque contra proteruos, qui cōtraria, vel cōtradictoria admittūt, vt, nulla substantia est aīal; omnis substantia est animal: ergo nulla substantia est substantia.

Syllogismi defectus tres numerantur: primus, qui dicitur petitio principij, cum idem per idem, aut per minus, æque ve notum probatur: vt omnis leo est leo: omnis leo est leo; ergo omnis leo est leo. Secundus, non propter hoc

accidere falsum: cum falsitas conclusionis attribuitur antecedenti, quod non est vere causa illius: vt, homo est animal, & omne corpus est viuens: omnis lapis est corpus: ergo, omnis lapis est viuens. Conclusio est falsa cuius falsitas non est tribuenda illi parti antecedentis, Homo est animal: quia ea remota, adhuc cōclusio falsa sequitur. Tertius, fallacia contrariæ opinionis; cū asseimur duabus contrarijs, vel contradictorijs, vniuersaliter, aut particulariter exprellis: vt ecce, qui admitteret, omne animal esse corpus, & nullum nigrum esse corpus, is admittit omnem coruum esse animal, & Nullum coruū esse corpus, quæ formaliter sunt contrariæ.

De syllogismo ex obliquis.

Cap. XII.



Via interdum fiunt syllogismi ex cāsis obliquis, qui nonnihil difficultatis habent; propterea de illis quoque aliquid dicendum est.

Syllogismus obliquus est ille; cuius aliquis terminus est obliquus, maior, minor, vel medius. Si extremitas est obliqua in præmissis, erit etiam in cōclusionē: cum mediū est obliquum, extremitas quæ est cum medio in cōclusionē erit in recto: cum vero in vtraque præmissa medium est obliquum, vtraque extremitas erit in recto: Quando vero in præmissa negatiua fuerit medium obliquum in affirmatiua rectū, cōclusio erit in obliquo: quod si contra fuerit; non sequitur cōclusio; vt si dicas, Homo non est leo: omni homini inest sensus: ergo leoni non inest sensus,

sensus. Vt autem quæ a scriptoribus de hoc syllogismorum genere traduntur, facilius percipiātur, statuo has regulas.

Prima, in modis affirmatiue concludentibus, si altera præmissa sit ex obliquo, recte efficitur conclusio, ex obliquo, modo extremum obliquum in antecedente, sit etiam obliquum in consequente: & si medium sit obliquum in altera præmissa, extremum alterius debet esse obliquum in conclusione: vt, omnis passio est ab anima: amor est passio: ergo ab anima: omnis virtus est bona: in omni viro pio est virtus: ergo in viro pio est bonitas: Brutorum eadē est anima: leo & bos bruta: ergo bonis, & Leonis eadem est anima.

Secunda, in negatiue concludentibus, si affirmatiua tantum sit ex obliquo, non recte concluditur; vt patet in exemplo supra allato: si vero sola negatiua sit ex obliquo, recte, & bene concluderetur: seruata duplici limitatione, in prima regula posita; vt nulli lapidi conuenit sensus: marmor lapis: ergo marmori non conuenit sensus: omnis lapis est corpus: nulla indiuisibilitas est corporis: ergo indiuisibilitas non est lapis.

Tertia, in modis affirmatiue concludentibus, si vtraque præmissa fuerit ex medio obliquo; aut vtraque ex obliquo extremo; nulla omnino sit conclusio: vnde male argueres, cuiusque hominis est studere: cuiusque hominis est amare Deū: ergo studium est amor Dei.

Quarta, in modis negatiue concludentibus, si vtraque sit ex medio obliquo, aut vtraque ex obliquo extremo, recte concluditur; vt, nullum peccatū est a Deo: omnis virtus est a Deo: ergo nulla virtus est vitium. Ceterum facile horum syllogismorum rectitudo dignoscetur, si propositiones ex obliquis reuocabuntur ad rectas, eodem

Lib. r.
Prior. 37.

manente sensu; quia si recte cōcludent, illæ quoque recte inferent conclusionem; ceterū, vt casus fiant recti, aliquantulum immutanda erit oratio; vt si diceretur, omnis lux est a sole; hoc modo immutares, omnis lux est effectus solis: corruptibilium eadem est natura, Res corruptibiles, eandem habent naturam. Sed de hoc syllogismo hætenus.

De syllogismo expositorio.

Cap. XIII.

1. Pri. 2.
& 6.



Syllogismus expositorius quo Aristoteles vti solet est ille qui constat ex medio termino singulari: sic dictus, quod sit maxime perspicuus ac euidens. Habet enim necessitatem colligendi maxime notiam: ac proinde vocari solet demonstratio sensibilis.

Nituntur itaque syllogismi expositorii duobus notissimis principiis, Quæ sunt eadem vni tertio, sunt eadem inter se: Quando vero ita se habent ad illud tertium, vt vnum sit cum eo cōiunctum, alterum non item, sunt inter se diuersa. Cum ergo in hoc genere medium sit singulare, & singularis sit subiei, hinc est, vt illi dicantur præcipue expositorii, qui fiunt in tertia figura.

Ceterum, si vtrique etiam sumptio fuerit singularis; in prima figura possunt esse duo modi: vnus ex vtraque affirmāte; vt, Petrus est doctus: hic homo est Petrus: ergo hic homo est doctus: alter negatiuus: Petrus non currit: hic homo est Petrus; ergo. In secunda figura tres: Primus ex ambabus affirmantibus colligit conclusionē af-

fir-

firmantem: Petrus est Philosophus: hic homo est philosophus: ergo. Secundus ex maiore negante, & minore affirmante: tertius contra; Petrus est Logicus. Hic homo, vel Franciscus non est Logicus: ergo hic homo non est Petrus. In tertia duo: primus, ex vtraque affirmatiua, colligit conclusionem affirmatiuam: secundus, ex maiori negante, & minori affirmante, conficit conclusionem negantem; vt Ludouicus non est sapiens: Ludouicus est pauper: ergo quidam pauper non est sapiens. Quod si minor extremitas sit singularis, in primo modo, concludetur conclusio singularis affirmans, & in secundo particularis negans.

At si hic syllogismus habeat solum medium terminum singularem; in prima figura erunt totidem modi, quot sunt termino medio existente communi: qui solum different in eo, quod habebunt maiores propositiones singulares, cum medium ibi subiiciatur. In secunda vero præter vulgatos modos negantes, erunt alij quattuor modi ex vtraque affirmante: quorum primus sit ex vtraque vniuersali: vt, omnis saluator mundi est hic homo: omnis qui est filius virginis est hic homo: ergo omnis filius virginis est mundi Saluator: Secundus ex maiori vniuersali, & minori particulari: Tertius, ex maiori particulari, & minori vniuersali: Quartus ex vtraque particulari. In tertia figura, non sunt alij præter iam dictos.

Quod si ex his quæ diximus, ita argueres, Essentia diuina est Pater: essentia diuina est Filius: ergo pater est filius: Item Pater non est filius: Pater est essentia diuina: ergo essentia diuina non est Filius: qui modi pertinent ad tertiam figuram; cum, Essentia

& Pater in diuinis sint termini singulares, Responderem, per terminum singularem nos hoc loco eum intelligere, qui sumitur pro vna re, quæ nec est plures res, nec est idem re cum ea quæ est plures res; at Essentia, est ita indiuidua, vt sit plures res, idest plures persone diuine, quæ idem sunt cum essentia diuina. sed de his plenius Theologi.

Rursus syllogismus expositorius hunc habet vsum, vt per eum probemus modos imperfectos tertiæ figuræ recte concludere, idq; duobus modis. Primo, cum præmissis imperfecti concluduntur præmissæ expositoriæ, ex quibus rursus conclusio imperfecti conficitur. Siquidem quidquid sequitur ex consequente, sequitur ex antecedente. Quare, quod colligetur ex præmissis expositoriis; qui infertur ex imperfecto, colligetur ex imperfecto, ac proinde imperfectus bene concludere dicetur. Exempli gratia, sit syllogismus in Darapti, Omne animal est sentiens; omne animal est corpus: ergo quoddam corpus est sentiens: quæ argumentatio, sic confirmari potest syllogismo expositorio, Omne animal est sentiens, & omne animal est corpus: ergo hoc animal est sentiens: & hoc animal est corpus, quæ particulares inferuntur ex vniuersalibus; Tunc conficitur syllogismus expositorius, quo inferitur conclusio syllogismi allati imperfecti: Hoc animal est sentiens: hoc animal est corpus: ergo quoddam corpus est sentiens: Quare ex primo antecedente in Darapti, recte sequitur extremum consequens, quoddam corpus est sentiens.

Secundus modus, qui confert ad probandos modos omnes tertiæ figuræ, cum primus solum inferat Darapti; qui sit, si sumatur aliquid singulari-

gulare sub medio termino, cum eisdē extremis, eodem modo se habentibus, quibus in syllogismo expositorio eadem probatur conclusio, hoc modo. Sit syllogismus imperfectus in tertia, quidam homo est sanctus; omnis homo est animal: ergo quoddam animal est sanctum; sumatur sub homine aliquis singularis homo, & dicatur, Franciscus est sanctus: Franciscus est animal; ergo aliquod animal est sanctum. Ecce, ut syllogismo expositorio eadem probatur conclusio, quæ in imperfecto probabatur: idemque faceres in alijs modis. Per hunc itaque syllogismum tertiæ figuræ modos recte concludere, demonstratur.

De Syllogismo modali.

Cap. XI III.

Syllogismi modalis materia remota sunt tres termini: modus enim non est terminus: proxima sunt duæ præmissæ quæ varijs modis, tum ex modalibus, tum ex simplicibus variari possunt, ut statim dicam. Forma ex figura, & modo constat. Forma est triplex, ut in syllogismis absolutis: modi concludendi, non iidem in omnibus. Præmissæ igitur, vel ambæ sunt ex modo necessario, vel altera tantū, altera de inesse; vel utraq; ex cōtingēti, vel altera, & altera de inesse; vel vna de contingenti, altera de necessario. Sumitur hoc loco contingens, pro eo quod potest esse & non esse: & solum fit mentio de duobus modis, scilicet de necessario, & cōtingēti, quia alij præposita, aut postposita, vna negatione, vel altera æquivalent necessario. Modi autem concludendi his regulis continentur.

Tolct. lib.

Prima, in omni figura, & modo cuiusque figu- 4

re,

ra, ex vtraque de necessario, infertur conclusio necessaria.

Secunda, in prima, & maiori de necessario, & minori de inesse, conclusio cōficitur necessaria. In secunda etiam existente negatiua ex necessario: excepto tamen Baroco. Similiter in tertia, vt in Felapton, & Ferison: similiter si vtraque sit affirmatiua, & vniuersalis, vt in Darapti: vel si vna est particularis, alia vniuersalis, vt in Disamis, & Datifi, necessaria sequitur conclusio. In alijs modis non contingit in his figuris.

Tertia, in prima figura ex vtraque contingenti in quatuor modis sequitur conclusio contingens, & in eisdem sequitur quando vtraque est negatiua, vel minor sola, sed imperfecte: quia opus est prius conuertere minorem negatiuam in affirmatiuā, quod licet in contingenti, vel vtranque negatiuam in affirmatiuam. Similiter in alijs modis, minori, vel vtraque existente negatiua.

Quarta, in prima figura in eisdem quatuor modis seruata eadem qualitate, & quantitate, maiori existente contingenti, & minori de Inesse, sequitur conclusio contingentis specialiter dicti: at vero contra, maiori existente de Inesse, & minori de contingenti, iam affirmatiua, quam negatiua; sequitur conclusio contingentis communiter dicti.

Quinta, in eadem prima figura idem iudicium est de Inesse, Necessario, & de Inesse solo: vt si maior sit contingens, & minor necessaria, sequatur conclusio contingentis specialiter dicti: at si maior sit de necessario, & minor contingens, siue affirmatiua, siue negatiua, conclusio erit contingentis generaliter sumpti.

Quod

Quod si maior sit necessaria, & negatiua, potest inferri conclusio de inesse.

Sexta, In secunda figura, ex vtraque contingenti vtrunque disposita, nihil sequitur; nec quando negatiua est contingens, & affirmatiua necessaria, vel de inesse. At quando affirmatiua est contingens, & negatiua necessaria, vel de inesse, sequitur conclusio contingentis generaliter sumpti.

Septima, in tertia figura ex vtraque de contingenti sequitur conclusio contingens; & ex vna, ex contingenti, & altera ex necessario, vel de inesse, si contingens fuerit illa quæ est maior in reductione in prima figura, conclusio erit contingentis specialiter dicti: si vero fuerit in reductione minor, erit contingentis generaliter sumpti. Has regulas facile exemplis illustrare poterit, qui eas planius cognoscere, necessarium esse existimabit. Nos ad alia pergemus.

De syllogismo hypothetico, siue coniuncto.

Cap. XV.

Syllogismus hypotheticus est ille qui habet vnam, vel plures hypotheticas propositiones. Ille tamen præcipue hypotheticus vocatur, qui maiorem habet hypotheticam, & minorem conclusionemque categoricam, de quo nos speciatim loquemur, cuiusmodi est iste, si sol est, dies est: sed sol est, ergo dies est.

Huius tres sunt species, cõditionalis, copulatiuus, disiunctiuus, ratione maioris propositionis quæ triplex

Boet. libr.
de Syllo.
hyp. & in
Top. Cic.
in Top.
D. Tho.
Opus. 48.
cap. 16. &
seq.
Auenro.
1. Prior.
c. 3.

triplex est, conditionalis, copulatiua, & disiunctiua: Conditionalis duplicem habet figuram: prima, cum ponitur antecedens pro minori, vt ponatur consequens in conclusione: vt, si sol lucet dies est: sed sol lucet; ergo dies est: secunda, cum tollitur consequens, vt tollatur antecedens: vt, si sol lucet, dies est, sed non est dies: igitur nec sol lucet. Vtriusque figuræ quattuor sunt modi, primæ sunt isti. Primus, cum vtræque pars conditionalis affirmat; vt, si sol lucet, dies est: sed lucet: dies igitur. Secundus, cum vtræque negat: vt, si sol non lucet, non est dies: sed non lucet: non igitur dies. Tertius, cum prior pars affirmat, posterior negat: vt, si sol lucet, non est nox: at sol lucet: ergo non est nox. Quartus, cum prior negat, altera affirmat; vt, si sol non lucet, nox est: at sol non lucet: nox igitur. Secundæ figuræ hi sunt modi. Primus, si sol lucet dies est: non est dies: sol igitur non lucet. Secundus, si sol non lucet, non est dies: at non est dies: igitur nec sol lucet. Tertius, si sol lucet, non est nox: at est nox: igitur sol non lucet. Quartus, si sol non lucet, nox est: non est autem nox: sol igitur lucet: conditionales autem ex particula conditionalis negata, cum non sint fere in vsu, hic omittuntur.

Copulatiua cuius constructio affirmatur, nullus est, sed ex hoc solū fiunt consequentiæ quædam, seu Enthymemata conditionalia; vt, si homo currit, & leo rugit: ergo homo currit: Si Deus est misericors, & iustus, ergo est misericors, seu ergo est iustus: copulatiua enim affirmata infert vtrunque sui partem. At vero copulatiua negatus vnā habet formā, in qua vna pars ponitur, vt altera tollatur; vt, Non & dies est, & nox est: est autem dies; non igitur nox; vel, Est autem nox, non igitur dies. Sed non valeret, si vna tolleretur,

vt altera poneretur; vt, Non & Petrus currit, & cubat, sed non currit, ergo cubat; quia potest sedere. Hæc forma tres habet modos. Primus, cum partes sunt affirmatæ, & non habent nisi cōmunem negationem, qua tota copulatiua negatur; vt, Non & Petrus ambulat, & sedet, sed non ambulat: sedet igitur: vel, at non sedet, quare ambulat. Secundus, quando vtraque pars alteram habet negationem; præter negationē totius; & tunc valet ab vnius negatione ad affirmationem alterius; vt, non & Petrus non dormit, & non vigilat: at non dormit; vigilat igitur: vel, non vigilat; quare dormit: Tertius, cum vna pars affirmat, altera negat: vt, Non & Petrus deambulat, & non mouetur: at deambulat: quare mouetur: vel, non mouetur; non igitur ambulat. Idem modus erit si prior pars sit negetiua, vt, Non & Petrus mouetur & deambulat: nō mouetur autem: quare nec deambulat; vel deambulat, ergo mouetur. In his itaque omnibus, vna parte posita, tollitur altera.

Disiunctiuus affirmatus, cum scilicet particula disiunctiua non est negata, duplicem habet figuram, modo constet ex partibus repugnātibus; de hoc enim disiunctionis genere veteres scripsere. Prima ponit vnam partem, vt alteram tollat; quæ tres habet modos. Primus, cum vtraque pars affirmat; vt, aut est dies, aut nox; est autem dies, vel, est autem nox: igitur. Secundus cū vtraque negat; vt, aut dies non est, aut nox non est: non est autem dies; seu, non est nox, ergo. Tertius cum alterā negat; altera affirmat; vt, aut dies est, aut sol non lucet: sed dies est, ergo sol lucet; vel, sol non lucet; ergo dies non est. Secunda, tollit alteram partem, vt alteram ponat; quæ totidē habet modos: Primi exemplū; aut est dies, aut nox: non est dies, ergo nox, vel non est nox, quare

quare dies: Secundi, aut dies non est, aut nox nō est, sed est dies seu est nox, igitur: Tertij, aut nō est dies, aut est nox; sed non est dies, vel, non est nox, ergo. Atque hactenus de prima argumentationis specie, hoc est de syllogismo, dicta sufficiant: ad reliquas species pergamus, de quibus cum pauca dicenda sint, eas breuiter perstringemus.

De Enthymemate, Inductione, & Exemplo.

Cap. XVI.

Quinct.
li. 5. c. 10.



Secunda argumentationis species, Græce Enthymema vocatur, Latine, commentum & commentatio, siue animi conceptio, Quæ argumentationis forma sic appellatur, quod ex ratione communi, quā animus excogitat, aliquid probat: ad differentiam exempli, quod ex singulari propositione sensui subiecta concludit.

Aristo. sec.
tio. 18. q.
3. prob.

Est autem Enthymema, vt supra docuimus, imperfectus syllogismus, non ea imperfectione, quod nō clare cōcludat, sed quia in eo altera premissa omittitur; ideo dicitur syllogismus truncatus: quod Aristoteles ideo ex verisimilibus, & signis fieri dixit, quia eo frequenter oratores vtuntur, qui a verisimilibus, & signis argumentari solent. Interdum Enthymemata vocantur sententiæ, in quibus latenter ratio inseritur, qua plenum confici posset Enthymema, præsertim, si expugnantibus constent, quæ priuatim hoc nomē merentur; vt non sunt homini immortalī, desideranda mortalia.

2. Prior.
27.

Cice. in
Top.

Inductio, quæ & enumeratio dicitur, est oratio in qua ex singularibus propositionibus colligitur

gitur vniuersalis : per singularia intelliguntur etiam minus vniuersalia; vt cum e speciebus colligitur genus: vel etiam ex partibus totum, tum affirmando, tum negando. In qua conficienda omnes partes, ni multæ sint, numerandæ sunt: si multæ fuerint, quibusdam numeratis, addenda est particula, & sic de reliquis; vt, hic homo moritur, & ille moritur, & alij similiter: ergo omnes homines moriuntur: Christus perpeßus est pedibus, manibus, capite, & cæteris membris: toto igitur corpore.

Exemplum est oratio in qua ex vno, aut pluribus singularibus aliud singulare ob similitudinẽ colligitur. Causa itaque consequentiæ in exemplo est similitudo, quæ animaduertenda est, cum dissimilitudo consequutionem tollat: vt Petro sua peccata descenti, Deus pepercit: igitur & Iudæ pepercisset, si idem fecisset: non tamen valet, Apostoli omnia in commune conferebant: ergo & nos idem facere debemus, cum non sit eadem ratio. Arist. lib. 2. Rhet. c. 20.

Ex quattuor argumentationum speciebus syllogismus & enthymema ex toto partem confirmant: inductio ex parte totum: exemplũ, ex parte, partem. Duæ priores species plus habent neruorum, quam aliæ posteriores, quæ magis communi hominum intelligentiæ, quam priores sunt accommodatæ. Cæterum, vt se habent syllogismi & inductiones apud Dialecticos; ita enthymemata & exempla apud Oratores. Deniq; tres posteriores argumentationis partes, quam vim habent probandi aliquid ratione formæ, eam habent, vt sunt quidam imperfecti syllogismi, vt sequenti capite plane demonstrabitur. Arist. lib. 1. Poster.

Qua ratione omnes species argumentationis ad syllogismum reuocari possint.

Cap. XV II,



Voniam vero ex omnibus argumentationis speciebus syllogismus est optima; ideo non erit inutile, ad probationem aliarum specierum, docere, quo modo ad syllogismum reuocari possint.

In hac ergo reductione, semper eadem seruanda est cōclusio in syllogismo, quæ est in alijs speciebus. Et quia in omnibus tribus speciebus, vt sunt argumentationes formales, semper reperitur medius terminus, ideo facile erit cognoscere quomodo sint reducendæ ad syllogismum. Etenim, si medium in antecedente coniungitur cum prædicato consequentis, quod prædicatum est maius extremum, signum est illud antecedens debere esse maiorem propositionem in syllogismo: si vero medium iungatur cum minori extremo, id est cum subiecto consequentis, signum est illud antecedens debere esse minorem propositionem.

Enthymematis reductio his modis fieri potest. Primo, si idem sit prædicatum in antecedente, & consequente, sumenda est maior, nimirum antecedens enthymematis, & facienda est noua minor ex subiecto antecedentis, & consequentis: Exempli gratia, sit hoc enthymema: Bonum est expetendum: igitur iustitia est expetenda; integer sit syllogismus hoc modo, Bonum est expetendum: iustitia bona: igitur iustitia est expetenda. Secundo, si subiectum sit idem cum antecedente & consequente, tunc deest maior, quæ formanda est

da est ex prædicato antecedentis & consequentis: vt si sit enthymema, Virtus est honesta; igitur virtus est bona; fiet syllogismus sic, Omne honestum est bonum; virtus est honesta, igitur virtus est bona. Tertio, si quod est subiectum in antecedenti sit prædicatum in consequenti, tunc deest minor, quæ formanda est ex prædicato antecedentis, & ex subiecto consequentis; vt, si enthymema sit tale, lignum non est viuens; ergo animal non est lignum; fiet syllogismus, lignum non est viuens; animal est viuens; igitur animal non est lignum. Quarto, si quod est prædicatum in antecedente sit subiectum in consequente, tunc deest maior; quæ conficienda est ex subiecto antecedentis, & prædicato consequentis; vt si esset tale enthymema, Iustitia est bona; ergo bonum est virtus; fiet syllogismus, Iustitia est virtus: iustitia est bona; ergo bonum est virtus.

Inductio reducitur ad syllogismum, si suppleatur minor, quæ semper in inductione desideratur, vt in hoc patet exemplo: ignis, aer, aqua, & terra sunt corpora simplicia: ergo omne elementum est corpus simplex: ex qua sic conficitur syllogismus, Ignis, aer, aqua, & terra sunt corpora simplicia, sed omne elementum est ignis, aer, aqua, & terra; ergo omne elementum est corpus simplex. Quæ igitur desideratur minor, fit ex subiecto antecedentis, & subiecto consequentis.

At vero exemplum aliud habet reductionis modum: sunt enim necessarij duo discursus ad hanc reductionem faciendam: quorum primus est veluti quædam imperfecta inductio, cuius conclusio est vniuersalis propositio, quæ assumitur pro maiori sequentis syllogismi; vt in hoc patet exemplo, Scipio iure Gracchum interemit: ergo & Milo Clodium; Ex quo hæc prima conficitur ratio-

cinatio, Scipio iure interemit Graccum: sed Grac-
cus erat euerfor reip. iure igitur interimi potest
euerfor reip. Hæc conclusio si fiat maior alterius
syllogismi inferet allati exempli conclusionem,
hunc in modum: Omnis euerfor reip. iure inte-
rimitur: Clodius euerfor: iure igitur a Milone
interemptus fuit. Sed de hoc libro hætenus; in
quo quæ de forma argumentationis, & de syllo-
gismo, deque alijs argumentationum speciebus
vniuerse dicenda fuere, pro nostro instituto suffi-
cienter explanauimus. Qui plura de syllogismi
natura, & de eiusdem figuris cognoscere volet,
nostram legat de syllogismi tractationem in Ad-
ditamentis ad Commentaria Toleti.

Libri Quarti Finis.

INTRODVCTIONIS

IN LOGICAM,

L I B E R Q V I N T V S.

In quo agitur de tribus syllogisminorum speciebus, Demonstratiuo, Topico, & Sophistico, atque de locis topicis, & sophisticis.

De Syllogismo demonstratiuo. Cap. I.



Syllogismum, veluti quoddam compositum, ex forma & materia supra constare diximus. Forma est trium terminorum, duarumque præmissarum secundum quantitatem, & qualitatē artificiosa dispositio: materia vero, vt hoc loco sumitur, sunt res ipsæ terminis, & propositionibus significatæ: quæ triplex est. Prima necessarium, ex qua fit syllogismus quidam, quo aliquid necessario concluditur, ac proinde, demonstratio dicitur: secunda probabilis, ex qua fit syllogismus, qui aliquid probabiliter concludit, qui dialecticus & topicus vocatur: tertia falsa, ex qua fit syllogismus captiosus: Alij quadruplicem faciunt materiam, necessariam, eam quæ videtur necessaria, probabilem, & eam quæ videtur probabilis: ex prima fit demonstratio, ex secunda syllogismus pseudographus; qui veram mentitur demonstrationē: ex tertia Dialecticus: ex quarta sophisticus, qui dialecticum

1. Top. 1.
& 8. c. 4.

fallaciter imitatur: Primus gignit scientiā, secundus errorē: tertius opinionē: quartus deceptionē. Nos de tribus speciebus breuiter scripturi sum⁹, & praesertim de demonstratione, cuius doctrina cum sit difficilior, maiorem requirit curam, quā Institutio postulet.

I. Poster.
t. 30.

Scientia, igitur quæ est demonstrationis vniuerse sumptæ effectus, nihil est, quam certa, & indubitata alicuius rei cognitio: Quæ duobus modis haberi potest: primo per effectum, qui est notus sensibus, quo deuenitur in cognitionem causæ; vt, si ex eo quod homo est admiratiuus, probares esse rationalem, cum admiratio ex ratione oriatur: secundo per causam, cum ex cognitione causæ venitur in cognitionē effectus, cuius causa assignatur; vt, si probares hominem esse admiratiuum, quia est rationalis. Cum primo modo aliquid probamus fit quædam demonstratio, quæ vocatur; Demonstratio quia, melius, Quod sit: sic dicta, quia probat rē existerē. Quando vero altero modo aliquid probat, fit alia demonstratio, quæ dicitur, Demonstratio Propter

I. Poster.
t. 30.

quid; quia per eam cognoscimus causam propter quam res est. Illa sumit pro medio effectum, hæc causam proximam; nam, cum scimus per causam remotam, est potius demonstratio, Quia; vt si scirem parietem non respirare, quia nō est animal; cum proxime aliquid non respiret, quia pulmone caret: Illa, demonstratio secundum quid, hæc, demonstratio simpliciter vocatur.

Arist. loc. cit.

I. Poster.
t. 5.

Demonstratio vniuerse sumpta hunc in modum definitur, Demonstratio est syllogismus faciens scire: dicitur syllogismus; quia est species syllogismi: dicitur faciens scire; vt distinguatur ab alijs syllogismi speciebus, per quas non acquirimus scientiam. Demonstratio Quia, est syllogismus

gismus qui facit scientiā per effectum, vel quod idem est; est syllogismus per quem scimus rem esse; vt si per Eclypsim lunę probarē esse interpositionem terrę inter Solem, & Lunā. Demonstratio propter quid, quam aliquando Arist. philosophema, vocat, quasi dicas, Philosophorū propria ratio, est syllogismus, quo scimus rem per propriam causam. Dicitur per propriā causam, vt distinguatur a demonstratione Quia. Vel hoc modo, Demonstratio propter quid, est syllogismus ex propositionibus necessarijs, propriā conclusionis causam continentibus conflatus. Quæ definitio datur per genus, & causam materialē; Nam duodecim conditiones, quas perfectæ demonstrationi tribuit Aristoteles, quod procedere debeat ex causis, ex primis, immediatis, veris, prioribus, notioribus, necessarijs, de omni, per se, secundum quod ipsum, ex proprijs, & perpetuis, ad duas reuocantur, quod cōstet ex causis, & ex necessarijs: vt hæc demonstratio, Omne rationale est risuum: omnis homo est rationalis: ergo omnis homo est risuius. Quare in demonstratione tria spectantur, subiectum, passio probanda de subiecto, & medium, quod debet esse causa per quam passio conueniat subiecto, vt in allato paret exemplo.

Ex quibus colligeres, scire perfecte esse rem per causam cognoscere. Quæ autem sint propositiones necessariae, supra docuimus: quæ, & per se dicuntur, & speciatim illę in quibus definitio, vel pars definitionis dicitur de subiecto, & illæ in quarum definitione ponitur subiectum; vt cū propria passio de suo immediato subiecto prædicatur; vt sensibile de animali, larrabile de cane.

Et quoniam omnis nostra cognitio ex præexistente sit cognitione, antequā aliqua fiat demon-

Lib. 8. Topic. 4.

1. Poster. 1. 5. & seq.

1. Poster. 1. 5.

1. Poster. 1. 9.

1. Poster. 1. 1.

1. Poster. stratio aliquid præcognoscendum erit. Quæ au-
t. 2. tem præcognoscere oportet, sunt numero tria,
2. Post. Principia, subiectum, quæstionis probandæ, &
t. 1. passio quæ probanda est. Quæstiones quæ proba-
 ri possunt, sunt tres, An res sit, Qualis sit, & Pro-
 pter quid sit. Nam quæstio, quid sit, definitione,
 non demonstratione terminatur.

1. Poster. Principia, vel sunt communia omnibus scien-
tex. 24. tijs, vt hoc, Impossibile est quicquam simul es-
 se, & nō esse: vel pluribus; vt, hoc quod est com-
 mune omnibus Mathematicis, si ab æqualibus æ-
 qualia demas, æqualia restant: vel vni, vt hoc,
 Natura est, quod est physiologiæ proprium.

1. Poster. De principijs, ante demonstrationem oportet
tex. 2. præcognoscere, quod sint, idest quod vera sint: de
 prædicato, quid sit, idest quid significet: de subie-
 cto vtrunque, an sit, idest an existat, & quid no-
 minis.

Et quoniam nullus syllogismus fit sine medio,
 siue argumento, ideo breuiter quodnam sit de-
 monstrationis medium aperiendum est. Argu-
 mentum igitur siue medium demonstratiuum est
 inuentum necessarium, quod ob connexionem
 necessariam cum extremis indubitatā gignit co-
 gnitionem. Huius medij tres assignantur loci:
 locus definitionis, caussarum, & effectorum: si

1. Poster. sumatur medium a definitione, & a causa proxi-
tex. 30. ma fit demonstratio propter quid; si vero ab effe-
 ctis, vel a causa remota, fit demonstratio, quod
 sit. Quicunque artifex vritur loco caussarū pro
 subiecta sibi materia. Physicus per omnes causas
 demonstrat: Metaphysicus per easdem, excepta
 materia: Moralis potissimum per finem.

1. Poster. Denique, perfecta demonstratio fit in primo
t. 31. modo primæ figuræ, vbi concluditur vniuersalis
 propositio affirmatiua. Quo fit, vt demonstratio
 affirmans

affirmans sit nobilior negante: & illa quæ aliquid directe probat nobilior ea, quæ ducit ad impossibile. Syllogismi demonstratiui proprius effectus est scientia. Scientia autem proprie sumpta, est cognitio certa, & euidens rei necessariæ per suas causas. Per certitudinē differt ab opinione, quæ est notitia rei non certa, sed cum formidine contrarij. Per euidentiā, distinguitur a fide diuina, quæ licet sit certissima: tamen non est euidens, ac etiam a fide humana. Ea autē notitia proprie dicitur fides, quæ habetur per dicentis auctoritatē: Dictum est, rei necessariæ, quia scientia non est de rebus mutabilibus, vt sunt singularia, & entia per accidens. Dictum est, per causas, quia cū res aliqua etiam necessaria scitur, & nō per causas, illa cognitio non meretur scientiæ nomen.

1. Poster.
tex. 42.

Ex qua definitione tres colliguntur cōditiones ad scientiam requisitæ: vt sit de re necessaria, vt sit per causas, & vt sit certa atque euidens. Est autē causa duplex, alia cognoscendi, vt est omne id, quo cognito, in alterius cognitionem ducimur; vt est effectus, quo venit in cognitionē causæ: altera essendi, vt est illa per quam res cōficitur, & ex qua constat, vt materia, & forma, quæ etiam sunt causæ cognoscendi a priori.

Atque ex dictis colligeres, quænam sint scientiæ causæ: Forma, patet ex eius definitione paulo ante allata. Materia est eius subiectum: quod has præcipuæ habet conditiones, quod sit necessarium, vniuersale, reale, per se, id est non aggregatum per accidens, vnum vniuoce, vel analogice, cuius principia, partes, proprietates, & species in scientia tractantur: vnde scientia vnitatem, distinctionem, nobilitat. ēq; suam, ac etiam ordinē sumit, quod alia sit superior, subalternantem vocant; alia inferior, quæ subalternata vocat: cuius

Lib. 2. de
Anit. 1.

subie-

subiectum debet contineri sub subiecto superioris; eique addere conditionem accidentariā, quæ non debet esse passio nata ab rei essentia, cuiusmodi est numerus sonorus, in Musica, quæ continetur sub Arithmetica. Ex quibus collige quæ requirantur ad hoc, ut aliquid dicatur scibile; hæc nimirum quod sit vnum, per se, necessarium, & vniuersale. Finis scientiæ proximus est cognitio sui obiecti, remotus sui, & Dei notitia. Efficiens proxima, est intellectus, qui ratiocinando ex primis notionibus per se notis, aliquid ignotū colligit: vnde varij efficiuntur habitus, qui sunt sapientia, scientia prudentia, & ars, qui omnes ab habitu principiorum pendent. De quibus, sicut de omnib⁹, quæ hoc capite summam diximus, alibi planius disputatur. Et de syllogismo demonstratiuo, hæc dicta sufficiant.

Aristo. 6.
Eth.

De syllogismo probabili, siue dialectico.
Cap. 11.



Syllogismus dialecticus est ille, qui ut supradiximus, ex propositionibus constat probabilibus. Illæ autē censentur propositiones probabiles quæ videntur verisimiles; & dignæ quæ probentur, hoc est, tanquam veræ admittantur: quarum varia sunt genera.

1. Top. 1.

Nam aliæ sunt, quæ ab omnibus probantur, ut parentes amare filios: homines velle vili emere: aliæ plurimis, ut præstare diuitem esse, quam pauperem: aliæ sapientibus, & horum, vel omnibus; ut honestum præferendum esse utili: vel plurimis; ut mundam esse vnum, felicitatem esse in sola virtute positam: vel sapientissimis; ut mundum

Cic. de officiis.

dum habuisse initium; ut Plato voluit, aspectum fieri per specierum susceptionem, ut Aristotelici docent. Quare, quæ sunt præter omnium opinio- Aristot. 1.
nem non ponuntur in probabilibus: Ut, quodli- Phys.
bet fieri ex quolibet: in vno esse omnia: & omnia esse vnum. Censentur etiam probabiles illæ quæ ex probabilibus colliguntur.

Syllogismus igitur ex probabilib⁹, aut ex vna propositione probabili, & ex alia necessaria, vel ex necessarijs, ut probabilibus sumptis, cōflatus, dicitur Dialecticus; qui interdum epicherema, 8. Top. 4.
idest aggressio, qd̄ promptus sit ad aduersarium aggrediendum, vocatur.

Hoc syllogismi genere utimur ad explicandas quæstiones probabiles, quæ & problemata dicū- 1. Top. 3.
tur; quorum vtrique pars probabiliter disputari & 9.
potest: ob quam causam dicuntur etiam Theo- remata, quasi consideratione dignæ, cum nō sint exploratæ. Quare, ut demonstrator vnā tantū 1. Poster.
propositionem accipit, nimirum veram, cum so- 1. 3.
lum verum demonstrari possit; ita Dialecticus qui in vtrāque partem disputat, vtrāvis partē sumit. Quo fit, ut interrogare debeat eum, quo- cum differit; cum id de quo vult disputare, non sit, aut non videatur necessarium; ut vna parte a respondente cōcessa, argumētari possit: Ut sunt ne diuiniæ expetendæ? Quæ interrogatio propo- sitio dicitur dialectica: quæ, ut quærenti est in- terrogatio, ita ratiocinanti, sumptio. Est itaque propositio dialectica, interrogatio probabilis, q̄ interrogat id quod omnibus, aut plurimis vide- tur. Quæstio vero dialectica est problema, de quo aut neutram in partem sentiūt homines; aut ple- rique, vulgus nimirum contra ac sapientes: aut sapientes contra ac plerique: aut vtrique ipsi in- ter se discordant.

- Et quoniam in quaestione quaeritur, an aliquod praedicatum conueniat subiecto, ob quam causam, quaesitum vocari consuevit, hinc est, ut pro varietate praedicatorum varia sint quaestionum genera; quae ad quattuor reuocauit Aristoteles: ad quaestionem definitionis, proprii, generis, & accidentis: si quaerunt aliae ad aliquam harum reuocantur. Haec quaestiones dupliciter quaeruntur, vel expresse; ut si quaeratur, an virtus sit genus iustitiae: vel tacite, ut si inuestigetur, an iustitia sit virtus: similiter, an solus homo sit risiuus, &, an homo sit risiuus, Hoc secundo modo propositae, inhærentiæ, siue accidentis quaestiones dicuntur, sumendo accidens pro quocunque alicuius subiecti attributo. Ad quaestionem generis reuocatur quaestio generalis differentiae de specie inferiori; ut, an esse sensitium sit differentia homini cum alijs animalibus communis, & quaestio speciei respectu indiuidui; ut fuerit ne Christus verus homo? Sed iam de argumento, siue de medio syllogismi Topici dicamus.
1. Top. 3.
t. 5.
2. Top. 2.
& 4. Top.
1. & 7.
Top. 3.
Lib. 1.
Top. 3.

*De medio dialectico, siue de loco, quid & quod
tuplex sit locus. Cap. III.*



Quoniam humana doctrina non minus opinione, quam scientia nititur, & plura sunt quae opinione, quam quae scientia tenentur, ideo diligenter loci Topici, siue argumenta probabilia cognoscenda sunt ab ijs, qui in rerum cognitione versari volunt. Quam ob causam hanc nostrae institutionis partem paullo fusius tractabimus, non tamen ita late, ut certe tractari posset. Ad quod faciendum ea etiam nos mouet ratio, quod

quod magnam vtilitatem ex locorum cognitione tirones ad disputandum capiant: vt omittam, quod in scholis hæc pars, vt plurimū, prætermitti solet: vel quia censetur a Logica diuersa, vt sane est; vel quia pro facili, & minus necessaria habetur: cum tamen, meo quidem iudicio, nihil sit in homine erudito dignius, quam huius doctrine beneficio paratum esse in vtranque partem de aliqua re proposita erudite, subtiliterque differere, vt alibi planius docuimus. Sed iam de re ipsa dicamus.

Lib. 1. de
inu. orat.

Medium dialecticum, siue argumentum, est inuentum probabile ad faciendum fidem: quod cum ambobus quæstionis extremis, aut cum altero verisimiliter coniungitur, vt eius quod probandum est assensum non penitus necessarium faciat. In hoc enim differt dialecticum argumentum a demonstratiuo, quod hoc cū extremis necessario cohæret, ac proinde perfectam, & indubitaram gignit assensionē, illud probabiliter conuenire existimatur. Quo fit, vt argumentum demonstratiuū, ni eius necessitas animaduertatur, possit fieri dialecticū: quod enim necessariū est, multorum iudicio potest putari probabile. Hinc est, vt doctrina de Inuentione mediij dialectici inferuiat etiā ad inuenienda media necessaria. Propterea Aristoteles in altero secundæ analysis libro, agens de inuentione mediij demonstratiui, ad doctrinam in Topicis traditam remisit: in quibus aliquando scriptum reliquit, Locorum tractationē communem esse dialectico, & Philosopho, hoc est, probabiliter, & demonstratiue disputati.

Cic. in
part.

2. Poster.
14.

Libr. 8.
Topic. in
initio.

Hoc argumentum, siue mediū cōiappellatione per translationē Græce appellatur Topos, latine locus, & libri in quibus de locorū inuentione agitur, Topici, latine locales: quamuis locus, nō

tam

Boet. I.
de diff.
Top.

ram argumentum, quam argumenti sedem designet, siue notam, quæ ubi argumenta lateant, indicat. Propterea hunc in modum definiri solet, locus est argumenti sedes; unde argumenta promuntur: Locis enim cognitis, facile argumenta inueniuntur. Non solum Locum, sed etiam Elementum Aristoteles per metaphoram appellauit: quia cum sit simplex, multorum est argumentorum origo; ut in ipsa tractatione patebit.

Boet. loc.
cit.

Est autem Locus duplex, alter qui dicitur Maxima; alter Differentia maximæ: Locus maxima est propositio quædam communis & per se nota, cuius veritati multæ nituntur argumentationes; ea nimirum propositio quæ est per se nota, & probatione non eget, siue sit necessaria, ut ista, causa posita ponitur effectus, siue probabilis, ut hæc Matres amant filios; ex quarum veritate vim suam petunt argumenta; ut hoc, ortus est sol; igitur dies est; ex illa, Posita causa, ponitur effectus. Quarum alia poni possunt in argumentatione; ut ista; Bonum est amandum, alia non item; ut si ab æqualibus æqualia demas, æqualia restant, quæ non ponitur, sed supponitur. Ista pronuntiata dicuntur Maxima, vel ob earum maximum amplexum, quia continent sub se multas alias inferiores propositiones, quasi theses; quæ hypotheses continent; vel quia sunt supra minores, & maiores.

Boet.

Locus differentia maximæ, est id quo multæ maximæ diuersi ordinis inter se differunt; ut locus definitionis, per quem, quæ sub eo continentur maxime, differunt ab alijs maximis, quæ continentur sub loco causarum, qui est alius locus differentia maximæ. Vel, ut alij definiunt, est multarum maximarum receptaculum; ut locus definitionis, qui multas complectitur maximas, ut in eorum explicatione plane patebit. Et quidem

Aristo-

Aristoteles, tum in Topicis, tum in Rhetoricis priores generis locos, varias maximas, pro subiecta materia numerando, ita diligenter tractauit, vt nihil addi posse videatur; posteriores locos vero non ita: vnde factum est, vt qui cum sequenti sunt, licet nō eodem modo eos tractauerint, sed latius, pressiusve; tamen longe aptius, & artificiosius; nec enim difficile fuit inuentis addere. Et sane hic posterior modus, vt prior, & communior, ac breuior, est magis ad artem accommodatus. Cum de priori locorum ordine loquimur, dicere solemus, Locum esse a definitione, a causis, & sic de alijs, cum vero de posteriore, dicimus Locum definitionis, & causarum.

Cic. in
Top.

Qui & quot sint Loci differentia maxima.
Cap. 1111,



N horum locorū tractatione, quod ad numerum attinet, magna est auctorū diuersitas; cum alij plures, alij pauciores numerent: quam diuersitatem etiam in eorum diuisione cerneret, vt libro de Inuentione primo docuimus. Nos hoc loco quorundam vestigia sequentes, aliter atque alibi fecimus; breuitatis causa, diuidemus, ac numerabimus.

Cicer.
Them.
Agric.

Locorum, alij sunt artificiosi, siue intrinseci, sumpti a re ipsa de qua disputatur; alij extrinseci, seu arte carentes, qui extrinsecus assumuntur. Intrinseci, aut rem ipsam significant a qua argumenta petuntur; aut eā quae illi sunt coniuncta; aut quae ab ea disiuncta. In primo ordine continentur loci Definitionis, Descriptionis, & Etymologiae. In secundo loci Coniugatorum, Partium,

Arist. lib.
1. Rhet. c.
2.
Cic. in
Part.

Totius,

Totius, Caussarum, Effectorum, Antecedentiũ, Consequentium, Præcurrentium, Comitatum, & Subsequentium. In tertio, locus Similiũ, Maiorum, Minorum, Parium, Dissimilium, Oppositorum, & Repugnantium. Extrinseci a quibusdam numerantur plures, nos vnum ponimus, qui est Auctoritatis; quem, sicuti & supra numeratos suis locis subdiuidemus.

Horum locorum duplex est consideratio: altera communis, cum scilicet vniuersæ considerantur, non applicati ad aliquam priuatam materiã: altera propria, cum ad aliquam certam alicuius artis materiã accommodantur; vt si locus Definitionis contrahatur, ad naturam, ad mores, ad rhetoricam, vel ad aliam quampiam artẽ. Habet enim quæcunque ars, & scientia quædã principia propria, quibus non licet vti in alia sciẽtia.

Explicatio locorum communium pertinet ad Dialecticam, quæ habet etiã quosdam proprios, locos ad suã materiã spectantes: vt sunt loci definitionis, generis, speciei, descriptionis, proprii, & aliarum rerum ad dialecticam pertinentiũ ac etiã eos, quibus probantur quattuor genera questionũ dialecticarum, Quæ sunt, quæstio generis, definitionis, proprii, & accidentis. Quo fit, vt vna pars dialecticę explicare debeat locos communes, quibus vtuntur aliæ sciẽtiæ: altera vero proprios: ideoque primo loco de communibus agendum nobis erit, tum de propriis.

De loco definitionis, descriptionis, & Etymologia. Cap. V.

IN singulorum locorum tractatione, tria declaranda occurrunt, locus ipse, modus argumentandi,

tandi, & vsus: nos duo priora solum breuiter attingemus, tertium hic omitemus, quod tamen alibi diligenter exposuimus. Et cum supra quid & quotuplex sit definitio dictum sit, hic solū de modo argumentandi agemus. Quo loco illud animaduertendum est, quod erit vni in omnibus locis, cum aliquid probare volumus, spectanda esse quæstionis extrema, subiectum, & attributū, & ex parte vtriusque posse argumēta duci; & hoc vel affirmando, vel negando: & vt per definitionem possumus probare aliquid de definito, ita p. definitum aliquid de definitione: sed hic modus non est ita consuetus, vt prior, quem qui tenet, hunc etiam tenebit.

Libr. de
Inu.
Libr. I. c.
vlt.

Sed iam singulos argumentandi modos ob oculos ponamus. Proponatur hæc quæstio probanda, An rhetorica sit ars, vel inertia: cuius partē aientem possum probare primo a definitione attributi, hoc modo, Rhetorica est recta ratio aliquid faciendi: ars igitur: A definitione subiecti. Doctrina bene dicendi est ars: Rhetorica igitur ars. A definitione vtriusque, Rhetorica est doctrina bene dicendi, quæ doctrina est ratio recte aliquid faciendi, & quod est huiusmodi est ars: Rhetorica igitur ars. Partem vero negantem sic probares, Rhetorica non est ineptitudo aliquid faciendi: non est igitur inertia: vel, Doctrina bene dicendi non est, inertia: igitur nec ineptitudo aliquid faciendi. Vel si sumeres contrarium Rhetoricæ, quæ est infantia, & sic disputares. Infantia, non est ratio aliquid recte agendi: igitur nec ars.

2. Top. 2.
loc. 3.

Huc reuocatur locus Differentiæ, quæ speciē constituit; vnde eodem modo argueres: vt si per esse rationale probares aliquid de homine. Loci cōmunes, siue maxime huius loci, sunt isti. Cui cōuenit, aut non conuenit definitio, etiam defini-

tum: quod conuenit, vel nō conuenit definitioni, etiam definito. Si definitioni conuenit, aut nō conuenit definitio, etiam definitum. In quibus tribus maximis potestate continentur sex, si distinguas affirmantes & negantes: & totidem formares, si per definitum probares aliquid de definitione.

6. Top. 3.
Boet. libr.
2. de diff.
Top.

A descriptione totidem modis argumētamur, qui iisdem nituntur maximis, mutato nomine definitionis in descriptionem: vt si probares aliquid de dialectica, ab hac descriptione, quod sit instrumentum veri, & falsi indagandi.

Ad hūc locum reuocatur locus Proprietatis; vt si probares Fortitudinem esse virtutem, quia est per se laudabilis, quod est virtutis proprium: & superficiem esse quantam, quia est diuisibilis.

2. Top. 2.
loc. 18.

Huic affinis est locus Etymologiæ, hoc est definitionis nominis, qui habet eosdem argumentandi modos, & eosdem locos communes. Cæterum tunc recte ex hoc loco disputamus cum notatio recurrit; vt fere accidit in notatione nominum communium, quæ ab aliqua proprietate rerum quarū sunt nomina ducuntur; vt sunt Rex, Canonicus, Christianus, Cōsul, Procurator, Tutor, Monachus, & similia.

2. Top. c.
2. loc. 8.
Io. Bap.
Porta.

Huc reuocares locum quem Transumptionis vocant, cum ad probandum aliquid de re obscuro vocabulo designata, adhibetur vocabulū magis notum; vt si probare velles, Magiam non esse despiciendam, quia sapientia, non est despicienda. Magia enim designat rerum occultarum doctrinam. Nec me latet esse quosdam, qui tunc Transumptionem proprie esse dicunt, cum a nomine per metaphoram accepto, argumentamur ad proprium; vt, Leo rugiens est fugiendus; igitur & diabolus: Christus Leo est; rex igitur.

Cæsar.
Burid.
Io. Fab.

De loco coniugatorum. Cap. VI.



Inter locos secundi ordinis primus occurrit locus coniugatorum; sunt autem coniugata, nomina, vel verba, aut aduerbia ab aliquo denominante deflexa; quæ orta ab vno varie commutantur; vt sapientia, sapiens, sapere, sapienter. Et quoniam in coniugatis potius vocis significatio, quam terminatio & similitudo attendenda est, ab eorum consortio non sunt remouenda, quæ voce non consentiunt, modo significatione sint similia; vt, nocumentum, & officere: sicuti nec etiam vocabula coniuncta; vt esse virtute præditum, & cum virtute vivere. Hic locus, licet vsui interdum sit: tamen rarius vsurpatur, cum coniugata eodem modo nota esse videantur.

2. Top. 3.

loc. 29.

Cic. 2. de

orat.

Ex hoc loco dupliciter arguemur; primo affirmando, hoc modo; sapientia laudabilis; igitur & sapienter agere: secundo refellendo, sapientia non est vituperanda, igitur nec sapientes vituperandi. Hic sunt duo loci communes, Primus, quod conuenit vni coniugatorum, conuenit & alijs: secundus, quod non cohæret cum vno ex coniugatis, neque cum alijs cohærebit. Si iniustitia displicet, cur iniuste agere non displiceat?

Sed hic cauendum est, ne decipiamur in summatione coniugati, accipiendo vnum pro alio; vt officere, pro coniugato officij: & somniculosus pro coniugato somnij, cui responderet dormire, & dormiens. Rursus cauenda est vocis æquiuocatio: vnde male arguebat ille, qui dixit; cum homines simus, humana solum curemus: quia, Humana in illo consequente designant, non quæ ad hominem pertinent, sed caduca, vt a cœlestibus di-

Arist. 10.

Eth. ca. 7.

& 1. Met.

c. 2.

Aristo. 2.
Eth. ca. 4.

fringuuntur. Postremo videndum est, an cōiugatorum attributa conuenienter assignentur; hoc est, videre oportet, an singulis subiectis prædicta recte respondeant; vnde hoc non valet, Fortitudo est virtus: igitur qui fortiter agit cum virtute, vel studiose agit; cum possit quis aggredi fortia, cum aliqua mala circumstantia: at hoc valeret, Fortiter agit: igitur studiose agit. Similiter hoc non valet, Doctrina est disciplina: ergo qui docet, discit: sed dicendum esset, Ergo quod est affectum doctrina, est affectum disciplina.

Iraque, cum de locis, hoc est, de respectibus argumentorum, siue mediōrum ad conclusiones agitur, spectandus est sensus antecedentis, & accommodare ad illud colligi debet conclusio: siquidem consequentiæ in quibus rerum coniunctio spectatur, non sunt formales, sed materiales: quod non vident: qui de hoc loco multa documenta tradunt.

De loco totius, & partium.

Cap. VII.



Quoniam hi duo loci sunt inter se affecti, hoc est relationem habent, ideo simul tractantur: & quot modis aliquid dicitur totum, totidem aliquid dicitur pars. Totum autem dicitur aliquid his modis.

Boet. 2.
de diff.
Top.

Totum significatione, vt est vox que multa significat: quantum, siue integrum, vt totum corpus humanum: totum essentialē Physicum, compositum ex materia, & forma: totum essentialē Metaphysicum, compositum ex genere, & differentia: totum vniuersale, vt est vox aliqua communis,

munis, vt animal, virtus, substantia: cui aliqui subijciunt totum in quantitate, seu quantitate, & est idem quod totum vniuersale, idest vox cōmunis cū signo vniuersali; vt omne animal, cui respondet pars in quantitate, idest quidquid sub illa multitudine cōtinetur: Cui similia sunt hec alia tota; totum in loco; vt aduerbium vniuersale loci, Vbiq; cuius partes sunt, hic, ibi: totum in tempore; vt aduerbium vniuersale temporis, semper; cuius partes sunt, hodie, nunc, cras: & totum in modo; hoc est vniuersale sine adiectione, vt homo, album, cuius pars est idem cum aliqua adiectione; vt, homo iustus, album secundū dentes, &c. Id autem quod adijcitur, non debet tollere, aut minuere significationem totius; vt si diceret homo potestate, seu in potentia, homo lapideus, & albus secundum dentes. Vnde adiectio non debet impedire, quin nōmē totius possit affirmari de tota aggregatione. Quamuis autē tot modis aliquid dicatur totum, & pars: tamen quod attinet ad vsum argumentandi, omittitur totum significatione, & totum essentiale Metaphysicum. Et quoniam, quoad vim concludendi, eadem est prorsus ratio totius integri, & totius essentialis Physici, quod constat ex materia, & forma; ideo, quod de vno dicitur, de alio intelligendū est, quod attinet ad modos argumentandi. Quare ex duplici toto, vel partium genere argumenta sumentur; ex toto integro, & toto vniuersali, quod est aliqua vox, seu res communionis ratione inferiorum. Totū multitudinis, loci, & temporis reuocatur ad locum totius integri, vt est totum quantum, ratione suarum partium: totum vero in modo, ad totum vniuersale.

Circa totum integrale illud animaduertendū est in eo esse partes aliquas necessarias sine quibus

bus omnibus, vel vna non potest consistere; vt in homine caput, in domo, tectum & parietes: aliquas vero non necessarias ad consistentiam, sed ad perfectionem; vt in homine, digiti, manus: ex quibus argumentamur ad probandam, vel refellendā rei perfectionem. Rursus hoc totum non existit ex partibus quocunque modo consideratis, ex quacunque earum multitudine, sed ex partibus certo ordine constitutis; vt patet de ciuitate, quæ fit ex multis hominibus, in vnum collectis, & subordinatis, ac etiam de exercitu, & domo. His ita explicatis, facile erit intelligere modos argumentandi ex his duobus locis, quos simul afferemus.

2. Top. 2.
loco cit.

Primus ab affirmatione totius ad omnes partes simul, & ad singulas: vt, est domus, ergo est tectum, parietes, & fundamentum. Secundus ab omnibus partibus necessarijs ad totum; vt constat, capite, thorace, & alijs membris necessarijs: igitur est homo. Tertius a negatione totius ad negationem omnium partium disiunctiue; vt, non est domus, igitur deest, vel fundamentum, vel parietes, vel tectum. Quartus a negatione vnius partis necessariæ ad negationem totius; vt nō est tectum; igitur nec domus. His eisdem modis argueres ab alijs totis, quæ ad hoc reuocari dixim⁹: vt Deus est vbique, & semper: ergo in templo, & nunc est: Angelus est in cælo; ergo nō est nulli: est in cælo, ergo non vbique. Vbi nota, tempus, & locus particularis posse dici quoddā totum, vt aliquando, respectu huius, vel illius temporis, & alicubi, respectu huius, vel illius loci; in quibus sunt iidem arguendi modi. Hæ argumentandi formæ his duobus locis communibus continentur, positis omnibus partibus integran-
tibus, ponitur totum, & contra, Sublata quacunque

que parte integrali, tollitur totum, & contra. Iisdem modis argueres a toto perfecto, & partibus perficientibus, a quibus non licet arguere, ad totum integrum negando.

A toto vniuersali, & partibus subiectiuis his modis arguimus. Primo affirmando ex parte prædicati, a toto ad singulas partes disiectiue; vt, homo est animal: igitur rationale, vel irrationale. Secundo affirmando ex parte subiecti, animal est rationale, igitur homo, vel brutum erit rationale. Tertio ex parte prædicati negando a toto ad singulas partes: lapis non est animal: igitur nec homo nec brutum. Quarto ex parte subiecti negando, ad partes disiectiue; vt, animal non est expers rationis: igitur, vel homo, vel brutum non est expers rationis. Totidem modis argumentari licet a partibus ad totum, quorum exempla facile est formare. Iisdem modis argueres a toto in modo: sed cum procedimus a toto, totum sumitur cum vniuersalitate; cum vero a parte totum particulariter sumitur; vt Deus neminem vult damnari; igitur nec alienigenas: Deus vult impium hominem damnari: igitur vult hominem damnari. Hic etiam animaduertes totum particulare, respectum singularem: vt, aliquis homo, respectu huius, vel illius hominis: indefinitum enim quoddam totum est: ibi sunt ijdem arguendi modi.

Loci communes sunt isti: Posita quacunque parte subiecta ponitur totum, & contra: sublati omnibus partibus subiectis tollitur totum, & contra, posito toto, &c. 2. Top. 2.
loc. 10 &
11. & c. 4.

Ad extremum, vt tollantur sophismata quæ in huius loci usu possent contingere, nota, pronuntiatum illud, Quidquid conuenit toti, etiam parti conuenit, & contra, intelligendum esse de illis

prædicatis quæ utrique possunt esse communia : Nam, si propria fuerint partium, non poterunt affirmari de toto ; ut si diceretur, corpus & animus sunt principia rei naturalis : ergo & homo ; vel homo non est animal, quia corpus & animus hominis non sunt animal.

De loco causæ materialis, & eius effectus.

Cap. VIII.

Lib. I.



Vot & quæ sint causæ alibi docuimus: quare hoc loco ista supponuntur: & solum ea de singulis causarum generibus attingemus, quæ ad cognoscendum modum argumentandi sunt necessaria.

A materia auspicando dicimus, Materiam, diuidi in eam ex qua aliquid fit, ut ex ligno statua: & in eam in qua aliquid inest, ut in subiecto: ut figura in ligno: atque in eam circa quam fit actio, vel quam agens tractat: quo modo Grammaticæ materia est oratio, & laudis virtutis actio: omnis enim laus virtutis in actione consistit. Rursus, materia duplex est, altera permanens, quæ secundum suam naturam in re manet effecta; quo modo lapides sunt materia domus, & pannus vestis: altera non permanens, qua ratione farina est materia panis. Item materia duplex, altera proxima, ut est illa ex qua proxime res fit, vel quam artifex tractat: altera remota, ea nimirum quæ supponitur, ut ligna in siluis quæ faber tignarius supponit. Hic animaduertendum est per hunc locum nos probare rem esse, vel non esse, esse posse, fierique, ac etiam causarum attributa de ipsis effectis, ut in exemplis patebit.

A caus-

A caussa materiali hæc petuntur argumenta : Primo, a positione caussæ probatur effectum esse posse; vt sunt, ligna, lapides, & cements : igitur domus fieri potest: quamuis, hic modus non simpliciter cõcludat, cum præter materiam alię sint necessariæ caussæ. Secundo, negando, a materia permanenti cum simplici verbo : vt, ferrum non est; igitur nec gladius: a transeunti cum verbo præteriti temporis ad præsentiam effectus; non fuit farina, non est igitur panis : valebit etiam in præsentia, si verbum operationem designet; non est farina, panis igitur non fit. Loci cõmunes, siue maximæ, Posita caussa materiali, potest esse effectus : Remota materia permanenti, remouetur effectus : Tertio, ab effectu caussæ materialis permanentis affirmando, non autem negando; vt est tabula; igitur est lignum, non tamen contra. In materia transeunti, solum sequitur caussam præcessisse; vt est oximel: igitur fuit acetum & mel. Postremo ab attributis materię, & effectus; vt lignum est aridum: facile igitur incendi potest. Homo cõstat ex elemētis: igitur corruptioni est obnoxius. Plumbum est densum, plurimū igitur habet materiæ: Dialectica non est eadem cum logica; habent igitur materiam diuersam.

Huc aliqui reuocant argumenta ducta a natura locorum, in quibus res sunt, aut nascuntur; vt, pisces degunt in aqua; humidi igitur: natus in Aethiopia; igitur niger, breuiorisque vitæ.

De loco caussa formalis, & eius effectus.

Cap. IX.

Forma triplex est; prima essentialis, quæ rem in certa specie constituit, a qua rei proprietates

tes manant; vt anima hominis: secunda accidentaria; vt est omne accidens ratione sui subiecti, vt candor respectu corporis candidi, & figura respectu lapidis: tertia externa, vt est causa exemplaris, ad cuius similitudinem efficitur aliquid; qualis est idea domus in mente architecti. Huc reuocares quidquid recipiendo aliquid illud informat; cuiusmodi sunt ea quibus fiunt opera fusilia.

Ex hoc loco, præter alios communes argumentandi modos, est hic alius, vt a naturæ formæ arguere liceat ad conditionem materiæ, cum forma non solum sit causa compositi, sed etiam materiæ: quæcunque enim forma præscriptam ac certam postulat materiam, quam informet, quæ tractet, aut in qua versetur. A forma argumentamur affirmando, & negando, ad probandum re existere, vel sic esse agere, & sic agere, aut aliquod attributum minusque rei conuenire, vt in subiectis patebit exemplis. Animus adhuc est in corpore: igitur adhuc homo est: animus recessit a corpore; non igitur est homo, sed cadaver. Candor est in corpore; candidum igitur est: Anima est qua viuimus, sentimus, & intelligimus: igitur corpus quod informare debet, varijs organis distinctum esse oportet: anima æterna est, appetitque vniri cum corpore; igitur aliquando cū eo vnietur. Animus immortalis, a rebus igitur corruptioni obnoxius euocandus. Canis non potest ridere, siue non ridet: caret igitur anima rationis capace. Theologia est doctrina quæ definitam habet materiam: igitur Theologi non est de rebus Physicis, aut more Physico differere. Dialectica non est scientia: eam igitur peruertunt, qui tanquam scientiam tractant: ab arte enim quæ est forma accidentaria probare licet quæ sint artificum munera. Anima est forma intelligens: igitur

Lib. 2. de
Ani.

1. Rhet.

igitur homo est intelligens. Rotundum est lignū; igitur volubile. Hęc figura est omnium capacissima; quare & rotunda: Homo factus est ad imaginem Dei: rectus igitur.

Et ab effectu formæ; spongia sentit: anima igitur sentiente prædita: cœlum facile voluitur; rotundum igitur: aliæ sunt bruti, aliæ hominis proprietates: formas ergo habent diuersas: characteres sunt inæquales; quare & eorum typi. Hic homo benefacit inimicis: parenti igitur Deo similis: honeste, liberaliterque viuit: ex honestis igitur parentibus natus: contra, ex vtraque familia nobilis; honeste ergo viuet.

Maximæ huius loci, Posita forma, ponitur res ipsa, eiusque proprietates, & attributa. Remota forma, tollitur res eiusque proprii effectus, & attributiones: Posito, aut remoto effectu formali, ponitur, aut tollitur forma.

Ad hunc locum nonnulli reuocant locum a coniugatis, cum conjugatio oriatur a forma: quo etiam reuocares locum, quem Aristoteles vocat 2. Top. 1. ab inesse, & denominari, quia res denominatur a forma: Sed, vt ex hoc loco bonum argumentum ducatur, forma non debet esse in parte tantum, vt candor in dentibus: nec breui tempore, vt rubor in facie: nec remisse, vt calor in aqua. Neque forma quocunque modo denominat: nam actio est in passio; quod non denominatur agēs, sed actū; & locus non dicitur locatum, sed locans.

Denique, aliqui hunc reuocant locum ab Appositione, cum aliqua res propter appositionem alterius rei est talis, oportet, vt ista sit magis talis, modo talis denominationis sit capax: ex quo 2. Top. 4.
loc. 34. loco hoc ductum est argumentum, Aqua est calida ob ignem: igitur ignis est magis calidus: amat inimicum pp Deum: igit magis Deū amat.

*De loco causſæ efficientis, generationis, &
uſus. Cap. X.*



Causa efficiens, quæ est illa a qua primo incipit operatio, alia est necessaria, ut est ea quam necessario sequitur effectus, quia nulla alia causa oriri potest; quo modo sol est causa

diei: alia sufficiens, quæ sola potest producere effectum; qui tamen ab alia potest proficisci causa; quo pacto veneni sumptio est causa mortis, & ignis causa caloris. Rursus causa effectrix, alia est princeps, qualis est Deus in omni genere operationum; vel in certo genere, ut architectus inter fabros, & Rex in regno: alia iuuans, quæ causæ principi inseruit, ut artifices inferiores architecto, & causæ naturales auctori nature Deo: ad quas reuocares, causas instrumentarias, consulentes, & remouentes prohibens, & alias ad effectum producendum quouis modo famulantes: Alia denique conseruans, aut perimens. Rursus, causa efficiens, aut efficit actu, ut est illa quæ effectum, & operationem actu existentem designat; ut ædificans, legens; aut potestate, ut est illa quæ effectum actionis in se non significat, ut edificator, lector.

Hic locus hos suppeditat argumentandi modos. Primus modus a causa necessaria, & solitaria affirmando, & negando; interposita est terra inter Solem, & Lunam, est igitur lunæ defectio: non est ista interpositio, igitur nec defectus. Christus resurrexit, igitur & nos resurgemus. Et ab effectu ad causam; Dies est; igitur sol ortus est: dies non est: sol igitur nondum ortus est: pisces non respirant: carent ergo pulmonibus. Locum

com-

Aristo. de
resp. 1. &
6.

communes, Posita, aut ablata causa necessaria, & solitaria, ponitur, aut tollitur effectus. Posito, aut ablato effectui talis causæ, causa ponitur, aut aufertur.

Secundus, a causa sufficienti affirmando, & ab effectu negando; vt, venenū sumpsit; igitur mortuus est: non interijt; igitur venenū non sumpsit. Locicōes, posita causa sufficienti, ponitur effectus; Remoto effectu, remouetur causa. Tertius a causa actu agente argumētatur affirmando, & negando, sed ex parte effectus addendū est verbū quo actio designetur; vt, legens est; igitur lectio fit: fit lectio, ergo legens est. Quartus, a causa agere potente, ad probandū effectum fieri posse, affirmando, positis tñ alijs requisitis; vt, ædificator est; quare potest fieri edificiū: est edificiū; igitur ædificator fuit. Harū argumentationum cōes locos quisque facile formaret. A causa conseruāte sic argueres: pisces in aquis natant; diutius igitur viuent: sunt extra aquam, viuere igitur nō poterūt: Ciuitas discordijs vacat; cōseruabitur igitur: regnum est inter se diuisum, labetur ergo.

Argumentatur etiam sepiissime a natura, & ab attributis causæ efficientis ea affirmando, aut negando de effectis; vt hic mūdus factus fuit ab optimo artifice, perfectus igitur: natura nihil agit frustra: nullus igitur effectus vanus in natura: discipulus vtitur magistro ignaro: nō igitur euadet doctus.

Libr. 2.
Phys. & 1.
Polit.

Ad hunc locum reuocares locum a generatione, & interitu, quem alij seorsim tractāt: cum generare, aut interire sit effectus quidam efficiētis causæ: Qui locus hos habet communes locos, a qualitate causarum sumptos, Cuius generatio bona, & ipsum bonum; per quod attributū, etiam alia similia intelligēda sunt; vt pulchrum,

2. Topic.
2. loc. 31.

&

& similia. Ex quo loco probares Christum fuisse bonum, cum eius natiuitatis bonitatem multa signa declarauerint: Contra vero, cuius corruptio mala, & ipsum bonum: ex quo loco eandem Recuperatoris nostri bonitatem confirmares; cum etiam res sensu carentes, quam iniquus eius fuerit interitus ostenderint. Bonum; hoc est melius, fuisset Iudæ si natus non fuisset: malus igitur erat: Fures suspendere vtile; ipsi igitur perniciosi.

Atque idem diceres de loco, Vfus, qui iisdem maximis nititur. Imagines colere vtile; igitur imagines non sunt inutiles.

Sed in his modis cauendum est, ne argumtemur ab eo quod per accidens, & aliunde, hoc est, non ex natura rei, continet; quia fieri potest, vt rei bonæ interitus sit utilis; qualis fuit nobis Christi mors, pro, vt accepta fuit a Patre in nostrorum peccatorum remissionem: & mors peccatorum dicitur pessima, ob miseram conditionem cum qua peccatores ex hac vita abeunt, post quam ad æternos cruciatus condemnantur. Similiter cauendum est, ne a rei abusu arguamus; vt illi faciunt; qui contra imaginum adorationem impie, & ignoranter pugnant.

Psal. 33.

De loco causæ finalis eiusque effectus.

Cap.

XI.



Inis, qui nihil aliud est quam id cuius gratia aliquid fit, mediorum, ceterarumque causarum ratio esse dicitur. Etenim materia non potest perfici sine forma, & forma esse non potest sine efficiente, & efficiens non mouetur ad agen-

agen-

agendum, nisi proposito fine: Hinc est, vt ex fine, & causâ, & media probentur, sed magis media, siue destinata, quam causâ: ad quorum existentiam, vel qualitatem probandâ hoc loco vtimur; qui his maximis nititur, cuius finis bonus, & ipsum bonum, cuius finis malus, & ipsum malum: modo sumatur finis per se, vt est ille cuius causâ res est instituta, vel ad quem sua natura, refert.

Et quoniam in finis ratione tria considerantur, Aristotel.
res quæ est finis, & cuius causâ aliquid fit; id, si- 2. Physic.
ue is, cui est finis, vel res quæ tendit in finem, & D. Tho.
finis adeptio, siue possessio, ideo triplex assigna- 1. 2.
tur finis, quod, cui, & quo: vt, auari finis, quod. i.
res, est aurum: finis cui, est ipse, cum sibi velit au-
rum: finis, quo, est possessio & conseruatio auri.
Vnde ratione primi, auarus dicitur laborare pro-
pter aurum: ratione secundi, sibi laborare, vel po-
tius alijs, cum auarus, quæ ab alijs abstrahit, sibi- Senec.
ipsi neget: ratione tertij, habere cor suum in the-
sauro, contemplari numos in arca: cum ignoret Horat.
quid valeat numus, quem præbeat vsu. At ve-
ro verus finis hominis, vt quod est Deus: finis,
cui, ipsemet homo: quo, diuinæ naturæ inspectio.
& fruitio.

Ex fine his modis argumentamur: primo, me-
lior est Deus, quam diuitiæ; igitur melius est spe-
rare in Deo, quam in diuitijs; Bona est rerum na-
turalium cognitio: igitur physiologie operam da-
re bonum erit: lucrum turpe: igitur studere luci
causâ sordidum: quod qui faciunt Cerdones no-
minantur: Secundo, a ratione finis ad rationem
causarum; gladius debet scindere; igitur debet
esse ex ferro: igitur & acutus: domus debet ho-
minem defendere ab iniurijs cæli: igitur eam ex
lapidibus, solidave materia constare oportet: an- 2. Phys.
teriores dentes debent scindere, & molares te-
rere,

rere, ergo vtrique ex materia prædura, sed illi acuti, hi lati esse debuerunt. Tertio, a desiderio finis, & ab eius qualitate, ad mediorem usum, qualitatemque; Vis ad vitam ingredi? serua igitur mandata: vis filium optime erudiri? optimum indagare præceptorem. Huc facit Horatianum illud,

Qui cupit optatam cursu contingere metam,
Multa tulit, fecitque, puer, sudauit, & assit.
Abstinit Venere, & Baccho, extimuitque ma-
gistrum.

Postremo, a fine remouenda sunt omnia media, siue destinata extranea, & non idonea: Vis Deum videre? caue igitur ne corde vitæ immundo affectas sapientiam? otium igitur vita.

Ab effectibus, hæc argumenta petuntur; quaerit occasiones calumniandi amicis; ab eo igitur vult recedere: lapides cementsque congregat: ædificare igitur vult.

In summa, ut hunc causarum locum concludamus, omnes argumentandi modos his tribus maximis complecti licet, Causa potens, & effectus in potentia, simul sunt, aut non sunt, positæ tamen omnibus necessarijs: Causa in actu, & effectus in actu simul sunt, aut non sunt, fuerunt ve, quamuis non semper inferatur esse perfectum ipsius effectus, sed tantum fieri, ut accidere solet in quibusdam causis efficietibus, & in causa finali. Differt autem hic locus a superiore: quia ibi sumitur causa, ut edit effectum, hic vero absolute ut est in rerum natura. Denique, quorum efficietia bona, vel mala, ipsa bona, vel mala: & quorum interimentia bona, ipsa mala; contra vero, quorum interimentia mala, ipsa bona: quæ pronuntiata, ut intelligenda sunt, patet ex dictis. Atque ex ijs quæ dicta sunt cognosci potest quam late pateat hic postremus causarum locus.

*De locis antecedentium & consequentium.**Cap. XII.*

Antecedentium & consequentium appellacione intelliguntur hoc loco ea, quæ necessario sequuntur, aut præcedunt id quod in quæstionem venit; vt si quæretur, an aliqua mulier pepererit, & inueniantur ea quæ partum necessario antecedunt, & quæ sequuntur; ex quibus argumentum conficiatur.

Sunt autem antecedentium, & consequentium genera duo: alterum quod antecedit, vel sequitur, aut ordine attributionis; quo modo, homo, antecedit animal, aut ordine temporis, quia ratione veneni sumptio antecedit mortem, quæ necessario venenatam potionem sequitur: alterum, est res aliqua quæ necessario danda est, si aliud dandum sit: quia ratione florere antecedit, fructuum editionem, & fundamentum parietes. Vnde animal, & mors erunt consequentia prioris generis, fructus vero, & parietes posterioris. Prioris generis antecedentia in eo differunt ab antecedentibus posterioris, quod illa antecedunt, aut sequuntur simpliciter: hæc vero ex suppositione. Rursus antecedentium & consequentium duo sunt genera; alia quæ recurrunt, id est sunt conuertibilia, vt testatorem esse mortuum, & testamentum vires habere: alia non item; vt esse iustitiam, & esse virtutem, peperisse & concepisse.

Non me latet esse quosdam qui hunc locum reijciunt, vel quia argumenta quæ hinc petuntur ad alios locos reuocare contingit, vel quia in omni loco, & argumento, opus est antecedente & consequente; sed isti non intelligunt quid nomine

Rodol.

N

ante-

antecedentium & consequentium intelligendū sit: & argumenta quæ ex eis ducūtur, interdum ad alium locum reuocari non posse, vt in subiectis patebit exemplis.

Ab antecedentibus simpliciter ordine attributionis sunt hæc exempla: Filius est, igitur & hæres: Fortitudo est honesta; expugnabilis igitur: ignavia non est rationi consentanea; igitur nec virtus: iugulatus fuit, morietur igitur. Si antecedentia, & consequentia erunt reciproca, licebit argumentari a negatione antecedentis ad negationem consequentis; & a positione consequentis ad positionem antecedentis; vt non est caritate informatus; igitur non amat Deum supra omnia: Deū supra omnia amat; caritate igitur præditus: Deū non amat præ omnibus, caritate igitur orbatus.

2. Top. 2.
loc. 13.

Loci communes quibus allatæ nituntur argumentationes sunt isti, Posito antecedente, necessario ponitur consequens: Consequenti sublato necessario, tollitur antecedens.

Et antecedentium & consequentium secundī ordinis hæc sunt exempla; Non concipiet; igitur nec pariet: pariet, igitur concipiet: ædificium est futurum; igitur iacienda sunt fundamenta: fundamenta non fient; igitur nec ædificium erit: nō adolefcet; igitur nec senescet; senescet, adolefcet igitur: decoxit, aliquid ergo possidebat: non

Lib. 2. po
ster. c. 12.

possidebat; quare nec decoxit: beatus fieri debet, credat & bene agat oportet. Maximæ, sub-

lato antecedente tollitur consequens: Posito consequenti,

ponitur anteceden-

dens.

De

*De loco adiunctorum, siue circumstantium.**Cap. XIII.*

Hic locus in eo a superiori discrepat, quod ex adiunctis nō necessario cōcludimus, sicuti ex antecedentibus, & consequentibus, vt in exemplis patebit.

Adiunctorum, siue connexorum alia sunt antecedentia, vt sunt ea quæ rem antecedunt, vt factum homicidium, antecedunt mores, educatio, prouocatio, armorumque præparatio: alia comitantia, vt opportunitas, locus, tempus, & cetera quæ cum re ipsa esse solent: alia consequentia; vt ensis cruore infectus, pallor, fuga, publicus rumor, & similia. Atque hic locus non tã dialecticus, quam oratorius est. Adiuncta, licet nihil necessario conficiant; tamen maximam probabilitatem faciunt, si frequententur.

Cic. in
Top.

Huc referuntur signa physionomica, ex quibus probabiliter conijcimus hominum mores, ac et signa naturalia rerum contingentium: quo modo ex Iridis aspectu argumentamur ad futuram pluuiam: ex vespertino cælo, prædicimus futuri diei qualitatem. Huc etiam pertinent auguria, & portenta: & suspiciones omnes.

Aristo. in
Phys. lib.
2. Prior.

Huius loci hæc sunt exēpla. A præcurrentibus, affectus fuit iniuria, verberauit igitur: cum improbis versatur, peruerietur igitur. A comitantibus, Bacchanalia fiunt; igitur & rixæ: Perperam viuit; igitur conscientie moribus cruciatur: vritur fronte rotunda; insensatus ergo: parua; igitur indocilis. Ex consequentibus, peccatum tristitiam parit; ab eo igitur abstineat: visus est fugere; homicidium igitur perpetrabit: citatus ad iudicium

Louan. in
li. 2. prior.

dicium non venit; reus igitur. Locus communis, qualia sunt adiuncta, talem verisimile est rem esse, quam circumstant. Sed de locis coniunctis habetenus: sequuntur loci disijuncti.

De loco similium & dissimilium.

Cap. XIII.

1. Topic.
14.



Similium nomine in præsentia intelliguntur omnia ea, quæ eandem qualitatem, aut quantitatem, aut essentiam communem habent, aut in aliqua proportionem conveniunt; ut duo candida, duo æqualia corpora, duæ virtutum siue animalium species, & tranquillitas maris & cordis, & mens respectu animi, & oculus respectu corporis. Nam candidum simile est candido, homo homini, ratione formæ; & mens oculo, ratione proportionis & analogiæ. Et quamvis hic locus plurimum conferat ad docendum, & ad rem obscuram illustrandam: tamen non est negandum, ut aliqui faciunt, vim habere ad probandum, ut ipsa experientia docet; cum similibus sæpe aduersarij renitentes trahantur. Huius loci hæc sunt exempla.

Rodol. li
1. c. 26.

A similibus qualitate, nix ob candorem aciem videndi offendit: igitur & cygnus: A forma substantiali, equus sentit: igitur & Leo: equus non est capax rationis: quare nec leo, cum uterque sit animal brutum. A similibus proportionem; Ut se habet auriga ad currum, ita Rex ad regnum: atqui auriga debet assistere semper currui: igitur & Rex regno: Ut se habet servus ad dominum, ita sensus ad rationem: at servus debet domino parere: igitur & servus rationi.

Psal.

Huc

Huc referres argumenta ducta a transmutata proportionem; cum positis quattuor terminis, quā proportionem duos priores habere ostendimus ad duos posteriores, eādem inter primum & tertium, & inter secundum & quartum esse colligimus: exempli gratia, vt se habent duo ad quattuor, ita sex ad duodecim, in proportionem dupla: ergo vt se habent duo ad sex, ita quattuor ad duodecim, in proportionem tripla. Vt se habet homo ad ridere; ita canis ad latrare: in vtraq; enim propositione propria passio dicitur de subiecto: ergo vt se habet homo ad canem; ita ridere ad latrare: vbi vtraque prædicatio est disparata.

Cum argumentamur a simili, sumenda est similitudo in eo, ratione cuius prædicatum inest; aliter fieret argumentatio captiosa; vt si diceres, Nix non sentit: igitur nec cygnus: quia albedo in qua sunt similia, non est sentiendi causa. Huius loci maximè hæ sunt, Quod in vno simili valet, valet & in cæteris. Quod non valet in vno, nec in alijs. Seu, similitum & proportionalium idem est iudicium.

2. Top.c.

2.loc. 32.

Late patet hic locus ad colligenda attributa vnius analogi ex attributis alterius: vt ex attributis Dei ad attributa Principis & Rectoris: ex attributis pastoris ad attributa Episcopi. Qua ratione elegantissime I^o salmo vigesimo secundo, describitur regius vates.

Renocant huc aliqui paria & æqualia: ac etiam totum exemplorum genus, parabolas, & apologos.

Placet huic loco subiicere locum dissimiliū, quamuis ad dissentaneos pertineat, cum ex dictis facile intelligi possit. Sūt ergo dissimilia ea, quibus vt talia sunt nec vnum, nec plura quæ inter se proportionem habeant, sunt cōmunia; vt ho-

mo, & bellua, iustus & impius, fidelis & infidelis: Ex quo loco hæc petuntur argumenta: si iustus quia est iustus, legem seruat: impius, quia impius legem transgreditur: si prudentiæ humanæ est esse sollicitum de crastino: prudentiæ Christianæ non erit de crastino cogitare: si belluæ est non prouidere in posterum, hominis erit prospicere in futurum.

Huius loci pronunciata sunt hæc, Dissimilibus dissimilia conueniunt: quod vni dissimilium, quia dissimile est, conuenit, alteri non cõueniet. Valet hic locus magis ad resistendum, si quis dissimilitudinem assignet, quam ad impugnandum. Vnde si quis probaret, filios non debere ex amore obedire parentibus, quia serui ob timorẽ id faciunt, resistendum esset ob dissimilem rationem.

De loco comparatorum.

Cap. XV.



QUæ ex locis hucusque expositis dicuntur rationes, ab aliqua quæstionis parte sumuntur, hoc est a prædicati, vel subiecti definitione, notatione, causis, & alijs iam dictis: nunc ventum est ad eos, ex quibus promuntur argumenta affecta ad totam quæstionem conclusionem ve.

Etenim, maiora dicuntur ea quæ maiorem habent probabilitatem, quam id quod probandum, siue concludendum est: minora vero contra, quæ minorem, & paria quæ parem. A maioribus argumentamur solum negando, hoc modo, Non potuit vincere vnum; igitur nec plures vincere poterit: Grammaticam discere non potuit; igitur nec

nec Logicā discet: si quæ sub sensum cadunt non percipis; multo minus quæ sola intelligentia attinguntur: si nō es pro teipso sollicitus modo, quis erit pro te in futuro? Locus cōmunis, si quod verisimilius videtur, non est; neque id erit, quod minus est verisimile.

A minoribus argumentamur solum affirmādo, hoc pacto, surgunt de nocte latrones, vt furerentur; igitur & discipuli ad studendum surgere deberent: vixit quattuor; igitur & duos vincere poterit: multum spernit, igitur & modicum parui faciet. Locus communis, si quod minus verisimile, est verum est, & id etiam erit, quod est minus verisimile. 2. Top.

A paribus probando, & confutando argumentamur, hoc modo; si iudicari nō vis, iudicare noli: si vis amari, ama: Qui patrem contemnit, maledictus est: igitur & qui matrem. Locus communis, si data propositio est vera, vel falsa, ea etiam quæ videtur æque probabilis, vera aut falsa erit. 2. Top 4.

Huc pertinet axioma illud Aristotelis, Si incrementum prædicati sequitur incrementum subiecti, prædicatum sequetur subiectum: quod si illud non sequitur, neque hoc: vnde si virtus maior est melior, aut maxima, virtus erit bona. Quæ sic reciprocatur, si prædicatum sequitur subiectum, incrementum prædicati sequetur incrementum subiecti: quod si illud non sequitur, neque hoc: si facere iniuriam est malum; ergo facere maiorem, vel maximam erit peius, & pessimum. Nam, vt simpliciter ad simpliciter se habet; ita magis ad magis, & maximum ad maximum: modo prædicatum conueniat per se: alias nihil conficeretur; vt, si modice deābulare est vtile: ergo magis deābulare, magis vtile: vtus vini bonus; ergo maxi-

inus vsus, optimus: quia maiori vsui non conuenit per se, vt sit peior, vel maximo, vt sit pessimus, alias omnis vini vsus esset malus.

Huc pertinet locus a comparatione, cū a comparatio argumen- tamur affirmando ad positiuū, vt leo est fortior homine: ergo leo est fortis: & a positiuo ad comparatiuum negando; vt formica non est fortis, ergo non est leone fortior. Quando autem comparatio non est absoluta, sed relata, non valet; vt melius est peccare leuiter, quam grauiter: illud igitur bonum. Ad hunc locum reuocant aliqui locum a transsumptione; vt si quis probaret scientiam esse contrariorū, ex eo quod prius probasset, gustum contrariorum esse.

Circa hunc locum animaduertendum est, maiora, minora & paria posse spectari, tum ex parte attributi, tum subiecti, tum vtriusque; vt si dicas, Imperator non potuit expugnare castrum; igitur nec Dux expugnabit urbem: Christus innocens perpeffus est pro nobis maximas penas: ergo peccator pro se paruas perpeti debet: vbi innocens cum peccatore, & maxime pœne cum paruis comparantur.

De loco oppositorum.

Cap. XVI.



Oppositorum genera, vt supra libro secundo docuimus, sunt quatuor: alia relata, vt maritus, & vxor; alia contraria, vt calidum, & frigidum: alia priuantia, vt cœcum, & videns; alia contradicentia; vt homo est bonus, homo non est bonus.

Habet hic locus duas maximas omnibus cōmunes

munes; Prima, de quocunque affirmatur alteri
 oppositorum, negatur alterum; si Petrus est pater
 Francisci; igitur non est eius filius: si est calore af-
 fectus, non est ergo frigidus: si videt, non igitur
 cecus: si bonus, non est non bonus. At de quo ne-
 gatur vnum, non necessario affirmatur alterum;
 vt si non est magister, non sequitur, vt sit disci-
 pulus: si non est candidum, non sequitur, ergo te-
 trum; cum dentur aliqua contraria quæ habent
 medium. Secunda, si alterum e duobus inter se op-
 positis sequitur alterum e duobus alijs, alterum
 ex prioribus sequetur alterum ex posterioribus;
 quod si hoc non sequitur, neque illud, vt ecce, in
 relate oppositis, si de patre dicitur relatiuum ma-
 ioris comparisonis: de filio dicetur relatiuum
 minoris, & si hoc de filio non dicitur, neque il-
 lud de patre. In contrarijs, si virtus est laudanda,
 vitium erit vituperandum; & si hoc non est vitu-
 perandum, nec illa laudanda. In priuatijs, si
 aspectus est sensus: cecitas erit priuatio sensus, si
 non erit hoc, neque illud. In contradicentibus,
 animal & non animal, homo & non homo sunt
 contradicentia: si omnis homo est animal: om-
 ne non animal erit non homo: quod si non om-
 ne non animal esset non homo, nec omnis homo
 esset animal.

Ex quo exemplo intelligeres, in contradic-
 tijs alio modo fieri consequentiam, quam in alijs
 oppositis. In his enim fit eodem ordine: in illis
 ordine inuerso, hoc est, in contradicentibus an-
 tecedens inchoatur in vna complicatione, con-
 sequens in altera; dicimus enim Omnis homo est
 animal: ergo omne non animal est non homo; non
 autem, omne non homo, &c. Verum in relatiuis
 consequentia tractatur directe: in contradicen-
 tibus indirecte: in contrarijs, & priuatijs, nunc

vno; nunc altero modo. Vnde non recte inferres, Qui est Logicus, est scientia præditus: ergo qui est logica priuatus; non est scientia præditus: sed qui est scientia priuatus non est Logicus. Vt autem allata maxima (Si alterum sequitur alterum) locum habeat, intelligenda est cum hac moderatione, Nisi etiam sequatur vtrunq; e; vt patet de vicio quod ita sequitur auaritiam, vt sequatur etiam prodigalitem: Vnde non recte colligeretur; auaritia est vitium; ergo prodigalitas virtus.

2. Top.c.
3. loc. 23.
& 24.

Præter communes locos iam positos, sunt alij loci priuati, Relatiuorū hi, Relata simul ponuntur; & tolluntur: Simul cognoscuntur, aut ignorantur: Nam posito maiore, ponitur minus, & illo determinate cognito, hoc cognoscitur. Contrariorum hi, Illud non est in subiecto, quò in hærente, duo contraria essent simul. Illud nō est in aliquo subiecto, cuius contrarium eidem inesse non potest: vt, error non potest esse in voluntate, quia in ea non potest esse scientia. Sed hoc non valet in ijs contrarijs, in quibus alterum natura inest, vt in niue candor. Pro contrarijs immediatis, priuantibus, & contradicentibus; Si alterum contrarium non cōuenit, alterum necessario conueniet. Sed in contrarijs subintelligendum est subiectum natura aptum, & in priuantibus tempus a natura constitutum, quia non potest dici priuatum, quod non attingit tempus, in quo debet habere actum, vt catulus ante nonum diem.

*De loco repugnantium, siue diuersorum, ac
disparatorum. Cap. XVII.*



Repugnantia ea dicuntur, quæ licet non sint opposita; tamen de eadem re affirmari non queunt: vnde omnia opposita sunt repugnantia, sed non omnia repugnantia opposita; vt homo, & bellua: lapis, & lignum, substantia & accidens, amare & vituperare, aut nō iuuare spiritus & ossa, esse parentem, & filiorum obliuisci. Sunt itaque disparata diuersæ species, vel genera, aut res, quæ inter se vniuersaliter negant; vt nullus homo est lapis: igitur nullus lapis est homo.

Ex hoc loco solum argumentamur affirmando, hoc modo. Homo est; igitur non bellua; corpus est, non igitur spiritus: amat, non ergo vituperat: seruit mundo, non ergo Deo. Quæ argumenta hac nituntur maxima; Cui conuenit vnū ex repugnantibus, non conuenit alterum, vel reliqua. Hoc etiam axioma ad hūc locum pertinet, Si repugnantia sint immediata, sub aliquo genere, cui non conuenit alterum, vel reliqua præter vnum, reliquum conuenire necesse est; sub quo axioma continetur locus a diuisione, qui hunc habet vsum, vt enumeratis membrīs diuidētibus de aliqua re, affirmetur vnum, negetur alterum, vel reliqua; si vero negetur alterum, vel reliqua, vno excepto, illud affirmari debeat; vt ecce Plāta viuit, non anima intelligente, vel sentiente; igitur vegetante: vnum est elementum leuissimum, & hoc est ignis; non igitur aer, aqua, vel terra: caduca diligit, non igitur æterna.

Arist. 2.
Top. loc.
19.



Nus est locus externus, qui arte caret ex quo argumenta, ab auctoritate siue testimonio sumuntur.

Est autem auctoritas duplex, altera diuina, cui non potest subesse

fallum; ac proinde suppeditat argumēta certissima: altera humana, quæ duo requirit, rei notitiā quæ habetur scientia, vel experientia, & virtus, siue probitas: illa vt homo sciat, quid dicat; hæc, vt quod sentit sincere affirmet. Ceterum ipsa interdum veritas per se loquitur, nullo probitatis fulta præsidio; vt accidit in prouerbijs, quæ communi vsu ab hominibus vsurpantur; cum tamē pauci sint boni. Sunt autem quædam quæ solo vsu auctoritatem habent; vt in grammatica vocabulorū significationes, & phrasæ, & in rep.

Horat.

Cic. lib. 1.
de natu.
Deor.

multi ritus. Humana auctoritas interdum est certissima, vt si quis per solam auctoritatem credat, Gallos esse: interdum firma, sed non penitus certa, alias infirma pro diuersitate, & ratione eorum, a quibus auctoritas sumitur.

2. Top. 2.
loc. 5.
In poet.

Hic locus duas habet maximas, quarum prima est, In vsu verborum, sequenda est vulgi consuetudo: apud quem, vt dixit Horatius, est norma loquendi. Quare, si quis salutaret, aut appellaret homines ex vulgi consuetudine, eius auctoritate se tueri posset. Secunda in sententia de rebus ferendis, homini in sua arte perito

Cic. Tus.
1.

credendum est: vt, Plato dixit animos esse immortales: corruptionis igitur expertes. Quare loquendum est cum multis, sentiendum est cum paucis: ac proinde in rebus iudicandis sapientium sequendum est iudicium. Appellantur quæ ualitudinem conseruant, aut instaurant salubria;

bria; quæ autem ista sint, Medicorum confirmemus sententia.

Ex hoc loco argumentamur affirmādo & negando, hoc modo; Astrologi dicunt solem esse multibus partibus terra maiorem: ita igitur credendum: Iidem dicunt, cælum non esse figuræ quadratæ: non ergo quadratum. In hunc enim modum argumentamur ab auctoritate negando, non hoc modo, Plato hoc non dixit, igitur non ita est: quia, vt ex nihilo nihil fit, ita ex negatione nihil argumentando concluditur.

Aristo. 2.
de cœl.

Non me laet esse quosdam locos, extrinsecos, quos inartificiosos vocant, vt sunt fama, testes, præiudicia, tabulæ, tormenta, & iusiurandum, quos, cum sint Oratori proprij missos facio. Et de hoc loco, & de tota locorū tractatione hucusque.

Sequeretur modo, vt ageremus, de locis quibus comparata tractatur quæstio, de quibus Aristoteles in Topicis disputauit: sed quia magis Oratori inseruiunt, quam Dialectico, ideo eos omitto: qui cognoscere eos volet, Aristotelem consulat, aut nostrum de Inuentione oratoria & dialectica opus.

Hoc etiā loco agi posset de locis qui sunt Dialectico proprij, quibus probantur quæstiones dialecticæ, vt est quæstio Generis, Definitionis, & aliæ, quos etiā ideo prætermitto, quia ex ijs quæ de genere, de definitione, & de locis communibus diximus, qui loci valeant ad illas quæstiones probandas intelligi potest: ac etiam, quia eorum explicatio longa & implicata est, ac proinde in alium reiicienda locum. Restat igitur vt aliquid de recto locorum vsu scribamus, de quo late libro paullo ante citato egimus.

Lib. 4.

Perion. in
sua Dial.



Vi artis Dialecticæ, & locorum dialecticorum doctrina recte vti voluerit; quas subijciam admonitiones, eas animaduertat, & animaduersas seruet.

Prima, locorum numerum, naturam, distinctionem, eorumque argumentandi modos probe teneat.

Cicer. lib.
2. orat.

Secunda, eos ad usum redigat, ita vt eos penitus cognitos, & tractatos habeat; & quasi ob oculos positos videat: qua diligentia fiet, vt non sit opus ad singulos, cum necessitas postulabit, pulsare, aut sæpius eos euocare, sed ipsi sua se sponte non vocati offerent.

Tertia, cum aliquid probandum proponitur, quæstionis subiectum, & attributū inspiciamus; & vtriusque partis, nomen, definitionem, denominationem, partes, causas, effecta, antecedentia, consequentia, adiuncta, similia, dissimilia, & pugnantia intueamur: ex quibus varia eruentur argumenta, quæ nobis copiam magnam ad disputandum præbebunt.

Quarta, cauendum est, ne per inanem contentionem ex quocunque loco velimus argumenta eruere, ad probandam quamcunque quæstionem; cum non omnes loci ad quodcunque probandum conferant: nec enim omnia habent causas, partes, opposita, & cætera, quæ argumentis locum, ac sedem præbent.

Quinta, si quis voluerit copiosius disserere, plures adeat locos, & plura sumat argumenta: quibus non solum rem probare, sed etiam per argu-

men-

mentorum conglobationem amplificare, ac etiā per figurarum ornamenta quæ ab ipsis quoque locis petuntur, exornare poterit.

Sexta, quoniam loci topici non continent res ipsas, sed solū sunt notæ, quæ ubi res lateant indicant; ideo, cum sint rerum vacui, propriorum locorum doctrina replendi sunt: quod qui nō faciunt, frustra Dialecticam discūt. Qui igitur perfectus euadere vult Dialecticus, hoc est artifex, qui de omni re proposita probabiliter differere queat, propriorum locorum doctrinam audiendo, legendo, scribendoque sibi comparet.

Septima, in acquirenda propriorum locorum notitia, ad singulas artes, siue ad res quæ in singulis artibus tractantur accedat; atque hunc in modum ex illis communes locos sibi comparet. Primum verborum ambiguum, & illius artis propriū significationes discat: Deinde prima principia ex quibus tota doctrina pendet percipiat: Postea totam rē vniuerse cognoscat, partes, causas, & proprietates: Post hæc ad species accedat: Idque faciat, in Physicis, in Metaphysicis, & in Moralibus, inque alijs artibus & in tota encyclopædia. Qui ergo mentem communium locorum & propriorum doctrina compleuerit, is tandem vere Dialecticus nuncupari poterit. Qua autem ratione inuentis locis, cum ad disputandum scribendumve accedendum erit, utendū sit, sequentibus admonitionibus docebo.

Octaua, locorum collocandorum instruendorumque ratio omnino est animaduertenda, cū non minus arte disponenda, quam inuenienda sint argumenta, hoc est, omnia quæ ad rem aliquam explicandam sunt necessaria.

Est autem ordo duplex, alter naturæ, alter doctrina: nam ordo temporis, quem seruat histo-

ria, nihil ad nostrum institutū pertinet. Naturæ ordo est ille quem naturam in suis operibus tenere cernimus: qui duplex est, vnus generationis, quò a minus perfectis ad perfectiora, & a causis ad effecta proceditur: alter perfectionis, siue intentionis, cum ab effectis ad causas progredimur. In ordine generationis continetur cōpositio, & diuisio: Tūc compositione vtimur, cū a partibus integrantibus ad totum progredimur: diuisione vero, cum a superioribus ad inferiora descendimus. sub ordine perfectionis continetur resolutio, & collectio: resolutione vtimur, cum a toto integro ad partes integrantes, & ab effectis ad causas procedimus: collectione vero cum ab inferioribus ad superiora ascendimus. In ordine perfectionis ille etiam continetur, qui dignitatis appellatur; cum a rebus magis dignis ad minus dignas pergimus; cui alius contrarius opponitur ordo. Ordo doctrinæ est cum ab ijs rebus auspicamur a quibus commodius pro rerum ac personarum ratione progrediendum iudicamus, vt cū ea prius tractantur, quæ ad sequentium cognitionem conferunt, & quantum fieri potest, a facilioribus ad difficiliora procedimus, quod prestare solemus, dum vel ordinem generationis, vel perfectionis, vel simul v. r. que seruamus. Cū vero quæ tractamus, sunt, vel eque nota, vel perfecta, vel facilia, pro arbitrio hoc, vel illò vtimur ordine. Atque ex his clariora redduntur, quæ de methodo libro primo breuiter scripsimus.

Nona, in docendo, compositionis, & diuisionis ordines seruandi sunt, vt ipsam, quantum fieri potest, sequamur naturam: quam docendi rationem varijs in locis seruauit Aristoteles dū a partibus ad tota, & a communioribus ad minus cōmunia progressus est: quem etiam libenter retinent

hent Mathematici, dum vnā demōstrationem ex alia conficiunt. At vero in Inuentione, resolutione & collectione vti par est: quare, a rebus sensibus manifestis, & a singularibus ad vniuersalia ire oportet. Resolutione vsus est Aristot. in primo primæ analysis libro, vbi syllogismum in propositionem, & propositionem in terminos resoluit: in lib. de animalibus, dum ab eorum historia ad partes progreditur, & alijs in locis. Collectione delectatus est Socrates; qui cum se nihil scire profiteretur, eum tenebat ordinem, qui inuenire volentibus aptus est: quem Aristoteles in principijs scientiarum inueniendis seruandum docuit. Quando autem de rebus disparatis, & perfectione, dignitateque inæqualibus agendum erit, perfectionis ordo retinendus est, aut a notioribus inchoandum.

Cap. 33.

Libr. de mun. ad Alex.

Libr. 2. post. c. 18.

Libr. 1. Met. c. 1.

Decima, cum tota aliqua res nobis explicanda erit, hunc fere ordinem seruare licebit; agendo de nomine, existētia, natura, causa propter quā est, effectu officiove, partibus, speciebus, similibus, & de contrarijs. Vel certe omnia reuocentur ad quattuor quæstiones, an sit, quid sit, quale sit, & propter quid sit, id est per quas causas res efficiatur, aut acquiratur: Vt, si de aliqua virtute esset differendum, eius demonstranda esset necessitas: obiectum & subiectum, vnde eius patefieret natura: quæ conditiones & affectiones: quibus modis comparari, & quo pacto eius impedimenta remoueri possent. In tradenda itaq; de re quampiam doctrina, simplici quæstione proposita, dicta methodus vsurpanda erit.

Lib. 2. post. c. 1.

Vndecima, cum aliqua simplex conclusio, siue quæstio, nostræ opinio argumentis confirmanda est, hoc ordine argumenta constituenda erunt; vt firmiora in principio, leuiora in medio

Cic. in Orat.

præsertim conglobata ponantur, firmissima vero in postremo loco ponantur.

Vndecima, si quid differendo confutandum erit, triplici metho lo vti licebit. Prima, cum veritas priore loco confirmatur, & ex veritate cognita, aliorum errata refelluntur: secunda, cum prius aliorum opintiones referuntur, & simul refelluntur, & postea quid sit tenendum statuitur: tertia, cum prius in vtranque partem ponuntur argumenta, cum sententijs: postea veritas explicatur & probatur: & tandem argumenta contraria refelluntur: quem fere ordinem omnes scholæ nunc sequuntur, & Aristoteles ad initium tertij metaphysici approbat.

In sententijs vero & rationibus afferendis, a leuibus & inanibus, sicuti etiam a minorum scriptorum citatione abstinendum erit.

Duodecima, quæ de methodis in differendo, aut scribendo seruandis diximus, non sunt pro sacris legibus habenda, sed cum rei de qua agimus circumstantiæ aliter suadebunt, a præscriptis formulis recedere cum ratione licebit: ad quod faciendum id etiam nos moueat, ne eandem viam semper tenendo in similitudinem satietatis & fastidij procreatricem incidamus. Plura qui de logicorū & Dialecticæ doctrinæ vsu cognoscere voluerit, nostros legat de Inuentione libros. Nos ad aliam huius libri partem explicandam stylum conuertemus.

De syllogismo sophistico, & qui dicantur sophista. Cap. XX.

DE tribus syllogismorum generibus ex materia sumptis, tertium nobis explicandum restat;

stat; quo in errorem deceptionemq; inducimur: quod non ideo cognoscendum est, vt eo vtamur, sed vt caueamus: de quo in eum finem agitur, in quem a Medicis de veneno disputatur.

Vt ergo sunt duo bonorum syllogismorum genera, vnum quo scientia, alterum quo opinio gignitur; ita & duo inutilium atque malorum syllogismorum species. Prima eius syllogismi qui verā demonstrationis specie præsefert, sed re vera non est demonstratio, vt cum principia sumuntur tanquam vera, quæ tamen sunt falsa: ex quibus oritur syllogismus ille, qui Pseudographus, quasi dicas falsæ descriptionis, vocatur. Qui tunc fit, cum alicuius artis, siue scientiæ principia & axiomata latius sumuntur, quam sumi debent, & late sumpta, putantur vera & necessaria, cum tamen non sint: Vt ecce, Omne bonum est per se amandum; quod solum de honesto est verum: ex nihilo nihil fit, quod est falsum, nisi fieri sumatur pro generari: omnes semicirculi sunt æquales; quod non est verum, nisi intelligatur de partibus eiusdem circuli. sed hic syllogismus, rarius occurrit.

Secunda, eius qui syllogismum probabilē imitari, & referre falso conatur, dum ex probabilibus, probabilia colligere nititur, quæ tamen vere sunt falsa: ac proinde deceptorius captiosus, insidiosus, sophisma, & sophisticus vocari solet: quo ij vtuntur, qui cum vere non sapiant, captiosis argumentis contendendo sapientes videri volunt, a quo sophistæ, id est sapientiæ vani ostentatores vocantur. Quod nomen olim bene sonabat, & idem designabat, quod sapiēs: postea apud Philosophos traductum est ad designandos eos qui perperam philosophantur; & non tam veritatē, veramque sapientiam, quam quæstum, & vanam

Plat. in
Sophista.

Cice. de
Orat.

sapiētiae speciē contentiose disputādo quærebant; qui non tam esse, quam per inanem contentione & redargutionem sapientes videri volebant: quorum redargutio non vera, sed falsa est: ac proinde Elenchos, id est reprehensio sophistica, hoc est falsa, vocatur. At vero apud Oratores sophistæ illi vocantur, qui solum pingendæ orationis præcepta, tradunt, rerumque noticia posthabita, solum verborum florculos conlectantur.

*Vnde oriatur & quo tendat omnis sophistæ
cus syllogismus; & qui sint loci sophi-
stici. Cap. XXI.*

Lib. 4.



Cum in syllogismo duo considerentur, ut alias diximus, materia & forma; ideo omnis deceptio, aut ex materia, aut ex forma, aut ex utroque simul nascitur: Sed, ut plurimum, ex materia, hoc est ex rerum falsitate. Ex materia hoc modo, quidquid non habes amisisti: regnum non habes: ergo regnum amisisti: maior videtur vera, sed non est, & ita peccat in materia. Item, quod ridet os habet: prout ridet; habet igitur os: minor apparet probabilis ob æquivocationē verbi ridere; Ex forma hoc modo, leo est animal: homo est animal; igitur homo est leo; peccatur in forma, quia in secunda figura ex puris affirmatiuis nihil vi formæ concluditur. Ex utroque, hoc pacto, Quidquid non amisisti habes: hunc calamum habes (cū nimirum quē amissum inuenit) igitur non amisisti: Maior propositio ratione materiæ est captiosa: Forma est mala, in secunda figura ex duabus affirmatiuis. Ceterum, proprie syllogismus sophisticus ille dicitur, qui ex mate-
ria

ria constat vitiosa: licet sophista, qui omnem
viam tentat, ut decipiat, omni genere captionis
utatur.

Ut autem sophista suum consequatur finem, hos
sibi fines proponit, quos Metas vocant, ad quas
eum quo cum disputat, ducere conatur. Primus,
Redargutio, id est prænegratæ rei in eadem dispu-
tatione concessio vi argumenti falsi; quod addi-
tur ad differentiam veri elenchi; qui facit redar-
gutionem sine fallacia: ut si quis neget dormien-
tem videre, sophista contra sic arguat, Quisquis
habet oculos videt: dormiens habet oculos: igitur
dormiens videt. Secundus, falsum, hoc est, id
quod est aperte falsum, & pro tali habetur; ut,
Quod non repugnat esse potest: at bonum fieri ma-
lum non repugnat. Igitur quod est bonum, potest
esse malum. Tertius, inopinabile, seu increpabi-
le, siue sit falsum, siue verum; inodo pro inopi-
nabili ab ijs habeatur, quibuscum, aut apud quos
disputatur; ut si apud imperitam multitudinem,
quis probaret, florentem diuitem esse infelicem;
aut coram rusticis, solem esse terræ globo multo
maiores; Ut, bonum non parit malum: veritas
bona, & odium malum: igitur veritas odium non
parit: quod est præter omnium opinionem. Quar-
tus, Solæcismus, id est orationis vitium contra
grammaticos canones; ut, Omnis homo est sci-
entia studiosus: omnis mulier est homo: igitur om-
nis mulier est studiosus scientiæ. Quintus, Nu-
gatio, id est inanis, & inepta eiusdem verbi in ea-
dem propositione repetitio, in hunc finem com-
parata, ut aduersarius ab auditoribus irrideatur;
ut, Ille natus est natus simus: sed simus idem est
quod natus simus: ergo ille natus est natus natus
simus. Omnes hi fines, siue metæ, vno communi
nomine vocantur, Non ens: quia respondens co-

Diu. Th.
lib. de fal.

c. 4.

gitur concedere id, quod non est.

Ut autē ad has metas sophista perueniat, suos habet locos, ex quibus ad capiendum sua promit argumenta: quorum alij dictione, hoc est aliqua voce decipiunt, qui sunt *Aequiuocatio, Amphibolia, Accentus, Compositio, Diuisio, & Figura dictionis*; alij extra dictionem, seu in rebus consistunt: qui sunt, *locus Accidentis, eius quod simpliciter dicitur, & secundum quid: Ignoratiois Elenchi, Petitionis principij, Consequentis, Nō causæ, vt Causæ; Plurium interrogationum vt vnus.*

Antequam autem singulos locos expono, animaduertendum est, in fallacia, id est in argumento fallaci duo considerari posse: primum similitudinem apparentem ad verum locum, quę similitudo mouet ad errorem; quę dicitur *Causa apparentiæ*: alterum dissimilitudinem quę dicitur *Causa non existentiæ*; vt in locorum expositione patebit.

De fallacia æquiuocationis.

Cap. XXI.



Fallacia æquiuocationis est locus idoneus ad decipiendum vocis æquiuocatione; cum scilicet deceptio oriatur ex unitate vocis plura significantis. Vnde unitas est causa apparentiæ, quia videtur vniuoca: pluralitas significationis est causa non existentiæ. Quę æquiuocatio potest latere, vel in extremis terminis, vel in medio: In maiori, hoc modo, Grammatici discunt: Grāmatici sunt docti: quare q̄ docti sunt discūt. Discere, est æquiuocum, pro intelligere, seu audire, & pro acquisitione scientiæ. In minori, qui
surge-

surgebat stat: sedens surgebat: ergo sedēs stat. Sedens, in minori sumitur disiūctim pro eo qui sedet, aut sedebat: in conclusione, pro eo tantum qui stat. In medio, omne corpus est substantia: omnis quantitas est corpus: ergo omnis quātitas est substantia. Corpus, sumitur, vel pro composito ex partibus substantialibus, vel pro sola quantitate cum trina dimensione.

Huius loci tres sunt species, siue modi: primus, cum vox est mere æquiuoca: vt canis, taurus, galus: secundus cum vox est analoga; vt ridere, de homine & prato, letum de animalibus & segetibus: tertius, cum variatur ampliatio, vel aliqua proprietas grammaticalis, & cum aliqua dictio varie construitur.

De fallacia Amphibolie. Cap. XXXIII.



Ellacia amphiboliæ, siue ambiguitatis est locus ad decipiendū idoneus ex orationis ambiguitate: cum scilicet oratio est vna, sed sensus non vnus: causa appareñt, est vnitas orationis, Causa non existentia, sensuū diuersitas.

Hic locus tres habet captionis formas: Prima est cum eadem manet orationis constructio; vt quicquid est Ciceronis, possidetur a Cicerone: sed hæc Rhetorica est Ciceronis: igit possidetur a Cicerone. Genitiuus, Ciceronis, sumitur, vel possessiue, vel efficienter, i. vt dicit causam efficientem.

Secunda, cum mutatur constructio, vt si mutatur casus; vt, Quod quis videt, hoc videt: tu lapidem vides: ergo lapis videt: vbi est dubiū, an Hoc, sit accusandi casus, ita vt significet, quod vñ: an vero auferendi casus, designādo id quo videtur.

Item, Quos volo me capere, volo me capiāt, sed hostes volo me capere: igitur volo, vt hostes me capiant; vbi suppositum mutatur in appositū, id est agens in patiens, & contra.

Tertia, cum oratio plura significat, sed vnum principaliter, alterū minus principaliter, & proprie; vt, Cum litus aratur, terra scinditur: sed cū rudis docetur, litus aratur: ergo cum rudis docetur, terra scinditur. Litus arare, proprie est terrā scindere, improprie vero, indocilem erudire.

De fallacia Compositionis, & Diuisionis.

Cap. X X I I I I.

Merferic.
Bernard.
Carmelit.
opus. de
sen. cōp.



Compositio, & diuisio sunt duæ captionis specie; q̄ ideo vno capite a nobis explicabunt, qđ vnus cognitio ex alterius cognitione pendeat.

Est ergo compositionis fallacia locus idoneus ad decipiēdum ratione sensus cōpositi falsi: Diuisionis vero est locus aptus ad decipiēdum ratione sensus diuisi falsi: Committitur ergo hæc fallacia, cum in aliqua consequentia datur antecedens verum; & consequens falsum, ex eo quod ab vno sensu transitur ad alterum, quod non licet. Tunc itaque speciatim contingit fallacia Compositionis, cum consequens falsum sequitur ex antecedenti in sensu cōposito falso, & tribuitur eidem antecedenti in sensu diuiso vero: vel, cum conclusio quæ sequitur in sensu diuiso vera, transitur, in sensu cōposito falsa. Tunc vero fit fallacia Diuisionis, cū consequens falsum, qđ sequitur ex sensu diuiso falso, tribuitur eidē in sensu diuiso vero: vel cū conclusionē in sensu diuiso sumimus, quæ in cōposito su-

to sumēda erat; vt in asserendis patebit exemplis:
Vtriusque sensus tres sunt species: prima quæ
fit in enunciationibus modalibus: secūda, in ora-
tionibus, quarum partes nectuntur particulis, Et,
Aut, Vel, alijsque similibus: tertia, in oratione,
in qua aliqua dictio cum diuersis vocibus cōne-
cti potest; vt in singularum expositione docebo.

Prima ergo species tunc accidit, cū integra, si-
ue formalis significatio vnius termini applicatur
integre significationi alterius; vt, si dicatur, Cā-
didū potest esse nigrū; fiet in hac modalis sensus
compositus, si formalis significatio, Nigri, appli-
cetur corpori habenti candorem, & erit sensus
falsus: diuisus vero, si applicetur solum corpori,
siue significato materiali; vt sit sensus, corpus qd
habet candorem, potest recipere nigrorem, & hic
sensus erit verus.

In modalibus yterque sensus duobus modis re-
periri potest: primo ex parte dicti: secūdo ex parte
modi. Ex parte dicti tunc fit sensus cōpositus, qñ
copula connectit formalia prædicata, vt in allato
exemplo, nigrore cum candore: tunc diuisus; cū
formale prædicatū applicatur materiali significa-
to subiecti, vt i codē patet exēplo. Quo fit, vt sen-
sus diuisus huius generis nō possit esse, nisi cū di-
cti subiectū est connotatiuū: quia solum conno-
tatiua habent significatum materiale. Sensus cō-
positus ex parte modi fit, cum modus simul,
& semel vnitur cum omnibus dictis, siue pro-
positionibus, quibus vniuersale dictum exponi-
tur: diuisus vero, cum singularim singulis adiun-
gitur; vtece, Contingens est aliquod corpus
moueri, si exponatur hoc pacto, Contingens est
hoc corpus moueri, aut illud corpus moueri,
aut illud, aut aliud, erit compositus, cum modus
semel tantum coniungatur cum exponētib;
si vero

si vero modus cum omnibus exponentibus seorsim iungeretur, fieret sensus diuissus. Si primo modo fiat expositio, exponentes omnes sunt falsæ, cū detur aliquod corpus quod necessario mouetur, vt cælum: si secundo, omnes sunt veræ; quia aliquod corpus contingenter mouetur.

Sophismatis sensus compositi tale est exemplum, Omnes homines esse senes est impossibile: iuuenes sunt homines: igitur iuuenes esse senes est possibile. Conclusio in sensu composito est falsa, quæ non sequitur nisi ex diuiso. Sophismatis sensus diuisi est hoc exemplum, Iuuenes esse senes est impossibile: homines sunt iuuenes: ergo homines esse senes est impossibile. Conclusio est falsa, ac etiam maior in sensu diuiso, in composito est vera, cui si attribuatur fallacia, erit capio diuisionis, cum quod ex diuisa sequitur, tribuimus compositæ. Sophismatis ex parte modi, hoc est exemplum, si ad videndum necesse est alterum habere oculum, aut dexter, aut sinister est necessarius: sed certum est ad videndum opus esse altero oculo: igitur aut dextro, aut sinistro opus erit: at ista conclusio in sensu diuiso est falsa, quia neuter est necessarius, sed alteruter indifferenter.

Secunda compositionis species, vt dicebamus, est cum partes orationis quibusdā particulis neſtuntur. Quando vniunt partes vnius extremi, siue termini propositionis, faciunt sensum compositum; vt si dicas, Quinque sunt duo etiā tria, vbi, Et, stat coniunctim. Item, omnis propositio est vera, vel falsa; vbi, Vel, accipitur disiunctim. Quando vero coniungunt multas simplices propositiones, faciunt sensum diuissum; vt, Quinque sunt duo, & quinque sunt tria: Omnis propositio est vera, vel omnis propositio est falsa: in illa,

Et accipitur copulatiue, in hac, Vel disiunctiue.

Huius speciei in sensu composito tale est exemplum, Numerus compositus ex duobus, & tribus, est duo, & tria; quinarium non est duo, & tria; igitur quinarium non componitur ex duobus, & tribus. Maior est vera in sensu composito, in quo minor est falsa, quem sensum sequitur conclusio. Sensus diuisi hoc est exemplum, Quæ sunt duo, & tria, sunt duo, & tria; at quinque sunt duo, & tria: igitur quinque sunt duo, & quinque sunt tria: Maior est vera in sensu diuiso subiecti, in composito falsa: minor vero contra vera in composito, falsa in diuiso, ob quem inducitur falsa conclusio.

Tertia species est, cum talis est oratio, ut una eius dictio cum varijs partibus copulari possit: si copuletur cum illa cum qua magis iudicio peritorum videtur copulanda, dicetur sensus compositus; si vero cum illa quacum minus copulanda videtur, dicetur diuisus; quamuis re vera huiusmodi propositiones potius plures sensus compositos, quam diuisum, & compositum habere videantur; vel plures diuisos, cum dictio cum utraque parte male cohæreat.

Huius speciei Exempla sunt huiusmodi, Quidquid uiuit semper, erit: si semper coniungatur, cum, uiuit, cum qua parte apte copulatur, sensus est compositus: si cum Erit, sensus erit diuisus, & falsus. Item, Quicumque scit literas nunc, didicit eas: tu autem scis literas; nunc igitur didicisti eas: cum tamen multo ante didiceris. Nunc, si coniungatur cum particula Didicit, cum qua videtur iungendum, facit sensum compositum falsum; unde colligitur conclusio falsa in eodem sensu. Quidquid uiuit, semper erit: leo uiuit, ergo leo semper erit: conclusio est falsa, sicuti & ma-

ior in sensu diuiso, si semper, vniatur cum verbo. Erit, si cum, Viuit, erit vera in sensu composito. Ceterum, interdum aliquæ reperiuntur particulae, quæ æque commode, cum vna, vel altera vniuntur; vt in hoc exemplo, Iussit testator, sibi poni statuam auream hastam tenentem: quantum propositionum veritas coniecturis inuestiganda est. Et hæc breuiter de hac fallacia, de qua quidam integra opuscula scripsere.

De fallacia accentus. Cap. XXV.



Accentus fallacia, est locus aptus ad decipiendum ob varietatem accētus, id est ob alium atque aliū pronunciationis modum ob spiritum, syllabæ quantitatem; &c. cuius hæc sunt species.

Prima, cum accētus sumitur proprie pro graui, acuto, & circumflexo; vt, Qui quærit lepore, venatur: at qui ornate scribit, leporem quærit: venatur igitur. Leporem, primo loco habet accentum acutum in antepenultima; secundo loco circumflexum in penultima.

Secunda, cum mutatur quantitas; vt, Qui edit deuorat; ergo qui librū edit, deuorat: Edit primo loco habet E, breue; in secundo longum: Itē, populus est arbor, ciuitas populus: arbor igitur.

Tertia, cum mutatur aspiratio: omini non est habenda fides, tu homo; ergo tibi non est habenda fides: Item, quod hamatur, hamo capitur, vinum amatur: igitur hamo capitur.

Quarta, cum vna dictio separatur in plures: Tu es qui es: quies est priuatio motus: Igitur tu es priuatio motus. Item, omnis via pedibus teritur: via est res quædam publica: ergo resp. pedibus teritur.

Quinta,

Quinta, cum aliquid pronuntiatur serio, & ironice; vt, Quid dicit te egregie respondere, te laudat: at magister, cum erras, dicit te egregie respondere; ergo cum erras te laudat. Item, qui vocant aliquem album, dicunt eum esse album; at pueri Aethiopem vocant album: est igitur albus. Sexta, cum mutatur diphthongus; vt, qui aliquem vocat equum illum vituperat: tu appellasti Petrum æquum vituperasti igitur.

De fallacia figura dictionis.

Cap. XXVI.



Aec fallacia est locus idoneus ad capiendum ob similitudinem dictionum inter se: ex qua accidentali similitudine significatorum substantialis colligitur similitudo. Illæ autem dictiones censentur similes, quæ eandem habent terminationem, & pro eadem re sumi solent: vt Frōs, Pons, Habeo, Abeo, Homo, Animal.

Hæc fallacia his modis committi solet: Primo, cum diuersis vocalibus eadem affectio grammaticalis tribuitur; vt terminata in a, sunt feminini generis; igitur & planeta.

Secundo, cum eadem voces ad idem prædicamentum pertinere dicuntur, & hoc dupliciter, primo propter earum similitudinem: vt planicies, macies; secari, operari: secundo cum pro eadem re usurpantur, vt homo, & sanum. Ex secundo modo, hæc ducuntur argumēta, Quod emisisti comedisti: emisisti carnem crudam: igitur crudam comedisti: Quod, significat substantiam, & mutatur in accidens, cum dicitur, carnem crudam. At tolleretur fallacia, si diceretur, Qualem cunque carnem emisisti. Item, quod caput habebas puer, nunc habes:

at

at tunc habebas minimum; igitur & nunc habes minimum: transitur a substantia ad quantitatem.

D. Tho. Vbi nota, in hoc genere, non sunt distinguen-
lib. de fal. da prædicamenta secundum rem significatā, sed
c. 6. secundum modum significandi: & ita omnia ab-
soluta significata censentur esse prædicamentū sub-
stantiæ, quia significant per modum per se exi-
stentis: vt dulcedo, sapientia: contra omnia con-
notatiua censentur pertinere ad prædicamentū
accidentis, licet significant substantiam, vt bonū,
album. Vnde in sequenti argumentatione nul-
lus fit transitus a substantia ad accidens, Quid-
quid heri vidisti, nunc vides: heri candorem vi-
disti: candorem igitur nunc vides: Vbi, Quidquid,
licet sit vox transcendentalis; putatur tamē sub-
stantialis, sicuti etiam Candor: Neque in sequē-
ti, Qualis erat hic anulus heri, talis nunc est: at
heri erat aureus; igitur & nunc: Fit trāsitus a qua-
litate ad substantiā, licet, Aureus, significet sub-
stantiam per modum qualitatis.

D. Tho. Tercio, fit hæc fallacia, cum dictio quæ signi-
loc. cit. ficat, Quale aliquid, hoc est rem vniuersalem,
Arist. c. de videtur significare, Hoc aliquid, id est rem singu-
subst. larem; aut contra: siue ex eo quod vocabula rei
vniuersalis, & singularis eodem modo desinunt;
siue quia sepe pro eadem re accipiuntur, vt ho-
mo, & Petrus: quo fit, vt quod de vno affirmatur,
aut negatur de alio affirmare, aut negare liceat.
Vnde fiunt hæc sophismata: Homo est species;
Petrus est homo, ergo Petrus est species: Petrus
non est species: Petrus est homo: ergo homo nō
est species. Idem accidere potest in terminis rerū
magis ac minus vniuersalium: vt, viuens latius
patet quā animal, sed sentiens est viuens: igitur
sentiens latius patet quā animal: quod est fal-
sum. Item Animal est genus: homo est animal:
ergo

ergo homo est genus . Verum huiusmodi sophismata reuocari possunt, ad sequentem locum : qui erit primus eorum qui sumuntur extra dictionem.

Defallacia accidentis. Cap. XXVII.



Hec fallacia est omnium periculosissima, qua etiam sapientes interdum decipiuntur, ac proinde maxime cauenda . Est ergo accidentis fallacia locus idoneus ad decipiendum ob diuersitatem prædicati & subiecti, cum quod vni conuenit, aut non conuenit, alteri conuenire, aut non conuenire putatur. Vt autem melius hæc deceptio detegatur, notanda sunt quedam.

Primum, nomine accidentis hoc loco intelligitur prædicatum aliquo pacto a subiecto diuersum, cui vere conuenit : quod non accidit in his propositionibus, Homo est hō, vestis est indumentum, de quibus omnia æque dici, & negari possunt, sine erroris periculo, cum sint synonyma .

Deinde notandum est, tribus modis aliqua posse iudicari vnum, cum tamen sint diuersa: primo cum vnum est de essentia alterius, licet non eandem naturam significant; vt genus & differentia de natura speciei, & species indiuidui. Secundo minori ynitate, quando vnum est accidens proprium alterius, vt risum hominis. Postremo, cum vnum includit alterum, vt accides commune; vt homo album. Cum ergo ista, ita sint diuersa, vt etiam aliquo modo sint vnum, & ita vnum, vt sint diuersa, committitur fallacia accidentis, quando quod vni conuenit, vt est diuersum ab altero, tribuitur etiam alteri, putando ei conuenire, vt est vnum cum illo . Ex quibus colligeres,

tria esse genera sophismatum huius loci, quæ ex tribus iam dictis capitibus oriri possunt: ad quæ vitanda hac regula vtendum est. Quæ alicui cōtinentiunt secundum id in quo ab alio differt, ab illo remouenda sunt, cetera vero, aut simul concedenda, aut neganda.

Sub singulis generibus sunt octo fallaces colligendi modi. Primus, cū quid affirmatur de prædicato, etiam subiecto tribuitur; Homo est species, Petrus est homo: igitur est species. Secundus, cum quod negatur de prædicato, negatur etiam de subiecto; vt, Animal non est species infima; homo est animal: igitur non est infima species. Tertius, cum quidquid de subiecto affirmatur, etiam de prædicato affirmandum videtur; vt homo est species infima: homo est animal: igitur animal est species infima. Quartus, cum quod negatur de subiecto negandum videtur etiam de prædicato; vt, homo non est genus: homo est animal: igitur animal non est genus. Quintus, cum de quocunque affirmatur prædicatum, affirmatur etiam subiectum; vt, homo est animal: equus est animal: igitur equus est homo. Sextus, cum de quo negatur prædicatum, negatur etiam subiectum; vt, esse risium est proprietas hominis: homo non est proprietas hominis: igitur homo non est risiuus. Septimus, cum de aliquo affirmatur subiectum, de eo etiam prædicatum; vt, animal est genus: album est animal: igitur album est genus. Octauus, cum de aliquo negatur subiectum, de eodem, & prædicatum; vt, homo est animal: equus non est homo: ergo equus non est animal.

Harum fallaciarum puerus facile percipitur, si spectes prædicatum, & subiectum; quorū vtrunque potest affirmari, aut negari de aliquo; vnde oriuntur quattuor posteriores modi: aut
aliquid

aliquid aliud affirmatur, aut negatur de illis; unde quattuor priores. Omnes autem hæc fallaciæ oriuntur, vel ex eo quod peccatur in forma argumentando ex puris particularibus in prima figura, vel ex puris negatiuis in secunda, vel quia mutatur suppositio, & ampliatio: vel denique, quia male argumentamur inter terminum superiorem, & inferiorem. Denique, de hac fallacia illud dixerim, eam pertinere ad superiorem, si consideretur figura dictionis; ad hanc vero si extremorum spectetur vnitas.

De fallacia eius quod dicitur simpliciter, & secundum quid. Cap. XXVIII.



Hæc fallacia similitudinē habet cū loco a toto in modo, & parte: & licet sit vna; tamen duplicem locum habet, a simpliciter, quod est veluti totum, & a secundum quid, quod est veluti pars: & ex vtroque loco argumenta, tū affirmantia, tū negantia sumuntur, vt in exemplis patebit. Et quoniam ei quod simpliciter dicitur, variæ adiectiones fieri possunt, hinc est, vt hæc fallacia late pateat.

Res igitur vniuersæ sumpta dicitur dictū simpliciter; vt proijcere merces, edere carnes, bibere vinum: res vero aliquo pacto contracta, vocatur dictum secundum quid; vt, proijcere merces tempore exorta, edere carnes diebus prohibitis, & bibere vinum, tempore febris. Sunt ergo varia adiectorum genera; aliqua diminuunt significationem totius; vt albus, & albus dentibus: alia distrahunt, alia alienant, vt ex libro secundo pater.

Huius fallaciæ hi sunt modi atque exempla. Primus modus a dicto diminvente secundum locum, non licet ludere in ecclesia; igitur ludere non licet. Secundus, a dicto diminvente secundum tempus: non licet die sabbathi vesci carnibus; igitur non licet vesci carnibus. Tertius, a dicto diminvente ad aliquid; febricitanti non est vtile vinum; igitur vinum inutile. Quartus, a dicto diminvente secundum partem; est albus secundum dentes; igitur est albus. Cæterum, si pars esset proprium subiectum attributi, siue accidentis, tunc argumentari liceret; vt est capite crispus: crispus igitur: naso vtitur curuo; aquilinus igitur. Quintus, a dicto distrahente; est equus æneus in platea: igitur est equus in platea. Hoc cadauer est homo mortuus; igitur est homo.

Similiter eadem fallacia argumētatur ab ipsis totis ad dicta secundum quid; vt, non est albus, igitur non est albus secundum dentes: imago non est homo; ergo non est homo pictus. Quando autem prædicatum non ex parte, sed integre subiecto conueniret, tunc valeret a negatione simpliciter, ad secundum quid; vt mentiri non est bonum; igitur nec militiæ mentiri licet, nec causa salutis.

De fallacia ignorationis Elenchi.

Cap. XXIX.

Lib. I. E-
lench. c. 4.
& 5.



D huius fallaciæ vim explicandam, nonnulla animaduertenda sunt. Primum, Elenchus, latine redargutio, vniuerse sumptus, sic describitur, Est syllogismus cum contradictione conclusionis; hoc est, qui colligit contradictionem alicuius certæ enunciationis. Nec
necesse

neceſſe eſt ad verum elenchum, vt ſemper inferatur contradiſtoria, ſed ſat eſt ſi ſit contraria, ex qua ſtatim inferitur contradiſtoria.

Deinde notandum eſt, elenchi vniuerſe ſumpti ſunt quattuor genera. Elenchus demonſtratiuus, qui eſt demonſtratio cum contradiſtione conſuſionis: dialecticus, ſyllogiſmus nimirum dialecticus cum eadem contradiſtione: pseudo-graphus, qui videtur demonſtratiuus, ſed peccat materia; atq; ſophiſticus, qui videtur dialecticus, ſed peccat, vel materia, vel forma, vel contradiſtione, quia non eſt vera contradiſtio, ſiue contradiſtoria.

Postea notandum eſt, duplicem eſſe Elenchū, generalem & ſpecialem: Generalis Eléchus eſt locus ad decipiendum idoneus ex prætermiſſione conditionis cuiuſcunque elenchi: Specialis vero, eſt locus ad fallendum idoneus ex prætermiſſione conditionum ad veram contradiſtioneſem requiſitarum.

Sunt autem conditiones ad veram contradiſtioneſem conſiciendam numero quattuor. Prima I. Elench.
ſecundum idem, vnde non redarguitur qui dicit, C. 4.
Aethiops eſt niger, ſi probeſtur eſſe album denti-
bus. Secunda, ad idem; vnde qui dicit ſe eſſe ma-
gnū reſpectu pueri, non redarguitur, ſi probe-
tur paruus comparatus ad adultum. Tertia, ſimi-
liter, vnde non redarguitur qui dicit celum non
moueri deorſum, ſi probeſtur moueri, quia non
affirmat ſimili modo: lic, currere velociter, cur-
rere tarde. Quarta, in eodem tempore, vel loco.
cuius omiſſione non redarguitur, qui dixerit nō
opus eſſe eum comedere qui ſatur eſt, vel in pla-
tea, ſi probeſtur alio tempore, & loco non eſſe
edendum. Atque ex his qui ſit ſophiſticus Elé-
chus omnino perſpicuum eſſe puto, ille nimirū

qui falso redarguit contradictionis ob defectum
veræ contradictionis. Ad hanc fallaciam omnes
aliæ reuocari possunt, cum in omnibus sit appa-
rens qdam cōtradictio, vel in dictione, vel extra.

De fallacia petitionis principij.

Cap.

XXIX.

Libr. I.
Elen.c. 4.



Vthec fallacia in quam non raro ty-
rones disputando incidūt, plane ex-
plicetur, animaduerte, conclusio-
nem probandam appellari princi-
pium, ob eam causam, quod initio
proponitur, vt ad eam dirigatur probatio. Cum
vero is qui disputat, alijs verbis petit sibi conce-
di, aut pro medio ipse assumit id, quod est proban-
dum, dicitur *Petitio principij*, eius nimirum rei
quæ probanda est sumptio; ita vt pro medio assu-
matur id quod probare oportet, gratisque peti-
tur sibi dari, quod argumento extorquendum est.

Quare, hæc fallacia est contra rectam syllogis-
mi probationem, cū probatio per aliquid notius,
& aliquo modo diuertum fieri debeat: qua falla-
cia qui vtitur, dignus est qui irrideatur.

8. Top.
c. 5.

Sunt autem principij petendi modi quinque:
Primus, cum synonymum sumitur ad probatio-
nem synonymi; vt si probaturus voluptatem esse
summum bonum, petat, an iucunditas sit sum-
mum bonum. Secundus, si ad probandam rem
particularem, petatur res vniuersalis; vt, si cōclu-
das omnium contrariorum esse eandem discipli-
nam, quia omnium oppositorū eadem est: opposi-
ta enim latius patent, quam contraria. Tertius, si
contrarius fiat progressus; vt si quis peteret singu-
los homines currere, vt probaret omnes curre-
re.

re. Quartus, si conclusio per partes sumatur in
sumptionibus; vt si quis ita disputet; Medicina
est sani, & medicina est ægri; ergo medicina est
sani & ægri. Postremus, cum ad probandū vnum
relatum, petatur alterum; vt ad probandum hanc
esse uxorem illius, sumatur illum esse huius vi-
rum. Nec qui ex definitione, vel ex partibus, vel
ex relatis aliquid probant, censentur petere prin-
cipium, cum definitio, & definitū, totum & par-
tes non idem omnino, & eodē modo significēt,
& relata inter se recte explicentur; sed solum il-
li, qui ex synonymis synonyma probant. Cū ita-
que Dialectic⁹ ex datis ab alio disputare debeat,
merito dicitur principium petere, qui aliquo ex
dictis modis argumentatur.

De fallacia consequentis: Cap. XXXI.

FIt hoc fallaciæ gen⁹ ex similitudine loci, quo
ab antecedente argumētamur ad consequēs,
& ex huius opposito inferimus oppositum ante-
cedentis; per hanc vero fallaciam oppositum ef-
ficimus.

Est itaq; locus ad decipiendū idoneus a positio-
ne consequentis ad antecedens, & ab huius oppo-
sito, ad oppositum; idest ad contradictoriū conse-
quentis. Vnde hic duæ intercedunt argumētatio-
nes, quarum prima est bona, altera falsa; vt in su-
biectis patet exemplis. Si est ignis, calor est: er-
go si ignis non est, calor non est: prior argumēta-
tio est bona, posterior mala: vbi a negatione an-
tecedentis arguitur: non secus ac si diceres, si nō
est homo, non est animal. Similiter a positione
cōsequentis non valet ad positionem anteceden-
tis, nisi termini sint cōuertibiles; vt est hō, ergo
est animal: est animal, igit & homo: hæc falsa est,

Qui dicit te esse equum, dicit te esse animal, sed qui dicit te esse equum, dicit falsum: igitur qui dicit te esse animal dicit falsum. Item, Qui dicit te esse animal, dicit verum: qui ait te esse equum, ait te, esse animal: igitur qui ait te esse equum verum ait.

Quo loco illud adnotauerim, hanc fallaciam contineri quodammodo sub captione accidentis, quia quod ex aliquo cōsequitur, est quodammodo illius accidens, sumendo Accidens, vt in illa fallacia sumitur; pro omni eo, quod est, non tamen quidquid est accidens rei alicuius, est eius consequens.

De fallacia non causæ, vt causæ.

Cap. XXXII.

1. Elenc.
c. 4.



Vm syllogismi cōclusio sit effectus quidam, aliquam causam efficien- tem habere necesse est, siue sit caus- sa essendi, siue cognoscēdi, & infe- rēdi. Si ergo contingat conclusio- nem esse falsam, & eius falsitas referatur in pro- positionem ex qua non sequitur, cōmittitur hæc fallacia quæ dicitur non causæ, vt causæ. In hoc vitium incideret, qui vellet aliquam artem dam- nare, quod aliqui ea abutantur, aut aliquam rem vituperare, quod inde errandi occasionem homi- nes sumant; cum non res, sed hominum peruer- sitas sit talis effectus causa. Verum hæc fallacia non intercedit in argumētationis forma, nisi cū sophista ex concessis reducit respondentem ad aliquid, quod aperte inconueniens, aut falsum est; ex cuius euersione regreditur ad euertēdam aliq̃ ex sumptionibus, vt causam falsæ conclu- sionis,

sionis, q̄ nō erat vera causa: & iā solū fit in syllogismo ad impossibile. Vt ecce, concedat quis interroganti sophistæ hanc propositionem, Anima & vita sunt idem; tunc sic arguet, mors & vita sunt contraria, generatio & corruptio sunt contraria: sed mors est corruptio: ergo vita est generatio: ergo viuere est generari, quod est impossibile, quia qui viuit nō generatur: & dicer falsitatem sequi ex concessa, ac proinde erit falsa, & tamen est vera, neque ex ea sequitur conclusio, quia ea remota adhuc sequeretur. sequitur ergo ex illa, vita & mors sunt contraria, cum sint opposita priuatiue.

De fallacia plurium interrogationum vt

vnus.

Cap. XXXIII.



Acc fallacia fit, cum plures interrogations, vt vna proponuntur: vel cum qui arguit, vna tantum responsione sibi responderi vult: cū tamen vna tantum responderi non possit; vt ex responsione decipiat; vt si sophista peteret, homo & leo sintne animal rationale; cui si vna satisfiat responsione affirmādo, colliget leonem esse rationalem; si negando, colliget hominem non esse rationalem.

Lib. I. E-
lenc. c. 4.

Sunt autem huius fallaciæ tres modi: primus, cum vnum de pluribus quæritur, vt in allato patet exemplo. Secundus, cū de vno plura quærantur; vt, an Petrus sit homo & leo? Tertiū cum plura de pluribus quærantur; vt, sit ne Petrus & leo, homo & brutum. Qui vult se ab hac fallacia extricare, pluribus responsionibus factæ interrogationi satisfaciat. Atque hæc breuiter

Flan. in de locis sophysticis: de quibus nonnulli fuisse di-
 qq. in D sputare solent: cū tñ q̄ diximus, satis esse possint,
 Thom.

*Traduntur admonitiones quædam ad om-
 nia sophismata facile dissoluenda.*

Cap. XXXIII.

Arist. lib.
 2. Elenc.
 c. 3.
 Lege Ro-
 dol. Lib
 2. de arg.
 solut.

QUoniā sophisticos nodos varijs verborum
 nexibus implicatos soluere, non est faci-
 lius, quam eosdem implicare atque con-
 stringere; propterea postquam quomo-
 do fiant docuimus, non erit inutile, si qua ra-
 tione soluantur docuerimus. Quamuis ergo, yt
 Aristoteles scripsit, recta solutio, sit falsi syllogis-
 mi manifestatio, & is possit nodum soluere, qui
 quo modo fiat, non ignorat: tamen quasdam pri-
 uatas admonitiones ad id faciendum habere in
 promptu, plurimum expediet.

Prima, cum omnis syllogismi virtus consistat
 in materia & forma, omnis etiam malitia in alte-
 rutra consistet parte: si error est in materia, sol-
 uetur per negationem & interpretationem: si in
 forma, soluetur per distinctionem, negando con-
 sequentiam, & negationis reddenda erit ratio.
 Sed quoniam hæc admonitio est nimis communi-
 nis, ideo aliqui tres alias priuatas tradunt.

Ioā. Fab
 stap.

Fons.

Secunda, parasyllogismi, qui fiūt equiuocatio-
 ne, amphibolia, compositione, diuisione, & accē-
 tu, distinctione eius quod simpliciter sumptum
 est, ac etiam consequentiæ examine tollendi sunt:
 & cum ventum fuerit ad cōclusionem multipli-
 cem, prius erit distinguenda, quam de consequē-
 tia iudicium ferendū. Tertia, si fallacia sit ex fi-
 gura dictionis, accidentis, ex eo quod simpliciter
 dicitur, ex consequente, ex non causa, consequē-
 tia negatione eludenda erit, sumptione admissa,

Lib 2. E-
 lenc. c. 4.

Qua

Quo loco animaduertit Aristoteles, vtile esse habere in promptu aliquam vitiosam argumentationem, similem ei, qua vitur sophista.

Quarta, parasyllogismus qui fit per petitionem principij dissoluetur, negando antecedens, etiā si probabile videatur: cum nihil sit admittendum, quod labefactare possit id quod tu defendis. His addere possumus alias, 2. Elench. c. 5.

Quinta, sophismata plurium interrogationum dissoluentur, si tot adhibebuntur responsiones, quot implicitæ sunt interrogationes: quæ interdum distinctione soluere licebit.

Sexta, sophisma nugationis dissoluetur, si dicas, non esse necesse ponere integram definitionem loco nominis: ducit enim sophista in hanc captionem, dum definitiones integras pro nominibus accipit, vt nāsum curuum pro simo. Dices itaque, id quod semel est positum, non esse iterum ponendum. In summa, qui omnia falsa argumenta soluere, & solutionum rationes assignare voluerit, is consequentiarum cōmunes, figurarumque syllogismorum priuatas regulas, ac et terminorum affectiones, vt suppositiones, ampliaciones, appellationesque optime teneat, Lib. 2. Elench. c. 6.

Sunt etiam, vt illud hoc loco obiter adnotauerim, quædam argumentandi formæ, quæ videntur inexplicabiles, quas ceratinas crocodiliter, non cōsentientes, & mentientes vocāt: vt argumentatio illa Euathli Prothagoræ sophistæ discipuli, de mercede persoluenda si primā litē vicisset: & illa, cum quis ait tacere, aut nihil scire, & illa Epimenidis Cretensis, qui dixit, Crentes esse mēdaces: Quas captiones dissolueres, dicendo, non fieri repugnantiam nisi respectu eiusdē, & has indefinitas propositiones oēs alias negare, præter seipsas. Vnde qui asserit se nihil scire, Gell. libr. 5. c. 10. Polit. in miscel. Ultra in tab. dial.

omnia

omnia alia excludit, præter hoc vnum: & qui dicit, homines esse mendaces, non comprehendit seipsum sub hac enunciatione: & conditio illa de lite vincenda, intelligebatur de quacunque alia lite. Sed de fallaci syllogismo hucusque.

De recta differendi ratione, siue præcepta in disputando seruanda.

Cap. XXXV.



Vm hætenus ea omnia explicuerim quæ ad tertiam operationem recte dirigendam sunt necessaria; nunc vt quæ diximus ad vsum bene redigi possint, nonnulla documenta de recta disputandi ratione tradere non grauabor. Cum ergo in disputatione duæ intercedant personæ, vna quæ oppugnat, altera quæ defendit, primum dabo præcepta nonnulla omnibus cõmunia: postea quædam priuata pro arguente, & postremo alia pro respondente. Quod attinet ad primum hæc statuo documenta.

Primum, cum humanæ actiones tunc recte fieri dicantur, cum congruenter ad consequendum finem, cuius causa suscipiuntur, fiunt; ideo qui
 Cic. conuenienter differere volunt, sibi veritatem tãquam finem ob oculos proponant, ad quam inueniendam omnem suam industriam laboremque conferant; & ea vitent, quæ ad hunc finem attingendum sunt dissentanea; vt inter alia sunt, in disputando confusio, immodestia, ingenij ostentatio, & peruicacia. Assurgendum itaque est veritati, & ab ea se vinci perpetiendum; cum non sit turpe ab eo vinci, quo nihil est in hac rerũ vni-
 vers-

uerfitate fortius; vt aliquando a ſapientibus viſis ſancitum fuit.

Secundum, etſi veritas diſputando quærat; tamen, & interdum aperte falſa tueri, & vera exercitationis gratia defendere & impugnare liceat; vt vbi nullus videtur diſputandi locus, aliquis inueniatur: vt quæ omnino retinenda ſunt facilius tueri, & quæ refellenda, neruoſius euer- ti queant.

Tertium, vterque ab vtroque & ab aſſiſtenti- bus aliqua breui acutaque proluſione, ſiue exor- diolo beneuolentiæ capter, ne illotis, vt dicitur, manibus prouinciã nobiliſſimã auſpicetur; q̃cquid aut̃ dicetur, id ad rem ipſam, vel ad per- ſonã erit accommodatum. Nec etiam diſputa- tionis finis, ſua honeſtate, honoreque carebit; vbi, ſi quid differendo peccatum eſſet, emenda- re non pudeat.

Quartum, vt diſputatio non debet eſſe nimio dicendi ardore incenſa; ita nec adeo frigida, vt rædium audientibus afferat, aut fruſtra, & quaſi per iocum ſuſcepta videatur. Non erit itaque lan- guida, & quaſi mortua, ſed viuã & lacertosa; & ſi in altero excedendum eſt, potius feruore, quam languore peccandum, modo tamen intra mode- ſtiæ limites ſeſe diſputatio contineat. Id ego alios doceo, quod facere ſoleo: in quo etſi quibuſdam nimius videri ſoleo, facile cauſam meam cū ra- tionẽ defendo.

Quinctum, vt dialectice diſputet, vt inutilem verborum multitudinem vitent; in quo illi pec- cant, qui dum reſpondent, potius concionantur, quam diſputent: & qui totidem verbis ſemper re- ſponſa clara frigide referunt, & longa oratione, ſua argumẽta proponunt: quod dum tempus, ſit inutiliter conteritur, & illa in differendo prom- ptitudo,

ptitudo, & solertia, quæ mirifice auditores delectat, vt alia incommoda omittam, nulla existit.

Postremum, vterque disputator perpetuo propositum thema spectet; qui defendit, vt illud ita teneat, vt ab eo se dimoueri non permittat, & qui impugnat, illud euertat, & in illud sua argumenta, quasi sagittas in scopum recta mittat; ne, si secus fecerit, ridiculus euadat, vt is qui dū in scopum sagittam dirigit, longissime ab eo aberrat. Atque hæc in commune præcepta tradidisse sufficiat: separatim vero pro arguente, hæc statuo præcepta.

Primum, quæstionis qualitatem animaduertat, an demonstratiue, an dialectice de eo disputari possit: an exploratam, an dubiam habeat sententiam, vt videat, an suis sumptionibus, & epicherematis aduersarium aggredi debeat, an vero ab eo aliquid petendum sit. Olim aliquid petendo disputare solebant: nunc vero non item, sed illa multo securior ratio. Si quid petendum est, illa adhibeatur cautio, ne petat ea quæ expresse faciunt ad labefactandū quod id aduersarius sibi sustinendum putat, sed aliquid remotum. Si ille neget, quod tu interrogas, id probare tibi licebit, sed ad hoc faciendum nihil te coget: at si negauerit, quod tu sine interrogatione accepisti, confirmare cogeris, ni penitus sit exploratum.

Secundum, nihil est necesse, vt prima aggressio ipsum difficultatis nodum attingat, sed licebit, maxime Tyroni, aliquāto longius inchoare, vt paulatim ad id in quo tota sita est difficultas per varias consequentias veniatur. Hanc argumentorum seriem, & quasi catenam conficiet Tyro, si secum diligenter quæstionem perpendit, & varios locos perlustrauerit, & quid contra suas sumptiones, & consequutiones responderi possit

ri possit præuiderit, & ad eas probandas, aut confirmandas aliquid excogitauerit. Sed dum longius auspicari vult, caueat, quaidam pueriles aggressiones, Vt sunt istæ, Tua conclusio falsa, igitur: Tua positio est contra rationem: ergo; & harum similes.

Tertium, potius vnum argumentum vrgeat, & augeat, quam plura de nouo proponat; &, vt ita dicam, potius intensiue, quam extensiue disputet. Nam qui ad singulas: vel ad vnam, & alteram responcionem acquiescunt, & ad noua argumenta progrediuntur, parui ingenij, diligētēq; significationem præbēt, & illud scilicet comma, audire merentur, Nouo insurgit argumento.

Quartum, caueat ne quid circa formam peccet ne pro ignorante, vel sophista habeatur, audiatque illud, Argumentum forma peccat: distīcte, clareque proponat: quia, si quid obscurū afferet, explicare cogetur: quod huc facit, caueat, ne principium petat, id est ne pro medio assumat id, quod probandum est.

Quintum, cum disputationem aggreditur, verbis utatur proprijs, vt sunt, arguo, pugno, disputo, vrgeo, insisto, & similia; eaque caueat verba quæ sunt respondentī accommodata. A principio fideliter solutionem reperat, præsertim Syro; & cum proposuit, det tempus respondēti, suas vt partes agat.

Sextum, cum respondens negat id confirmet quod negatur; confirmationes, respōsiones euerant: dicatque, probo antecedēs, consequentiam ve negatam. Si ille distinguēt, demonstrēt distinctionem non esse bonā, non ad rem: & contra imperfectam solutionem, instantiam afferat.

Postremum, cum ad disputandum aggreditur, primo aliqua auctoritate, tum ratione utatur,

tur, & primum directa disputatione agat, tum ea quæ ducit ad incommodum, & absurdum; ut, si quis contra Epicureos ageret, demonstrando falsum esse omnem voluptatē esse bonā: directe disputaret, si diceret, nonnullas voluptates repugnare recte rationi: indirecte, si afferret hoc inconueniens, Quia voluptas ex homicidio percepta esset bona. Denique interdum aget ex hypothesi, dicendo, Ponamus, fingamus, hoc vel illud ita esse, aut factum esse. Atque hæc pro arguente statuiffe volui: nunc quibusdam alijs preceptis respondentem instituam.

Primum præceptum, respondens semel, & iterum propositam argumentationem fideliter, plene, planeque repeter, & prima vice, animaduerat, sumptiones siue antecedens, an plures admittat sensus; ut eum eliciat, quem ipse tuerur: & an sit verum, vel falsum: animaduerat etiam consecutionis vim, an sit bonā, an mala, & quā tā sit: an argumentationis formā sit syllogistica: potissimum oculos conuertat ad minorem propositionem, in qua, ut plurimum error latere solet.

Secundum, secundā vice respondeat ad argumentationis partes: & primum, ad antecedens, si illud sit verum concedat; si nihil obset, aut urgeat, admittat; &, ut loquuntur sinat transire: si sit falsum, neget: & si petatur negationis ratio, reddatur: si ambiguum distinguat: si obscurum declarationem perat. Ex quibus colligeres, quæ sint propria respondentis verba; sunt autem ista, Concedo, Nego, Distinguo, Explico, Esto, Admitto, Transeat, dicunt. Quod si Arguens aliquid petuisset, dicat, Cum quæris, Rogas, Petis sic Respondeo, Dico, &c.

Tertium, cum vitiosa erit consequutio, quā-

lis erit, si verum sit antecedens, & consequens falsum; dicat, Nego consequentiam, nunquam tamen, concedo antecedenti, dicet, Nego consequens, cum illo concessio, hoc sequatur. Distinguendum tamen interdum erit, ut videatur in quo sensu consequentia sit bona, vel mala. Consequens igitur distinguitur, non negatur; consequentia vero contra. Et cum vitium, vel in antecedente, vel in consequentia lateat, prius spectanda est consequentia, quam antecedens, & prius ea neganda, si bona non erit, quam antecedens: cum ergo duæ sint defensionis partes, antecedentis inficiatio, & consequentiæ negatio, hoc prius adhibeatur.

Quartum, dum cōcedit, negat, & vniuerse dū respondet, caueat ne sibi contradicat. & ea tollat, quæ concesserat, vel contra; Memor igitur esto eorum quæ dixit; præsertim cū aliquid falsum, aut minus probabile defendit; mendacem enim memorem esse oportet.

Quintum, sit liberalis disputator, concedat, admittatque omnia quæ non obsunt, non statim omnia quæ posset neget, aut distinguat, sed sinat argumentum progredi; ne timere videatur; ut illi qui statim ad distinctiones confugiunt, & ea non admittunt, quæ admissa non nocent: in quibus bene multos peccare videres. Et quod huc facit, potius obiecta argumenta robusta, quam imbecilla esse dicat; ut cum ea magis amplificauerit, magis ingeniola, & docta videatur responsio: licebit tamen interdum cum aduersario ludere: at vero eum illudere nunquam.

Sextum, qui multa argumenta fideliter, facileque vult repetere; is conclusiones impugnatas obseruet, & medios terminos, siue locos quibus usus est aduersarius memoria teneat; quia

quia ex conclusione ; & medio termino facile
allata repetitur argumentatio. Atque hæc præ-
cepta adnotasse pro disputantibus sufficiat ; si
quæ sunt alia vsus, bonusque docebit magi-
ster.

Libri Quinti Finis.



INTRODVCTIONIS

IN LOGICAM,

LIBER SEXTVS.

In quo agitur de operationibus intellectus;
de ente rationis, de vniuersalibus, de-
que scientiarum diuisione.

*Quibus de rebus, & quo ordine agendum
sit. Cap. I.*



Etsi ad eum finem quem in his institutionibus nobis proposuimus obtinendum, quæ superioribus libris tradidimus, ea satis videri possunt: tamen quæ hoc postremo, tanquã corollaria adiiciemus, multũ erũt vtilia; immo, si quis ea diligenter perpendet, etiã necessaria existimare sine errore poterit.

Cum ergo totum negotium logicum, in dirigendis operationibus intellectus, sit positum, & dictæ operationes, non nisi per entia rationis dirigantur; profecto operationum vis atque entis rationis naturã logicæ operam daturò cognoscẽda erit: ac proinde vtrunque hoc libro nobis præcipue explicandum proponimus. Et quia entia rationis ex rebus vniuerse consideratis potissimum oriuntur, nõnihil etiam de natura vniuersalium, quæ nullo modo ignorare Logicus debet, adiiciemus. Quoniam vero hæc omnia, & quæ

in tota Logica traduntur, ad scientiarum acquisitionem referuntur; ideo aliquid de scientiarum diuisione, & varietate postremo loco subijcimus.

Lib. 3. de
Anim.

Hic itaq; liber in quattuor erit distributus partes, quas, de rebus propositis per modum Institutionis scribēdo, varijs capitulis complectemur. De primo tria docebimus, quot & quæ sint intellectus operationes, quæ sit earum natura, quæ accidentia & proprietates. Et licet ista ad philosophum naturalem pertineant: tamen, suo etiam modo, a logico explicanda & cognoscenda sunt: cum nemo possit aliquid dirigere, ni eius naturā aliqua parte cognitā habuerit, vt statim patebit.

Quæ & quot sint intellectus humani operationes. Cap. II.



T quæ ad nostrum institutū faciūt, de re proposita pspicue doceamus; quæ dicēda sunt, quibusdam dictis perstringemus.

Primum dictum, Logicæ operā daturō necessaria est aliqua, rudis saltem, operationum intellectus cognitio. Primū patet hoc dictum ex eo, quod proximo capite diximus: quia eas Logicus dirigere, aut qua ratione dirigantur, intelligere non potest, ni earum aliquam habuerit notitiā. Deinde, confirmatur a simili, de cognitione categoriarum, quam Logico necessariam esse, omnes meliores Logici fatentur; vt illis possit applicare secundas intentiones, & entiarationis, quæ ex proprio officio considerat: ergo pari ratione ei necessaria erit operationum intellectus doctrina, quas consequuntur

Q 2 Ter-

1. de In-
ter.C.I.

Tertium dictū, istæ tres operationes sunt eius intellectus, quem Patientem, & possibilem philosophi vocant; hoc est, eius quī recipiendo species intelligibiles, res ipsas percipit; vt libro primo docuimus.

3. De ani.

1. Periher.
c. 1.

Sed cōtra secundum dictum hoc loco quīpiam Aristotelis obijceret auctoritatem, qui quibusdam in locis, solum duas operationes agnoscere videtur, primam & secundam. Respondetur, dum Aristoteles duarum operationum facit mentionem, tertiam nō excludit: & dum ait intellectum interdum esse verum, interdum nec verum nec falsum, profecto & apprehensionem simplicem, & duas alias in quibus est veritas, vel falsitas, insinuat.

Rursus, si cōtra assignatum numerum obijceres, secundā & tertiā non esse inter se distinctas; quia vtraque consistit in quadam cōpositione: vt enim secunda cōponit simplices notitias; ita tertia duas sententias, siue propositiones: erunt igitur tantū duæ, apprehensio, & cōpositio. Respondetur, esto vtranque cōsistere in quadam compositione: tamen, quia vna compositio specie differt ab alia; ideo & operationes etiam erunt specie diuersæ. Rursus, etiamsi concedamus specie non differre; satis est si accidentibus distinguantur, cum diuersos cōponendi modos ac formas habeant; id quod prudens negaret nemo: ac proinde diuersa ratione a Logico dirigendæ sunt, & vt distinctas eas dirigit.

Quæ sit trium operationum intellectus natura. Cap. III.

QUod attinet ad id quod secūdo loco nobis docendum proposuimus, statim hæc dicta.
Primum

Primum dictum, prima intellectus operatio est simplex rei conceptio, siue notio, qua solam rem sine affirmatione, & negatione concipimus. Dicitur hæc operatio, simplex conceptio, non quod per eam solum res simplices comprehendamus: apprehendimus enim etiam res compositas, ut hominem album, animal rationale; sed quia caret compositione, idest affirmatione, & negatione; proinde non dicitur vera; vel falsa.

Secundum dictum, secunda intellectus operatio est iudicium quoddam, quo iudicamus aliquid alicui rei convenire, vel non convenire, affirmando, vel negando; & propterea dicitur affirmatio, vel negatio, & compositio, ac diuisio: compositio affirmat, diuisio negat: quia illa aliquid attribuit, hæc vero remouet. Arist. lib. 1. de iter. c. 4.

Tertium dictum, tertia intellectus operatio est deductio vnius ex alio; siue iudicium, quo iudicamus aliquid ex alio vere consequi posse; ut, si ponamus plātā augeri, inde deducimus esse animā præditā.

Quartum dictum, intellectus operationes siue omnis intellectiua cognitio ortum habet a sensibus. Huc pertinet pronunciatum illud, Nihil est in intellectu, quod prius non fuerit in sensu, Cognitio itaque sensitiua est prima hominis notitia, quam proxime sequitur intellectiua. Arist. Cicer. in Lucul. Sensus enim immutatur a rebus externis quæ sunt principium nostræ cognitionis per species sensibiles, quæ ad phantasiam perueniunt, a qua formantur phantasmata, ex quibus intellectus agens alias immateriales elicit, quibus affectus suam primam operationem producit, & consequenter alias.

Quintum dictum, cur intellectus secundam operationem exercere possit, duplex assignatur ratio. Prima, quæ sumitur ex parte sensus;

Q 3 quia,

quã, vt sensus subministrat species simplices, ita etiam ostendit alicui rei aliquid inhaerere, aut nõ inhaerere; Et ideo occasione præbet intellectui, vt suo iudicio aliquid de re affirmet, aut neget.

Secunda, est lumen naturale intellectus, quo nõ solum res concipit, sed etiam sua vi aliquid rei, vel conuenire, vel non conuenire cognoscit. Exempli gratia, intellectus concipiendo aliquod totum, apprehendit illud tanquam compositum ex partibus: & vi sui luminis intelligit, totum esse maius qualibet sui parte; & ita affirmat, Totum est maius sua parte. Ex quibus colligeres, cur etiam producat tertiam operationem, quæ consistit in ratiocinatione: quia hæc est humanae mentis vis, vt ex aliqua re cognita, & nota, aliquid ignotum possit ratiocinando colligere; vt, si cognoscat aliquid esse bonum, statim inferet, esse expetendum; & si intelligat aliquem currere, statim colliget, cum moueri.

Sextum dictum, istæ tres intellectus operationes habent inter se intrinsecum ordinem, ita vt secunda necessario pendeat a prima, & tertia a secunda. Siquidem non possumus componere, nisi apprehensa; nec ratiocinari, nisi ex compositis.

Sed est hoc loco dubitatio contra id quod diximus de primæ operationis natura, in ea non esse veritatem, vel falsitatem: quia omnis affirmatio est, vel vera, vel falsa: at in prima operatione est affirmatio: igitur veritas, & falsitas: minor propositio patet ex Aristotele, dicente, Negationem esse posteriorem affirmatione: sed secunda operatio continet negationem; ergo præcedet affirmatio in prima. Explico, si quis per primam operationem concipiat, coruum, statim per secundam potest facere istam propositionem negatiuam, Coruis non est albus: ergo ante istam negatiuam in
prima

prima præcedit affirmatio; ac proinde etiam veritas.

Huic obiectioni responderetur, negando minorem propositionem, quæ simpliciter accepta, non est vera. Distinguendum est igitur: quod affirmatio præcedat negationem dupliciter intelligi potest; vno modo actu, si fiat expressa propositio affirmatiua: altero modo potestate, id est, si intelligatur, ac si facta esset actu: hac posita distinctione, dico Aristotelis pronuntiatum intelligendum esse de affirmatione secundo modo sumpta. Unde, cum intellectus ait, Coruus non est albus, supponitur affirmatiua, quæ tacite, seu potestate præcessit.

Quales sint tres intellectus operationes.

Cap. III. III.

EX tribus capitibus quæ de operationibus intellectus explicanda proposui, restat tertium, in quo virtutes, & vitia harum operationum patefaciam, vt, his cognitis, melius dirigantur ac emendari possint: de quibus hæc subijcio dicta.

Primum dictum, tres intellectus operationes, suapte natura, bene & male exerceri possunt: Quo fit, vt sint capaces quarundam virtutum, & prauitarum: ac proinde opus fuit aliqua arte ad earum vitia corrigenda.

Secundum dictum, harum operationum virtutes, & vitia ex duplici capite oriri possunt; ex obiecto circa quod versantur, & ex modo agendi. Ex parte obiecti exoritur in aliqua operatione virtus, quando totum & integrum obiectum percipitur. vitium vero, cum non totum percipitur,

vel vnum pro alio apprehenditur: Quod vitium, ignorantia vocatur. Ex modo procedendi, tunc bene intellectus agit, quando conuenienter, & ordinate circa obiectum versatur: Et quoniā hoc varijs modis fieri potest; hinc est quod ex hoc capite multæ nascuntur virtutes, & vitia. Virtutes sunt hæc, Claritas, Rectitudo, Veritas, quibus opponuntur hæc vitia, Obscuritas, Obliquitas, & Falsitas: de quibus singulis videndum est quibusnam operationibus conueniant.

Tertium dictum, ignorantia vitium in omnibus intellectus operationibus reperiri potest. Quod hoc vitium in secunda, & tertia esse queat, res est certissima; de prima vero dubitare licet. Ceterum, dicendum est etiam in prima esse ignorantiam: Siquidem ignari homines multarum rerum non habent proprios conceptus: ac etiam viri alias docti; vt multorum animalium, herbarum, & similiū. Quare in prima operatione respectu omnium esse potest ignorantia.

Quartum dictum, secundum vitium, hoc est, Obscuritas in omnibus operationibus potest inueniri. Tunc autem hoc vitium contrahitur, cum non habentur proprii rerum conceptus; vt patet in concipiendis rebus a materia seiunctis, vt sunt intelligentia: & in concipiendis rebus minime entiratis, & in rebus a sensibus valde remotis, quarum respectu oculus noster se habet tanquam oculus nocturnæ ad lumen Solis.

Quintum dictum, secundum vitium, quod est obliquitas, seu non rectitudo, tunc contrahitur, quando rem aliquam non recte apprehēdimus; vt si apprehenderem genus tanquam differētiā; vel superius, tanquam inferius. Et quoniā tertium vitium, nimirū Falsitas, bene explicari non potest, nisi intelligatur quid sit Veritas; ideo nō

nulla

nulla dicta de veritate subijciam.

Sextum dictum, veritas duplex est; altera, quæ tanquam communis quædam rerum omnium proprietas per omnia vagatur entia: nã quidquid est verum est, prout est cum suis principiis conforme: & hæc veritas est a parte rei, de qua non est in præsentia sermo: altera quæ reperitur in intellectu; quæ nihil aliud est, quam conformitas intellectus cum re intellecta: Vnde falsitas huic veritati opposita, nihil aliud erit, quam difformitas intellectus a re intellecta.

Septimum dictum, veritas quæ est in intellectu duplex est, actiua, & passiva: Veritas actiua, est illa quæ sequitur iudicium intellectus, & ita pëdet ab intellectu; vt, si intellectus iudicet, animal esse viuens; quæ, ideo dicitur actiua, quia sequitur iudiciũ intellectus affirmãtis. Veritas passiva est cõformitas inter intellectũ, & rē prout est in intellectu, & extra intellectũ, sine intellectus iudicio; vt, si obijciatur mihi homo, & concipiã, animal rationale; illa conformitas siue cõuenientia inter mētis conceptum, & hominẽ ipsum, dicitur veritas passiva; qualis esse potest et in sensu; qui dicitur verus, vt recipit speciem verã; & vtriq; veritati sua opponitur falsitas. Vnde falsitas actiua est difformitas inter intellectum, & rem intellectã, intellectus iudiciũ consequens. Falsitas vero passiva, est difformitas inter rem & intellectũ, quæ ex intellectu iudicio non oritur. Veritas & falsitas passiva reperiuntur in sola prima operatione intellectus: quia hæc sola operatio sine rationis cõnatu exercetur; cum intellectus ad apprehendẽdum passivè se habeat.

Vltimum dictum, veritas & falsitas actiua sunt in secunda & tertia operatione intellectus, non eodem modo; sed cum aliquo discrimine.

Huius

Huius dicti ratio ea est, quia ad has duas operationes producendas intellectus suo iudicio assensuque concurrat. Dixi, cum aliquo discrimine; quia in secunda, vna tantum reperitur veritas & falsitas; in tertia vero vtraque duplex. Nam in tertia operatione est vna veritas in propositione, altera in argumentationis forma: illa sumitur a materia, hæc a ratiocinationis forma. In hoc syllogismo ambæ sunt veritates, Omne animal sentit: omnis homo est animal: omnis igitur homo sentit: quia & propositiones veræ, & forma, siue illatio bona est. Verum, illa veritas quæ in illatione, siue forma cernitur, potius bonitas, & quæ ei opponitur falsitas, malitia vocari debet: Vnde dicimus bonam & malam formam, siue consequutionem, non autem, veram, & falsam. Duplici ergo veritati duplex opponitur falsitas, propositionis nimirum & formæ; vt in hoc syllogismo patet: omnes docti sunt boni: omnes Logici sunt boni: ergo omnes Logici sunt docti; vbi est falsitas materiæ, quia non est verum omnes doctos, & logicos esse bonos: & formæ, quoniam ista ratiocinatio fit in secunda figura, ex vtraque præmissa affirmante. Ideo autem hæc veritates, & falsitates dicuntur actiue, quia eas intellectus suo iudicio, recto, aut non recto facit.

Atque ex his quæ diximus, facile intelligeres, quodnam sit Logici munus, ea nimirum tradere præcepta per quæ veritas a falsitate internosci queat: cum eius sit verum a falso secernere: vt illud retineatur, & hoc viteatur. Sed de primo quod proposuimus, hucusque sequitur, vt de secundo dicamus.

De nomine Intentionis, unde dicatur, & quas significationes habeat.

Cap. V.



Actura trium operationum intellectus demonstrata, sequitur ut de eo agamus, quo istæ operationes diriguntur, hoc est, de ente rationis, siue de secundis intentionibus; quæ diu inter se re non differunt, ut postea dicetur. Initium capiam ab Intentione: de qua cum sit vox ambigua & obscura, unde ducta sit, & quid significet priore loco docebo.

Intentio est vox composita ab In, & Tentio, quamuis hæc vox simplex non sit in usu; quæ non a Teneo, sed a Tendo originem ducit. Quare, si notationem spectemus, Intentio, designabit intentionem & tendentiam, ut ita dicam, in aliud. Alio ter ergo ista vox usurpatur a Logicis, quam a scriptoribus Latinis; ut cum dicitur, Arcum intentio frangit, animum remissio. Et quoniam quælibet potentia qua aliquid cognoscimus, vel appetimus tendit in suum obiectum, hinc est; ut hoc nomen Intentio usurpetur in explicandis operationibus, tum voluntatis, tum intellectus. Si accommodetur voluntati, intentio aliquando significat actum ipsum voluntatis, quo tendit in bonum, & idem est quod velle, & cupere; aliquando rem ipsam, in quam voluntas tendit; quo modo dicimus, Intentionem magistri esse efficere discipulum doctum. Verum, hoc nomen proprie designat actum, improprie per metonymiam rem ipsam. Hæc voluntatis intentio diuiditur in bonam & malam; de quo intentionum genere Philosophi moralis, & Theologi est disputare. Si vero

Publian.

tradu-

traducatur ad intellectum, ista vox varijs modis usurpari solet.

Primo proprie designat notitiam, siue actum cognoscendi, quo intellectus in rem cognitam fertur: secundo improprie usurpatur pro re ipsa cognita: & quia res cognoscitur per suam speciem quæ est obiecti cogniti similitudo quædam; hinc est, quod etiam rerum intellectarum species intentiones vocantur: sicuti species rerum sensilium a sensibus perceptæ, intentiones dicuntur; quemadmodum colorati species, eius vocatur intentio. Postremo, sumitur intentio ad significandam relationem quandam quæ aduenit rei cognitæ, ut est terminus intellectionis; quæ relatio, vel est ad ipsum intellectum, qui intelligit, vel ad aliam rem; ut relatio generis ad speciem, quæ consequitur cognitionem intellectus. Ex eo enim quod intellectus vniuersæ, gratia exempli, naturam humanam considerat, consurgit in ea quedam relatio ad intellectum, per quam dicitur cognita, & intellecta; & alia ad inferiora a quibus abstrahitur, per quam nominatur species, vniuersalis, prædicatum, &c.

Atque hoc loco in hac tertia significatione potissimum sumitur vox ista intentio: nam agere de intentionibus iuxta alias significationes, aliorum est artificum. Intentionis itaque nomine intelligimus quasdam relationes, seu denominationes extrinsecus aduenientes rebus, ut sunt intellectæ, vel ut obiectiue in intellectu existunt; ut sunt, genus, species, prædicatum, subiectum, antecedens, & similes.

Vbi nota, intentio, si sumatur pro re in quam intellectus fertur, duo includit, vnum quasi materiale, & est illa natura realis cognita, quæ ab illa extrinsecus adueniente relatione denominatur,

tur, vt natura humana, quę dicitur species: alterũ
quasi formale, & est illa relatio, a qua res cogni-
ta denominationem accipit; vt relatio nature hu-
manę ad indiuidua, a qua vocatur species. Exem-
plum sume ab aliquo concreto, vt ab albo, quod
materialiter dicit, corpus, formaliter albedinẽ:
sic species, materialiter dicit naturam realẽ, for-
maliter relationem illam, quę secunda vocatur
intentio, vt ipsa natura, intentio prima, illa for-
malis, hæc materialis, vt sequenti dicetur capite.

Quotuplex sit intentio vniuerse sumpta.

Cap. V l.

Intentio vniuerse sumpta, diuiditur in forma-
lem & materialem: intẽtio formalis est actus
ipse qui in rem tendit: materialis, quę obiectiua
nominatur, est res ipsa in quam tenditur. Vtraq;
rursus duplex, prima; & secunda: Formalis prima
est actus ipse quo primo intellectus in rem fert;
ille inquam, quo primo res obiecta cognoscitur:
Formalis secunda est actus secundus, siue refle-
xus, quo intellectus cognoscit intentiones secu-
das obiectiuas, eas nimirum relationes, quę se-
quuntur res primo cognitæ. Intentio prima ma-
terialis, siue obiectiua est res ipsa, primo cognita,
vt est a parte rei, in quam primo intellectus fer-
tur; vt homo, leo, cælum, &c. ac proinde vocatur
prima. Intẽtio secunda materialis, siue obiectiua,
est illa relatio quę aduenit rei cognitæ, vt est in
intellectu, in quã secundario fert intellectus, ac
proinde dicitur secunda, quasi res secundo loco intẽ-
ta & intellecta. Res itaq; in se consideratę, & pri-
mo cognitæ dicuntur primæ intentiones: relatio-
nes vero illæ quę rebus attribuuntur, & post illas
sequuntur, secundæ intẽtiones vocantur, res nimirũ
quæ-

quædam secundo loco intellectæ. Primæ vocari possunt, res primo intellectæ, secundæ vero res secundo intellectæ. Vtreque intentiones in eo conueniunt, quod neutra dicitur intentio, nisi prout cognoscitur, ac terminat actum intelligendi, & vt dicit relationem ad intellectum.

Primæ, & secundæ intentiones inter se differunt: primo, quia primæ nominantur nominibus primæ intentionis, hoc est, impositionis quæ nomina significant res, vt in se sunt, & vt absolute considerantur, sine relatione ad intellectum; vt natura humana hac voce Homo: secundæ vero nominibus secundæ intentionis, siue impositionis, quæ significant res, vt sunt obiectiue in intellectu, vt eadem natura, species: secundo differunt, quia prima intentio est a parte rei, estque res ipsa realis, substantia nimirum, vel accidens, & ita per se subsistit, vel alteri inhæret: at vero secunda intentio non est a parte rei, neque per se est, nec alteri inhæret, tanquam subiecto, sed est solum obiectiue in intellectu; & ita, tunc est, cum intellectus eam considerat, & in eam fertur: unde, intellectu non operante, nullo modo existit. Quare eorum quæ dicuntur esse obiectiue in intellectu duo sunt genera: alia sunt quæ extra intellectum, & sine intellectu existunt; vt homo, & leo cognitus, quæ dicuntur esse obiectiue in intellectu, quia eius actum terminant, sicuti res visa dicitur esse in oculo, quia oculi actum terminat: alia quæ non existunt præter operationem intellectus, & ideo sunt, quia intelliguntur, vt sunt secundæ intentiones, & entia rationis. Rursus sunt alia quæ obiectiue, & subiectiue in intellectu esse dicuntur; vt sunt cogitationes, & operationes intellectus, quando a nobis cognoscuntur. Nam, vt cognoscuntur, & terminant actum in-

telli-

telligendi, sunt obiectiue in intellectu; vt vero sunt actus immanentes in intellectu, sunt in eo subiectiue, & tãquam accidens in subiecto. Vnde si quis contempletur actum suum intelligendi, iste actus duplici modo, iam dicto, dicetur esse in intellectu.

De diuisione primæ, & secundæ intentionis.

Cap. VII.

Primarum intentionum tria sunt genera: Primum, in quo continentur ea quæ re ipsa existunt sine vllò respectu ad rationem; vt homo, leo, cælum. Secundum eorum, quæ nō existunt in natura, sed solum habent esse per intellectum, sed quia significatur hominibus primæ intentionis, non secus ac si essent aliquid in re, ideo dicuntur primæ intentiones; vt chimæra, mons aureus, & ea quæ intellectus fingit, ex ijs quæ cernit in rebus. Tertium eorum, quæ non sunt quid reale, designant tamen negationē priuatione, ve entis realis; vt cæcum, tenebrosum, quæ formaliter includunt priuationem, in aliqua re. Neque enim homo dicitur cæcus, quia intellectus hoc cognoscit, sed re ipsa existit cæcus; quamuis cæcitas non sit res, sed rei priuatio. Et licet entia mere ficta, & priuationes secundæ intentiones, vel entia rationis appellentur: tamen non proprie, quia ita intelliguntur, ac si essent in re, & non consequuntur aliquid prius cognitum ab intellectu, & non sunt meræ relationes rationis; ac proinde vocantur primæ intentiones. Quæ sunt in secundo genere dicuntur interdum entia rationis, quia a ratione concipiuntur,

piuntur, & non existunt re ipsa: quæ vero sunt in tertio, cum nihil sint in re, ideo esse dicuntur, quia a ratione apprehenduntur, & ita cognoscuntur, & ac si essent aliquid. Atque hæc de diuisione primæ intentionis pergamus ad secundam.

Prima diuisione, secundarum intentionum, aliæ sunt immediatæ, vt illæ quæ proxime conueniunt rebus, vt esse obiectum, esse cognitum, & abstractum: aliæ quæ conueniunt rebus mediate per illas priores; vt esse vniuersale, esse indifferens ad multa: quæ conueniunt rei iam abstractæ a singularibus: aliæ rursus; quæ istas sequuntur, vt esse speciem, esse genus, esse genus supremum, vel infimum; quæ sequuntur naturam cognitam, vt vniuersalem. Quare, secundum hanc considerationem varij possunt constitui secundarum intentionum gradus.

Secunda diuisione, intentionum secundarum, aliæ conueniunt omni enti; vt esse prædicabile, subijcibile, vniuersale, particulare: aliæ quæ solû conueniunt ijs quæ sunt in serie prædicamentali; vt esse genus esse speciem: aliæ quæ solum certæ categoriæ, vt esse personā, significare hoc aliquid, non prædicari de subiecto, quæ conueniunt soli substantiæ: esse accidens proprium, vel cõmune, esse in subiecto, esse concretum, quæ solum accidenti tribuuntur.

Tertia diuisione, aliæ significant quandam priuationem; vt esse abstractum, esse vnum specie, & numero: aliæ aliquam habitudinem, vel ad intellectum, vt esse cognitum, esse intelligibile, vel ad aliam rem cognitam, vt esse genus, ad speciem, & esse prædicatum, ad subiectum.

Quarta diuisione, aliæ conueniunt rebus, vt sunt in prima operatione intellectus; vt sunt omnes intentiones quæ tribuuntur rebus simplicibus, quæ

quæ considerantur in libro prædicabiliũ, & prædicamentorum; vt esse vniuersale, genus speciẽ superius, inferius, &c. aliæ quæ attribuuntur rebus, vt sunt in secunda operatione; vt, affirmatio, negatio, verũ, falsum, &c. Aliæ denique quæ conueniunt rebus, vt sunt in tertia operatione; vt esse antecedens, consequens maiorem, & minorem extremitatem, & aliæ.

Quinta diuisio, intentionum secundarũ, aliæ sunt inter se contrariæ, vt sunt illæ quæ non possunt conuenire eidem rei, saltem secundum eandem considerationem, vt esse summum genus, & speciem infiuam, esse vniuersale & particulare, prædicatum & subiectum: aliæ quæ eidem rei conuenire possunt; vt esse vniuersale, & genus: aliæ quæ necessario vni tantum rei conueniunt, vt esse singulare, indiuiduo, & esse genus supremum, summo generi.

Postremo diuidi possunt pro artium diuersitate; vnde aliæ sunt intentiones grammaticæ; vt esse nomen proprium, appellatiuum, primitiuũ, & deriuatiuum: aliæ rhetoricæ; vt esse membrum, periodum, exordium, & propositionem: & aliæ Logicæ, Grammaticæ pro diuersitate linguarum possunt esse diuersæ apud diuersas nationes; at Logicæ sunt eadem apud omnes, cum res quas sequuntur eadem sint.

*Explicatur primarum & secundarum
intentionum natura.*

Cap. VIII.

NON erit difficile, ex ijs quæ diximus, vt arbitror, intelligere quæ sit intentionum natura, quam hoc capite explicandam proponimus, cum in superioribus aliqua parte iam explicata

R fuerit.

fuerit. Vt autem adhuc clarius eā patefaciamus; docendum est, quæ sit earū materia, quæ forma.

Quattuor, vt ex illata doctrina colligere licet, sunt intencionum genera, duæ obiectiuæ, quæ conceptus obiectiui vocantur; duæ formales, & vtræque primæ, vel secundæ. Intentiones obiectiuæ sunt res ipsæ cognitæ; formales vero sunt actus cognoscendi: illæ sunt tantum obiectiuæ in intellectu, hæ vero etiam subiectiuæ. Primæ intentionis obiectiuæ materia, sunt omnes res quæ quocunque modo, directe, vel indirecte cognosci possunt ab intellectu; vt sunt vniuersalia, singularia, positiua, priuationes, & negationes, vt conceptæ sunt sub aliquo reali, per quod possunt terminare potetiam intellectiuam. Quæ omnia non dicuntur intentiones obiectiuæ, nisi vt terminant actum intelligendi, & vt intellecte sunt. Quo fit, vt res in se consideratæ, & vt existunt extra animam, non dicantur intentiones. Forma vero est illa relatio, quæ consurgit in re cognita ad primam intentionem formalem, i. ad actum primum intellectus; a qua relatione res denominatur cognita, & intellecta. Quare, res cognita est veluti materia & denominatum; at vero relatio rōnis est veluti forma denominās. Materiale secundæ intentionis obiectiuæ est natura, siue res iam cognita: formale sunt illæ relationes quæ adueniunt rebus per respectum rationis quæ consurgit in rebus, vt sunt obiectiuæ in intellectu, in ordinem ad res alias. Exempli gratia relatio generis, est forma per quā natura generica existens in intellectu refertur ad speciem: & relatio speciei est forma per quam natura specifica nominatur species; & idem dicas de alijs relationibus a quibus denominantur, subiectum, prædicatum, &c. At vero materiale intentionis

formalis, hoc est ipsius actus intelligendi, est ipsemet actus, vt operatio quædam est; formale est respectus quem intelligendi actus habet ad re intellectam, per quem denominatur intentio formalis prima, vel secunda. His ita expositis, facile erit omnes dictas intentiones describere.

Intentio formalis est actus intellectus qui in aliquod tendit obiectum. Intentio formalis prima, est actus intellectus, siue notitia, & conceptus, quo prima intentio cognoscitur. Intentio secunda formalis, est actus secundus intellectus, quo secundæ cognoscuntur intentiones: quem aliqui reflexum vocant, sed improprie. Prima intentio obiectiua, est natura realis, vt est primo cognita ab intellectu. Secunda intentio obiectiua, est relatio rationis quæ sequitur res cognita, vt secundario cognita ab intellectu. Vel, est relatio rationis a qua extrinsece primæ intentiones denominantur, prout existunt obiectiue in intellectu.

Explicantur dubitationes quedam circa secundas intentiones. Cap. IX.



Scilicet Vm non sit instituti nostri integrum opus de secundis intentionibus cōficere; ideo quæ late de eis minus vtiliter disputari possent, in pauca cōferemus. Vt ergo quæ de re proposita dicenda restant, breuiter cōplectar, ea quibusdam dubitationibus perstringam; quibus, quæ hucusque diximus, manifestiora fient.

Prima dubitatio, an secundæ intentiones possint appellari entia. Vt huic dubitationi satisfiat, notandum est, quinque modis aliquid posse dici non ens. Primo, dicitur non ens id, quod habet

Aristo. 1.
Physic.

esse reale, sed diminutum ac imperfectum: quo modo materia prima dicitur non ens, cum sit imperfectissimum ens, & omni forma careat: similiter, accidens, cum per se non subsistat, solet appellari non ens. Secundo, dicitur non ens id, quod licet supponat ens, ipsum tamen formaliter non est ens, sed entis negatio, cuiusmodi sunt omnes priuationes; quæ dicunt entis absentiam in subiecto apto; vt cæcitas, tenebræ. Tertio dicitur non ens, id quod nullo modo significat, vel includit ens reale: quo modo quæ ab intellectu finguntur, dicuntur non entia; vt chimera, & id genus alia mere ab intellectu ficta: dicuntur tamen aliquo modo esse, prout habent esse fictum. Quarto, dicitur non ens, quod est mere nihil; vt cum dicimus, extra cælum, esse non ens, vel ante mundum conditum, præter Deum, fuisse non ens. Postremo, dicitur non ens, quod non est in re, neque est mere fictum ab intellectu, sed consequitur operationem intellectus, estq; solum obiectiue in intellectu, cuiusmodi sunt secundæ intentiones iam explicatæ. Hoc posito, ad dubitationem respondeo his dictis.

Primum dictum, secundæ intentiones possunt dici non ens, si non ens dicatur id quod per solum intellectum existit. Secundum dictum, secundæ intentiones, non possunt dici non entia, si non ens sumatur pro eo, quod est mere fictum ab intellectu, & vt dicit priuationem. Quia, licet secundæ intentiones non existant, nisi per intellectum; tamen non sunt figmenta, sed vere relationes rationis, quæ necessario consequuntur res cognitæ, quas vere denominant. Concludere itaq; licet secundas intentiones esse aliquid.

Secunda dubitatio, an secundæ intentiones sint entia realia. De hac re varij sunt modi dicendi, quos

quos ad positam dubitationem respondendo insin-
nuabimus.

Primum dictum, secundæ intentiones sunt ali-
quid: patet hoc dictum ex prima dubitatione: &
confirmatur, quia dantur nomina quibus signifi-
cantur: igitur. Secundum dictum, secundæ intentiones
nō sunt operationes intellectus, siue mentis cō-
ceptus. Primum, quia ista sunt entia realia: at se-
cundæ intentiones sunt entia rationis: igitur. Secū-
do, quia secundæ intentiones dirigūt intellectus
operationes: ergo non sunt ipsæ operationes, cū id
quod dirigitur, diuersum esse debeat a dirigente.
Tertio, secundæ intentiones denominant res co-
gnitas; id quod non conuenit operationibus, &
conceptibus mentis, a quibus res non dicūtur ge-
nera, vel species: ergo. Postremo, intellectus ope-
rationes considerātur a Physico, & sunt entia rea-
lia: at secundæ intentiones non sunt entia realia:
igitur. Ex quibus inferres, non esse ipsas species
intelligibiles, quæ repræsentant res ipsas: neque
cognitionem reflexā, qua intellectus comparat
duas res cognitās inter se. Tertium dictum, secū-
dæ intentiones non sunt denominationes mere
extrinsecæ aduenientes rebus; sicuti, parieti, exē-
pli gratia, aduenit extrinsece, quod dicat dexter,
sinister, & visus. Primo, secundæ intentiones Logi-
cæ dicunt ordinē rerū inter se, vt cogniti sunt; vt
genus ad species, species ad indiuidua, prædicatū
ad subiectū, & sic de alijs; igitur non sunt relatio-
nes mere extrinsecæ. Secundo denominationes,
extrinsecæ attribuunt rebus per solū respectū ad
intellectū cognoscētē res ipsas: at præter istas dā-
tur alię q̄ cōueniunt rebus, vt ad alias res, vel in-
ter se referunt, q̄ conferūt ad dirigēdas operatio-
nes intellectus, sub qua ratione considerantur a
Logico: igitur, præter illas extrinsecas, ponēde sunt

aliæ, quæ vere & proprie sunt secundæ intentiones . Quartum dictum, secundæ intentiones sunt relationes aduenientes rebus inter se consideratis, prout cognoscuntur ab intellectu. Patet hoc dictum, primo ex superioribus dictis: quia cum non sint aliquid eorum quæ confutauimus, restat vt nihil aliud sint, quam illæ relationes rationis quæ consequuntur res cognitæ, quatenus vna comparatur cum alia. Exempli gratia, ex eo quod intellectus comparat hominem cum animali, & videt hominem habere rationem materiæ, ait esse subiectum: & quia animal habet rationem formæ, dicit esse prædicatum: & quia animal est quoddam totum vniuersale, quod contrahitur per differentias ad inferiora, vt ad hominem, & brutum, illud vocat genus, hanc vero speciem. Huiusmodi igitur relationes quas secundo loco intellectus cognoscit, sunt secundæ intentiones, & entia rationis, ita vt entia rationis, & secundæ intentiones sint idem.

Tertia dubitatio, an secundæ intentiones sint per se cognoscibiles? Respondeo, & sit primum dictum, secundæ intentiones, non sunt per se cognoscibiles. Nam, illud per se cognoscitur, quod per se primo potest terminare actum intelligendi, quod est proprium entis realis: at secundæ intentiones non sunt entia realia: igitur. Secundum dictum, secundæ intentiones sunt cognoscibiles per aliud, nimirum per naturas reales, sicuti & res spirituales per corporales: quo pacto Deus cognoscitur per creaturas, & anima per suos effectus.

Quarta dubitatio, quomodo secundæ intentiones conueniant primis, & de illis prædicatur: cui dubitationi satisfacio his dictis. Primum, secundæ intentiones non dicuntur de primis in-

trinse-

trinsece, & naturaliter: quia non sunt de earum natura, nec in earum definitione ponuntur. Secundum dictum, secundæ intentiones conveniunt quodammodo naturaliter rebus, prout sunt obiective in intellectu. Nam, ex eo quod homo, gratia exempli, est abstractus ab inferioribus, & est secunda intentio habet, ut ei necessario conveniant hæ attributiones, ut dicatur universalis, species, & prædicabilis. Tertium dictum, secundæ intentiones non prædicantur de primis, ut in seipsis sunt, sed ut habent esse in intellectu: Quia non conveniunt illis, ut res sunt, sed ut cognitæ: at quod sint cognitæ, non habent nisi per intellectum; igitur.

Quincta dubitatio contra id quod diximus, secundas intentiones non esse entia realia: Argumentatio, propositio, & definitio sunt secundæ intentiones: at ista sunt realia: igitur secundæ intentiones sunt reales: Confirmatur, quia ad istas operationes nihil consequitur, & nihil per eas de nouo producitur, igitur sunt ipsemet operationes. Similiter probari posset esse conceptus mentis; quia secunda intentio est aliquid, quod potest applicari multis: at huiusmodi sunt isti conceptus; quia conceptus hominis applicari potest pluribus hominibus; igitur: qua etiam ratione probares esse species intelligibiles, quæ sunt universales in prædicando. Verum, prima ratio non convincit; concedimus quidem, argumentationem, ut dicit intellectus operationem materialiter esse ens reale, & propositionem, ut dicit actum intellectus componentis; at secundæ intentiones non sunt istæ operationes, sed denominationes, quæ adveniunt rebus, ut sunt in intellectu per istas operationes. Neque secunda, nam secunda intentio est ratio per quam natura concepta est

participabilis, & prædicabilis de multis; cuiusmodi non sunt ipsi conceptus: qui non prædicantur, sed naturæ ipsæ, vt substant secundis intentionibus. Atque idem diceres de speciebus, quæ solum representant naturam secundum se, non vt participabilem a multis.

Denique, si quis contenderet esse meras relationes extrinsecus aduenientes rebus, vt dicunt ordinem ad intellectum apprehendentem, componentem, & ratioçantem, cuiusmodi sunt relationes quæ adueniunt rebus, vt a sensibus cognoscuntur, & maxime a sensu cõmuni qui cõparat vnum obiectum vnus sensus cum alio; dicerem, ex dictis, præter istas extrinsecas relationes, & denominationes quæ consurgunt in rebus per ordinem ad intellectum cognoscentem, dari alias inter res ipsas cognitæ, & has esse proprie intentiones logicas. quæ conferunt ad dirigendas intellectus operationes: cuiusmodi non sunt relationes quæ oriuntur ex cognitione, & comparatione sensus communis. Sed de secundis intentionibus hucusque; de quibus, si quid restat dicendum, dicetur in duobus sequentibus capitibus, in quibus de ente rationis agam.

*Quibus modis sumatur ens rationis,
& quæ scientiæ de eo agant.*

Cap.

X.



Quoniam ens rationis, natura, nõ differt a secundis intentionibus; ideo de eo pauca dicemus, cum quæ de secundis intentionibus dicta sunt, bona parte, de ente rationis intelligenda sint: & quia ens rationis multis modis dicitur,

tur, propterea priore loco varias huius termini
significationes explicabo, & ad quam artem eius
consideratio pertineat docebo.

Quod igitur ad primum attinet, primo, ens ra-
tionis dicitur quidquid aliquo pacto pertinet ad
rationem, vel tanquam forma, vt species intelli-
gibilis, & artiū habitus: vel tanquam effectus, vt
eius operationes, & denique, quidquid est in ra-
tione. Contra vero ens reale dicitur quidquid
est extra animam. Sed hæc acceptio est impropria,
cum ista omnia sint vere ente realia, quæ expli-
cantur in Physica quæ est sciētia realis. Secundo,
dicitur ens rationis, id quod non habet esse cō-
pletū nisi per ordinem ad rationē; quo modo nō-
nulli dicunt tēpus, & relativa esse entia rationis,
cum aliquo pacto pendeant a ratione. Sed neque
acceptio est propria, cū & tempus, & relata sint
vere entia realia, licet secundū aliquam cōside-
rationem, a ratione pendeant. Tertio, dicitur ens
rationis, quod nō habet esse reale, sed dicit entis
realis absentiam; vt sunt priuationes, & negatio-
nes; vt non homo, tenebræ, cæcitas, quæ tribui-
tur oculo, vt est videndi facultate orbat, & a
sola ratione percipit, vt quid ab oculo distinctū;
quare cū ista nihil sint ī re, merito entia rationis
dicuntur. Quarto, ens rationis dīr qđ est mere fa-
bricatum ab intellectu, & quod in re existere nō
potest, vel non habet fundamentū in re, nec rem
cōsequitur: vt chimæra, & ea quæ intellectus fin-
git. Quinto, entia rationis dicuntur illa quæ cō-
sequuntur res cognitæ ab intellectu, vt habent
esse obiectiūm, & cognitum in intellectu: quæ
nihil aliud sunt, quam relationes illæ, & secun-
dæ intentiones de quibus supra diximus: quarum
aliæ dicunt negationem quandam, aliæ relatio-
nem positiuam, vt supra docuimus: Rursum
aliæ

aliæ, dicunt solum ordinem ad intellectum cognoscentem: aliæ vero ad res ipsas, quæ inter se referuntur; & hæ sunt proprie entia rationis Logica: quæ consequuntur res cognitæ, & comparatas, & ab intellectu, prima, secunda, & tertia operatione perceptas.

Ex quibus colligeres, entia rationis a Logico considerata, non esse figmenta, sed veras relationes, & respectus fundatos in rebus, ut sunt in intellectu, quas res, ut supra docuimus, naturaliter consequuntur; sicuti proprietates reales, consequuntur res reales, ut esse risium, sequitur esse hominem. Atque hæc de primo.

Quod attinet ad secundum, agere de ente rationis ad varias pertinet scientias; loquor de ente rationis proprie accepto, iuxta ultimam significationem, sed ut plane rem hanc explicem, subijcio dicta quædam.

Primum dictum, agere de ente rationis primo modo sumpto, pertinet ad Physicum, dum agit de anima, eiusque potentijs, modoque intelligendi. Atque idem diceres de ente rationis secundo modo accepto, cuius consideratio pertinebit ad eam scientiam, quæ considerat eas res quæ aliquo pacto pendent a ratione.

Secundum dictum, agere de ente rationis tertio modo sumpto, ut dicit negationem; siue privationem, pertinet ad eam scientiam, quæ considerat habitum, vel formam, ad quam sequitur privatio: & ita de cecitate ager scientia quæ disputat de sensu visus.

Tertium dictum, agere de ente rationis quarto modo sumpto, ut est quid mere fictum, ad nullam pertinet scientiam. Quia scientia est de aliquo ente: at quod est fictum, non est ens; igitur: quod fit, ut dicatur æquiuoce ens.

Quartum .

Quartum dictum, agere de ente rationis, siue de relationibus quæ adueniunt rebus, vt dicunt ordinem ad potentias cognoscentes, pertinet ad scientiam quæ agit de ipsis potentijs, nimirum ad Physicam. Similiter agere de relatione rationis quæ est inter terminos reales, vt inter creatorē, & creaturam, pertinet ad scientiam, quæ agit, de termino reali; vnde agere de relatione creatoris ad creaturam munus erit Theologi, vel Metaphysici.

Quintum dictum, agere de ente rationis Logico, vt quoddam ens est, pertinet ad Metaphysicum; qui cum consideret ens, vt ens est, debet considerare quidquid habet rationē aliquam entis, vt tale est. 7. Met. in fine.

Sextum dictum, agere de ente rationis, vt est instrumentū, siue ratio cognoscendi, & dirigendi operationes intellectus, pertinet ad Logicum. Ratio est manifesta, quia eius est tradere cognitionem eorum, quæ conferunt ad rerum cognitionem comparandam.

Septimum dictum, etiam Grammaticus, & Rhetor de suis intentionibus, siue de ente rationis agunt. Quoniam in his etiā artibus sunt quædam entia rationis, secundæque intentiones, vt supra docuimus.

*Quid sit ens rationis, & quomodo existat,
& a secundis intentionibus differat.*

Cap. XI.

QUattuor hoc capite explanabimus, quæ de ente rationis nobis explicanda restāt: quæ etsi ex dictis aliquo pacto sunt manifesta; hic tamen

tamen planius explicabuntur : sunt autem ista ,
An ens rationis sit vere ens , quomodo existat ,
quid sit , & quomodo a secundis intentionibus
differat .

Vt autem primum plane declaretur , animadu-
uertendum est, non ens, vt supra docuimus , di-
ci aliquid, vel quia habet minimum entitatis, vel
quia supponit aliquid, cum tamen formaliter sit
nihil, vt priuatio, vel quia est solum per intelle-
ctum, & nullum habet fundamentum in re , vel
quia, licet nihil sit in re, habet tamen fundamen-
tum remotum in rebus , vel denique , quia om-
nem prorsus negat entitatem , & dicit ipsum
nihil .

Rursus animaduertendum est, duobus modis
fumi ipsum nihil : primo, negatiue, quando non
solum nullam entitatem ponit, sed etiam omni-
no quamcunque entitatem quocunque modo ne-
gat: altero modo positiue , quando, licet non po-
nat aliquam entitatem formalem, supponit ta-
men aliquod fundamentum proximum, vel re-
motum reale: quo modo priuationes, & relatio-
nes rationis dicuntur nihil . Inter primum , &
secundum modum, hæc sunt discrimina : nihil ,
primo modo sumptum, non potest esse scibile
nec esse obiectum alicuius scientiæ, alterum ve-
ro maxime: primum non potest denominare res
reales, hoc potest : illud non potest habere con-
ceptum positium, hoc habere potest : deni-
que , illud est contradictorium entis, hoc ne-
quaquam . His ita expositis, statuo hæc dicta .

Primum dictum, ens rationis non est nihil ne-
gatiuum . Quoniam ei conueniunt contrariæ
conditiones, illis quæ conueniunt , non enti
negatiuo .

Secundum dictum, ens rationis est nihil posi-
tium :

tiuum: hoc est non est tale ens, quod dicat formaliter aliquam veram, & realem entitatem, supponit tamen illam pro fundamento proximo, vel remoto. Dicitur ergo esse nihil, quia non includit aliquam veram entitatem; dicitur, supponere aliquid ad differentiam nihili negatiui. Quod si pereres, quod nam est illud ens reale, quod supponit ens rationis; responderem, remote esse ipsas rationes rerum realium, & proxime operationes intellectus quas sequitur.

Tertium dictum, ens æquiuoce dicitur de ente reali, & de ente rationis. Primum, quia ens reale dicitur id quod vere est: at ens rationis nō est vere ens, sed solum secundum quandam similitudinem dicitur ens; sicuti imago hominis dicitur homo: erit igitur æquiuoce ens. Secundo, si diceret aliquam entitatem formalem, deberet considerari a Metaphysico; qui tamen a sua consideratione reijcit tale ens, igitur. Tertio si esset vere ens, vel esset substantia, & hoc non, ut est manifestum; quia non subsistit: vel accidens, & hoc etiam dici non potest; quia nulli rei inhæret, ut accidens: igitur. Postremo, ens analogice dicitur de substantia, & accidente; igitur de ente reali, & rationis diceretur æquiuoce: cum magis distet ens rationis ab accidente, quam accidens a substantia.

Quod si obijcias, inter ens reale, & non ens, nihil intercedit: igitur ens rationis, vel erit nihil, vel ens reale: Respondeo inter illa dari ens quod habet similitudinem cum ente reali; ut inter hominem, & non hominem datur similitudo hominis: cum non sit mere nihil, nec mere ens, ut est probatum.

Cōtra vero, si probares esse ens reale, quia est obie-

obiectum potentia realis, & quia habet causam realem, nimirum intellectum cognoscētem res; dicerem, primam illatam rationē non concludere, nisi de obiecto proprio, & per se determinatio intellectus: neque secundam, quia intellectus non est causa per se entis rationis, sed consequitur: & cum sit relatio quādam, non est per se terminus productionis, siue intellectus: Quare intellectus dicitur causa efficiens entis rationis in directe, prout ad eius intellectiōem sequitur entia rationis: quæ non propterea censenda sunt entia realia, quia ea denominant; cum solū extrinsecus denominēt. Sed de primo satis; nūc de secundo, in quo explicandum est, quale habeat esse ens rationis in intellectu:

Quattuor modis dicitur aliquid esse in intellectu; vno modo obiectiue tantum, vt illa quæ nullum habent fundamentum in re, vt entia mere fictitia: alio modo obiectiue, & subiectiue; vt cum quis speculatur ipsummet actū intellectus, vel aliquid quod inest, & inhereat intellectui, vt scientia & habitus: præterea, est aliquid in intellectu obiectiue, sed subiectiue est a parte rei; vt homo cognitus ab intellectu: postremo, est aliquid in intellectu obiectiue, subiectiue autem nec in intellectu; nec in re, nisi fundamentaliter, cuiusmodi sunt secundæ intentiones. Rursus duobus modis potest esse aliquid in intellectu; vno modo directe, quando per se suamque speciem obijcitur intellectui; vt res colorata, aspectu percepta: altero modo indirecte & consequenter, per speciem & cognitionem præcedentem alterius rei; quo modo anima est in intellectu per cognitionem operationum externarum ipsius. His notatis, pono hæc dicta.

Primum dictum, ens rationis nō habet esse in intel-

intellectu subiectiue: quia non est accidens reale, quod adhæreat intellectui. Secundum, ens rationis habet esse obiectiuum in intellectu. Quia non existit, nisi cum intellectus illud cognoscit, & apprehendit, vel intellectu cognoscente. Tertium, hoc esse obiectiuum quod habet in ratione, habet indirecte, quia nunquam per se obijci-
tur, sed potius consequitur ad aliquam operationem intellectus: in quod postea tanquam in secundam intentionem intellectus ferri potest. Atque ex dictis facile erit docere, ac intelligere, quid sit ens rationis, quod tertio loco propositum erat.

Ens igitur rationis est relatio, siue proprietas quædam, quæ aduenit rei cognitæ, vt cognita est per operationem intellectus. Huius descriptionis sententia satis patet ex ijs quæ hucusque de ente rationis, & de secundis intentionibus docuimus: ac proinde nihil est necesse, cur pluribus eam explicemus.

Sed peteret hoc loco quispiam, quonam pacto Logicus agat de ente rationis, dum agit de definitione, propositione, & syllogismo? Respondeo, dum explicat quæ & qualis debeat esse definitio, debet videre quidnam sit genus, quæ differentia, & an cum definito conuertatur: quod dum facit, entia rationis considerat, per quæ, quasi per amullum, videt an sint bene constituta. Similiter, cum agit de propositione, dum considerat, quid prædicetur, quid subiiciatur, qui sit propositionum ordo, siue materia, quæ oppositio; quæ æquipollentia, & contrarietas, entia inspicit rationis, per quæ, quasi per quosdam indices, videt earum integritatem, aut vitium. Non secus ac si aliquis per umbram styli solaris videret, an esset recte collocatus, & quota hora esset. Pari ratione, dum agit
de

de syllogismo, videt terminorum dispositiones, figurarum, & modorum varietatem, præmissarum coherentiam, & conclusionis ex præmissis dependentiam: quæ dum facit, entia rationis speculatur, relationes nimirum, & affectiones dictas, rebus in ratione existentibus aduenientes.

Denique, quod ultimo loco exponendum nobis erat, Entia rationis, & secundæ intentiones sunt idem prorsus; ita ut una, & eadem sit eorum definitio, atque natura: & si quid differunt, accidentaliter differunt: Nam relationes illæ quæ re cognitam consequuntur, si considerentur in se, & ut a ratione pendent, suntque in ea obiectivæ, dicuntur entia rationis: eadem ut per secundum actum, vel secundam intentionem formalem, cognoscuntur, & secundo loco obijciuntur, & in eas intellectus tendit, intentiones secundæ nominantur, id est res quædam secundo loco intellectæ, & rebus attributæ. De quibus, ut de ente rationis hæc dixisse volui: quibus, ni fallor, omnia continentur, quæ nonnulli, sine vlla necessitate, fusius & confusius docent.

An uniuersalia sint, & ad quem artificem eorum consideratio pertineat.

Cap. XII.



QUOD tertio loco tractandum proposuimus, id nobis in hac tertia huius libri parte exponendum est: cum entia rationis, secundæque intentiones uniuersalia sequantur, & uniuersalibus attribuantur, sintque uniuersalia earum fundamentum. Et quauis a multis Logicus multa de uniuersalibus non logice dispu-

disputentur: nos tamen nostri propositi, & officij
memores, ea dicemus quæ sint Logico accommo-
data, & satis.

Vniuersale duobus modis sumitur; complexe, 7. Poster.
c. 1. 7.
pro propositione in qua prædicatū pluribus con- 10. Meta.
c. 1.
uenire dicitur; vt, omnis homo currit; & incomplexo, vt designat id quod habet ordinē ad multa; & cum hic ordo sit multiplex, etiam vniuersale multis modis sumitur.

Primo, dicitur aliquid vniuersale in cauſſando; quia est cauſſa efficiens, vel finalis multorum; vt Deus, qui est cauſſa efficiens, & finalis omnium.

Secundo, in eſſendo, cuiusmodi eſſet aliqua forma, quæ informaret plura, si dari posset; vt si vna anima numero plures informaret homines.

Terrio in vrendo, quo modo placeat, dicitur eſſe vniuersalis ratione vsus; quia omnes ea videntur.

Quarto, in repræſentando, quia multa simul repræſentat; vt ſpeculum, & ſpecies intelligibiles, & conceptus in mente humana, quibus multa repræſentantur.

Quinto, in ſignificando, quia multa ſignificat; quo modo aliquis terminus dicitur vniuersalis, vt homo, animal.

Postremo, in prædicando, quia attribuitur multis, & dicitur de multis; vt natura humana de multis hominibus, & in hac vltima ſignificatione poſitiſſimum a nobis hoc loco ſumetur. Nomine igitur vniuerſalium designantur naturæ quædam a ſingularibus ſeuinctæ, quæ habent ordinem attributionis ad multa, & poſſunt dici de multis; vt ſunt genera, & ſpecies rerum: de quibus quæritur, an dentur, & an a Logico tractari debeant. quid autem de rebus propositis ſentiendum, ſit

S

ſequen-

sequentibus dictis definiam.

Primum dictum, vniuersalia dantur. Primum
 Lib. r. po hoc dictum communis omnium sapientium con-
 fter. firmat consensus. Deinde, quia alias non daretur
 scientia, quæ debet esse de rebus semper existen-
 tibus, & de naturis secundum se consideratis, qui-
 bus per se conueniunt proprietates quæ per scien-
 tiam cognoscuntur. Denique, intellectus ido-
 neus est ad intelligenda vniuersalia quæ sunt eius
 proprium obiectum: igitur dari debent; ne nobil-
 issima hominis potentia proprio careat obiecto;
 & vt homo vna voce significat multa, ita cogno-
 scere debet vnum, quod est in multis: id autem est
 vniuersale; igitur.

Secundum dictum, vniuersale non est aliqua
 natura re separata a singularibus. Non est itaque
 existimandum, vniuersalia esse quasdam formas
 separatas a rebus, quarum participatione consti-
 tuantur singularia, vt voluit Plato, qui eas for-
 mas, ideas appellabat. Quoniam istæ formæ de-
 bēt esse productæ, ac proinde singulares; quo fit
 vt nō possint attribui multis, si sunt singulares:
 vt omitram, quod cum sint extra res ipsas, non
 possunt esse ipsarum rerum formæ.

Tertium dictum, vniuersale nō est aliquid no-
 bis inditum atque ingenitum a natura, sicuti po-
 tentiæ ipsæ: quibus agimus, vt quidam voluerunt.
 Quoniam, si hoc esset, etiam idiotæ haberent vni-
 uersalium notitiam: cum quæ sunt a natura indi-
 ta omnibus sint cognita: at experientia contra do-
 cet; igitur. Vnde colligeres, nō esse verum quod
 alij dixerunt, vniuersalia infundi humanis men-
 tibus ab aliqua causa extrinseca: quoniam pari ra-
 tione infunderentur omnibus: & cum sciētia sit
 quædam humana perfectio, modo debet acquiri
 humano, & naturali; non per aliquam causam

extrin-

Plato.
In Phæd.

Plut. de
plac. Phil.
c. 10.

Auic.

extrinsecus in nobis agentem. Quartum dictum; vniuersalia, sunt potestate in rebus ipsis; & ita naturæ quæ denominantur vniuersales, sunt in re, fiunt autem actu vniuersales, vt sunt obiectiue in intellectu, qui est causa efficiens vniuersalitatis in rebus, vt postea dicetur.

Quintum dictum; omnes scientiæ agunt de vniuersalibus, id est considerant; & tractant res vniuersales: non tamen omnes explicant naturā vniuersalium. Doctrina est manifesta; quia scientia non est de singularibus; ergo omnes scientiæ considerant res vniuersales: at vero doctrina de natura vniuersalium non traditur ab omnibus scientijs, sed a quibusdam, & quidem diuersa ratione.

Sextum dictum, agere de vniuersalibus pertinet ad varios artifices, Metaphysicus considerat naturam vniuersalium, explicando eorum entitatem & proprietates, causasque: Physicus, tractat vniuersalia, vt sunt obiectum intellectus, & vt consequuntur intelligentiæ operationes: Logicus vero, vt substant secundis intentionibus, & vt eorum notitia confert ad dirigendas humane mentis operationes.

De causa efficiendi vniuersalium.

Cap.

XIII.



Vm ergo vniuersalia, vt docuimus, non sint res aliquæ re existentes a singularibus seiunctæ, nec sint a natura indita, aut ab aliqua externa causa de nouo in humana mente producta, hinc fit, vt non sint ante operationem

intellectus, & si quid sunt, esse per intellectum; ut vere illud ab Aristotele de vniuersali pronunciatum fuerit, Aut nihil esse, aut quid posterius. Fiunt ergo vniuersalia ab intellectu, qua autem ratione, paucis explanabo.

In hac rerum vniuersitate multæ ac variæ dantur rerum species, quæ partim differunt, partim conueniunt, ut est etiam sensibus manifestum. Et quoniam vniuersale nihil aliud est quam natura quædam communis multis, quæ potest attribui multis; hinc est, ut tunc dicatur aliquid fieri, & esse vniuersale, cum cognoscitur, ut commune multis; & indifferens ad multa. Et ut in mundo multæ existunt rerum species, ita & in vna, & eadem re multæ naturæ, & rationes multæ; ut in homine substantia, accidens, & varia accidentia, varijque gradus substantiæ, sentiens, viuens, & alij. Quarum naturarum diuersitas partim sensibus varijs, partim intellectu cognoscitur.

Est enim in homine duplex cognitio, vna sensitiva, quæ sensatio, altera intellectiva, quæ intellectio dicitur: quæ duæ cognitiones partim conueniunt, partim differunt. Conueniunt quidem, quod viraque suum proprium percipit obiectum: quod non faciunt, nisi cum ipsis per species vniatur: & dum vnum percipiunt, abstrahunt ab alio; Ut ecce, dum oculus fertur in pomum, percipit in eo esse coloratum, & abstrahit a sapore, & odore: similiter, dum intellectus percipit solum naturam humana quæ est in Petro, dicitur abstrahere a nouis, siue a conditionibus singularibus Petri: quæ abstractionem, Præcisiuam vocant.

Differunt autem sensus, & intellectus primum in eo, quod cum sensus sit potentia materialis, non potest componere, aut coniungere vnam notitiã cum alia, seu affirmare, aut negare vnam rem de alia:

alia: intellectus autem, cum sit a materia seiunctus id potest; & ita actu separat vnam rē ab alia; vt ab homine, esse lapidem: & vnam cum alia coniungit; vt, cum homine, viuens. Separationē istā quam facit intellectus, Negatiuam vocant. Potest itaque intellectus cognoscere vnum relicto alio, & vnum separare ab alio: ac proinde in eo vtraque erit abstractio, præcisua, & negatiua.

Rursus differunt ratione specierum per quas cognoscunt: species sensibilis repræsentat rem vnam singularem, materialem, cum circumstantijs sensui exteriori: at sensui interiori etiam rem absentem, vestitam tamen conditionibus singularibus per phantasma materiale. Species vero intelligibilis, producta vi intellectus agētis, repræsentat naturam nudam sine circumstantijs, & conditionibus singularibus: quæ natura sic repræsentata, est indifferēs ad multa, & apta esse in multis, & dici de multis; cū per abstractionem præcisuā consideratur, vt separata a singularibus: & ita, nō fit vniuersalis, sed cognoscitur, vt vniuersalis. Nec enim vniuersalia producuntur ab intellectu, sed consequuntur eius cognitionem abstrahentem a singularibus, per quam dicitur facere vniuersalitatem in rebus, idest indifferentiam illā, & communitatem, per quam res sic spectata, potest dici de pluribus.

Natura igitur aliqua hoc modo cognita, vt est obiectiue in intellectu per speciem intelligibilē, est apta prædicari de pluribus; ac proinde dicitur vniuersalis in prædicando. Videt ergo, gratia exempli, oculus Petrum per speciem sensibilem, vt singularem, & præsentem: qui, si recedat, ob introductā sui speciē percipitur a phantasia, vt absens, sed cū suis conditionibus singularibus, & materialibus: postea, per speciē intelligibilem, remotis

cius notis, representatur sola natura humana, in quam intellectus fertur & terminatur; ac proinde, dicitur esse obiectiue in intellectu; & indifferens respectu inferiorum.

Ut ergo sensus percipit rem singularem, & accidentia, relictā substantia & vniuersalitate; ita intellectus percipit nudam naturam ipse singularitate. Quoniam vero vniuersale est quædam natura in qua conueniunt multa, & quā ratione multa conueniant cognosci non potest, nisi per comparisonem & collationem; propterea ad hoc ut vniuersale cognoscatur, opus est aliqua notitia, & cognitione comparatiua.

Primum igitur, opus sensus, intellectus percipit multa singularia diuersarum specierū, ut multos homines, & equos, videtque ea ob varia accidentia esse distincta, vnde illa per comparationē separat inter se; ut singulos canes a singulis hominibus. Postea per eisdem sensus singulares notas subministrantes, cognoscit singulos homines inter se partim differre, partim vero conuenire, ob quasdam proprietates quibus a ceteris animantibus differunt, & inter se conueniunt; ac ita ex singularibus hominibus colligit quandam naturam singulis communem, in eamque solam a singularibus notis seiunctam fertur, & conficit, aut percipit quiddam commune sub quodam esse cōfuso, ac proinde quoddam vniuersale.

Verum, sub hoc conceptu nondum plene percipit, an sit vniuersale, & quidnam sit vniuersale: quod, cum sit quid relatiuum, dicit ordinem ad sua inferiora quæ dicuntur singularia. Vnde opus est cognitione cōparatiua, ad plene cognoscendam vniuersalis naturam. Atque eo modo quo diximus ab indiuiduis abstrahere naturam communem specificam, eodem modo a multis specie-

Speciebus per collectionem abstrahit unam naturam genericam communem multis speciebus; dum eas in quadam communi ratione conuenire cognoscit; ut omnes animalis species in hoc, quod sint substantiæ sentientes; & omnia animalia sentientia, in hoc, quod uiuant. Hunc itaque in modum colligit naturas específicas & genericas; dum fertur in illos gradus communes; quos qui percipit, vniuersalia cognoscit, & habet. Ut autem quæ in hac re tenenda sunt, paucis complectar; nonnulla subiecio dicta.

Primum dictum, vniuersalia fiunt per intellectum, seu vniuersalitas, qua res dicuntur vniuersales, confurgit in rebus opera intellectus. Patet hoc dictum ex superioribus, quia vniuersalia dantur, & nullam aliam habet causam; igitur. Deinde, quia, ut quidam scripserunt, intellectus hanc vim habet, ut possit vnam rem ab vno ordine ad alium transferre, & facere vniuersalitatem in rebus. Et ne existimes hanc vniuersalium confectionem & abstractionem esse quid vanum, ut quidam vanissime existimauit; ideo Aristoteles dixit, Abstrahentium non esse mendacium.

Auenr.

Nizol.

2. Physic.

Secundum dictum, vniuersale fit per primam cognitionem intellectus; ita ut illa natura in confuso considerata, possit dici, & fit vniuersalis antequam comparatur ad singularia. Nam, vniuersale, ut statim dicam, est illud quod est aptum prædicari de pluribus: at natura sic considerata est apta prædicari de pluribus; igitur. Adde etiam, tunc naturam dici vniuersalem, cum adeptæ est vniuersalitatem: sed vniuersalitas confurgit ad hunc naturæ statum, siue ad hanc considerationem: erit igitur vniuersalis.

Tertium dictum, vniuersale non cognoscitur nisi per notitiam comparatiuam ad sua inferiora

Aristot. c.
de relat.

a quibus abstrahitur. Quoniam vniuersale est qd
relatiuū m: quod non cognoscitur, nisi compara-
tum ad suum correlatiuū: atqui inferiora sunt
relata vniuersalis; igitur hoc non cognoscetur,
nisi illa cognoscantur.

Quartum dictum, tunc natura aliqua dicitur
vniuersalis, quando representatur per speciem
intelligibilē, seu cum consideratur sine conditio-
nibus singularibus. Pater hæc doctrina ex dictis.

Quintum dictum, vniuersalitas est quædam
secunda intentio quæ aduenit rei ab extrinseco,
quatenus est obiectiue in intellectu abstracta ab
inferioribus, de quibus potest prædicari.

Verum quod attinet ad progressum & ordinē,
quo fit vniuersale, non est idem dicendi modus.
Nam qui omnes species, tum sensibiles, tū intel-
ligibiles tollunt; ita rem exponūt. Primo sensus
suū percipit obiectum: deinde phantasia imagina-
tur illud: postea intellectus, per coniunctionem
quam habet cum phantasia, intelligit singularia,
vt singularia sunt: postremo cōparat illa inter se,
& abstrahi quandam naturam communem: per
quā abstractionem illa natura denominat̃, & fit
vniuersalis, ab actu intellectus abstrahente: vel,
vt alij volūt, ab alio actu, nimirum ab eo qui cōsi-
derat istam naturam esse participabilē a multis.

At vero qui concedūt species sensibiles, & ne-
gant intelligibiles, hoc pacto fieri dicunt. Primo
sensus percipit suum obiectum per species acce-
ptas ab illo: deinde istæ species produciunt phan-
tasmata in phantasia: postea intellectus conside-
rat naturas singulares representatas per phantas-
mata immediate: a quibus tandē abstrahit vniuer-
salem naturam. At qui illi concedunt etiam spe-
cies intelligibile, a secundo dicendi modo differ-
runt in hoc, quod positis phantasmatibus, intelle-
ctus

Autagens, ex illis elicit species spirituales quas intelligibiles vocant, quæ repræsentant objectū & naturam denudatam a conditionibus singularibus: quæ natura cognoscitur per intellectū possibile, vt participabilis a multis, & ita fit vniuersalis. Ex his q̄ dicta sunt nōnulla colligere licet.

Primum, a parte rei non esse, nisi vnitatem numericam, cum res singulæ sint productæ, ac proinde singulares.

Deinde, vniuersale esse solū in potentia a parte rei, non actu: quia natura singularis, cū sit hæc, non est apta esse in pluribus: neque enim natura specifica per vllas contrahitur differentias, sed seipsa multiplicatur in indiuiduis.

Præterea, vniuersalia non esse voces ipsas, seu conceptus vniuersales, sed veras & reales naturas. Nā, illud est vniuersale, quod prædicatur & attribuitur rebus: at cū dico, Homo est animal, non dico hominem esse vocem, vel conceptum: igitur. Adde etiam quod cum scientia sit vniuersalium, si vniuersalia essent voces, scientia esset de vocibus & conceptibus tantum. Quare, licet conceptus sint vniuersalia formaliter, & voces significantur, siue instrumentaliter, quatenus per eas enunciamus naturas vniuersales; non sunt tamen ipsa vniuersalia.

Rursus sequitur ex dictis, vniuersale quattuor modis considerari posse: Primo, vt dicit naturam ipsam realem secundum se: secundo, vt dicit eādem naturam, vt est prima intentio, & est obiectiue in intellectu: tertio vt dicit illam vniuersalitatem, & indifferentiam, siue secundum intentionem, quæ aduenit rei, vt est in intellectu: quarto, vt dicit naturam simul cum ipsa intentione, & vt est quoddam concretum, sicut album: vt, genus, pro natura generica, & pro relatione ad speciem,

4. Meta. 6.
1.
1. Poster.
tex. 11.

Capr. 3.
1. d. 5. q. 3

D. Tho.
1. p. q. 88.
a. 2. ad 2.
Et 2. de
ani. lect.
12. Opus.
49.

speciem. Natura secundum se, dicitur materia-
le vniuersale; secunda illa intentio, formale.

Quid & quale sit vniuersale

Cap. non XIII.

EX ijs quæ de vniuersalibus hucusque
docuimus, haud difficile erit intel-
ligere quid sit vniuersale: ad cuius
naturam, & proprietates melius ex-
plicandas, illud etiam prænotau-
im, vniuersale ad sui constitutionem quoddam
requirere condiciones, quæ sunt istæ. Prima, vt
sit vnum; & ita excluduntur complexa. Secun-
da, vt sit vnum nomine, & ratione; & ita rei-
ciuntur æquiuoca: analogæ vero, & transcendē-
tia possunt dici vniuersalia, sed non vniuoca. Ter-
tia, vt sit commune multis de quibus diuissim præ-
dicari possit. Postrema, vt, si consideretur, vt præ-
dicabile, directè de suis inferioribus prædicetur.
Quo fit, vt vniuersale dupliciter considerari pos-
sit; primo secundum suam essentiam: deinde se-
cundum hanc proprietatem, quæ est, prædica-
ri. His ita adnotatis, ad ea quæ proposita sunt re-
spondeo his dictis.

Primum dictum, vniuersale, vt dicit secundam
intentionem, seu proprietatem, & rationem for-
malem aduenientem ei per operationem intel-
lectus, eodem modo definitur, vt ens rationis,
vel secunda intentio.

Secundum dictum, vniuersale, vt prædicabile
sic definitur, vniuersale est id quod de pluribus
aptum est prædicari; hoc est, est vna natura sim-
plex, quæ de pluribus vniuoce prædicari potest,
directa; vt homo, animal, prudentia, virtus.

Tertium

1. Poster.
c. 8.

1. Interp.
c. 5.

7. Metap.
c. 13.

Tertium dictū, vniuersale, vt est natura quædam seorsim ab inferioribus considerata, vel secundum essentiam suam, hoc modo describitur, vniuersale est id quod aptum est, vt in pluribus intrinsece, vel extrinsece insit; hoc est, natura realis, quæ, ex se, apta est esse in pluribus; vt natura sensitua, natura rationalis, & color. Inter has duas definitiones illud est discriminis, quod prima datur per proprietatem, & passionem, quæ est prædicari: altera vero quasi per essentiam, huc per causam; causa enim cur aliquid de pluribus prædicari queat est, quia potest esse in pluribus. Cur autem in vtraque definitione dictū sit, Aptum, ea est ratio, quia non est de natura vniuersalis, vt actu prædicetur, aut sit in pluribus; sed hæc, vt dici, & esse possit, saltem per non repugnantiam in pluribus; vt natura phoenixis, solis, & aliarum rerum, quarum vnicum tantum reperitur indiuiduum. Nam, vt Deus potest facere decem mundos, ita & decem soles, qui essent speciei eiusdem.

Quartum dictum, vniuersalis proprietates sunt fere istæ: Prima, esse prædicabile, idest posse attribui multis: secunda, esse separatum a singularibus, non re, sed ratione: tertia, esse intelligibile, & scibile; quarta non generari nec corrumpi, aut existere per se, sed per accidens: quinta, esse totum quoddam, quod potestate cōtinet sua inferiora; quia, vt est in singularibus, est potius pars, quam totum: sexta, quodāmodo esse prius, & quodāmodo posterius singulari: septima, esse vbiq; & semper; singulare contra dicitur esse hic, & nunc.

I. Poster.
C. 24.

Quod autem dicitur de vniuersali, esse vbiq; & semper, non est intelligendum positue, quod solius Dei est, sed negatiue, quia non est in certo loco,

to loco, & tempore circumscriptionum: unde homo
vniuersale sumptus, non intelligitur, vt determi-
natus certo tempore, & loco. Sed hæc vniuersalis
proprietas, melius intelligitur ex ijs quas nunc
subieciam dubitationibus. Patet ergo ex dictis,
quid & quale sit vniuersale.

*Explicantur dubitationes quedam circa na-
turam, & proprietates vniuersalis.*

Cap. XV.



Væ nobis de vniuersalibus dicenda
restant, ea quibusdam dubitationi-
bus perstringemus: quibus quæ su-
pra docuimus, ea dilucidiora fient.

Prima dubitatio, sunt ne vniuer-
salia entia, nec ne? Respondeo, si vniuersalia su-
mantur pro rebus ipsis quibus attribuitur vniuer-
salitas, sunt res; & aliquando substantia; vt viuēs,
corpus; aliquando accidens, vt candor, color, vir-
tus. Quod si Aristoteles aliquando dixit; vniuer-
salia non esse substantias, hoc est non existere,
intellige, non existere per se; quia sunt in singu-
laribus. Si vero sumantur formaliter ratione vni-
uersalitatis, possunt dici non entia, idest non rea-
lia, cum sint entia rationis: & secundum simili-
tudinem entia.

Secunda dubitatio, sunt vniuersalia corpo-
rea, vel incorporea? huic dubitationi respondetur
his dictis.

Primū, si vniuersale abstrahatur a rebus incor-
poreis, puta ab Angelis, qui carent compositio-
ne ex materia & forma, vniuersale erit incor-
poreum.

Secundum, si corpus sumatur pro compositio-

ex materia & forma; vniuersalia abstracta a rebus corporeis sunt corpora.

Tertium, si corpus sumatur pro trina dimensione, vel pro substantia singulari habente hanc trinam dimensionem, vniuersalia non sunt corpus: quia non sunt trina dimensio, vel singularia. Vnde inferres, vniuersalia non esse abstracta ab indiuiduis, nisi per intellectum: ac proinde, vt ex dictis patet, existere in indiuiduis.

Tertia dubitatio, an vniuersalia possint esse sine singularibus? Respondetur, si loquamur de existentia reali, certum est non posse esse sine singularibus: quia, cum vniuersalia sint secundæ substantiæ, vel communia accidentia, impossibile est, vt consistent sine primis: at vero, si loquamur secundum existentiam intentionalem, possunt esse sine illis: siquidem nulla existente rosa, vel homine, intellectus potest concipere hominem communem multis: & ita dicitur habere esse obiectiuum, siue intentionale.

Cap. de
subst.

Quarta dubitatio, sint ne vniuersalia æterna, & incorruptibilia? Huic dubitationi satisfacio his dictis.

Capr. 3. 5.
d. 5. q. 3.
con. 3.

Primum, qui ponunt mundi æternitatem, dicerent esse æterna secundum realem existentiam.

Secundum, ex vera philosophia, vniuersalia ratione existentia non sunt æterna, nisi ratione perpetuitatis quam habent in mente diuina.

Tertium, vniuersalia sunt corruptibilia per accidens; qua etiam ratione dicuntur generari, & corrumpi, vt sunt in singularibus, quæ per se generantur, & corrumpuntur.

Quartum: vniuersalia vocari possunt incorruptibilia negatiue, prout nullum habent corruptionis principium.

Quin-

Ian. 3. Quinta dubitatio, an vniuersalia sint princi-
 Met. q. 9. pia componendi; vt sicuti materia & forma con-
 & 10. & ueniunt ad compositionem, ita etiam vniuersa-
 alij. lia, vt aliqui voluerunt; ex quorum sententia, tot
 sunt principia componētia indiuidui, quot sunt
 eius prædicata essentialia vniuersalia: & ita Pe-
 trus diceretur compositus ex natura humana, a-
 Zimar. in nimalis, & viuentis. Alij vero contra sentiunt,
 annot. in quorum verior est sententia. Dicimus ergo pri-
 q-citat. mum, vniuersalia esse principia cognoscendi na-
 turas singulares; & principia realia ex quibus
 res cognoscuntur. Quia rei cognitio pendet a cō-
 gnitione prædicatorum intrinsecorum: atqui v-
 niuersalia sunt huiusmodi respectu indiuiduo-
 rum: igitur. Dico secundo, vniuersalia non esse
 principia essendi; seu compositionis: quia non
 sunt, nisi per intellectum: igitur non possunt esse
 principia rerum realiter existentium.

D. Tho. Sexta dubitatio, sit ne vniuersale prius, an ve-
 Opus 55. ro posterius singulare? Respondeo; & sit primum
 Aristot. 5. dictum, singulare est prius quam vniuersale tri-
 de sublt. bus modis: primo quoad existentiam, quia est ba-
 sis, & fundamentum vniuersalium: secundo,
 quoad executionem, seu productionem: quia
 natura nō intendit generare vniuersale, nisi per
 singulare: tertio, ratione cognitionis confusæ:
 quia vniuersale, non potest fieri sine præcognitio-
 ne singularium.

Secundum dictum, vniuersale est prius singu-
 lari duobus modis: primo quoad intentionem:
 quia natura non intendit singulare, nisi ob speciei
 conseruationem: secundo, ratione cognitionis
 distincte: quoniam non cognoscitur perfecte sin-
 gulare, nisi prius distincte cognoscat vniuersale.

Septima dubitatio, vtrū sit magis ens, vniuer-
 sale, an particulare.

Primum dictum, vniuersale est magis ens exten-
siue; quia plura continet, quam singulare; vt
homo, quam Petrus.

Secundum dictum, singulare est magis ens quā
particulare intensiue, hoc est, plures habet enti-
tatis gradus. Quia continet totam vniuersalis
entitatem, & perfectionem, & aliquid amplius
igitur: Petrus enim plura continet, quam homo.

Octaua dubitatio, quomodo vniuersalia con-
tineant sua inferiora.

Respondeo, & sit primum dictum, Vniuersale Porphyr.
aliquo modo continet sua inferiora. Ratio, quia
est quoddam totum: at totum debet in se habere
aliquo modo partes: igitur.

Secundum dictum, vniuersale non continet
sua inferiora actu. Quia alias sequeretur duas
species, & differentias contrarias esse actu in ge-
nere, quod est impossibile: neque enim animal
potest esse rationale, & irrationale actu.

Tertium dictum, vniuersale non continet sua
inferiora tantum in potentia. Quia quod conti-
net aliquid solum in potentia, non potest dictio-
tum respectu illius; cū nihil eius in se contineat,
quo modo aer tenebrosus dicitur continere lu-
cem, cuius tamen nihil in se habet, sed solum eā
recipere potest: at vniuersale est quoddam totū
respectu suorum inferiorum: igitur aliquid eo-
rum in se habere debet.

Quartum dictum, vniuersale continet pote-
state, vel actu confuso sua inferiora. Continere
potestate aliquid, est habere in se entitatē illius;
sed modo indistincto: sicut in quantitate conti-
nua continentur partes potestate, quarum quan-
titas, sine entitas est in toto, cum tamen partes
non sint actu distinctæ.

Et vt hanc totam de vniuersalibus tractatio-
nem

hem concludam, quæ nam sint vniuersalis caus-
sæ, ex dictis eas colligendo breuiter ob oculos
ponam.

Causa materialis remota, sunt res ipsæ: proxi-
ma sunt eadem, vt sunt obiectiue in intellectu,
seu materia sunt phantasmata rerum singulariũ
ex quibus abstrahitur vniuersale.

Efficiens est intellectus agens, qui non facit
rem ipsam, sed vniuersalitatem, vel speciem in-
telligibilem, quæ postea repræsentat rem ab om-
nibus proprietatibus singularibus anulsam. Indi-
recte igitur res dicuntur fieri vniuersales, non
quod aliquid eis addatur, aut de eis detrahatur,
sed quia vniuersaliter repræsentantur & concip-
iuntur. Forma est illa vniuersalitas, seu secun-
da intentio, quæ aduenit rei vniuersaliter repræ-
sentatæ. Finis denique est, vt intellectus suum ha-
beat obiectum, & rerum scientiam, quæ non ha-
betur nisi vniuersalium.

1. Poster.
c. 42.

*Explicantur nonnullæ dubitationes, circa
quæ dicta sunt de vniuersalibus.*

Cap. XV I.



T adhuc planius, quæ de vniuersali-
bus summam dixi, Tyrones perci-
pere, ac etiam melius tueri quænt;
antequam huic disputationi finem
facio, quasdam dubitationes aduer-
sus ea quæ dicta sunt afferam, ac dissoluam.

Prima dubitatio, quid sint idæ Platonis de quibus facta est mentio, & cur eas posuerit? Respon-
deo, non me fugit quam late hæc re disputari
possit, & aliquando disputauerim: nunc tamen
breuiter ad propositam dubitationem responde-
bo,

bo, cuius rudi notitia, antequā veniatur ad Metaphysicam cuius est rem hanc diligenter explanare, est omnino ad multa Aristotelis loca intelligenda necessaria. Plato igitur, si Aristoteli credimus, nomine ideę intellexit quasdam species, formasque ipsarum naturarū, ab ipsis rebus abstractas vniuersales, & incorruptibiles; quarum participatione res singulares in hac, vel illa specie constituntur. Vnde ideam hominis appellabat per se hominem, & socratem, hominem per participationem illius ideę; sicuti sol dicitur per se lucidus, & quę ab eo lucem capiunt, lucida per participationem. Quare, istę ideę, veluti exemplaria quędam, se rebus singulis communicant, suamque naturam, & formam illis imprimunt; sicuti sigillum cerę. Posuit autem Plato ideas ob has potissimum causas: vt doceret quibus de rebus habeatur scientia, cum non sit singulare, & corruptibile: vt doceret, quomodo omnia generantur a suo simili: quia omne quod est tale per participationem reuocari debet ad aliquid perfectum: & denique, quia vt intellectiōi particulari respondet res particularis; ita vniuersali notioni, res vniuersalis respondere debet. Et si hoc voluit Plato, eius sententiā est omnino falsa, quia illę ideę, si sunt productę, sunt singulares: & cum sint extra res ipsas, non possunt esse rerum formę, & res in tali natura constituere: & vt sunt tales per participationem, reuocantur ad primū rerum omnium efficiens, nimirum ad Deum; in quo, vt Theologi docent, rerum ponuntur ideę, exemplaria nimirum in mente diuina, ad quarum similitudinem omnia creauit; idque, vt alii qui volunt, affirmavit Plato. Sed de his accuratius alibi.

1. Poster.
2. Physic.

Li. I. Eth.

In Parmen.
Tim.

Sen.
Aug. lib. 83. qq.

Secunda dubitatio, diximus vniuersalia fieri,

T &

& abstrahi per intellectū, quod videtur falsum : Quia intellectus non facit res, neque aliquid abstrahit a naturi singularibus, sed eas relinquit, vt sunt. Respondeo, intellectum non facere res ipsas, quia intelligendo nihil producit præter suā operationem; sed facit vniuersalitatē in rebus, hoc est indifferentiam illam, quæ aduenit rei, vt solitarie cognoscitur, prætermittis notis singularibus: quas dum prætermittit, dicitur, abstrahere res vniuersales a singularibus, quæ non est abstractio quædam realis, sed vnius cognitio, prætermisso alio; vt cum oculus in pomo percipit colorem prætermisso sapore.

Lib. I.
Phyfic.

Tertia dubitatio, vniuersale est obiectum intellectus: obiectum autem debet præcedere actū potentia, quæ circa illud versatur; sicuti spectabile præcedit actum spectandi: ergo vniuersalia præcedunt operationem intellectus: atque proinde erunt in re. Respondeo, argumentum hoc solum probat vniuersale debere præcedere actū intellectus possibilis, quo cognoscitur vniuersale, non autem actum intellectus agentis, quo producantur species quæ rem vniuersalem repræsentant. Vel dicas, præcedere obiectum quantum ad rem, non autem quantum ad modum, hoc est præcedit natura quæ dicitur vniuersalis, sed non præcedit vniuersalitas, & indifferentia, quæ ei per intellectum aduenit. Est itaque fallacia in argumento a re ad modum.

Quarta dubitatio, vt res se habet in esse, ita in cognitione: atqui in esse res sunt singulares: igitur cognoscuntur vt singulares; alias si non cognoscerentur, vt sunt, male cognoscerentur. Respondeo, in hoc etiam argumento contineri fallaciam eiusdem generis cum superiore. Nam, si illud, Vt sunt, dicit rei naturam, rationemq; concedimus

cedimus res cognosci debere vt sunt; puta, homo vt rationalis, non sub alia ratione. Si vero dicit rei modum quo intelliguntur, negamus debere cognosci, vt sunt, id est, vt singulares.

Quincta dubitatio, Petrus & Paulus ante omnem intellectionem magis conueniunt, quam homo & animal, & duo parietes similes in albedine: igitur dabitur a parte rei natura communis in qua conueniant. Respondeo, in re ante intellectus operationem nulla est vnitas præter numericam; cum quæcunque natura producta sit singularis: in qua, vt in fundamento, est vnitas specifica; in qua, accedente intellectu, duarum naturarum cernitur conuenientia: Quare sine operatione intellectus nõ datur vnitas specifica in rebus a numerica distincta. Sed de his, & de tota vniuersalium tractatione Metaphysici disputet subtilius: nos quæ ad intelligentiam Logicæ & reliquarum scientiarum, donec ad Metaphysicā peruenitur, cognitu sunt magis necessaria, attulisse arbitramur.

De scientiarum artiumque diuisione.

Cap. XV II.



Logicæ omnium scientiarum instrumento operam dare volenti, rudis quædam scientiarum notitia multis de causis est utilis, vel potius necessaria; & ea præsertim, quod sæpillime in rebus Logicis exponendis, aliarum scientiarum fit mentio, ab alijs scientijs exempla petuntur, & earum officia, discriminaque tanquam nota supponuntur: Quare, vtile fore existimaui, si quandam rudem scientiarum diuisionem, expli-

cationemque Tyronibus cognoscendam ob oculos in hac Isagoge proponerem.

Scientiarum igitur diuisionem allaturus, nomine scientiæ hoc loco intelligo cognitionem certam, & indubitatam alicuius rei; quæcunque illa sit, hoc est, de genere aliquo entis, pro cuius varia consideratione, variæ oriuntur scientiæ, quæ secantur ut res ipsæ.

Lib. 3. de
ani.

Prima diuisionis, scientia duplex est, vna speculatiua, cuius finis est veritatis cognitio, quæ in sola cogitatione consistit: altera practica, cuius finis est actio & operatio.

Li. 6. Eth.
c. 4.
1. Metap.
c. 2.

Speculatiua, rursus duplex, altera quæ versatur circa entia rationis, traditque instrumenta & methodum ad acquirendas alias scientias, & hæc est ipsa Logica; quæ scientia rationalis nominatur: altera, quæ res ipsas docet, quæ realis nuncupatur: illa est vna, hæc vero multiplex, Realis rursus in tres diuiditur partes; in Physicā, Mathematicam & Metaphysicam.

6. Metap.
t. 2.
1. Metap.
c. 1.
2. Physic.
tex. 4.
Libr. 1.
Cæl. c. 1.

Physica, siue physiologia, & naturalium rerum scientia, est illa quæ versatur in rebus sensibus, & mutationi subiectis, in quibus est principium motus, & quietis, ut sunt cælestes orbes, quattuor elementa, & quæ ex his cõponuntur omnia corpora mista; Quo fit, ut eius subiecta materia, siue obiectum, sit corpus naturale, siue mobile; cuius principia, & passionum tum vniuersæ, tum priuatim considerat, dum de cælo, de elementis, de mistis animis carentibus, de plantis, & de animalibus agit.

Mathematica, quæ scientia propositam habet quantitatem secundum varias affectiones; est itaque eius obiectum quantitas secundum se considerata, non ut est in rebus, sed ut imaginatione percipitur, & a motu abstrahit; quæ in varias di-
uiditur

uiditur partes. Mathematicarum ergo scientiarum, alia dicitur Geometria, quæ considerat quantitatem continuam, species nimirum, & affectiones accidentarias dictæ quantitatis, ut lineas, figurasque corporum; alia Arithmetica quæ considerat quantitatem discretam, hoc est numerum, numerorumque affectiones. Atque hæ dicuntur pure mathematicæ, quia considerant quantitatem abstrahendo ab omni motu, & sensu. Sunt præterea aliæ quasi intermediæ inter pure Physicas, & Mathematicas, quæ tamen partes Mathematicæ censentur, Perspectiva, & Musica. Perspectiva continetur sub Geometria, Musica sub Arithmetica: illa considerat lineas, figuras, corporaque, & quantitatem continuam, ut cadit sub sensum videndi, & eas quantitatis affectiones, quæ ei adveniunt, ut sub aspectum cadit. Musica vero, considerat numerum, ut cadit sub sensum auditus, proportionem nimirum sonorum, & numerum harmonicum. Rursus ad scientias Mathematicas referantur Astrologia, & Astronomia: illa motus, conuersiones, aspectusque cælorum, & syderum speculatur: hæc vero ex cælorum, & syderum vi, aspectu ve rerum futurarum iudicia facit, sed incerta, & cum ad actus humanos descendit vanissima, & homine prudēti indigna, ac proinde reijcienda: quam etiam M. Tullius vir acerrimi iudicii paruifaciendam putauit.

Metaphysica, latine, supernaturalis, est scientia vniuersalissima, quæ considerat omnia entia, ut entia sunt, naturas nimirum rerum communes, communesque proprietates, & communissima scientiarum principia; ac proinde pro obiecto habet ens, ut ens. Priuatim vero considerat, decem rerum genera, intelligentias, Deumque, siue diuinum; ac proinde scientia diuina, & prima philosophia

2. Physicæ.
t. 19.

1. Physicæ.
t. 29.

Lib. 2. de
diu.

6. Met.

1. Met. 6, 3.

Sophia vocari solet. Sed de sciētia speculatiua ha-
ctenus; nunc practicam subdiuidamus.

Scientia practica duplex est; altera actiua quæ
versatur in humanis actionibus dirigendis, pro
ut sunt honestatis, vel turpitudinis capaces, & ad
felicitatem obtinendam referuntur; altera facti-
ua quæ dirigit operationes artium, & proprie ars
nominatur, quæ est recta rerū faciendarū ratio.

Scientia actiua in tres subdiuiditur partes, in
Ethicam, siue moralem, in æconomicam, & in
politicam. Ethica est scientia quæ singulorū mo-
res tractat, cuius obiectum est virtus: æconomi-
ca est scientia quæ familiæ recte gubernandæ ra-
tionem tradit, cuius subiecta materia est domus,
siue familia Politica est scientia, quæ gubernan-
dæ resp. doctrinam explicat; cuius subiecta ma-
teria est ciuitas.

Practica effectiua, siue Ars subdiuiditur in eas
quæ humanum sermonem perficiunt, & in ser-
mone versantur; ut sunt Grammatica, Rhetori-
ca, Poetica, & Dialectica: & in eas, quæ alias per-
ficiunt operationes humanas; ut pictura, sculptū-
ra, textoria, & harum similes. Grammatica do-
cet sermonem congruum, Rhetorica & Poetica
ornatum, sed illa aptum ad persuadendum, hæc
ad delectandum potissimū, Dialectica sermonem
verū, methodum nimirum recte differendi, cum
in differendo versetur, vnde & nomen accepit.

Rursus ars communiter sumpta diuiditur in
artes liberales, & in mechanicas: Liberales illæ
dicuntur, quæ sunt libero & ingenuo homine di-
gnæ; dignæ quæ cognoscantur, etiam si inde ni-
hil lucri accedat; quæ sua natura ingenium ani-
mum exornare valent: Mechanicæ illæ censentur,
quæ a sordidis & popularibus hominibus di-
scuntur, & lucri, utilitatisque gratia exercentur.

Atque

Lib. 6.
Eth.

x. Polit.

Cic. lib. 1.
de leg.

Atque hæc ruditer de artium diuisione deque
 rota suscepta in hoc opere materia dixisse volui;
 ac proinde in Dei gloriam sit huic Introductio-
 ni finis; quam qui tenuerit, totam Logicę substan-
 tiam tenebit; per quam qui maiores progressus
 in Logica facere, atque grauiores difficultates p-
 cipere voluerit, ad eas percipiendas erit satis in-
 structus. Quod si Tyrones ex nostris laboribus
 aliquid vtilitatis capient, Deo omnium bonorū
 largitori gratias agant, nostrosque conatus, & iu-
 uandæ iuuentutis studium, ni rem ipsam, pro-
 bent.

Libri Sexti Finis.

Laus Deo Opt. Max. & Beatæ Virgini
 Annuntiata.



[Faint handwritten notes at the bottom of the page]





